

# INQVESTE

T GRIEFZ, SVR LE

SAC ET PIECES, ET DEPO-

sitions des tesmoings produicts par les  
favoriz de la nouvelle Eglise, contre  
le Pape, & autres Prelatz de  
l'Eglise Catholique.

laquelle est donnée briefue resolution,  
ô leurs mesmes tesmoings, aux mesmes  
curés & chapitres qu'ilz ont alleguez.

Par F. Thomas Beauxamis Carme Parisien,  
Docteur en Theologie.

qui s'arrestera contre ton iugement? Sap. 12.


qui s'arrestera contre  
ton iugement Sap. 12

A PARIS,

Guillaume Chaudiere, rue S. Iaques,  
à l'enseigne du Temps, & de  
l'homme Sauvage.

AVEC PRIVILEGE.

1572.



*Sanctus Dominus  
omnia dat Dominus non habet  
ergo an  
sapienza*




10. 5. H. 24



REVERENDO IN CHRISTO  
PATRI ET DOMINO D. PETRO  
de Gondy Episcopo Parisiensi  
Mæcenati suo meritissimo,  
F. T. Beauxamis.

**E**Xuias asinus magni qui fortè leonis  
Repperit, imposuit vellera fulva sibi.  
Tum pellem intuitus, quam nec contundere agaso  
Ausus erat, tumidis ibat & ille iubis  
Et primum dominos magno terrore fugavit  
Cum simul ut fictus, sic leo mutus erat.  
Sed rauco ore rudens sonuit simul atque rugitum  
Quisque asinum ficta nouit in effigie.  
Gnosticus hæc hostis fidei, vanusque sophista  
Nomine mutato vera theatra mouet  
Nam quem nec fidei veneranda scientia mulcet,  
Quem potius Morphei somnia vana trahunt.  
An non stollidulum facile dicemus asellum,  
Optime Mæcenas, dulce decusque meum?  
Dignus ut auriculis asini, qui Pana canentem  
Extulit, & quem non mulsit Apollo cheli  
Verum asinum quantum fortis leo vincit inertem,  
Cogitur indomitis esse iugale minus.  
Tantum inter pugiles quos vera Ecclesia nutrit  
Doctores, & quos Gnostica turba fouet.  
Hi rugiunt instar magni fortisque leonis  
Christi, carniuoras concutiuntque feras.

\*.ij.





Illi ubi se produnt asinos clamore sinistro  
Fustem ad se, baculum, tum iuga dura vocant.  
Ergo ut terrorem incutiant, reuocentq; flagellum,  
Hirsutus fiunt, sed leo pelle tenus.  
Pellis enim est cortex huius quam Ecclesia tractat  
Doctrinae, & vasto fudit ab Aethre Deus.  
Hac est magnorum pellis bene nota leonum,  
Quae Christum, & sp̄sam, quae pia mēbra tegit.  
Hanc pellem assumunt asini, cum scripta piorum  
Obducunt muta carnis in effigie.  
Hos videas, sed pelle tenus, clamare vetustos  
Doctores, vates, dogmata, concilia.  
At statim atque rudent miseri noscuntur aselli,  
Quorum vox alia est, pellis & altera sit.  
Hic liber illorum quem primum ex facie recepi  
Me docuit, mendax quid tegat umbra mali  
Hic primum oblatu me terruit, ut pia patrum  
Nomina mendosis insonuere modis.  
Perlego quid dicant, propius perpendo quid illi  
Scribant, quid fuluis sitque sub exuviis.  
Mox se asinus prodet, mox auriculæq; sonusq;  
stollida quam clamet Bestia despicio.  
Tunc licet & iuuenis tyro, denudare latebras  
Cæpi, asinum & cunctis prodere terribilem.  
Hac tibi, ceu marti clypeos, hastaq; refixit  
Miles, nunc Domino nōne sacrare licet?



# 30 A S C I E N T I F I Q V E

seigneur, Monsieur Gilles Bourdin,  
Procureur general du Roy en la  
court de parlement à Paris. Frere  
Thomas Beauxamis, Religieux de  
l'ordre des Carmes. Salut.



On seigneur, la profession de mō  
estat, le zeile que i'ay à ma pa-  
trie, ensemble le souhait que ie  
doibs a mon prince, m'ont contrainct pour  
ce tēps ruminer & par tous moyens cōside-  
rer l'endroiect, lequel pourroit esmouuoir le  
cœur de ceux qui se sont adressez cōtre no-  
stre Eglise: pour concorde & amitié & re-  
cognoissance d'un seul Dieu, d'une foy,  
d'une Eglise, d'un baptesme, d'une loy, &  
d'un Roy, à ce que nous estās cōformes euf-  
sions esgard à maintenir plustost les fins de  
nostre creance, & foy: qu'à estre par tout  
desbordez en schismes & diuerses doctri-  
nes: Veu q̄ ceste diuisiō nous pourroit cau-  
ser vne desolatiō de royaume, & ruine des  
ames de beaucoup, qui plus par simplicité  
que par malice ont esté seduicts de nostre re-  
ligion. Desquels ie ne puis sinon auec grāde  
tristesse penser le danger & peril: ou pour

Esa. 58.4

2. Thim.

4.4.

Gen. 30.

d.

Ruth. 1.6.

Math. 15

2. Pet. 2.6

Exo. 20.

Bphe. 2.

Ephe. 5.

1. Pet. 2.6

Nöbr. 16

Mat. 12.

Luc 11.

Galat. 5

2. Pet. 2.

Tit. 3.

Hebr. 3.



*Ibidem.*  
*S. Ier. 16*

nouvelletez de doctrines ils ont mis leurs  
ames. Pleust à Dieu que la docilité fust en  
eux, tant bonne & facile, qu'ils n'eussent  
esgard qu'à l'antiquité, non à leurs iuge-  
mens, mais à l'esprit de Dieu, qui tousiours  
a esté directeur de l'Eglise.

*S. Math.*  
*der.*

A quoy remōstrer nous sommes efforcez en  
ceste presente recherche, en laquelle est pro-  
posée l'enqueste & examination de leurs  
mesmes tesmoïgs, aux liures & chapitres,  
alleguez par leurs fauoris, en vn liure que  
ils ont euulgué, dit: Le sac & pieces pour le  
Pape de Rome, ses Cardinaux, & Eues-  
ques, Abbez, Moynes & maistres de la  
Sorbonne. Auquel ie pense faire d'auantage,  
que si ie confirmois d'auantage nostre part:  
Veu qu'ils pourroient repudier autres tes-  
moings. Mais en cest endroit, que pourront  
ils faire cōtre nous, quāt par la depositiō de  
ceux desquels ils se disent estre fauorisez,  
monstrōs apertemēt qu'ils sont conuaincus?  
faut il chercher meilleur argument pour  
monstrer leur malice, qu'introduisant leurs  
mesmes tesmoings parler: nous n'auōs pro-  
duit autre forme de proces, que de leur sac  
& pieces, & de leurs mesmes escritures  
& cottations: comme enqueste de ce qu'ils

*S. Luc.*  
*19. d.*



desiroiēt estre cogneu & manifesté: ou pour  
 le moins q̄ l'esprit de Dieu les contraignoit,  
 pour parler cōtre leur chef, cōme les Vieil-  
 lardz de Susanne: leur fauceté estāt mani-  
 feste, ou à la decheute de leur chaire & tē- Dani. 13.  
 ple, ainsi qu'à Caiphe: ou à la benediction  
 du peuple de Dieu, malgré eux: ainsi qu'à S. 7eā. 12  
 Balaā est aduenu. Car que trouuera on par Nōbr. 24  
 les depositions des S. docteurs, par eux alle-  
 guex, sinon cōfusion de leur part, & esta-  
 blissement de la nostre? De quel proces sera-  
 il par apres expediēt vser contre eux: quād  
 ils seront trouuez condamnez de leurs tes-  
 moīgs propres? Quelle forme de iustificatiō  
 feront ils pour leur endroit? Leur impieté,  
 & adulterine malice, sera-elle pas manife-  
 ste: cōme de ceux qui estoient de la semence  
 de Chanaan: imitateurs de celui qui s'est Dani. 13.  
 moqué de son propre Pere? L'impudēce de Gen. 9.  
 Sedechias sera-elle pas descouuerte: neant-  
 moins qu'il ait heurté de cornes de fer, pour  
 promesse d'asseurance, alors qu'ils se cache-  
 ront de chābre en chābre? Moysē ne sera-il 3. Reg. 22  
 pas vainqueur de Iānes, & Mābres, enne- Exod. 7.  
 mys de verité? Les aduersaires de nostre E- 2. Thē. 3.  
 glise serōt ils point estourdis & auenglez; Act. 13.  
 cherchāt qu'il leur baillera la main: ainsi q̄



l'enchanteur Barieu, qui resistoit à S. Paul?

Nous ne pouuons autremēt esperer, que lespreuue nous enseigne: qu'il y a eu tant de se-

2. Pet. 2. Etes, depuis Symon Magus, lesquelles sont  
passées cōme le vent, & l'eau, qui n'a nul

arrest: tēdant à ce Barathre infernal, ou re  
gorge la cloaque de mensonge, en sorte que

Les here-  
sies n'ont  
point de  
durée. Ces heresies n'ont point de durée. Ce sont nuées agitées de tourbillons, enflées

2. Pet. 2. d'orgueil, tendates à dispersiō. Ce sont flots

S. Iude  
epist. de mer esmouuans & meētans en peril les  
nauires, dissipans les Citez, esbranlans ce

S. Mat. 7 qui a esté basti d'antiquité. Ce sont raua-

1. Cor. 3. ges d'eauē coulās aual des montagnes, pour

Exe. 13. a emporter ce qui ne sera bien plātē & assis

Iud. 15. a sur la pierre ferme Iesus Christ. Ce sont re-

Rom. 16. gnards ayant les queues ardantes, de con-

2. Th. 3. cupiscences & libertē de ce monde: pour

Psal. 10. c brusler ce froment, duquel noz ames sont

Act. 20 soustenuēs & confirmées. Ce sont loups ra-

Math. 7. uissans, venans en vestemens de brebis. Ce

Ibidem. sont les plantes lesquelles le pere celeste n'a

Esai. 33. plātē: & pour ceste cause doiuent estre des-

Apoc. 19 racinees, & iectées au feu. A scauoir que

Les here-  
tiques doi-  
uent estre  
bruslez. Les faux Prophetes doiuent estre mis en la

comme est descrit en l'Apocalypse S. Iean.

Les faux Prophetes doiuent estre mis en la

bruslez



fornaise de feu. Car ce sont souches mortes, pour le bien public & pour leurs demerites.  
 & arbres mauldits: lesquels selon l'arrest  
 de nostre sauueur Iesus christ serõt abbatuz  
 & consommex au feu. Plaise à Dieu que S. Ieñ. 15  
 maintenant soit le printemps, pour veoir Mat. 24.  
 cest esté, & chaleur: & que soit veu tout Deut. 32.  
 grain en sa maturité. Plaise à Dieu qu'aïsi S. Luc. 10  
 aduienne, cōme au malade: lequel lors que Hiere. 17  
 la seignée est faicte se porte mieux: ou s'il S. Math. 5. c.  
 est en danger d'un membre pourry, iceluy  
 estant couppé. sauue le reste du corps: Asca  
 uoir que les maux & troubles de la rebel-  
 lion contre la maiesté diuine & humaine,  
 entreprise par ces nouueaux Euangelistes  
 ayās apporté vn tel desastre q̃ nous voyons:  
 tout le surplus de la Frāce soit en repos & virgile en sa 4. Aeglogue.  
 trāquilité: & que lors que nostre Roy (au-  
 quel Dieu dōne accroissement de Zele & af-  
 fection à la querelle de Dieu, & de son E-  
 glise) sera venu en sa maturité:

Occidat & serpens, & fallax herba veneni

Iob. 7.  
Cant. 2. d

Occidat: Assyrium vulgò nascitur amomum:

& 4. b.

Pacatūmque regat patriis virtutibus orbem.

Esa. ca.

En sorte que pour lors il se puisse esiouir à  
 l'ombre, la chaleur des grandes afflictions  
 estant passée. Cela nous pouuōs aussi bien es-  
 perer, comme nous voyons le mōde estre en

51. e.  
eccles. 8. c



*Les albigeois heretiques vaincu car dieu ne donne la victoire au vassal contre son Prince.*  
 paix, & ne retenir ceste secte, iadis tât repandue des Arriens, Simonians, & pour venir à nostre France des Albigeois: lesquels par les Treschresties ancestres de nostre Roy ont esté detranchez, occis, tuez, & mis en pieces, ayans leué camp contre eux: ainsi q nous tesmoignēt les Histoires. Mais paraenture quelqu'un estime moins, de ce q nous promettons: Voyant qu'ils ont

*Voyla les belles annures & fructs que nous a apporté ce ste nouuel le religio.*  
 pillé les Eglises, pillé les reliques, saisi les villes du Roy: retenu ces receptes, leué les armes contre luy, & promettent retenir, non seulement la France, mais tous pays soubz leur main.

*Math. 7.*  
 La cause donc qui espouuante & rend craintifs beaucoup de personnes, est qu'ils voyent ces nouveaux Euangelistes tant esleuez, multipliez, & enrichis de voleries & saccagements. Mais telles gens doiuent auoir souuenance du malade prochain de la mort: lequel tant plus q son heure approche, pour le tourment qu'il sent se tourne d'une part & d'autre: assemble de ses mains les draps: & semble faire son paquet, comme pour brief partir.

*2 Tim. 3.*  
*1. Tim. 4.*  
*S. Iude. 1. f.*  
*similitude du malade prochain de la mort & de l'estat pres de la nouuelle eglise.*  
 Ces signes d'amasser & ainsi se tourner, signifient il pas le danger & brief decès de



ce malade? Il faut aussi penser au semblable, quand à ceste secte.

Elle a fait ces efforts, & estant trauaillée d'une furie, laquelle ne luy a laissé ny sens ny entendement: tantost c'est tournée contre Dieu, tantost contre les saints, tantost contre les trespassez, esperans la gloire: maintenant contre le Pape, ses Cardinaux &c.

Puis apres contre le Roy, & ses commis: apres toutes ses mines, & tesmoignages de conscience blessée: ils ont amassé, & amassent le liêt auquel il mourröt. Car lors que l'orgueilleux est haut il est deiecté bas par la puissance de Dieu, par ainsi, Quanto tolluntur in altum.

Tunc lapsu grauiore ruent.

Leurs forces seront rendues foiblesse: & leurs doctrines ignorance. Car qui n'entendra par ce petit sommaire ou leur impudence, ou leur malice, ou bien leur asnerie: lors qui les verra condamnez par leurs mesmes tesmoins?

Or ayant extraict & r'assemblé ce mien petit travail, ainsi que ie l'auois presché cest annee auät Karesme en vostre maison des carmes: et soubhaieté pour la recognoissance tant de ceux qui ont esté seduietz, que de

1. Timo. 1

2. Timo. 3

b.

Esai. 1. b.

Hiere. 2. c

Daniel.

11. c.

Apoc. 13

2. Mach.

S. Mat. 16

Esai. 66.

Gen. 4.

Psal. 140

b.

Psal. 56.

b.

2. Thimo.

2.



Psal. 2.

Rom. 13.

Math. 10

ceux qui sont auteurs de ceste seduction  
 entēdissent cōme ils sont deceus par leurs  
 pipeurs ministres : pour luy donner couleur  
 & authorité plus grande, ie le vous dedie:  
 ainsi qu'à celuy entre les mains duquel doi-  
 uēt estre mises les inquisitions & informa-  
 tions des ennemis du repos public, rebelles à  
 la maiesté diuine & humaine: & qui estes  
 de ceux qui vaillammēt, sans craindre les  
 coniurations & mauuaises entreprises de  
 telles gens, nutantē religionē, pietatē, &  
 iustiā releuarūt. Prenez donc Monsei-  
 gneur ces premiers fruiets, en vostre sauue-  
 garde: en esperāce de plus grande fertilité,  
 lors que noz aduersaires aurōt respondū à  
 ceste enqueste: ou bien qu'ils seront condā-  
 nex & faute de produire cōuaincus de mē-  
 songe par leurs tesmoings. Au demeurant  
 Monseigneur, ie supplie q̄ Tribuat Deus  
 tibi secundū cor tuū, & omne consiliū  
 tuū confirmet: & qu'il vous maintienne  
 en sa grace, & vous dresse tousiours à ceste  
 gloire future. Escrit de vostre maison des  
 Carmes de Paris, l'an 1562. ce iour de l'as-  
 sumption de la tresglorieuse vierge, au  
 moys d'Aoust. Par

Psal. 19.

L'vn de voz treshumbles & obeissantz  
 F. Thomas Beauxamis, Carme.



# ADVERTISSEMENT AV

Lecteur, pour bien entendre ceste enqueste  
 & se servir d'icelle.

**A**M y lecteur, comme ainsi soit que la  
 nouvelle Eglise, se parforce du tout à  
 seduire tant de pauvres gens, que nul d'en-  
 tre eux ne plaint sa peine pour composer li-  
 belles & Catechismes ou proces, pour faire  
 entendre & persuader qu'ilz ont la verité: il  
 faut aussi pour nostre dévoir, comme dit S.  
 Iean Chrysostome: que nous leur baillons la  
 main, & que nous leur parlions avec man-  
 suetude: ainsi que S. Paul nous a instrui-  
 ct d'enseigner noz aduersaires en toute dou-  
 ceur: pour chercher si Dieu leur donnera la  
 penitence pour la cognoissance de verité: &  
 qu'ils soient deliurez du lyen du dyable du-  
 quel il sont detenez à la volonté d'iceluy.  
 Nous ne sçaurions pour ce faire leur trou-  
 uer meilleur moyen, que leur mettre deuât  
 les yeux les sentences du nouveau & ancien  
 Testament, Ensemble des sainctz docteurs:  
 desquelz ceux vsent coustumierement, qui  
 veulent faire croire, que l'Eglise nouvelle  
 soit confirmée par toutes bonnes & saintes  
 escritures. Parquoy ce petit traicté te pour-  
 ra donner vne grâde consolation, en ce que  
 la masque des heretiques: & corruption des  
 sentences, tant des sainctz docteurs, que de  
 la Bible te sera fidelement & en brief, par

*S. Iean  
 Chrys. 10.  
 1 homel. 8  
 in cap.  
 Gen. 1.*

*Le certain  
 moyē pour  
 gaigner les  
 heretiques  
 est de les cō-  
 fondre par  
 leurs pro-  
 pres parol-  
 les & tes-  
 moings.*



l'autorité de ceux mesmes dont elles seront extraictes, aux mesmes liures, & s'il est possible aux mesmes chapitres, declairer.

*La methode de de laquelle se i'author pour reffuter le sacre pieces de la nouvelle eglise.*

Car pour ce faire, ayât leu ce que nous alleguoyét noz aduersaires: ie le recherchois au liure & cha. auquel ilz disoiét l'auoir choyssi: & quand ie ne le trouuois en ce chapitre, ie lisois tout le liure: ou bien ne l'ayant trouué, ny en vn ny en deux, ou en to<sup>9</sup> les liures qui estoient d'un mesme tiltre: ie m'aduisois du propos, & en quel lieu l'auteur en pouuoit auoir fait mentiõ: lors ie lisois & relisois tât de passages, qu'à la fin i'ay trouué le lieu, duquel ilz auoiét couppe & taillé leurs productiõs. Lors estât venu au lieu ou gisoit le lieure, au chap. ou failloit rechercher & entédre la sentence: ie repetois le propos auquel elle estoit dictée de l'auteur, puis ie regardois la cõclusion: en sorte que de tous les passages qu'ilz auoiét allegues, i'ay trouué tout autre intention de l'auteur, que noz aduersaires ne colligeoiét. Car tant manifestemét il prouuoit nostre Eglise, & condamnoit la faulse interpretation de l'assemblée nouvelle: que ie ne pouuois autre chose, que remercier Dieu, d'auoir si bien inspiré aux saintz Docteurs de son Eglise: & abhorrer l'impudence de ces sedueteurs, q<sup>z</sup> deguisét ainsi les passages.

*Il faut pour bien examiner les sentences des S. docteurs, & garder le propos & la cõclusion d'icelles.*

Nous auons donc cela monstré, contre vn liure mis des tenebres, en lumiere: auquel ilz ont baillé premierement ce tiltre: Sac &



Pieces, pour le Pape de Romme : puis pour le mieux vendre, & faire penser que se soyēt deux liures, l'ont intitulé : Conference de la verité avec le mensonge. Or d'autant que nous auōs examiné les depositiōs des sainctz Docteurs, qu'ilz auoient choysi pour leur part: il m'a semblé bon d'intituler ce petit liure, Enqueste: & pource qu'ilz sont rembarrez par leurs mesmes tesmoings, i'ay adiousté: & griefz. Quant aux personnes qui sont cy apres introduictes, l'vn Denacol, est celuy qui a composé ce liure de Sac & Pieces, qui se dict estre aueugle nay, mais par Iesus illuminé. Je croy plus tost qu'il estoit de bon vin enluminé, lors qu'il dictoit ces rauanderies, & vieilles pieces: car les sentences qu'il premeet, tant de la Bible, que des saintz Docteurs, sont entierement contre la secte: par lesquelles toutefois il dit estre donnée discretion, de la meilleure Eglise. Cest aueugle est plaisant, de ce qu'il dit qu'il escript ce liure pres de la Mer rouge en Egypte: car il se prend par sa parole, & comme aduiant aux yurongnes, il reuele son secret: ascauoir qu'il est en tenebres, signifiees par Egypte, outre Mer, c'est à dire le baptesme de la vraye Eglise.

*Deux titres d'un mesme liure.*

*Pourquoy ce liure est appellé enqueste & griefz.*

*Quel est l'auteur du sac & pieces.*

*Plaisant son de Denacol qu'il estoit en egypte pres la mer rouge.*

Il se dit aussi auoir grand credit quand il appelle ses gens Apostres de Iesus, & auoir vn mandement signé par iceluy, & sentence interlocutoire donnée en Paradis.



*L'ordre  
qui sera te  
nu en ceste  
enqueste.*

Or donc pour tenir ordre à ce que nous auons entrepris, apres que nous aurons examiné les sentences par lui premises de l'ancien & nouveau Testament, ensemble des saincts peres anciens de l'Eglise : & monstre qu'icelles non seulement fauorisent à nostre part, mais aussi confondent sa secte : Seront ouis les Apostatz heretiques, deposer contre la verité des articles & poincts desquelz tu as cy apres le sommaire & table : & de ce tout sera fait enqueste raisonnable, selon l'intention & paroles des anciens auteurs, par eux produitz en tesmoignage.

A quoy faire i'ay suiui comme forme de dialogue, pour coucher les mesmes paroles cōtenues au Sac & Pieces, & y timbrer & noter toutes leurs propres cottatiōs, sans y charger rien ou adiouster. Quand donc tu liras (amy lecteur) les paroles mises soubz ces titres, Denakol aueugle, ou Apostatz : il te faut penser lire leur liure : & quand tu veras ce nom, l'Auther, sois ententif à noter au dessoubz l'examination des susdictes paroles. En quoy ie te supplie n'auoir esgard à l'elegance du parler : mais à la verité. Adieu.





A L'AVEVGLÉ DENAKOL,

AVTHEVR D'VN LIVRE,

*intitulé, Le Sac, & pieces, contre le*

*Pape de Rome: Reconnoissance de*

*DIEV, & de son Eglise, &*

*heureux salut en IESVS*

CHRIST.



IRE, Monsieur, maître aveugle Denakol (car vous dittes que tel est vostre nom, & ne sçay toutefois quel tiltre d'honneur vous méritez) ie desirerois sçavoir qui vous estes:veu qu'avez escript vn tel liure, qu'à iuste cause, ce vous semble, vous y introduisez les Apostres parler, contre la verité de nostre Eglise. A sçavoir telle est leur maniere de dire comme de vous, & ne proceder par iniures quand il est question de chercher la verité. Car, selon vostre cerueau, ce ne sont iniures & malheureuses impostures, attribuer au Prelat de l'Eglise successeur de saint Pierre, le nom d'Antechrist, l'appeller ennemy de Dieu, le comparer au dæmoniacle Mahom-

A



met : voire se desborder en telle licence de mesdire , que les trois cens cinquante Euesques , qui assisterent au general concile de Nice , soiēt surnommez docteurs de cuisine , pour-ce seulement qu'ils ont autremēt enseigné que les vostres. Icelle est l'impetuosité de l'esprit qui vous agite , telle la fureur de voz dæmons domestiques , qu'elle ne se peut celer , qu'en paroles , escripts , faicts , & façon quelcōque elle ne se manifeste. Ainsi l'arbre se declare en son fruit , & le feu en sa fumée , & les œuures ainsi qu'en vn mirouer representēt l'image interieure de l'homme. C'est merueille que le mensonge ne se puisse celer , que la faulseté ne se puisse si bien masquer & couvrir , qu'on ne la cognoisse , voire par elle mesme. Car en premier lieu , qui est celuy tant despourueu d'entendement qui considerant la description que tu fais de toy-mesme , que tu es Aueugle , que tu demoures en Ægypte pres la mer rouge , ne iuge incontinent du danger qui te suyt , de l'obscurité qui t'enveloppe , & ne te recognoisse hors l'Eglise de Dieu. Tu dis que tu es vn aueugle , demourāt en Ægypte , sçais tu pas que si l'aueugle conduit vn aueugle , ils tombent tous deux en la fosse ? Comment dōc se pourroit-on asseurer en toy , soit pour iuger des couleurs , soit pour adresser en quelque voye ? Mais tu adioustes que Iesus t'a illuminé. Comment donc dis tu que tu



demoures encores en Ægypte? scay tu pas que le nom d'Ægypte represente en l'escrip-  
ture l'obscurité spirituelle, la dureté du  
peuple infidelle, la mutinerie contre Moysé,  
la resistance faicte à la parole, l'empesche-  
mēt dressé au peuple fidelle de faire au vray  
Dieu sacrifice? se tu es encor à la synagogue  
des Ægyptiés, à la cour de Pharaon, ou bien  
se tu suis ceste troupe barbare, furieuse con-  
tre le peuple fidelle, lors qu'elle l'aborde  
pres la mer rouge, ne monstre tu pas euidé-  
mēt quel tu es, & quelles paroles nous pou-  
uons attendre de toy, quelle desolation si  
tu nous peux circonuenir, & quelle perte,  
si tu viens à bout de tes entreprises. A sca-  
uoir figurons nous les Ægyptiens, pour-  
suuans le peuple esleu, au temps de Moysé, &  
que comme tu escripts tu sois en Ægypte a-  
uec eux, tu approches la mer rouge, pour-  
suyuant les Israëlites, que dira on de toy? les  
Ægyptiens ont fait guerre contre Moysé,  
toy cōtre la chaire de Moysé, contre la puis-  
sance donnée à S. Pierre, contre l'Euesque  
seant en ceste autorité: Les Ægyptiens pres  
la mer rouge s'efforcerent attraper ce peu-  
ple eleu pour le massacrer, & faire perdre la  
memoire du vray Dieu, que pretends tu au-  
trement faire, dressant tes algarades contre  
l'Eglise d'iceluy? Les Ægyptiens avec leur  
Pharaon voulurent empescher ce peuple de  
sacrifier aux deserts à son Dieu: ne t'efforce



tu pas aussi tollir & renuerfer le sainct sacrifice & sacrement des Chrestiens? Et que signifie que tu és de la la mer rouge, sinõ que tu és de la le baptême, veu que la mer rouge & la nûe en estoient la figure au peuple de Dieu? C'est donc que ton estat, est comme de celuy qui n'a encor receu le caractère des eleus, & le sacrement de regeneratiõ. Tu nous separes de toy par ceste mer, à scauoir ainsi que ceux qui ne sont baptisez sont escartez des non baptisez, les fidelles des infidelles, & les eleus des reprouuez. Tu mets vn grand chaos entre nous & toy, vne mer en laquelle les eleus ont trouué allegiance & sauuegarde, les obstinez Ægyptiëz entre lesquels tu te comptes, ont rencontré leur subuersion & suffocation. Or pour montrer que non sans cause tu te recognois entre les infidelles, barbares, ennemys de l'Eglise de Dieu, tu as faict vn liure contre la doctrine Apostolique, lequel neantmoins tu escripts auoir assemblé des Apostres, & successeurs d'iceux. Premièrement que ce bel œuure me fut apporté, j'esperois en toy trouuer quelque modestie, mais ayant donné quelque partie de mô temps à la recherche des autheurs par toy alleguez, & cogneu à l'œil que tous les passages estoient corrompus, tronquez, & destournez de leur vray sens, & intention de ceux desquels ils estoient tirez : ie ne peus lors conclure, sinon que



l'impudence des vostres estoit par trop débordée: d'imposer aux anciens docteurs ce à quoy ils ne penserent iamais. Le croy que de vostre mesme glaiue, on vous auroit vaincus si par voz auteurs, aux mesmes liures & chapitres, par vous alleguez, on vous seruoit de tesmoignage, contre vostre doctrine, & establiroit la nostre. Que pourroit estre meilleur, pour approuuer nostre part, & vous condamner, comme impudens: que de l'arrester, nō aux parolles de l'un, ou de l'autre, (car nous ne serons creuz en iugement, pour la suspicion mauuaise, qui peult estre entre nous,) mais à ceux, lesquels non seulement auez approuué, ains excitez pour vostre deffence, à la ruine de nostre Eglise? La raison sera faicte, en sorte qu'il ne sera besoing de confirmation, voz conclusions mises à neant, par ceux desquels les auez inferées.

Or vostre liure estāt venu entre mes mains, & ayant recherché les lieux, & liures par vous nommez, considéré le discord de l'interitiō de voz tesmoings, à la vostre: le vous eusse bien voulu, & osé aduertir en particulier, si ie vous eusse cogneu, à ce qu'eussiez esgard à vostre honeur. Mais puis que ie n'ay ce moyen, i'ay pris la hardiesse, d'euulguer ce mien petit commentaire: à ce qu'iceluy venant en beaucoup de mains, par quelqu'un paraduventure qui vous cognoistra,



vous puisse estre présenté, & communiqué. Auquel soit cogneüe d'auantage vostre simplicité, en ce que non comme iniure, mais comme singuliere attente de plus grãde remonstrance de vostre part, vous receuez par beneuolence ce mien labeur. En quoy ie ne me desfie de vostre tant debonnaire humilité : qui est preste, de quelque part que ce soit, receuoir exhortation: mesmes des petis, & ceux qui autrement seroient mesprisez des orgueilleux. A quoy vous pourra facilement & suffisamment induire le sommaire de ce liure : veu que c'est l'enqueste sur vostre sac, & pieces, & deposition des tesmoins par vous produictz, à la faueur de vostre nouuelle Eglise, contre le Pape, les Cardinaux, Euesques, Abbez, moynes, & maistres de Sorbonne: ou nous auons suyui seulement vostre part, pensant auoir faict beaucoup, de monstrier nostre innocence, & vostre condemnation, par voz mesmes fauoriz. Pource de poinct en poinct i'ay proposé voz effortz, & cottations, mesmes de la marge du liure : & recherché les auteurs, aux lieux ou cottes, ou supportant la mauuaise cottation, aux lieux plus proches & voisins du propos, par vous pretendu. Ce que ie croy que ne prédrez sinon à docilité, & telle affection, que ie desire que vienne entre voz mains ceste petite obseruation.

• Premieremēt maistre auengle, tout hom-



me de bon & sain esprit, a peu trouuer le *Recherche*  
 tiltre de vostre liure trop seuer, & aspre, *sur le til-*  
 mesmes iniurieux : non seulement en ces *tre du li-*  
 noms, sac & pieces, qui vous peuuent taxer *ure de l'a-*  
 comme homme qui sçait ramasser vieilles. *neugle.*  
 iniures, & les ordonner en forme de procez,  
 qui n'est louange à celuy qui se desire mon-  
 strer vray euangeliste, veu que l'Euangile  
 n'est emparé de reproches vindicatives, ou  
 animaduersions griefues : ains du tout est  
 conduict en esprit de douceur, specialement  
 alors qu'il fault remonstrer par raison. Mais  
 d'auantage estes veu desborder, en ce que  
 cōdamnez le Pape de Rome, ses cardinaux,  
 abbez, moynes, & maistres de la Sorbonne,  
 comme ennemis de Iesus Christ. En quoy  
 ne vous pouuez excuser de malice, veu que  
 tant de Papes, depuis saint Pierre ont mō-  
 stré l'electiō de ce siege, par le martyre qu'ils  
 ont enduré pour Iesus Christ, comme il est  
 manifesté par les histoires & cōciles. Et que  
 si grand nombre d'Abbez & moynes, ont  
 vescu sainctement, que toute l'ancienneté  
 des docteurs de l'Eglise resent de ces estats,  
 comme bonnes vocations pour le salut. Je  
 ne veuil examiner vostre Epistre, veu que ie  
 ne cognoy les personnes, desquels appelez,  
 l'un Agbarus, l'autre Gamaliel, l'autre Iai-  
 rus, faisant conuenir, ie n'entendz com-  
 ment, les noms aux personnes. Pour ne vous  
 attedier, & sembler retenir par trop longs



preambules: Je vous proposeray en ordre, ce que i'ay pensé au principal.

Premierement auant que de determiner quelque chose, contre nous, vous premettez quelques sentences, tant du nouueau, & ancien testament, que des saincts docteurs, pour la discretion de la meilleure Eglise, ainsi que dict l'un & l'autre tiltre.

Le premier est.

*Denakol Aueugle.*

Sentences extraictes de l'escripture sainte lesquelles fault bien noter, pour iuger iustement à la cause des deux parties.

*L'aucteur.*

**N**ous ne refusons ce iugement, ains sommes ioyeux, de ce que par saintes escriptures voulez proceder à la cognoissance des deux parts. Car ainsi que par l'art de medecine, & preceptes d'icelle, on discerne les medicamens salubres aux corps malades: & tout professeur examine son deuoir par l'ordonnance ancienne de sa profession, receüe & maintenue long temps: il fault au semblable cognoistre, ce qui est de la foy, & de l'Eglise, par les saintes escriptures, veu qu'icelles sont pour ce la pierre de touche, & l'espreuue de la verité. Ainsi asçauoir disoit nostre sauueur Iesus Christ aux Iuifz,

*S. Iean 5.*

Recherchez les escriptures, esquelles vous pensez auoir la vie eternelle. Et luy mesme monstre que la vie eternelle, est, qu'ils te co-



gnoissent ( ô Pere celeste ) estre seul vray *5. Iuā 17*  
 Dieu , & celuy q̄ tu as enuoyé Iesus Christ.  
 Puis doncques que ceste cognoissance est  
 baillée par les escriptures:entendons ce que  
 d'icelles auez extraict, pour la cognoissance  
 de la meilleure Eglise.

*Premiere sentence que propose Denakol.*

Qui me desprise, & ne reçoit ma parolle, il *Iean 12.*  
 y a qui le iuge. Ma parolle, laquelle i'ay par-  
 lé, le iugera au dernier iour.

*L'Auteur.*

**P**AR ceste sentence, Iesus Christ condam-  
 ne seulement ceux, qui mesprisent sa pa-  
 role. Quelle est la parole de Iesus Christ? *Le som-*  
 Est-ce pas ce que de sa doctrine, & predica- *maire de*  
 tion, nous ont escript les Euangelistes? qu'il *la parole*  
 a premierement annoncé la penitence, és *de Iesus.*  
 parties de Galilée: le Baptême à Nichode-  
 me prince de la loy: Ieufnes, & le moyen d'i- *Iean 3.*  
 ceux, à la montaigne: les bônes œures sou- *Matt. 6.*  
 uentefois: abandonner son pere, mere, seurs,  
 freres, femme, enfans, à ce scribe, qui de luy  
 s'informoit, que luy estoit necessaire, pour  
 paruenir à la vie eternelle: La vertu & pre- *Iean 6.*  
 sence de son precieux corps, & sang, soubz  
 l'espece de pain, & de vin, preschée publi-  
 quement en Capharnaum: & puis apres en  
 sa Cene l'exhibition d'iceluy. Que pareille  
 puissance de faire, comme immediatement *1. Cor. 11.*  
 il auoit fait, à sçauoir de consacrer le pain  
 au corps, & le vin à son sang, fut donnée à



*Jean 20.* ses Apostres : qu'il a baillé la charge de son troupeau, apres sa resurrection, à saint Pierre, ainsi qu'il luy auoit promis, auant sa mort,  
*Matt. 16* estât aux parties de Cesarée Philippe. Qu'il a baillé le saint esprit à ses apostres, & la puissance, que tout ce qu'ils lieroient en la  
*Matt. 18* terre, seroit lyé au ciel, & ce qu'ils deslieroient  
*Jean 20.* en la terre, seroit deslié au ciel. Qu'il leur commande de Baptizer au nom du Pere, & du Filz, & du saint Esprit : Enseignans garder tout ce qu'il leur auoit commandé. Voyla en partie ce que les euangelistes nous expriment de la parole de nostre seigneur Iesus Christ. Or maintenât qu'il soit prouué, que nous le mesprisons, ou ne croyons à ses parolles. Qui est la partie, qui obserue mieux la penitence, & plus estroictement commande icelle estre obseruée? Pour le moins en sommes nous zelateurs, iusques la, que disons, icelle estre la secóde table apres le naufrage. Et pour à icelle nous mieux disposer, à l'exemple de Iesus Christ (qui est bien loing de le mespriser) de toute obseruation, mesmes des apostres, nous ieusnons, & faisons abstinence. Neantmoins que ceux qui sont des sectes nouuelles, ne veuillent maintenir, ains plus tost esteindre les ieusnes : comme vous efforcez le monstres cy apres. Mesmes contre la foy de nostre Eglise, & l'expresse parolle de Iesus Christ, voulez aneantir le siege de saint Pierre : niez la verité du pre-



cieux corps de Iesus Christ soubz l'espece de pain, & de son sang soubz l'espece de vin: mesmes que la puissance de consacrer, soit commise aux successeurs des Apostres: que ce soit chose bonne, & sainte se retirer du monde & de ses parentz, pour suyure Iesus Christ en pauureté & chasteté, d'où est la probation du celibat, lequel voulez entiere-  
mēt euertir. Mesmes n'espargnez ceste tant manifeste parole de la puissance de lier, & deslier, baillée aux apostres, d'où est facilement inferée la confession auriculaire. Contre lesquelz articles, par nous maintenus, estes entierement desbordez. Dont s'ensuit que l'Eglise par vous fauorisée, à ce qu'elle mesprise les susdictes paroles de Iesus Christ, sera d'icelle iugée au dernier iour, comme peruerse.

*Denakol Auengle.*

Iaçoit que nous ou vn ange du ciel vous Euangelize autre chose que nous ne vous auons Euangelizé, qu'il soit maudict. *Gal. i.*

*L'aucteur.*

Ceste sentence doit estre recherchée, par mesme moyen que la premiere: A sçauoir que c'est qu'a Euangelisé saint Paul, ainsi qu'auons monstre, quelle est la parole de Iesus Christ. Ce que spécialement, & en plus grande recommandation, saint Paul a *1. Cor. 10*  
Euangelisé, est le sacremēt du corps, & sang du sauueur, & la consecration d'iceluy: la-



quelle neantmoins ( comme auons dict) ne croyez entierement, comme sera monstré par apres. D'iceluy est fort recommandée la louange dudit sacrement, la puissance conferée aux apostres, les ieusnes, l'abstinence de chair, le sacerdoce, & prebstrise, l'imposition des mains, l'excommunication, lesquels articles vous impugnez contre nous, dont se peult ensuiure qu'estes maudictz, selon la sentence premise.

1. Cor. 8.

2. Cor. 6.

1. Tim. 4.

E 2.

Thes 1.

2. Cor. 5.

Denakol Aueugle.

1. Cor. 2.

En mansuetude & douceur, receuez la parole de Dieu, laquelle est puissante de sauuer voz ames.

L'aucteur.

Iean 7.

1. Cor. 13

61. 100.

Nous auons aux deux precedents articles monstré, que ne mesprisons, ains ardemment receuons la parole de Iesus Christ, qui est la parole de Dieu, selon qu'il dict en saint Iean 7. Ma doctrine n'est pas mienne, mais de celuy qui m'a enuoyé. Ensemble nous embrassons en toute humilité, la parole de saint Paul, qui est la parole de Dieu, ainsi qu'il dict, Recherchez vous espreuue de celuy, qui parle en moy Iesus Christ: Nous croyons ensemble que l'observation d'icelle parole, est le moyen necessaire de nostre salut. Au contraire vous estes diuisez de ceste parole expresse, cōme auons prouué par cy denant, dont il s'ensuit qu'estes condamnez par ceste sentence.



*Denakol Aueugle.*

N'estriue point par paroles, car ce n'est rien proufitable, sinon pour la subuersiō des auditeurs: Euite aussi les prophanes & vaines paroles. Pareillement les folles questiōs sans discipline, cognoissant qu'elles engendrent noises. 2. Tim. 2

*L'aucteur.*

**I**L me semble que n'avez maintenant souuenance de ceste belle Genealogie par vous forgée, par laquelle r'apportez la reuelation de l'Antechrist à vostre verité: consideré que dictes icelle estre engendrée non seulement du Diable, mais aussi de confusion: de sorte que cōfusion ayt engendré travail d'esprit, & travail d'esprit ayt engendré disputation: & disputation a engendré vostre verité. Il est manifeste qu'impugnez maintenant ceste vostre verité & Eglise, laquelle, veu qu'elle est née de confusion & travail d'esprit: il est manifeste en ce que par ceste sentence ceux qui estriuent par paroles, sont condamnés, que vostre Eglise & verité est mesme condamnée, comme mensongere. Contra-  
 Vous voyez assez vostre contradiction & diction a-  
 condamnation de vostre propre sentence. perte de co-  
 D'auantage ie ne refuse à ce vostre tesmoi- lien, avec  
 gnage: ains veux qu'en ce me soyez pour iu- la genera-  
 ges. A sçauoir, en quel tēps on a plus disputé tion des a-  
 & estriué par paroles, & vaines questions postatz an  
 de nostre foy, iusques à ce que mesmes gens tehrizē  
par eux  
faulse.



**1. Cor. 14.** illiterez, & mechaniques, ensemble femmes, contre la prohibition de sainct Paul, ont vsurpé toute liberté, d'agiter tous poïcts de nostre religion, en l'Eglise, és maisons priuées, aux repas, & temps indiscret: sinon depuis que vostre secte s'est monstrée. Il est assez notoire, par ce qu'auiez introduict ses estrifs de paroles & disputes, qu'estes cōdamnez par la susdicte sentence.

*Denakol Auengle.*

**Dent. 4.** Vous n'adiousteriez rien à la parole que ie vous dy, & n'osterez rien d'icelle.

*L'aucteur.*

**Glos. ord.** **I**L nous faut sçauoir que c'est que d'adiouster, & diminuer de la parole. Sur ce la glose ordinaire est telle. *Docet normam equitatis, & omnem hæresim percutit: vetat enim rectæ doctrine aliquid prauæ intentionis addere, vel aliquid veritatis subtrahere.* Il enseigne la reigle d'equite, & frappe toute heresie: car il defend d'adiouster à la bonne doctrine quelque chose de mauuaise intention, ou subtraire quelque chose de la verité. Sur ce lieu mesmes Nicolas de lyra commentateur dict. *Considerandum hic, quod prohibetur additio deprauans intellectum, non declarans, aut illucidans, secundum quod scribitur Ecclesiastici 24. Qui elucidant me, vitam æternam habebunt.* Il faut icy considerer, que l'addition deprauante l'intelligence est deffendue: non celle qui la declare, ou esclarcit, ainsi qu'il est escript, en

**Nicol. de lyra.**

**Ecl. 24.**



l'Ecclesiastique 24. Ceux qui m'esclarcissent, auront la vie eternelle. Il n'est donc si estroictement prohibé d'adiouster à la parole, qu'il ne soit loisible pour plus entiere intelligence d'icelle, ou reuerence, annexer ce qui y sera conforme. Car autrement faudroit tollir les interpretations, lesquelles neantmoins sont speciaux dons de Dieu. Et s'il ne falloit recevoir que ce qui est d'expresse parole, on disputeroit du nom de Trinité: que le Baptême n'est sacremēt, veu que ces propres dictions ne sont trouuées à l'ancien ou nouveau testament. Vous sçavez toutefois qu'il faut croire en la trinité, que le Baptême est sacrement: parquoy ne faut estraindre de si pres l'escripture, qu'on n'y puisse adiouster: moyennant que ce ne soit aliene de la parole de Dieu. Je voudroy bien qu'il vous pleust monstrier ce qui est de nostre Eglise, estre addition contreuenante à l'expresse parole, pour vous respondre plus abondamment. En ce vostre liure serons contents refuter seulement ce que reprochez de nous en estre difforme. Ce que quand nous aurons fait, il sera facile à colliger, que nostre Eglise ne sera offensée par ceste sentence.

*Denakol Aueugle.*

Vous ne ferez point la les choses, qu'aujourd'huy nous faisons icy, vn chacū ce que bon luy semble; fay seulement au seigneur



*Deut. 12* ce que ie te commande, & n'y adiousté rien,  
& n'y diminué rien.

*L'auteur.*

**I'**Estime que voulez que soit examiné ce  
commandement de Dieu, auquel il n'e-  
stoit loysible d'adiouster, ou diminuer: à  
ce qu'estant cogneu, nous discernions qui  
est l'vne des partz y contreuenant, pour e-  
stre deiectée.

*Deut. 12*  
*Responſe*  
*par la mes-*  
*me chapi-*  
*tre.*

Le commandement estoit pour quelques  
lieux speciaux de prier, & sacrifier. Car en  
ce lieu parle nostre Dieu du peuple, qui de-  
uoit demourer oultre le fleuve de Iourdain,  
en la terre qui estoit promise à leurs peres.  
Dont il dict, Non ainsi qu'auiourd'huy,  
qu'estes encores aux desertz, & sacrifiez li-  
brement en tous lieux, mesmes hors du Ta-  
bernacle, ne ferez par cy apres, vn chacun  
ce que bon luy semble. Et immediatement  
apres: Car iusques à ce temps present, n'e-  
stes venuz en repos, & possession: laquelle  
le seigneur vostre Dieu vous doit donner.  
Voyla doncques le commandement de ne  
sacrifier en tous lieux indifferemment: le-  
quel puis que prenez, il s'ensuit que celle E-  
glise, qui n'ye qu'il y ait lieux speciaux, pour  
prier Dieu, & dict que tous indifferem-  
ment à ce sont egallement aptes, est celle  
qui diminue de la parole de Dieu, & par  
ainsi doit estre reprouvée. Qui fera celuy  
tant auéglé, qui ne vous iuge par ceste  
sentence



sentence condamné, veu que mesprifez les Eglises, & temples dediez, pour prier Dieu, & ouyr sa parole?

*Denakol Aueugle.*

Le Prophete depraué par arrogance, qui aura voulu parler en mon nom, les choses que ie ne luy ay commandé de dire, ou au *Dent. 18.* nom des autres dieux, il sera mis à mort.

*L'aucteur.*

Ces Prophetes sont dictz arrogantz, qui estans en leur doctrine difformez à l'escripture, se disent toutesfois auoir l'esprit de Dieu, duquel ils se glorifient. Quand doncques il sera monstre, que vous reiectez contre le liberal arbitre, lequel est tant manifeste par l'escripture: le sacremēt du corps de nostre sauueur Iesus Christ, contre l'expresse parole d'iceluy, & autres poincts tant certains, vsurpans neantmoins pour couleur de voz impostures le nom mesme de Iesus Christ: qui pourra nyer que vostre part ne soit deprauée? car ce ne peult estre exempt de grande presumption, qu'en ce vostre liure vous faictes les Apostres parler contre le Pape: neantmoins que les conclusions ne soient des apostres, mais de vostre malicieuse collection, comme sera liquidé par apres. Quel orgueil, quelle impudence de ce attribuer aux apostres de Iesus Christ, qui est contre Iesus Christ? Il semble que cōtre vostre assemblée ayez voulu proferer vostre



sentence : & qu'ayez esté auuglez en vostre entendement. Car mieux pour nous, & contre vous ne sçauriez alleguer.

*Denakol Auugle.*

*Exe. 10.* Ne veuillez cheminer aux cōmandemens de voz peres, ne gardez point leurs iugemens, cheminez en mes commādemens, & gardez mes iugemens.

*L'aucteur.*

*Psa. 77.* **C**E on doit entendre seulement des commandemēs des peres, difformes aux cōmandemēs de Dieu. Car comme dit Dauid. *Quanta mandauit deus patribus nostris, nota facere ea filiis suis; vt cognoscat generatio altera?* Combiē de choses a cōmandé nostre Dieu à noz peres, faire icelles cognoistre à leurs enfans, à ce que l'autre generation les peust remarquer en sa memoire? Et Moysē en son cantique Deut. 32. Interroge ton pere, dit-il, & il le t'annoncera, & tes anciens, & ils le te diront. Parquoy ne deffend par ceste sentence nostre Dieu, cheminer aux commandemens des peres: moyennant qu'ils soient cōformes à son vouloir. Car au precedent de ceste sentence, il fait mention de l'Idolatrie d'Israël, touchant laquelle, les commandemens, & permissions des peres ne sont valla- bles, comme difformes entierement à ceux de Dieu. Or il faudroit maintenant prouuer, que les commandemens de noz peres, soiēt difformes aux cōmandemens de Dieu,



ce que refuterons par après, & manifesterôs qu'au contraire entieremēt vous y estes opposez, ce qu'ayant fait, il faudra conclure, vostre Eglise estre peruerse, & mal fondée.

*Denakol Aueugle.*

Il y a vne voye qui semble droicte à l'homme, mais la fin d'icelle meine à la mort.

*Prou. 14.*

*L'aucteur.*

L'Homme auquel ceste voye semble droicte, est charnel, aueuglé de ses concupiscences, en sorte qu'il ne cognoist ce qui est pour son salut: Ains est comme vn malade desgousté des viandes saines, appetant celles qui luy sont nuyssibles. L'appetit d'ice- *Gal. 5.* luy, sont les œuures de la chair, Fornicatio, Impudicité, Turpitude, duquel le Dieu est son ventre. Ce qu'est manifesté plus auoir lieu en vostre Eglise: en ce que cassez les saintes ordonnances de Dieu, & obseruations tant antiques des ieunes, & autres macerations de la chair: En ce voulant vostre appetit estre libre, qui est fauoriser à cest homme charnel, dont suyuez le sentiet qui meine à la mort.

*Denakol Aueugle.*


La voye du fol est droicte deuant ses yeulx: mais celuy qui est sage, oyt les conseils.

*Prou. 12.*

*L'aucteur.*

CE fol n'est docile, ains estime tout ce qu'il dict estre bon, fust il difforme aux anciens, ordonnances, & constitutions d'i-

B.ij.





ceux : en sorte qu'il se veult sur tout prefe-  
rer. Or il sera manifeste par cy apres que vo-  
stre doctrine est disforme aux conseils , &  
traditions des anciens, de l'Eglise chrestien-  
ne, & Apostolique: en quoy toutesfois vou-  
drois que ne vous peusse dire estre du tout  
indociles. Car receueriez ce mien petit la-  
beur, suffisante confutation de voz sentéces,  
lesquelles ne craignez attribuer aux apo-  
stres de Iesus Christ: laçoit ce que tant aper-  
tement elles soient contraires à l'intention  
des docteurs que proferez, que la considera-  
tion de ceste contrarieté vous pourroit estre  
comme le glaive de Goliath, pour suffisante  
confutation de voz animaduersions, & con-  
clusions contre nostre Eglise , & vous con-  
damneroit de vostre propre iugemēt , com-  
me folz n'entendans aux conseils des saincts  
docteurs: ains suyans seulement ceste voye  
qui semble estre droicte deuant voz yeux.

*Denakol Aueugle.*

Grandes & notables sentences , extrai-  
ctes des saincts docteurs, & anciens peres  
de l'Eglise, lesquelles nous aduertissent &  
admonnestent pour le temps present, com-  
ment vn chacun de sain entendement doit  
iuger en la cause des deux parties, & laquel-  
le des deux il doit embrasser & deffendre  
comme la meilleure, plus vraye, & plus sai-  
ne deuant Dieu.

*L'aucteur.*



**I**E suis ioyeux que ne mesprifez les anciens docteurs, ainsi que le bruit estoit, que voz protestans ne receuoient que ce qui est de l'expresse parole, de l'ancien ou nouveau testament. Car par ce ne mesprifez les interpretations, ains recherchez la verité de toute antiquité, & continuation d'icelle. En quoy semblez ne vouloir fraudulémēt proceder: moyennant que ne corrópiez les textes, cōme auez faict par cy deuant, à l'intelligēce de l'escriture sainte. Mais entendōs, que c'est que vous alleguez premierement.

*Les heretiques ne mesprisent les interpretations puis qu'ils reçoivent les anciens docteurs.*

*Denakol Aueugle.*

Sainct Ierolme sur le prophete Michée chapitre 7. tome 6. dict: Christ est le chef de tout homme, & Christ est le chef de l'Eglise. Ceux qui sont estimez estre en sa maison, c'est à dire en l'Eglise, sont souuent ses ennemis. Et est verité qu'ils ne se partent point du chef, mais contredisent à leur chef. Lesquels sans le maistre & sans la grace du seigneur, prometans selon leurs iugemens, la science des escritures, sont enflēz, & ne sçauēt rien, & languissent autour des questiōs, & estrifz de paroles: lesquels vrayement eux estans en la maison, sont ennemys de verité.

*Michée 7.*

*L'auteur.*

**I**'Ay receu ce poinct, proferé par S. Hierolme sur ce lieu de Michée, *Inimici hominis domestici eius*: Les ennemis de l'hōme sont ses domestiques. En quoy il blasme ceux seule-

*Hiero. sur Mich. 7. par le mesme chap.*



ment, qui, comme Gamaliel en bien estoit occulte disciple de nostre Seigneur, ne se separant neantmoins de la synagogue : ainsi occultement sont heretiques, & ennemis de l'Eglise: neantmoins qu'ils se disent estre domestiques, & prelatz de l'Eglise. Ce donc n'est contre nous, mais contre ceux qui adherent à faulces doctrines, receuant neantmoins l'honneur de l'Eglise, qui doit estre deplouré en ce temps.

Denakol Aueugle.

S. Cypri.  
ad ma. li.  
1. epist. 6.

Sainct Cyprian ad magnum liure 1. epist. 6. Ce doit on admirer, mesmes plustost en auoir dueil & indignation, que les Chrestiens donnent assistance aux Antechristz, & les preuaricateurs & proditeurs de l'Eglise, se tiennét fermes dedans l'Eglise contre l'Eglise.

L'aucteur.

S. Cypri.  
ad magnū  
li. 1. epist.  
6. qui est  
le mesme  
chapitre.

Je ne sçay comme voulez ce texte appliquer contre nous, veu que ne sommes nouuatiens, contre lesquels cela diét sainct Cyprian, ne moins heretiques : *qui cum, ait, non essent Ecclesia, nunc tamen Ecclesiam scindētes, & contra pacem atque vnitatem Christi rebelles, cathedram sibi constituere, & primatum assumere, & baptizandi atque offerendi licentiam vendicare conantur.* Lesquels, dit-il, diuisans l'Eglise, & rebellans contre la paix & vnité de Iesus Christ, s'efforçent se constituer chaire, & prendre prelatüre, mesmes la puissance



de baptizer, & d'offrir. Contre telles gens *On se doit fascher de veoir qu'il soit permis aux apostats heretiques de prescher, baptizer & faire la Cene.*  
 qui n'estans esleus, s'vsurpent telle puissance, il dict qu'on se doit indigner, mesmes de ce que n'estant dechassez de l'assemblée des fideles, est permis aux Chrestiens & Ecclesiastiques leur donner assistance. Est-ce pas ce que contre vous pour ce iourd'huy pouvons produire? Beaucoup sen faut donques qu'en soyons offensez.

*Denakol Aueugle.*

Sainct Iean Chrysostome sur sainct Mathieu, chap. 24. hom. 49. L'exercite de l'Antechrist, soit toutes les heresies, principalement celle qui a obtenu le lieu de l'Eglise, & s'est tenue au lieu sainct, tellement qu'il semble qu'elle y soit tenue comme la parole de verité: mais est l'abomination de la desolatio, c'est à dire l'exercite de l'Antechrist, lequel a rendu les ames de plusieurs hommes desolez de Dieu,

*L'aucteur.*

SI ceste sentence eussiez entierement recherché & leue, ou pour le moins sans fictio proferé l'intétion de sainct Iean Chrysostome: vous eussiez cogneu qu'il vous iuge par ses paroles. Car comment declare il cest Antechrist, qui deuoit obtenir le lieu sainct: Asçauoir qu'il deuoit rendre fugitifz tous les fideles, & leur interdire l'entrée des Eglises, mesmes faire cesser le sacrifice de la messe, qui est entierement vostre but. Car apres

*B.iiij.*



*Ainsi que* que ledit Aucteur a dit, que Iesus Christ  
*Iesus a* l'espace de trois ans & six mois, qui est la  
*presché* moytié de sept ans, a enseigné pour tollir les  
*trois ans* sacrifices anciens, & offrir sacrifice de louan-  
*& demy* ge, en la voix: sacrifice de iustice, aux œuvres:  
*disposant* sacrifice de paix, par l'Eucharistie : adiouste  
*aux vrais* d'auantage. *In dimidio hebdomadis, hoc est tri-*  
*sacrifices,* *bus annis & sex mensibus, hoc sacrificium Chri-*  
*ainsi l'an-* *stianorum tollendum est ab Antichristo, Confugiē-*  
*techrist* *tibus Christianis ante eum per loca deserta: Non*  
*trois ans* *efforcera* *erit qui aut Ecclesiam intret, aut oblationem offe-*  
*& demy* *rat Deo.* Au milieu de l'ebdomade, asçauoir  
*sefforcera* trois ans & six mois, ce sacrifice des Chre-  
*de tollir le* stiens sera osté par l'Antéchrist: les Chrestiés  
*sacrifice* fuyans de deuant luy, par lieux desertz : tel-  
*des chre-* lement qu'il n'y aura qui entre en l'Eglise,  
*stiens.* ou offre oblation à Dieu. Or si de pres on

*Les sacra-* considere vostre part, à ce que voulez casser  
*mentaires* toutes oblations, sacrifices, & Eglises, est-ce  
*sont An-* pas pour vous refuter par ce mesme chapi-  
*techrist.* tre dudit Aucteur, comme Antechristz? &  
 qu'estes par ceste sentence condamnez, en  
 ce que voulez aneantir le saint lieu de l'E-  
 glise, le prophanant par vostre doctrine, la-  
 quelle voulez estre tenue comme la parole  
 de verité, à l'imitation dudit Antechrist? &  
 qu'estes l'exercite d'iceluy, rendant les ames  
 de plusieurs hommes desolez à Dieu?

*Denakol Aueugle.*

Saint Hierosme cōtre Pelagien: Les Phi-  
 losophes Patriarches des heretiques, ont



maculé la pureté de l'Eglise, par doctrine peruerse.

*L'auteur.*

Nostre fondemēt ne sont point les Philosophes, mais les Prophetes, & Apostres: celuy estant la pierre angulaire Iesus Christ. *Quelle est la fondemēt de l'Eglise Ephē. 2.* Que fils s'accordent en quelques articles avec nous, ce n'est pas que nous prenions pied à leur doctrine. Car en d'autres poincts ils sont contraires à nous, comme en ce qu'aucuns mettent vne fatalité, à sçauoir vne necessité ineuitable, que le monde soit eternal: mesmes qu'ils ne sont conformes les vns aux autres. *Les Philosophes se contrariant les vns les autres.* Parquoy ne pouuez rien, pour leur reprobation contre nous inferer.

*Denakol Aueugle.*

Sainct Iean Chrysostome en son œuvre imparfaict sur saint Mathieu chap. 23. dict: Il faut que le peuple s'en aille à tous les docteurs, & qu'il s'enqueste la ou la pure verité est vendue, & la ou elle est corrompue: car il n'est pas deffendu de cognoistre ce que tous confessent, & d'essire la meilleure. Aussi l'Apostre dict: Esprouuez toutes choses, & tenez ce qui est bon.

*L'auteur.*

Par ceste sentence vous prouuez qu'il est loisible au peuple, pour s'enquester de la verité, ouyr beaucoup de docteurs. Je ne sçay, si par ce, voulez induire le peuple de nostre Eglise, d'aller ouyr voz predicans. *Ce n'estre sçay n'est incertaine.*



*Les heretiques veulent qu'il soit permis aux nos-  
tres aller en leurs  
assemblées, & ne per-  
mettent ce à ceux que  
ils ont sou-  
traitz.*

que pourroit estre permis si nostre foy estoit douteuse : mais tout y est certain. Mesme ie voudrois sçauoir , si permettez à ceux qui sont de vostre secte , de venir à noz Eglises, & nous ouyr. Ce que plus librement deuoient faire , veu qu'ils ne sont arrestez à ce qu'ils doiuent croire. Tant y a toutesfois qu'en ce n'a esté tant indiscret saint Iean Chrysostome, qu'il ne vueille aduertir de se bien garder des heretiques deceuables, & ne leur donner acces, spécialement aux maisons des femmes veufues : Car il dict au precedent, en ce mesme chapitre: *Impostores veritatis circa mulieres facile se constringunt , quia nec intelligere facile possunt imposturas eorum mulieres, cum sint incaute, & ad dilectionē eorū religionis gratia facile inclinantur, cum sint molles corde: maximè tamen permanent cum viduis mulieribus propter duas causas: Primum quia virita mulier nec facile decipitur, habens consiliatorem virum: deinde nec facile de facultatibus suis aliquid eis dat, cum sit in potestate viri.* Les imposteurs de la verité facilement festreignent à l'entour des femmes: car d'autant qu'elles ne sont assez fines , elles sont facilement deceües par leurs imposteurs, & sont facilement enclines à aymer leur religion , veu qu'elles sont de cœur delicates. D'auantage toutesfois ils demeurent avec les veufues, pour deux causes: Premièrement pource que la femme qui a mary n'est facilement deceüe , veu qu'elle a

*Responce  
par le mes-  
me chap.*

*Les heretiques se  
isoignent  
souuēt a-  
vec les ieu-  
nes veuf-  
mes.*



son mary qui la conseille. Et ne leur baille facilement de ses biens, veu qu'elle est en la puissance de son mary. Vous voyez a-  
pertement que si grande liberté n'est don-  
née d'ouyr beaucoup & variables docteurs,  
qu'il n'y ayt exception touchant quelques  
personnes: mesmes qui ne voyt que ce vous  
peut assez blasmer, & ne contreuient à no-  
stre Eglise?

*Denakol Aueugle.*

Prediction de saint Hierosme accom-  
plie en nostre temps, comme il est escript au  
tom. 6. sur le Prophete Naum, chap. iij. sur  
ces paroles. O Roy Assur, tes pasteurs ont  
sommeillé. A la venue de Iesus Christ, & de  
la parole de Dieu, & à la venue de la cōsom-  
matiō de Ninieue, iadis belle paillarde, le peu-  
ple s'esleuera, & cheminera, le quel parauant  
auoit esté endormy sous les maistres, & fen-  
ira aux mōtagnes des escriptures: & la trou-  
uera les montagnes, à sçauoir Moyse & Io-  
sue filz de Naue, les montagnes qui sont les  
Prophetes, les montagnes du nouueau te-  
stament, à sçauoir les apostres, & les euange-  
listes. Et quand il sera fuy à icelles, fil ne se  
trouue pas qui enseigne (car la moisson  
vrayement est grāde, & les ouuriers sont en  
petit nombre) adonc sera loué son estude, de  
ce qu'il sera fuy aux mōtagnes: & la paresse  
& ignorance des maistres sera redarguée.

*S. Hiero.  
tom. 6.  
sur le pro-  
phete Na-  
um ch. 3.*

*L'aucteur.*



EN ce lieu saint Hierosme ne pretend rien contre l'Eglise chrestienne : mais contre la paresse des prelatz d'icelle (pour la confusion de l'assemblée heretique) prenāt occasion de ce que le diable est subtil à corrompre premierement les bergers, pour enuahir les brebis. Car au precedent il a dict au mesme chapitre : *Scit enim rex Assyrius non posse se oues decipere, nisi pastores ante consopierit. Sic in passione domini graui sopore apostolorum oculos premit.* Car le Roy Assyrien, c'est à dire le diable, sçait qu'il ne peut deceuoir les brebis, qu'il n'ayt deuant endormy les bergers. Ainsi en la passiō du Seigneur, il a chargé les yeux des apostres de pesant sommeil. Dont il pretend declarer qu'alors que la decheute de l'Antechrist viēdra, beaucoup de mauuais bergers auront regné en l'Eglise, assopiz par la finesse du diable, pour ne venger le peuple des faulses doctrines : plustost fauorisant à la partie d'Assur (à sçauoir du diable) & delaisant les voyes anciennes. La trahison desquels, & impieté sera alors manifestée, que nostre Dieu deietera l'Antechrist: le peuple fuyant aux montagnes, & contemplations des escriptures: & reuenant à la pureté de la doctrine apostolique, & verité ancienne de l'Eglise: en sorte que l'ignorance de tels maistres sera condamnée. Ceste prediotion est en partie accomplie de ce temps: car beaucoup des bergers ecclesia-

*S. Hierosme a  
prediēt des  
prelatz de  
l'Eglise  
qui apostasi-  
seroient  
de l'vraie  
doctine.*



stiques endormis, & subtraictz par l'astuce du diable, ont delaisé l'anciéne Eglise & les traditions maintenues des apostres: sommeillans pour quelque illusion de liberté charnelle, que le diable leur a peu suggerer: apostatizans de l'Eglise ancienne à l'Eglise nouuelle, des bergers du troupeau de Iesus Christ, faictz suppostz du diable. Mais que pouuons nous esperer, sinon l'entier accomplissement de ceste prophetie de saint Hierosme? A sçauoir que nostre Dieu destruisant ce regne de Ninieue paillarde, de ceste luxurieuse Eglise qui ne cherche que la liberté de la chair, plaisir de son sens, assouuissémēt de sa gourmandise (ce qu'est manifesté en vostre part) manifestera l'impudence & malice de tels apostatz: la naïue verité, & ancienne doctrine estant au peuple remonstrée. Voyla comme ceste sentence ne nous offense, mais renuerse seulement l'Eglise paillarde: de laquelle la ruine est promise, au secōd aduenement de Iesus Christ, Ainsi que dict mesmes saint Paul 2. Thessal. 2. Et quand il sera monstré que ce que nous tenons est de l'ancienne doctrine de l'écriture, que nostre intétion tend à submettre nostre chair à nostre esprit: & la dompter & macerer, comme par ieusnes & abstinences: Au contraire que vostre but n'est que de lascher la bride, à casser toute antiquité, macerations de corps, & penitence: que faudra-il sinon confesser,



qu'estes de vostre propre bouche condamnez? Et que le peuple endormy par voz faul-  
ses persuasions, pourra quelque fois cognoi-  
stre vostre ignorance, estant venu à la veri-  
té des escritures?

*Denakol Auengle.*

Sainct Hierosme sur le P'sal. 86. tom. 8.

*S. Hie-  
rosme sur  
le P'sal.  
86. tom.  
8.*

Combien qu'aucun soit sainct apres les apo-  
stres, combien qu'il soit docte, si n'a-il point  
d'autorité: pour ce que le Seigneur racôte  
aux escritures des peuples, & des princes qui  
ont esté, & non qui sont en icelle.

*L'aucteur.*

*Double  
autorité.*

*S'il ne re-  
ste nulle  
autorité,  
donc le  
Roy n'est  
en riē au-  
thorise,  
qui est cō-  
tre l'escrit-  
ture.*

*Prou. 21.*

*Ecl. 10.*

*1. Tim. 2*

*1. Pier.*

*Autho-  
rité d'ef-  
crire.*

**I**L faut sçauoir de quelle autorité parle  
sainct Hierosme: à sçauoir d'escire, ou de  
presider. Si nulle de ses autoritez ne restēt  
apres les apostres, donques le Roy n'a plus  
d'autorité, ne voz anciens ministres: ce qui  
est manifestemēt fort abusif. Quād au Roy,  
& à sa dignité, ie ne respondz à l'autorité  
des vostres ministres: car il faudroit d'iceux  
disputer, s'ils sont bien ordonnez. Tant y a  
toutefois qu'il est manifeste qu'en ce rece-  
uez l'autorité, & que de l'escriture elle est  
prouuée, la Royalle de la bouche de Iesus  
Christ: l'Ecclesiastique, & par S. Paul. Quāt  
à l'autorité d'escire: le scay que nul apres  
les Apostres, n'a puissance d'escire sur les A-  
postres, & contre leur doctrine. Ce n'est pas  
à dire neantmoins que simplement il n'y ait  
d'escire quelque autorité. Ou autremēt si



ainſi eſtoit, noſtre loy ſeroit la couſtume receüe de main en main, quand elle ne ſeroit d'exprefſe parole: Comme dit Tertullia *lib. de corona militis.* ou il ſeroit neceſſaire tollir les interpretations, qui ſont dons de Dieu ſpeciaux. Car icelles cõment de l'Egliſe primitive paruiendront elles iuſques à nous, ſi non par l'eſcriture, ou couſtume? Que ſi l'eſcriture d'interpretations ſur ce qui eſt des Apoſtres eſt tollie: il faudra pour le moins icelles eſtre maintenues par couſtume. Que ſi la couſtume doit priſer l'Egliſe pour meilleure, on cognoiſtra noſtre Egliſe de beaucoup preceder la voſtre: quand aurõs monſtré que contreueniez à toute antiquité, continuée iuſques en ce temps. Il faudra au ſemblable condamner voz eſcritures, comme de voſtre iugement, rendant voſtre Egliſe peruerſe: veu qu'elles ſont apres les Apoſtres.

*Tertullia  
lin. de la  
corõnem-  
litaire.*

*Si nul a-  
pres les a-  
poſtres n'a  
authorité  
de preſi-  
der ou de  
eſcrire,  
donc Cal-  
uin n'au-  
ra autho-  
rité de ſe  
dire mini-  
ſtre, ou de  
compoſer  
tant de li-  
belles.*

*Denakol Aueugle.*

Sainct Hieroſme ſur Hieremie, Chapit. 9. Tom. 6. Il ne faut pas ſuyre l'erreur des peres ne des plus grandz, mais faut enſuyre l'authorité des eſcritures, & le commandement de Dieu qui enſeigne.

*L'aucteur.*

**C**Elas ſentéd que poſez d'une part les erreurs des peres, de l'autre l'auctorité des eſcritures: En ce que les peres & plus grands errent & contreuiennét à l'eſcriture: il ne les faut ſuyre. Pource il ne dit pas la doctrine



*Saints  
l'erreur  
des peres,  
est connu  
de Caluſ,  
qui a ra-  
petassé &  
amasse  
toutes les  
hereses ia  
dis conda-  
nees.*

*Il eſt ma-  
niſte que  
des hereti-  
ques de  
mainte-  
nant eſt  
ſainct men-  
tion en S.  
Hierosme  
au lieu  
ſuſdit,  
veu qu'il  
voulloit  
ſir les gens  
eccleſia-  
ſtiques.*

ou enſeignement des peres, mais l'erreur d'i-  
ceux. Ce qui eſt entendu comme des he-  
retiques diuiſez de l'Egliſe : deſquelz en ce  
meſme chapitre, il faiet mention diſant vn  
peu deuant ce texte par vous allegué. *Cum  
Eccleſiaſtici viri, & quique doctores defecerint,  
tunc datur Hieruſalem in tranſmigrationē: vt hæ-  
reticus in ea ſermo præualeat.* Alors que les hô-  
mes Eccleſiaſtiques, & tous les docteurs de-  
faudront, Hieruſalem eſt donnée en tranſ-  
migration, à ce que la parole heretique y ſoit  
preferée. Voyla ceux deſquelz ſainct Hie-  
roſme nous admonneſte ne ſuyure l'erreur,  
à ſçauoir ceux, qui apres auoir repudié les  
gens Eccleſiaſtiques, & tous les docteurs  
voudront preualoir en l'Egliſe. Il eſt certain  
que voſtre but eſt de tollir toutes perſonnes  
Eccleſiaſtiques : Meſmes que beaucoup  
d'entre vous repudient tous les docteurs,  
n'admettant rien que ce qui eſt expreſſemēt  
noté à l'ancien ou nouueau Testament. Que  
craindrons nous en ce temps, ſinon que  
veu que voſtre nouuelle ſecte eſt recom-  
mādée de beaucoup, que ſoit faiete la tranſ-  
migration de Hieruſalem? Que ferons nous  
pour lors? Nous obſeruerons le precepte de  
ſainct Hierosme, que proferez pour noſtre  
aduertiſſement contre vous. A ſçauoir, que  
neantmoins que ſoyez des plus grands, laiſ-  
ſerons voſtre erreur, & enſuyurons l'aucto-  
rité des eſcritures, & le commandement de

Dieu



Dieu qui enseigne.

Denakol Aueugle.

Sainct Hierosime sur le prophete Mich.  
Chap.6. Tom.6. Verité engendre pauureté,  
& mensonge engendre richesses.

L'aucteur.

**I**L me semble que ce nous fauorise plus  
qu'à vous, en ce que beaucoup de noz  
moynes apostatz, se sont retirez de nostre E-  
glise, non que nous soyons riches, Car ils ab-  
horroient nostre mendicité, (en ce ie parle  
des mendians) dont esperoient estre remon-  
tez festans retirez vers vous. Que si selon la  
pauureté il faut estimer la verité : veu que  
n'auons pour payer nostre viure, & que la  
charité se refroidit de iour en iour: nous som-  
mes en tout veritables. Neantmoins aucun  
des ordres mendians n'est de vostre Eglise,  
mais plustost la condamne comme peruerse  
& maligne.

*S'il faut  
mesurer  
par la pau-  
ureté la  
verité, les  
mendians  
sont plus  
veritables  
que les a-  
postatz he-  
retiques,  
veu qu'ils  
n'ont que  
leur be-  
sôin.*

Maistre Aueugle, voyla ce que briefue-  
ment m'a semblé bon vous escrire, des sen-  
tences qu'avez proferées pour la discretion  
de la meilleure, & plus saine partie. Par les-  
quelles vous voyez, que selon l'intentiõ de  
l'escriture par vous alleguée, vostre secte ne  
reçoit aucune faueur: mais facilement est cõ-  
damnée. Maintenant ne vous desplaira, si  
i'entre en dispute avec vous, des articles agi-  
tez par vous contre le Pape. En quoy i'ob-  
mettray voz iniures, car ce n'est le moyen

*Prefatõ à  
la dispute  
suivant.*



de disputer. Et pour n'ennuyer l'auditeur, ie proposeray voz mesmes sentences, & cottations d'icelles, sans quelque superabondance de paroles, ne faisant rien cōtre nous: suyuant seulement vostre part, & obmettant celle du Pape, Comme non de vous maintenue. Estimez que non contre le Pape, mais contre moy vostre dispute soit entreprise. En laquelle nous soit verité, & la sincerité des escritures, pour iuge. Car c'est la verité qui deliure, comme dit Iesus Christ. Mais vne chose ie doute, asçauoir si ie mettray les Apostres de nostre Seigneur pour vostre part, veu que ne sçay si vous vous dictes apostres de nostre Seigneur, ou si ce entédez de ces douze, qui ont semé l'Euangile par toute la terre, qui ont receu par si grande abondance la grace du sainct Esprit, qu'ils ont parlé toutes langues. Si d'iceux vous voulez me faire partie aduerse, ou ie seroye trop temeraire de disputer contre eux, ou vous trop impudent de les introduire. Car si la verité nous fauorise, vostre impudence fera trop manifeste: ou bien si vostre doctrine est bōne, ma temerité sera cogneue. Que si ce ne sont les douze de la primitiue Eglise, vous vous attribuez nom d'Apostres de Iesus Christ: ou ie ne puis facilement sçauoir où vous les auez trouuez. Que si vous vous dictes apostres de Iesus Christ, encores estes vous impudens, veu que ce que vous

L'auteur  
a obmis la  
partie du  
Pape se  
faisant  
partie cō-  
tre les he-  
retiques  
par leurs  
mesmes  
tesmoings.  
Iean 6.  
Act. 2.

L'auteur  
demande  
qui sont  
les apostres  
que De-  
nakol in-  
troduit  
parler.



dictes, est contre l'intention des docteurs de l'Eglise de Iesus Christ : comme remonstre-  
rons par apres. Qui serôt donc ces apostres?  
Vous proposez mesmes iceux en altercatiō,  
quand on penseroit que ce seroient ces pre-  
miers princes de l'Euangile. Je voudroye  
sçauoir par quel moyen les introduisez, pro-  
ferans le tesmoignage de saint Hierosime,  
Augustin, & autres anciens docteurs, qui  
ont esté long temps apres leur decés. Car  
d'iceux lesdicts apostres n'ont faict aucune  
mētion durant leur vie. Mais voudriez vous  
point dire que depuis peu de temps ils se  
sont apparuz à vous, ordonnans ces do-  
cteurs qui les ont suyuis, & arrestans de  
leurs sentences? Ce pourroit estre paraduen-  
ture de vous persuadé : aussi bien comme  
dictes auoir eu mandement de Iesus Christ,  
assis à la dextre de Dieu son pere, seelé &  
signé l'an mil cinq cens soixante & vn, le-  
quel auez faict imprimer: Aussi vne bulle  
du grand diable Lucifer, baillée en ces lieux  
tenebreux, signée & seelée de son grand  
seau, à l'assemblée des legions de diables, ou-  
dict an. Si l'un est vray paraduēture l'autre.  
Vous auriez faict beaucoup, de nous prou-  
uer le tout. Par ce moyen seriez estimez  
grāds secretaires & apostres de Iesus Christ,  
& grands Scribes du diable : tenans bouti-  
que en Enfer & Paradis. Ce seroient mer-  
ueilleux comptes: paraduēture pour accor-

*Exécrable  
fictiō d'he-  
retiques  
pour dece-  
uoir le sim-  
ple peuple.*



*Matth. 13*

*Les here-  
tiques en-  
treprennēt  
sur tout,  
ainsi Simō  
Magnus se  
disoit estre  
quelque  
souuerain.  
ainsi Theo-  
das.*

*Les here-  
tiques sont  
apostres,  
secretares  
de Dieu,  
greffiers  
du diable,  
secretares  
des S. do-  
cteurs, ten-  
nant bou-  
tique en  
enfer &  
Paradis.*

der Dieu avec le diable, puis que vous leurs estes tant familiers. Mais quand nous serions des vostres, faudroit il comme vous suyure Dieu & le diable? Nous ferions plus que n'estime possible nostre sauueur Iesus Christ, disant. Vous ne pouuez seruir à Dieu & au diable. O merueilleux marchans ! Il semble que nous soyons venus à compter vieilles inepties, & vouloir espouuenter les petits enfans, par ces fables. Je ne m'esbahis plus si vous entreprenez sur nostre Eglise, puis que entreprenez sur Dieu, le diable, les apostres, & saints docteurs. Je croy que c'est pour estre creuz d'auantage. Si ne voulons croire que Dieu, vous en estes secretares: si seulement les Apostres, vous estes mesmes Apostres: si les docteurs, c'est vous qui ordonnez de leurs intentions: si quelque insensé refuse tout tesmoignage hors mis celuy du diable, vous estes d'iceluy les greffiers, & grâds maistres des commandemens. Vous estes terribles à vous ouir parler. Tant y a toutefois que iamais ne m'attirerez à croire toutes ces folies & deceptions. Commēt doncques les Apostres vous ont ils instruitz pour les nous presenter, muniz des sentences de leurs successeurs? Nous voudriez vous point induire à croire, qu'ils ont composé ce vostre liure en paradis, & qu'ils le vous ont enuoyé? En ce feriez contre vostre Eglise: laquelle dict, que les saints en gloire n'ont



soucy des viuants. Que direz vous donques? que c'est de voz ministres qu'entendz ces Apostres? Ouy. Mais sçauiez vous bié si nous les receuerons, comme Apostres de Iesus Christ? Je sçay bien qu'il y en a beaucoup, mesmes la plus part d'apostats. Auez vous mis d'adventure Apostres pour Apostats? Il sera facile de ce amender. Pour la partie opposite à celle du Pape, ou mesmes à nostre presente dispute, nous escrirons par apres, les apostats entendant ceux qui ont apostatizé de la vraye intelligence, & cōnoissance des escritures: abandonnant l'Eglise, & son espoux Iesus Christ.

*Impieté  
des here-  
tiques que  
les saints  
n'ayēt so-  
licitude  
des vint.*

*Les he-  
tiques doi-  
uent estre  
appellez  
non apo-  
stres mais  
apostats.*

Or en premier lieu nous ne voulons obmettre ce, qui sera pour adresser toute nostre dispute: & pour ce conformer à l'institution de Iesus Christ. Parquoy ainsi qu'auz premis de la sainte Cene, ainsi voulons à icelle entendre tout auditeur, & disciple de verité.

*De la sainte Cene.*

Et comme ils mangeoient, Iesus print du pain, & apres qu'il eut rendu graces il le rompit, & le donna à ses disciples; & dist. Prenez, & mängez, Cecy est mon corps. Et ayant pris la couppe, & rendu graces il leur donna, disant: beueuez en tous, car c'est cy mon sang du nouveau testament, lequel est espandu pour plusieurs, en remission des pechez.

*Les Apostatz.*



Comme le seigneur Iesus a fait no<sup>r</sup> voulons faire, sans rien chāger la saincte institution: Car les disciples ne sont plus sages que le maistre. Et touchant vostre Messe, elle nous est incogneue: pour ce que c'est vostre sacrement & sacrifice, & non celuy du seigneur: estāt bien asseurez, que Iesus Christ a consacré à perpetuité ceux qui sont sanctifiez par vn seul sacrifice & vñique oblation de son corps.

L'Aucteur.

Vous dictes qu'entierement estes imitateurs de la saincte Institution de Iesus Christ, & que la messe vous est incogneue. Il faudroit sçauoir en quoy la trouuez incogneue selon l'Institution de Iesus Christ. Est-ce en la confession de ses pechez? Pourquoy donc la premettez vous à vostre Cene? Ce que mesmes a signifié Iesus Christ lauant les pieds à ses Apostres. Est-ce aux chants & actions de graces? Est-ce pas de quoy estes imitateurs: Ce que mesmes a fait Iesus Christ? Est-ce à l'Epistre & Euangile: qui signifie la predication, que le sauueur a fait la Cene, & que aussi en quelque sorte vous obseruez? Est-ce à la consecration? En quoy est elle differente de celle de Iesus Christ? Sçait on pas qu'il ne faut que celuy qui consacre, dise les paroles de la consecration comme en sa personne, mais en celle du sauueur du monde? Cela affirme saint Ambroise au

*Iean 13.  
Reductiō  
des prin-  
cipales ce-  
rimonies  
de la messe  
au fait  
de Iesus à  
sa cene.*

*Iean 17.*

*Aux au-  
tres sacra-  
mens le mi-  
nistre par-  
le en sa  
personne,  
se te bapti-  
ze. &c.*



quatriefme liure des sacremens. Car la consecration n'est au corps du ministre, mais du Seigneur Iesus Christ. En quoy dōc trouuez vous estrange nostre messe? Est-ce pour ce nom comme estrange, & impropre à ce signifier? Comme si le nom de messe n'estoit de toute antiquité, aussi bien que le nom d'oblation & sacrifice. Lisez le Deuteronomie de Moyse seiziesme chap. ou est en Latin oblatio, il est en Hebreu Missah: dont est le nom de la messe qui signifie sacrifice ou oblation volontaire. Or ceste oblation vous dictes estre incogneüe, pour ce qu'il est escrit par saint Paul, qu'il a consacré à perpetuité ceux qui sont sanctifiez par vn seul sacrifice & vnique oblation de son corps. Cey nous tenons & croyons. Commēt donc? La messe & sacrifice sera-il de rechef celebré? Ouy. Car de ce que par vn seul sacrifice Iesus Christ a consacré les sanctifiez, ce doit estre entendu du sacrifice sanglant. Ce que monstre saint Paul au parauāt, prenant la figure de l'Euesque: lequel vne fois l'année seul entroit au second tabernacle, non sans le sang, qu'il offrist pour son ignorance, & celle du peuple. Et par apres dit: Iesus Christ est entré vne fois aux saintz par son propre sang, ayant trouué l'eternelle redemption. Voyla le sacrifice duquel il parle, par lequel nous auons esté racheptez. Car il nous a lauē de noz pechez en son sang. Ce

*Le nō de messe receu en la sainte escripture.*

*Deut. 16*

*Heb. 7. 9  
& 10.*

*Comment le sacrifice de Iesus est de nous reiteré.*

*Heb. 9.*

*Deux sacrifices de Iesus.*

*Apo. 1.*



*Le sacrifice sanglant n'est reueré.* sacrifice a esté fait vne fois, en ce qu'une fois il a esté crucifié. Neantmoins reste vn autre sacrifice, non quant au corps de la victime, car c'est vn mesme corps de nostre redempteur, mais quant à la maniere d'offrir, & à l'ordre sacerdotal. Consideré que suyuant le discours de S. Paul en l'epistre aux Hebreux, il a euacué & mis fin au sacerdoce & sacrifice Aaronique, & legal, mourant vne fois & presentât son corps en la croix pour accóplir les figures des victimes sanglantes, à sçauoir des taureaux & agneaux, lesquels le Pontife & sacrificateur offroiét soubz la loy: Toutesfois il enseigne qu'il est sacrificateur selon l'ordre de Melchisedech, non vn seul iour, ou vne seule heure durant, mais à tousiours, selon qu'il est dict au Psalme 109. De la aussi il infere qu'il est & l'Euesque & le sacrificateur de la nouuelle alliance, en ce que non-obstant qu'il soit assis à la dextre du pere, il a son sacrifice lequel il offre encore de present. A sçauoir voicy les propos de S. Paul en l'Epistre aux Hebreux chapitre huietisme. *Talem habemus Pontificem qui consedit in dextera sedis magnitudinis in cælis, sanctorum minister, & tabernaculi veri, quod fixit Deus & non homo. Omnis enim Pontifex ad offerendum munera & hostias cõstituitur, vnde & necesse est & hũc habere aliquid quod offerat.* C'est à dire. Nous auons vn tel Euesque, qui est assis à la dextre du siege de sa grandeur es cieux: ministre



des saincts & du vray tabernacle, lequel Dieu a planté & non l'homme. Car tout Euesque est ordonné pour offrir presens & sacrifices, Parquoy il est necessaire qu'il ayt encor dequoy offrir. Il dict donc que *Necesse est & hunc aliquid habere quod offerat*, il est necessaire qu'il ayt encor dequoy offrir: ayant dict qu'il est sacrificateur à tousiours, & que par l'hostie de son corps il a emmené tous sacrifices à perfection. Puis donc qu'encor il est necessaire qu'il offre sacrifice, pour se monstrier Euesque & sacrificateur selon l'ordre de Melchisedech: & que le sacrifice du Messye est son vray corps, il sera necessaire que ce corps soit offert d'autre maniere que les sacrifices legaux & Aroniques: desquels le sang estoit respandu, & le massacre estoit fait. Aussi nous lisons que le sacrificateur Melchisedech apporta pain & vin pour le dedier en sacrifice: selo que & les Iuifs Rabbins, & les anciens docteurs le recognoissent en ces paroles, Gen. 14. *At verò Melchisedech rex Salem proferens panem & vinum, (erat enim sacerdos Dei altissimi)*. à sçauoir que Melchisedech roy de Salem apporta pain & vin, pour ce qu'il estoit sacrificateur du Dieu treshault. Parquoy le fils de Dieu rapportant à soy & la verité, & la perfection des anciennes figures, au lieu d'une simple representation il a donné son vray corps, & a neantmoins obserué la maniere d'offrir en





l'espece, comme en celle du pain & du vin. Qui regardera donc de pres le narré de S. Paul en l'Epistre aux Hebreux, il entendra que ainsi que nostre sauueur Iesus est mort vne fois mettant fin aux sacrifices legaux, ainsi encor de present il offre son corps, cōme sacrificateur à tousiours selon l'ordre de Melchisedech, & qu'en ceste oblation est obseruée l'espece de pain & vin. Or qui demanderoit quand il a pris le pain & le vin & assure qu'il donnoit son corps & son sang : chacun respondra que sans doubte cela fut faict à sa cene : Pareillement faudra il inferer que lors, & toutesfois & quantes que les mysteres de la cene sont faicts en l'Eglise, le sauueur du monde comme Euesque & sacrificateur de la nouuelle alliance, y offre son corps & son sang. Sainct Iean Chrysostome interpretant ceste epistre de S. Paul obserue que *vnica semper est oblatio, quia vnica hostia, & vnicum corpus* : c'est vne oblation à tousiours, pour-ce que c'est vne mesme hostie, & vn mesme corps, encor que comme nous auons dit il y ait difference quant à la maniere d'offrir. Outre plus quant sainct Paul dict que par vne oblation il a consommé à tousiours les sanctifiez : il le rapporte à celuy auquel nostre seigneur Iesus dit *Consummatum est*, à sçauoir en la croix. Et ce sacrifice est vne fois fait par

Iean 19.

Rom. 6.

Iesus Christ. Car luy estant resuscité des



mortz, ne mourra plus : & ne peult estre de rechef crucifié. Mais l'autre qui n'est sanglât peult estre reitéré : ainsi qu'il a dit : Faictes ce en ma cōmemoration. A sçauoir ce q̄ immediatemēt deuāt il auoit fait, la cōsecratiō du pain en son corps, & du vin en son sang. Que faut il dōc pour vo<sup>9</sup> satisfaire? Nous cōfessōs que Iesus Christ vne fois a esté offert pour nostre redēption, qui a esté faicte lors qu'en son sang auons esté rachetez : & croyons qu'il a offert sacrifice , auquel n'a esté entièrement accomplie nostre redemption, selon qu'il auoit esté predit, ce à sa cene : n'estant sanglant. Et que celuy qui a esté fait en l'arbre de la croix ne se peult reiterer , neantmoins que celuy qui a esté fait à la cene, selon la commission de Iesus Christ se face en commemoratiō d'iceluy. Aussi nous l'appelons messe, c'est à dire sacrifice volontaire, entant que lors & encor de present ceste volonté dure, que nous portoit le sauueur du mōde, auant que d'estre liuré : & en tesmoignage de quoy il offroit son corps à Dieu son pere en action de graces. Ainsi ne contreuenons au dit de saint Paul , & maintenons toutesfois le saint sacrifice de la messe ; cōme institution de Iesus Christ , au contraire ceux qui nyent ce sacrifice, veulent selon le texte de saint Paul despouiller nostre sauueur de son sacerdoce & Pontificat.

*Les Apostatz.*

*Mat. 26*

*Mar. 14.*

*Luc 22.*

*1. Cor. 11.*

*conclusiō.*



*Mat. 24* Le Seigneur nous a pieça aduertis, de n'escouter ceux qui disent: voicy, Christ est icy, ou en ce lieu là. Et quand vn ange du ciel nous annonceroit vostre transsubstantiatio nouuellemēt forgée: nous le tiendrons pour maudit. Car par la foy veritablement nous mangeons le corps de Iesus Christ, & beuons son sang en Esprit, lequel viuifie: & la chair ne profite rien, ainsi auons nous receu les paroles du Seigneur, lesquelles il a dit estre Esprit & vie.

L'auteur.

*Responce à la premiere sentēce.*  
*Mat. 24* **D**E ce que Iesus Christ a dict; Si quel-  
 qu'un vous dict, voyla le Christ; ou icy, ne vueillez croire: cela sentēd des sectes des Antechristz: ainsi qu'il dict apres. Car se leueront des Antechristz, & faux prophetes: Ou pour ce que les faulx christz se diront estre le christ faulsemēt, il ne les faut croire; car Iesus Christ n'apparoistra en terre en forme visible, comme premierement, sinon immortel au iugemēt futur. Dont cela n'offense ce sainct sacrement. Car en iceluy est Iesus Christ, non de la secte des antechristz: mais de l'institutiō mesmes de Iesus Christ, ainsi qu'il l'a exhibé à ses apostres en la cene, disant: Cecy est mon corps. Et au semblable pouuoit dire: cecy est le christ: car son corps entier vrāy hōme, est le christ. Et ainsi qu'il a exhibé son corps à tous les Apostres entier, ainsi nous croyons qu'il soit entier

*Il n'y a qu'une Eglise en laquelle est Iesus Christ.*  
*Croire que Iesus soit sous l'espece de pain n'est introduire autre Eglise que celle qui est vne apostolique*



soubs toutes les especes de pain consacrées par la vertu de sa parole, & le ministere de celuy qui sera legitimement ordonné. Et re-  
 nons qu'en vne seule Eglise soit vrayement  
 Iesus Christ, non, aux autres ; neantmoins  
 qu'il se vantent de l'auoir, desquels par ce  
 texte il nous admoneste, pour nous garder,  
 & ne les suyure. Quand à ce que vous di-  
 ctes, que neantmoins qu'un Ange du ciel  
 vous annonçeroit la transsubstantiation fai-  
 cte en ce sacrement, vous ne la croirez, mais  
 estimerez ledit Ange pour mauldit: vous ré-  
 dez la raison, en ce que dictes ceste trans-  
 substantiation estre nouuellement forgée.  
 Quand ceste transsubstantiation sera prou-  
 uée auoir esté tenue par la foy de toute an-  
 tiquité, ie croy que vous y croirez. Lisez S.  
 Cyprian. Homel. de cœna. *Panis iste non effigie,*  
*sed natura mutatus, factus est caro.* Ce pain non  
 de l'espece, mais de nature estant mué, est  
 fait chair. Voyla l'espece n'est muée, mais la  
 nature du pain en chair. En ce prouue-il pas  
 la transsubstantiation, A sçauoir la conuer-  
 sion de la nature du pain à la chair ? Sainct  
 Irenée Euesque & martyr grandement re-  
 puté l'an 184. Liure 4. contre les heretiques,  
 chap. 34. *Quomodo autem constabit eis, eum pa-*  
*nem in quo gratia acta sint, corpus esse domini sui,*  
*& calicem sanguinis eius: si non ipsum fabricato-*  
*ris mundi filium esse dicant, id est verbum eius?*  
 Comment sera-il manifeste à iceux que ce

Responce à  
 la seconde  
 sentence.

Cela n'est  
 escrit.

Gal. 1.

Impudēce  
 des Apo-  
 stats de

dire que la  
 transsub-  
 stantiatio

soit nou-  
 uellement  
 forgée.

S. Cypria  
 homel de  
 cœna do-  
 mini.

L'an 260  
 Tesmoi-

gnage de  
 la transf.

substantia-  
 tion par  
 les anciens

docteurs.

S. Irenée

li. 4. cōtre  
 les heresies

chap. 34.  
 l'an 184.

314



pain, auquel graces ont esté rendues, soit le corps de leur Seigneur, & que la coupe soit de son sang: fils ne disent iceluy estre le filz de l'ouurier de ce monde, A sçauoir le verbe d'iceluy? Voyez qu'il dit, que le pain, auquel sont rendues graces, est le corps de Iesus Christ. Saïct Gregoire Nicene Euesque, *Sermone Catachetico de diuinis Sacramentis. Panis statim per verbum in corpus mutatur, vt dictū est à verbo, hoc est corpus meum.* Le pain incontinent par le verbe est mué au corps, ainsi qu'il a esté dict du verbe, *Cecy est mō corps.* Saïct

*S. Gregoi  
re Nicene  
ser. cath.  
de diuinis  
sacramen.  
l'an 345.*

Iean Chrysostome. *Homel. 83. in Matthæum. Non sunt humanæ virtutis hæc opera, qui tunc ista in illa cæna confecit; ipse nunc quoque operatur, ipse perficit. Ministrorum nos ordinem tenemus: qui vero hæc sanctificat, & transmutat ipse est.* Ces œuures ne sont de la vertu humaine. Qui pour lors en ceste cene a fait ces choses, (c'est à dire baillé ce sacrement,) iceluy mesmes maintenant encores ouure, iceluy accomplit. Nous tenons l'ordre des ministres, & celuy qui sanctifie & transmue ces choses, c'est iceluy mesmes, à sçauoir Iesus Christ.

*S. Augu.  
Homel. 8  
de verbis  
domini.  
l'an 425*

Regardez qu'il fait mention de la transmutation, disant: Celuy qui sanctifie & transmue. Sainct Augustin dit *serm. 8. de verbis domini: iam non est panis, sed corpus Christi.* Ce n'est plus pain pour lors (quand la consecration est parfaicte) mais le corps de Iesus Christ.

*S. Cyrille  
en l'epistre  
ad colossy-  
rium.  
l'an 438.*

Sainct Cyrille archeuesque en l'epistre *ad*



*Colosyrium Episcopum. Ne enim horreremus carnem & sanguinem apposita sacris altaribus, condescendens Deus nostris fragilitatibus, influit oblati vim vitæ: conuertens ea & in veritatem propriæ carnis. Car à ce que nous n'eussions horreur de la chair & du sang, fils nous estoient apposez aux sacrez autelz: Dieu condescendant à noz fragilitez, donne à ce qui est offert la force de vie, les conuertissant à la verité de sa propre chair. Voyez qu'il dict que ce qui est offert à l'autel, à sçauoir le pain, est conuerty en la propre chair de Iesus Christ. S. Euthemius Hermite, sur saint Matthieu, chap. 64. Quemadmodum enim supernaturaliter assumptam carnem deificauit: (si ita loqui liceat) ita & hæc ineffabiliter transmutat in ipsum viuificum corpus suum, & in ipsum præciosum sanguinem suum. Car ainsi que supernaturellement il a deifié la chair qu'il auoit prise: (fil est permis d'ainsi parler) ainsi ineffablement il transmue ces choses (à sçauoir le pain & vin) en iceluy sien corps viuifiant, & en celuy son precieux sang. Et pour conclusion de tous ces Autheurs, lisez Eusebius Emisenus homel. 4. in pascha, disant: Conuertuntur in substantiam corporis Christi creaturæ. Les creatures sont conuerties à la substance du corps de Iesus Christ. Et Venerable Bede prebtre qui a vescu l'an. 725. Homel. sur les paroles de l'Euangile. Vidit Ioannes Iesum venientem ad se, dict. Panis & vini creatura, in*

*S. Euthemius cha.  
64. sur  
S. Matt.  
l'an 448*

*venerable  
Bede sur  
ce de S.  
Iean,  
vidit Ioh.  
l'an 725.*



*sacramentum carnis & sanguinis eius ineffabili spiritus sanctificatione transfertur.* La creature du pain & du vin, sont transferez par ineffable sanctification de l'esprit, au sacrement

*Theophi.* du corps & sang d'iceluy. Et Theophilacte  
*sur saint* sur saint Matthieu. Porro dicens, *hoc est corpus*  
*Mathieu.* *meum, ostendit quod ipsum corpus domini est, pa-*  
*lan 750* *nis qui sanctificatur in altario, & non respondens*

*figura. Non enim dixit, hæc est figura: sed hoc est corpus meum. Ineffabili enim operatione transformatur: etiam si nobis videatur panis.* Disant, cecy est mon corps, il a montré que le pain qui est sanctifié à l'autel, est iceluy corps du seigneur: & non la figure y respondante. Car il n'a pas dict, celle est la figure, mais cecy est mon corps: car d'operation ineffable, ce est transformé, neantmoins qu'il nous soit veu estre pain. Vous voyez comme apertement tous ces anciens docteurs ont parlé de la transsubstantiation, & transmutation de la substance de pain au vray corps de Iesus Christ, & du vin en son propre sang. Dont ce qu'avez dict, que la transsubstantiation est nouvellement forgée, est vne manifeste impudence, veu que le moins ancien des docteurs prealleguez, a vescu environ l'an 750, celuy est Theophilacte: lequel nous a precedé huiet cens & douze ans. Lisez mesmes les Rabbins des Iuifz, vous verrez que beaucoup d'iceux auât que Iesus Christ fust né en ce monde: auoient predict la transsubstantiation

*Tesmoi-*  
*gnage de*  
*la trans-*  
*substan-*  
*tiation pro-*  
*duit des*  
*Rabbins*



stantiation faicte en ce sacrement. Rabbi Ca-  
 hana, sur le chapitre de Gen. 49. diët : *sacrifi-*  
*cium quod fiet ex vino, non solum transmutabitur*  
*in substantiam sanguinis messiae, sed etiam conuer-*  
*tetur in substantiam corporis eius : & in sacrificio*  
*quod fiet ex pane, non obstante quod album sit ve-*  
*lut lac, conuertetur substantia, in substantiam cor-*  
*poris messiae : Erunt, item in sacrificio vini, sanguis*  
*& caro messiae : & eadem erunt in pane : quoniam*  
*corpus messiae non potest diuidi.* Le sacrifice le-  
 quel sera faict de vin, non seulement sera  
 transmué en la substance du sang du messie,  
 mais aussi sera conuerty en la substance de  
 son corps. Et au sacrifice qui sera faict de  
 pain, neantmoins que ce soit blanc comme  
 lait : sera conuertie la substāce, en la substā-  
 ce du corps du Messie. Et seront au sacrifice  
 du vin le sang & la chair du Messie. Et iceux  
 mesmes seront au pain : pour ce que le corps  
 du Messie ne se peult diuiser. Voyez, impu-  
 dens Apostats, comme apertement & cōfor-  
 mement à la foy de nostre Eglise ce Rabbini  
 a predict de la transsubstantiation de ce sa-  
 crement, beaucoup deuant la natiuité de  
 Iesus Christ, Lisez d'auantage ce qu'a escrit  
 Rabbi Iudas, deuant que Iesus Christ fut faict  
 homme : ce sur le 28. chapit. des nombres. *Quare dicatur panis facierum, Ratio est: transmu-*  
*tabitur ex substantia panis, cum sacrificabitur, in*  
*substantiam corporis Messiae, qui descēdit de cælis.*  
 La raison pourquoy ce pain soit diët le pain

auāt l'in-  
 carnation  
 de Iesus  
 Christ.  
 Rabbi Ca-  
 hana sur  
 le cha. 49  
 de Gen.  
 La il faut  
 noter que  
 Messias  
 c'est à dire  
 le Christ.

Rabbi Iu-  
 das sur le  
 28. des  
 nombres.



des faces est, qu'il sera transmué de la substance de pain, quand il sera sacrifié, en la substance du corps du Messie, qui est descédu du ciel. Voulez vous que soit plus liquiement prouuée ceste transsubstantiation? Osez vous dire icelle estre nouuellemét forgée & incogneüe, de laquelle a esté ainsi clairement parlé auant la natiuité de nostre sauueur Iesus Christ? Estes vous ehontez & sans vergongne de proferer tel blasphemé?

*Ce n'est  
assez de  
dire que  
par la foy  
nous mā-  
geons le  
corps de  
Iesus.*

*Ceux qui  
nyent que  
soubz l'espe-  
ce de pain  
soit reale-  
ment le  
corps de  
Iesus  
christ font  
Mani-  
cheans.*

*Si nous ne  
mangeons  
realement  
mais en fi-  
gure seu-  
lement le  
corps de*

Qui ne vous condamnera maintenant comme peruers en voz iugemens & doctrines? Quant à ce que vous confessez que par la foy veritablement nous mangeons le corps de Iesus Christ, & beuuons son sang en esprit, lequel viuifie. Ce n'est assez, car il faut croire que reallement aussi nous mangeons ce propre corps, & beuuons ce propre sang. Autrement quiconque cela ne croit, il ensuit l'heresie d'Enthyches, Valentin, & Manichée, ia long temps par les anciens docteurs reprouuée. Car iceux disoient que Iesus Christ festoit monstre homme, selon l'apparence seulement: & qu'il n'estoit vray homme, & n'auoit vray corps. Or il est certain que le corps de Iesus Christ par luy exhibé à ses Apostres soubz l'espece de pain, est celuy la mesme qui a esté liuré pour nous, selon l'expresse parole d'iceluy, disant: Prenez, mangez, cecy est mon corps, qui sera liuré pour vous. Que si celuy que dictes



manger en ceste cene n'est reallement vray *Iesus, il*  
 corps:celuy donc qui a esté liuré pour nous, *n'a donc*  
 n'est realemēt vray corps. Mais par foy seu- *enduré de*  
 lement & persuation. Quel erreur? Qu' *faiçt &*  
 Iesus Christ n'a esté liuré vray homme ayat *realement*  
 vray corps? Car si vous confessez qu'en la *mais par*  
 verité de corps humain il a esté liuré: veu *foy seule-*  
 que ce mesmes corps a Iesus Christ exhibé *ment ou*  
 à sa cene, il n'estoit donc seulement en foy: *par figure.*  
 mais reallement ce propre corps qui a pen-  
 du en la croix. Neantmoins vous defendez  
 cest erreur par ce texte qui est la parole de  
 Iesus Christ aux Capharnaïtes. C'est l'esprit *Iean 6.*  
 qui viuifie, la chair ne profite rien: Les paro- *Responce à*  
 les que ie vous ay parlé, sont esprit & vie. *troisiesme*  
 Pour l'intelligence de ce entendons ce qui *sentence.*  
 vous allegera de vostre doute. Sainct Cy- *S. Cypria*  
 prian au Sermon de Cæra domini dict. *ser. de cæ-*  
 dem orta fuerat aliquando, sicut in Euangelio Io- *na domi-*  
 annis legitur, de nouitate verbi huius quæstio, & *ni.*  
 ad doctrinam mysterij huius obstupuerant audito-  
 res, cum diceret dominus, nisi manducaueritis car-  
 nem filij hominis & biberitis eius sanguinem non  
 habebitis vitam in vobis. Quod quidam quia non  
 credebant nec intelligere poterant abierunt retro,  
 quia horrendum eis & nepharium videbatur ve-  
 sci carne humana. Existimantes hoc eo modo dici  
 vt carnem eius vel elixam, vel assam sectamque  
 edere docerentur, cum illius personæ caro si in fru-  
 sta partiretur, non omni humano generi posset suf-  
 ficere, qua semel consumpta videretur interiisse



*Comment  
doit estre  
entendu ce-  
ste parole,  
la chair ne  
profite  
rien.*

*religio, cui nequaquam victima superesset ulte-  
rius. Sed in cogitationibus huiusmodi caro & san-  
guis non prodest quicquam: quia sicut magister ex-  
posuit verba hæc spiritus & vita sunt: nec carnalis  
sensus ad intellectum tæe profunditatis penetrat,  
nisi fides accedat.* Pour ce que quelque fois,  
ainsi qu'on liët en l'Euangile saint Iean: se-  
stoit leuée question de la nouveauté de ce-  
ste parole, & les auditeurs festoient esbahiz  
à la doctrine de ce mystere: Quand le Sei-  
gneur (Iesus Christ) disoit. Si vous ne man-  
gez la chair du filz de l'hōme, & buuez son  
sang vous n'aurez point la vie en vous. Et  
pour ce qu'aucuns ne croient, & ne pou-  
uoient entendre ce mystere, ils se sont retirez  
arriere: Ven que ce leur sembloit estre chose  
horrente, & trop illicite de viure de chair  
humaine: Estimans estre dit en ceste sorte  
qu'ils fussent enseignez de manger sa chair  
ou boullue, ou rostie, & diuisée: consideré  
que la chair de sa personne si elle estoit diui-  
sée en morceaux, ne seroit suffisante pour  
tout l'humain genre, laquelle vne fois estant  
consommée sembleroit la religion estre de-  
cheüe. A laquelle à sçauoir outre ne demeu-  
reroit victime. Mais en telles pësées la chair  
& le sang ne profite quelq̃ chose. Car ainsi  
que le maistre l'a exposé, ces paroles sont  
esprit & vie, & le sens charnel ne penetre à  
l'intelligence de si grande profondeur, si la  
foy n'y a acces. Voyla donques comme il



faut entendre ces paroles, à sçauoir c'est l'esprit, l'intelligence spirituelle & fidele qui viuifie, non la chair: à sçauoir celle qui est charnelle, pour entendre ce Sacrement. Car si quelqu'un pense que soubz l'espece visible de chair & sang humain nous soit proposé le corps vray & sang de Iesus Christ, il s'uyt la lettre qui perit. S'il croit que soubz autres especes, lesquelles à la veüe autre chose représenteront, qu'elle ne seront en leur substance, à sçauoir soubz l'espece de pain & de vin soit le propre corps, & sang de Iesus Christ par vertu admirable, il s'uyt l'esprit qui viuifie. Parquoy il ne faut entendre par la chair qui ne profite rien, la chair de Iesus Christ: mais l'intelligence charnelle, & sensuelle, comme celle des Capharnaïtes susdicts: ainsi que nous admoneste saint Euthemius Hermite sur ce passage de saint Iean 6. *Spiritum nunc vocat intellectum spiritualem, eorum quæ dicta sunt: Similiter & carnem, intelligere ea carnaliter: non enim de carne ipsius, quæ viuificat nunc sermo est.* Maintenant il appelle l'esprit, l'intelligence spirituelle des choses qui sont dictes: Ensemble il appelle la chair, entendre ces choses charnellement. Car maintenant n'est faite mention de la chair d'iceluy qui viuifie. Ainsi les Apostres voyant l'espece apparete de pain à eux exhibé par Iesus Christ à la cene, n'ont iugé charnellement: Car ils n'eussent creu que ce fust esté autre chose

*Il ne faut  
entendre  
par la  
chair qui  
ne profite  
rien la  
chair de  
Iesus,  
mais l'in-  
telligence  
charnelle.  
S. Euthe-  
mius sur  
S. Iean.*



que pain. Mais par iugemēt spirituel qui excede les choses sensibles, Ils ont cogneu soubz ceste espece estre le vray corps de Iesus Christ, lequel a esté liuré pour nous. A ce donc profite la chair de Iesus Christ, ainsi qu'il a dict, que quiconques icelle mangera aura la vie eternelle: Mais pour entendre commēt ceste chair nous est baillée pour estre mangée ne profite rien l'intelligence charnelle: mais seulement la spirituelle, qui soubz autre espece que chair, croit estre réellement le vray corps de Iesus Christ.

*Les Apostatz.*

Sainct Augustin ancien & fidele docteur a entendu & creu ce sainct Sacrement: comme luy-mesme expose, disant ainsi. Je pourray interpreter, que ce commandement gist en vn signe. Car le Seigneur n'a point fait de difficulté de dire, c'est cy mon corps: quand il donoit le signe de son corps. Il enseigne ces choses estre dictes, comme il parle par figure en signe & par signification. Ce est escrit par sainct Augustin. Contre Adimantus epist. 12. & sur le Leuiti. 7. 9. 57.

*L'aucteur.*

*Responce  
a la pre-  
miere cot-  
tation.*

*S. Aug.  
liure cōtre  
Adimā-  
tus ch. 12*

**I**E confesse avec l'Eglise catholique sainct Augustin estre ancien, & fidele docteur, & qu'il a entendu & creu ce sacremēt: Mesmes escriuant contre Adimantus, non pas vne Epistre (comme vous dictes) mais vn liure, au chapitre douzième: ou disputant



contre Adimantus , disciple de Maniché  
heretique, sur ce poinct de saint Matthieu, *Matt. 10*  
ne craignez ceux qui tuent les corps, & ne  
peuvent occire les ames: en ce que l'ame est  
signifiée par le sang en l'écriture, comme  
Deute. 12. apres auoir rédu vne raison, à sça-  
uoir que ce doit estre entendu de l'ame des  
brutes, dict qu'il peult aussi interpreter ce  
commandement, (non du corps de Iesus  
Christ comme dictes, mais de respendre le  
sang des bestes en terre & n'en manger) cō-  
me signe, signifiant chose plus parfaicte que  
de foy ne represente le sang de la beste: Ain-  
si que Iesus Christ baillant le signe de son  
corps, qui est l'espece de pain, a dict: Cecy  
est mon corps: neantmoins que celuy qui  
n'a foy, voyant ceste espece, ne comprend e-  
stre le corps d'iceluy: car l'espece n'est le  
corps de Iesus Christ: Mais seulement le si-  
gne d'iceluy. Toutesfois la substance conte-  
nue sous ceste espece, est le corps de Iesus  
Christ, qui spirituellement est cōprins. Ainsi  
que sous les signes anciens, on pouuoit  
croire chose plus grande, que ce qui estoit  
exterieur du signe. Quand à ce que dictes  
que cecy mesmes dict saint Augustin sur le  
Leuiti. 16. n'ay leu ne 7. 9. 57. ne autres chapi-  
tres d'iceluy sur ce liure: sinon vn petit trai-  
té inferé aux locutions, tenant vne page:  
auquel n'est faicte aucune mention de ce. Je  
croy qu'il n'y a autres liures de saint Augu-

*Les autres  
citations  
sont faul-  
semēt ad-  
ioustées  
par les cō-  
postats.*



stin, sur le Leuitique.

Les Apostatz.

Sainct Ambroise dict. Tu reçois le sacrement pour la similitude de la chair & du sang de Christ, mais tu obtiens la grace de sa vraye nature. Et en receuant le pain en ceste viande tu és participant de sa diuine substance. Et ainsi que tu as receu au baptisme la similitude de mort, ainsi pareillement as tu beu en ce sacrement la similitude du precieus sang de Christ, S. Ambroise li. des sacremens chap. premier, & sur la premiere des Corint. chap. xj. & li. de ceux qui sont dediez aux mysteres.

I. cottatiō

L'aucteur.

S. Ambroise li. 6 des sacremens. c. 1. r. Voulez vous plus manifester ce pour prouuer que ce que prenons n'est figure simple ou memoire, mais réellement le vray corps de Iesus.

Sainct Ambroise dict le commencement de vostre propos au liure sixiesme des sacremens, chapitre premier. Duquel le commencement & progression cōdamne vostre faulse interpretation. Le commencement de ce mesme chapitre est tel. *sicut verus est Dei filius dominus noster iesus christus, non quemadmodum homines per gratiam, sed quasi filius ex substantia patris: ita vera caro sicut ipse dixit, quā accipimus, & verus est potus.* Ainsi que nostre seigneur Iesus Christ est vray filz de Dieu, non ainsi que les hommes par grace: mais ainsi que le filz, de la substāce du pere: Ainsi ce que nous prenons, est la vraye chair d'iceluy, comme il a dict, & son sang est le vray boire. Puis apres il refute l'intention char-



nelle des Capharnaïtes: lesquels pensoient q̄ Iesus Christ voulust offrir son corps coup-  
pé, rosty, ou boullu, en sa propre espee à  
manger: Et à ce propos il dit ce qu'alleguez.

*Ne igitur plures hoc dicerent, veluti quidam esset* *A quel*  
*horrer cruoris, sed maneret gratia redemptionis:* *propos S.*  
*ideo in similitudinem quidem accipis sacramentū,* *Ambrose*  
*sed veræ gratiam naturæ virtutēque consequeris.* *a dict la*

Et à celle fin que plusieurs ne dissent ce (que *sentēce cy*  
auoient dict les Capharnaïtes) comme fil y *dessus pre-*  
auoit quelque horreur de sang, Pource tu *dite &*  
reçois le sacrement en semblance, (c'est a di- *l'intelligē-*  
re soubz vn signe) mais tu obtiens la grace *ce d'icelle.*

& vertu de la vraye nature, à sçauoir que la  
vraye nature de ce signe est le corps de Iesus  
Christ: dont tu reçois la vertu & grace: neāt-  
moins que soubz signe, à sçauoir soubz l'es-  
pee de pain non soubz l'espee de chair, te  
soit offert la chair de Iesus Christ. Car il n'a  
voulu visiblement bailler sa chair soubz l'es-  
pee de chair, à ce qu'on ayt ce detesté, cō-  
me les Capharnaïtes: mais soubz autre espe-  
ce qui est signe de chose plus sacrée. Dont  
vous voyez saint Ambroise n'estre à soy  
difforme, ains croire la substance de ce saint  
Sacremēt estre le vray corps de Iesus Christ,  
ainsi que de substance il est dict vray filz de  
Dieu: Lequel receuans sommes participans  
de sa diuine substance. Vous cottez aussi que  
S. Ambroise à la premiere des Corinthiens  
à l'onzième chapitre insiste contre nous.

*2. collatio*  
*S. Am-*  
*broise sur*  
*la 2. epist.*  
*des Cor.*  
*11. chap.*



Lisez seulement la conclusion de ce mesme chapitre, ou il dict. *Deuoto animo & cum timore ad communionem accedendum docet* (Paulus:)

*vt sciat mens reuerentiā se debere ei, ad cuius corpus sumendum accedit, hoc enim apud se debet iudicare, quia dominus est, cuius in mysterio sangui-*

*Nous receuons le corps de Iesus & beuons le sang d'iceluy.*

*nem potat, qui testis est beneficij Dei.* Sainct Paul enseigne qu'il faut approcher de la communion en esprit deuot, & avec crainte, à ce que l'esprit sache, qu'il doit reuerence à celuy, pour receuoir le corps duquel il approche. Car il doit iuger ce enuers soy, que celuy la est Seigneur, duquel il boit le sang au mystere, qui est tesmoing du benefice de Dieu. Voyez qu'il appelle ce que receuons

*3. cottatiō S. Ambroise au li. de ceux qui sont dediez aux mistes res au ch. 8. dict que ceste viade que nous prenons, est le corps de Iesus Christ.*

en ceste communion le corps, & le sang du Seigneur Iesus Christ. Vous auez aussi coté à vostre susdicte sentēce, ledit sainct Ambroise au liure de ceux qui sont dediez aux mysteres. Lequel si auez entieremēt leu, sçauuez comme il condamne aigrement vostre incredulité, & nous assure en nostre foy touchant ce sacrement. Car au chapitre huitiesme vers la fin il dict. *Ista esca quam accipis, iste panis viuus qui descendit de cælo, vitæ æternæ substantiam subministrat. Et quicumque hunc panem manducauerit, non morietur in æternum, quia corpus est Christi.* Ceste viade que tu prēs, ce pain vif qui est descendu du ciel, te donne la substance de la vieernelle. Et quicōques mangera ce pain, il ne mourra iamais:



Car c'est le corps de Iesus Christ. Au chapitre 9. par beaucoup d'exemples. Il prouue l'excellence de ce sacrement: le conferant avec la manne. Et prouue que le corps de Iesus Christ, celuy mesme, & celle mesme chair, qui a esté née de la vierge, crucifiée, & enseuelie, est soubz l'espece de pain, dont il dict. *Potior etenim lux quàm vmbra, veritas quàm figura, corpus authoris quàm manna de cælo. Forte tu dicis, aliud video, quomodo tu mihi asseris, quod corpus Christi accipiam? & hoc nobis superest vt probemus: quantis igitur vtemur exemplis? Probemus non esse hoc quod natura formauit, sed benedictio consecrauit, maioremque esse vim benedictionis, quàm nature, quia benedictione etiam natura ipsa mutatur.* Car la lumiere est plus excellente que l'ombre, la verité que la figure, le corps de l'Authéur, que la manne du ciel. Par auanture tu me diras, ie vois autre chose, & comment m'affirmes tu que ie reçoie le corps de Iesus Christ? C'est donc ce qu'il nous reste à prouuer. De combien donc vserons nous d'exemples? Prouuons que ce n'est ce que nature a formé: mais ce que la benediction a consacré. Et que plus grande force est de la benediction, que de nature. Car par la benediction mesmes la nature est muée. Voyez ô heretiques comme il dict que la nature du pain est muée au corps de Iesus Christ par la consecration. Lisez ô impudés corrupteurs de sentences entieremēt

*Au ch. 9. du mesme li il prouue par vifs argumens que soubz l'espece du pain est réellement celle mesme chair qui a esté née de la vierge marie, crucifiée & enseuelie, & resuscitée.*  
*Obiection*  
*commēt se peut faire qu'on reçoie le corps de Iesus.*  
*Resolutio*  
*que la force de benediction est plus grande que de nature.*



tout ce chapitre pour vostre confusion & vergongne ; puis qu'auetz produict cest Auctheur comme estant contre nous, qui toutesfois tant saintement resiste à vostre impudence,

*Les Apostatz.*

*S. Hiero.  
sur le 26.  
cha. de S.  
Matthieu.*

Sainct Hierosme dict. Ainsi que Melchisedech sacrificateur du Dieu souuerain auoit faict en la figure de cecy, offrât des pains & du vin: ainsi Iesus Christ representa la verité de son corps & de son sang. Ce est escript sur le 26. chap. de saint Matthieu.

*L'aucteur.*

*Croire que  
realement  
le corps de  
Iesus soit  
sous l'espe  
ce de pain  
n'est nyer  
que ce sa-  
crament ne  
represente  
la verité  
d'iceluy.  
S. Hiero.  
sur la 2.  
epist. des  
Corinth.  
chap. 11.*

**N**ous ne nyons pas que ce sacrement, ne soit representatiō de la verité du corps de Iesus Christ: ainsi que nous confessons que c'est la memoire d'iceluy: neantmoins croyons que d'auantage ce soit le precieux corps de Iesus Christ vrayemēt; ainsi que le dict S. Hierosme i. Cor. ii. *Cum hoc sacramentum accipimus, à sacerdotibus communemur, quia corpus & sanguis est christi.* Quand nous receuons ce sacrement, des prestres nous sommes admōnestez, que c'est le corps & le sang de Iesus Christ.

*Les Apostatz.*

Sainct Augustin a mieux appris en l'Eglise de Dieu disant ainsi: Iusques à ce que le siecle soit finy le seigneur Iesus est tousiours en hault: mais sa verité est tousiours avec nous. Car il faut que le corps auquel il est



resuscité soit en vn certain lieu, mais sa verité est espendue par tout. Et ne faut penser que Iesus Christ soit espendu par tout selon la forme & substance de son corps. Car il nous faut garder de tellemēt affirmer sa diuinité, que nous ne destruisions pas sa nature humaine. Partant il ne fensuit pas que tout ce qui est en Dieu soit Dieu. Ce est escript sur le Psal. 54. *Et ad Dardanum epistol. 67.* *Les lieux dōt la sentence susdite est prise.* Et au 3. liure de la doctrine Chrestienne, & sur sainct Iean traict. 30. & sur le Psalme 96. Ce qu'est recité au canon *prima de consecrat. dist. 2.*

## L'aucteur.

**I**L nous faut examiner les lieux & liures, desquels dictes auoir extraictes ces senten- *I. collatio* ces. Premieremēt en tout le Psal. 54. Je n'ay leu à ce propos chose qui fust pertinente, si non ce que neantmoins ne nous offence, à sçauoir : *Corpus Christi & vnitas Christi in angore, & tadio, & molestia. Ille vnus homo in vno corpore posita vnitas, ipse vnus, sed vnitas vnus, non in vno loco vnus, sed à finibus terræ clamat vnus.* *S. Aug. sur le psal. 54.* Le corps de Iesus Christ & l'vnité de Iesus Christ est en tristesse ennuy & moleste. Iceluy est vn homme, & est mise l'vnité en vn corps, iceluy est vn : mais l'vnité c'est vn : non vn en vn lieu, mais luy vn crye des fins de la terre. Vous voyez cōme cecy n'est guere à propos de ce sacrement, iacoit qu'il n'y ayt rien qui soit plus proche : & si ne ap-



proche pas, sinon contre la sentence proposée, si elle n'est distinguée, à sçauoir que Iesus Christ est avec nous par grace. Dôt simplement n'est inferée par le precedent: il est en hault, dōc il n'est pas avec nous. Et neantmoins est bien dict. Iesus Christ est en hault en forme visible, & toutefois est avec nous, comme ceux qui sommes son corps duquel il est le chef, influant en ses mēbres. Quant à ce qui est extraict de l'epistre ad Dardanū: Vous dictes que c'est la 67. vous estes en ce

*S. Aug. fouruoyez, car celle la est enuoyé à vn vieil-*  
*epist. 67. lard nommé Alipius, mais la 57. est à Darda-*  
*& epist. nus. En icelle il faict mention de ce qu'auz*  
*57. ad premis, à sçauoir q Iesus Christ est en hault,*  
*Dardanū. iusques à ce que le siecle soit finy. Ce qui*  
*doit estre entendu en forme visible, en la-*  
*quelle n'apparoistra sinon à la fin du siecle:*  
*ainsi qu'il dict peu apres: Et hic venturus est,*  
*illa angelica voce testante, quemadmodum visus*  
*est ascendere in cælum, id est eadem forma & sub-*  
*stantia. Et ainsi viendra selon le tesmoignage*  
*de ceste voix angelique, ainsi qu'il a esté veu*  
*monter au ciel, c'est a dire en mesme forme*  
*& substance. Voyez, saint Augustin donne*  
*la distinction: il ne dict point seulement en*  
*mesme substance: mais aussi en mesme for-*  
*me. Biē est vray que le corps de Iesus Christ*  
*est donné soubz l'espece de vin, mais non en*  
*mesme forme, comme il est monté au ciel, &*  
*comme il viendra. Car de noz yeux nous ne*

*S. Aug.*  
*epist. 67.*  
*& epist.*  
*57. ad*  
*Dardanū.*

*Il ne dist*  
*en substā-*  
*ce seule-*  
*ment, mais*  
*en mesme*  
*forme.*



le voyons point, mais spirituellement sous  
l'espece, y estant toutefois realemēt. Et quād  
à ce que saint Augustin en ce lieu dict: La  
verité du corps de Iesus Christ estre espan-  
due par tout, neantmoins qu'il ne soit par  
tout, car il peult estre en vn lieu: Nous con-  
fessons & croyons cela, ainsi que disons que  
neantmoins qu'il soit sous l'Eucharistie, il  
ne s'ensuit qu'il soit par tout: ainsi qu'estāt à  
la dextre de Dieu le pere, n'est à inferer qu'il  
soit par tout. Que s'il s'ensuyuoit par nostre  
confession touchant le sacrement, qu'il fust  
par tout: Ceste sentence de S. Augustin nous  
pourroit greuer. Mais nous disons que rea-  
lement il est en ce sacrement, & que reale-  
mēt il n'est en tous lieux: mais seulemēt que  
sa verité est espandue par tout. Et à ce qu'on  
entende qu'en ceste epistre n'est rien inferé  
contre nous, mais plustost pour nous: Lisez  
plus auant ou il fait mention de ce saint sa-  
crifice, lequel impugnez quand vous n'yez  
qu'il soit sacrifice: il dict. *Nosti autem in quo sa-*  
*cificio dicatur Gratias agam⁹ domino deo nostro?*  
Cognois tu en quel sacrifice est dict, rédons  
graces au seigneur nostre Dieu? Vous voyez  
mesmes qu'il determine quel est ce sacrifice  
par le commencement de la preface vstée  
à la messe. Vous auez cotté vostre susdicte  
sentence de S. Augustin 3. liure de la doctri-  
ne chrestienne. Lequel i'ay leu, Mesmes au  
chap. 9. entierement contre vous. Car en ce

*Nous ne  
disons pas  
q le corps  
de Iesus  
Christ soit  
par tout.*

*S. Aug.  
en ceste e-  
pist. fait  
mentio du  
sacrifice.*

*S. Aug.  
3. li. de la  
doctrine  
chrestienne  
chap. 9.*



lieu il dict, *Quædam pauca pro multis, eadèmq̃  
factu facillima & intellectu augustissima, & ob-  
seruatione castissima*, ipse dominus & apostolica  
tradidit disciplina: sicuti est baptisimi sacramētum,  
& celebratio corporis & sanguinis domini. Ice-  
luy nostre seigneur, & la discipline apostoli-  
que, nous ont baillé d'aucunes choses peu  
pour beaucoup, & icelles faciles à faire, &  
tressainctes à entendre, & treschastes à ob-  
seruer: ainsi qu'est le sacremēt de baptesme,  
& la celebration du corps & sang du sei-  
gneur. Y a il en ce qui soit difforme à nostre  
Eglise? I'ay leu le lieu que cortez dudict au-  
theur. tract. 30. in cap. Ioan. 7. ou bien est vray  
qu'il dict, que le corps de Iesus Christ au-  
quel il est resuscité, peult estre en vn lieu:  
mais la verité d'iceluy est espādue par tout.  
Ce que croyons cōme auons ia dict: sachant  
que celuy qui dict q̃ le corps de Iesus Christ  
est realemēt par tout, destruit la nature hu-  
maine d'iceluy. Parquoy croyons & confes-  
sons que le corps de Iesus Christ realement  
peult estre en vn lieu: à sçauoir à la dextre  
de Dieu son pere, & en l'Eucharistie. Vous  
dictes aussi auoir extraict ceste vostre predi-  
te sentence de l'exposition sur le psal. 96. Le-  
quel ayant entieremēt leu n'ay rien trouué  
au propos de ceste dispute, sinon ce. *Imperti-  
tus est potus sanguinis Christi*, a esté donné le  
breuuage du sang de Iesus Christ. Et d'autāt  
que i'ay veu, que ce vous offensoit: i'ay esti-  
mé que

S. Aug.  
tract. 30  
sur le ch. 7  
de S. Iean.

4. mal ob-  
seruée.

S. Aug.  
n'a riē es-  
crit de ce  
au psal.  
96. con-  
tre nous.



mé que vous estes deceuz à la cottation du  
 Psalme, en sorte que i'ay leu iusques au 69.  
 ou à la fin ay teci trouué: *Noli putare quia non  
 hic est veritas eius, si non esset hic veritas, non di-* *Mat. ult.*  
*ceret in alio Psalmo: Veritas de terra orta est: nec*  
*ipsa veritas diceret, ecce ego vobiscum sum vsque*  
*ad consummationem seculi.* Ne pense pas que  
 ne soit icy la verité d'iceluy (Iesus Christ): *S. Aug.*  
 car si la verité n'estoit icy, ne seroit dict en *au psalmé*  
 l'autre Psalme, La verité est sortie de la ter- *69.*  
 re: & ne diroit icelle mesme verité, voyla ie  
 suis avec vous iusques à la cōsommation du  
 siecle. Cela ne faict rien contre nous, mais  
 plustost pour nous. Car puis que la verité de  
 Iesus Christ est icy avec nous, & y fera ius-  
 ques à la fin du siecle, nous espérons que no-  
 stre Eglise sera munie de toute assurance, &  
 qu'ainsi que iusques à maintenant, il nous  
 maintiendra iusques à la fin du siecle.

I'ay recherché par après les Cānons De *5. collatiō*  
*Consecratione*, spécialement en la distinctiō 2.  
 Comme auéz allegué. Et ay leu entieremēt  
 le chapitre commence *Prima*, extraict de S.  
 Augustin escriuant *ad Ireneūm*, ou il dict le *S. Aug.*  
 semblable qu'en ce Psalme, & aux autori- *en l'epist.*  
 tez predictes: A sçauoir, que le corps de Iesus *ad Ireneūm*  
 Christ peult estre en vn lieu: Qui est pour *refere de*  
 nous. Car estre au Sacrement de l'autel rea- *cōsec. dist.*  
 lement, & à la dextre de Dieu, C'est estre en *2. Cano-*  
 vn lieu, en ce qu'il ne sensuyt de ce qu'il *ne prima,*  
 soit par tout. Et à ce que nous entendions



commét vous calomniez faulſement Sainct Augustin, inferer quelque chose contre ce ſainct Sacrement: nous examinerons d'auantage ce Canon, veu meſmes que d'iceluy alleguez cecy d'auantage, qui ſenſuit du lieu meſmes.

*Les Apoſtatz.*

Sainct Augustin dict. Les paroles de Ieſus Chriſt ſont eſprit & vie. Entendez ſpirituellement ce que ie vous ay dict. Vous ne mangerez point ce corps que vous voyez, & ne burez point ce ſang qui ſera reſpandu par ceux qui me crucifieront. Ie vous ay recommandé vn Sacremēt ſpirituellement entendu. Car c'eſt l'eſprit qui viuifie, la chair ne profite rien. Voyla ce que ce ſainct docteur a eſcrit en pluſieurs lieux bien amplement.

*L'Auteur.*

**V**Rayement il a eſcrit aſſez amplement: mais comme imitateurs du diable qui tentoit Ieſus Chriſt, vous corrompez les eſcritures: par ce moyen ſeduiſant pauures gēs qui n'auront entendu toute la ſentence de l'Auteur. Eſtes vous pas bien impudēs d'auoir pris ce texte precedent qui eſt cru, ſans le ſubſequent, auquel eſt donnée pleine inſtruction & edification de ceſte douteuſe ſentence? Vous auez aſſez d'eſprit à prendre parmy les liures des Auteurs les ſentences crues, mais vous ne les voulez digerer. Celuy m'a eſté le plus grand argument de vo-

*S. Augu.  
au lieu  
que deſſus*



stre malice: En sorte que si i'eusse voulu estre de vostre secte, maintenant renoncerois à ce vouloir. Car que diët immediatemet apres ceste-dicte sentence S. Augustin? Faiët il la le poinët & conclusion? Nenny. Mais au surplus il esërit ce que s'ensuit. *sed quomodo illi (Capharnaïte) non intellexerunt carnem, (quippe sic intellexerunt quomodo in cadauere venditur aut in macello dilaniatur.)* Sciens autem Iesus, ait, *hoc vos scandalizat, quia dixi, de vobis carnem meam manducare & sanguinem meum bibere.* Mais comment iceux (Capharnaïtes) n'ont entendu (car ils ont ainsi entendu la chair (de Iesus Christ) cōme celle d'un corps mort, qui se vend & qu'on deschirë au marché) à ceste intention disoit Iesus Christ, ce qu'en ladicte epistre saint Augustin ad Ireneum est recité, *De cōsecrat. distin. i. can. nō hoc corpus.* Car la est diët en la personne de Iesus Christ. *Non hoc corpus quod videtis, manducaturi estis, & bibituri illum sanguinem quem effusuri sunt, illi qui me crucifigent. Ipsum quidem & non ipsum, ipsum inuisibiliter, & non ipsum visibiliter.* Vous ne mangerez point ce corps que vous voyez, & ne burez point ce sang que respāderōt ceux qui me crucifieront. Vous beurez celui là, & non celui là: celui là inuisiblement, & non celui là visiblement. Voyla la distinction de ces paroles, à sçauoir que Iesus Christ n'a baillé son corps en telle espeece & forme visible, qu'il a esté crucifié, mais



*August.* inuisiblement soubz l'espece de pain : dont  
*me lieus S.* conclud ledict Sainct Augustin. *si neesse est*  
*August.* illud celebrari visibiler: neesse est illud, inuisibi-  
*epist. ad* liter intelligi. S'il est necessaire que visiblement  
*Ironum.* ce soit celebré, il faut qu'il soit entendu in-  
 uisiblement: A sçauoir que visiblement soit  
 celebré ce sacrifice, auquel neantmoins ne  
 soit souz formé visible le precieux corps de  
 nostre sauueur, mais soubz l'espece de pain,  
 representant ce qui est inuisible. Voyla com-  
 me ce bon docteur vous resiste, & interprete  
 ce que pour la durté de vostre cœur tour-  
 nez à calumnie. Ce que en plusieurs lieux  
 beaucoup plus amplement il a traicté.

#### Les Apostatz.

*Impossi-* Sainct Iean Chrysostome diét ainsi. Christ  
*re execra-* a ordonné la table de sa sainte Cene, afin  
*ble car S.* qu'en ce Sacrement, il nous monstraist quo-  
*Ieū Chry-* tidianement le pain & le vin, pour la simili-  
*sosta. n'a* tude de son corps, & de son sang. Car la na-  
*diét que* ture du vin demeure tousiours. Ce est escrit  
*la nature* sur le Psalme 21. Et sur saint Mattheu chap.  
*du pain* 5. Homelie 8. & à Cæsar Moyne.  
*demoure.*

#### L'auteur.

*S. Iean* Sainct Iean Chrysostome, n'a ce diét au  
*Chrysost.* Schap. 21. mais au 22. hors mis ce qui est  
*nō au 21.* adiousté iniquement de vous, Car la nature  
*mais 22.* de vin demeure tousiours. Car comme vou-  
*psalme.* lant entendre que soubz semblance & signe  
 nous estoit exhibé le corps & sang de Iesus  
 Christ, il n'a diét que la nature du vin de-



meure : mais a entendu que c'est reallement le sang de Iesus Christ. Et qu'ainsi soit voyez le subiequent au mesme lieu. *Accedens ad mensam potentis, considera ea quæ apponuntur tibi: sciens quia talia te oportet præparare, quid est talia te oportet præparare, nisi corpus & sanguinem quod accipis?* Approchant de la table du puissant, considere ce qui t'est présenté: sachant qu'il te faut ce apprester. Qu'est ce qu'il te faut apprester, sinon pour le corps & le sang que tu reçois? Voila la foy dudit Autheur, conforme à la nostre.

Vous dictes aussi qu'il condescend à ceste vostre sentence sur saint Matthieu chapitre 5. Homelie 8. Ce lieu est faulsemēt coté: Car il commence à l'Homelie 15. interpreter le chapitre 5. Et d'autant que pouuoit estre oublié vn poinct de huit, pour faire 18. J'ay leu le dixhuitiesme chapitre: ou n'est faite mention de ce Sacrement ny mesmes en l'Homelie sur le chapitre 2.

Vous auez aussi coté quelque escrit dudit Autheur à Cæsar Moyne: Je n'ay trouué que saint Iean Chrysostome ayt escrit à vn Moyne ainsi nommé. Bien est vray qu'entre ses liures est inserée quelque epistre à Theodore Moyne, en laquelle n'est faicte mention de cela, mesmes le tiltre de ceste Epistre est d'un incertain Autheur. Je voudrois bien qu'il vous eust pleu, si ainsi est, cotter plus sagement voz lieux, pour ne deceuoit

*S. Iean Chrysost. n'a dict que la nature du vin demeure, mais au mesme lieu a dict que ce que nous prenons est le corps & sang de Iesus.*

*Ledit authneur n'a fait le ch. 5. homel. 8. mais sur le second, & comment ce le huit à la 15. ou n'est rien de ce ny a l'home. 8. S. Iean Chrysost. n'a escrit à Cæsar moyne.*



les personnes.

*Les Apostatz.*

Sainct Denys, Irenée, Origene ont escrit d'un mesme consentemēt : comme on peult voir en la hierarchie ecclesiastique, & aux autres. Ce est escrit par Irenée li. cōtre Valé. chap. 34. Origene sur S. Matthieu chap. 26. homel. 83. & sur le Leuit. homel. 7.

*L'aucteur.*

*Irenée cō-  
tre les he-  
res. li. 4.  
chap. 24.*

*Ledit au-  
dit lieu.*

Nous auons cy dessus allegué sainct Irenée parlans de la transsubstantiation, selon ce mesme chapitre; neātmoins que n'ayez cot-té le liure, qui est quatriesme chap. 24. Et en ce vous entendez, que ne sommes rauau-deurs, n'ayans leu qu'en sommaire ces li-ures. Voyez qu'il dict d'auantage: *Quomodo autem rursus dicunt carnem in corruptionem de-uenire, & non percipere vitam, quæ à corpore do-mini & sanguine alitur?* Et comment d'auan-tage disent ils que la chair vienne en corrup-tion, & ne perçoie la vie eternelle, qui est nourrie du corps & du sang du seigneur? Voyez qu'il dict la chair estre nourrie du corps & sang de Iesus Christ. Et peu apres il dict. *Qui est à terra panis percipiēs vocationem Dei, iam non communis panis est: sed eucharistia ex duabus rebus constans, terrena & celesti.* Le pain qui est de la terre ayāt receu la vocation de Dieu, n'est plus pain commun: mais l'eucha-ristie composée de deux choses, l'une ter-rienne, l'autre celeste. Ainsi nous croyōs que



le pain apres la consecration, est discerné du pain commun: & que c'est l'Eucharistie, & le precieux corps de Iesus Christ. Voyla comme en ce mesme chapitre saint Irenée vous condamné.

La chose  
terrienne  
en l'E-  
ucharistie  
est l'hu-  
manité,

Origene n'a pas composé d'homelie 83. sur le chapitre 26. de S. Matth. Mais l'homelie 35. en laquelle i'ay ce leu touchant ce sacremēt: *Panis quem deus verbū, corpus suum esse fatetur, verbum est nutritorium animarū, verbum de deo verbo procedens, & panis de pane celesti. Et paulo post. Et potus iste quem deus verbum sanguinem suum esse fatetur, verbum est potans & inebrians præclare corda bibentium.* Ce pain lequel Dieu le verbe confesse estre son corps, est le verbe

& la chose  
celeste est  
la diuinité  
de Iesus  
Christ.

2. Origene. 83. homel. sur le 26. chap.

S. Math. n'a composé mai la. 35

nourrissant les ames: le verbe procedant de Dieu le verbe, & le pain du pain celeste. Et peu apres. Et ce boire que Dieu le verbe confesse estre son sang, est le verbe nourrissant & ennyurant abondamment les cœurs de ceux qui boient: A sçauoir ainsi que sous l'espece du vin est entierement Iesus Christ, qui nous rasasie. Ce est il pas cōforme à nostre Eglise? Origene en l'homelie 7. sur le Leuitic, ainsi qu'auz cy dessus noté, ne pretend rien contre nostre Eglise, & ce saint sacrement: mais en tout ce chapitre veut esleuer les espritz, des signes aux significations plus grandes: pource que ces signes ne sont les choses signifiées, comme il prouue en la loy, dont il dict: *si enim secundum litteram*

si c. 2.  
si c. 2.  
si c. 2.  
si c. 2.

3. Origene  
homel. 7.  
sur le Le-  
uitic.



*sequaris hoc ipsum quod dictum est: nisi manducaueritis carnem meam; & biberitis meum sanguinem, occidit hæc littera.* Que si tu suys selon la lettre ce qui est dict: Si vous ne mangez ma chair & beuvez mô sang, ceste lettre meurt. C'est à dire; si tu entends que selon la lettre Iesus Christ te baille sa chair coupée, ou sous espee de chair humaine, ainsi que les Capharnaïtes: ce perit. Car il ne faut penser que Iesus Christ nous exhibe sa chair sous l'espee de chair humaine visible, & contractible: & son sang sous figure de sang: mais l'un sous l'espee de pain, l'autre sous l'espee de vin, qui sont plus familiares à l'homme. Ainsi Origene ne faict rien contre nous veu que ne sommes de la secte & heresie des Capharnaïtes.

*S. Denis  
li. de la  
hierarch.  
ecclē. ch 3.*

Vous produisez aussi S. Denis Arcopagite comme s'il fauorisoit à vostre Eglise contre nous. Specialement aux liures de la hierarchie ecclesiastique. O impudence! Que si voz effrôtez secretaïres & deprauateurs des escritures suyuoient la doctrine de ce bon Martyr, disciple de S. Paul, qui premier a presché l'Euangile en la ville de Paris, si le pauvre peuple lediect entendoit au sien docteur, plus sainctemēt ils receueroient la sacrée messe. Qu'on lise & relise les liures dudict autheur, cōme bien il instruit les Euesques à se disposer & maintenir à ce très venerable sacrement. Et à ce que ne vous sem-



ble que ie vous vueille induire à ce penser & croire sans probation & tesmoignage de luy mesmes, voicy entre beaucoup d'autres propos ce qu'il dict, au liure de la hierarchie ecclesiastique chap. 3. *At vero pontifex cum diuina munera laude profecutus fuerit, sacrosancta & augustissima mysteria conficit: & que ante laudauerat, venerandis operta atque abdita signis, in conspectum agit: diuinâque munera reuerenter ostendens, ad sacram illorum communionem & ipse conuertitur, & reliquos vt communicent hortatur.* Et l'Euesque alors qu'il aura louë les dons diuins, cōsacre ces saincts sacrez & augustissimes mysteres: & apres les auoir louez, il les monstre couuers & cachez de signes venerables: & faisant voir reueremment ces dōs diuins, il commence luy mesme à communier d'iceux & admoneste les autres de cōmunier. Et si vous voulez auoir tesmoignage de la verité de ce sacrement plus expres, sensuit peu apres en ce mesme chapitre. *sed illud quoque sacratius intueri, quod impositis sancto altari venerabilibus signis, per quæ Christus ipse & signatur & sumitur, adest protinus atque incunctanter sanctorum descriptio.* Mais d'auantage sainctement consideré ce, qu'estant mis les venerables signes sur l'autel, par lesquels iceluy Iesus Christ est signifié & receu: incontinent & sans tarder est proposée la description des saincts. Voyez que saint Denys faict mention de l'autel, de l'Euesque,

*S. Denys  
au lieu  
preallegué  
dict que  
par les si-  
gnes vene-  
rable, mis  
sur l'autel,  
Iesus n'est  
seulement  
signifié  
mais re-  
ceue.  
Tesmoi-  
gnage de  
l'autel,*



des signes, à sçauoir des especes de pain & vin, par lesquels non seulement Iesus Christ est signifié, mesmes il est receu. En ce donques est facile à colliger l'impieté de noz aduersaires, s'aydans faulxement de saint Denys, veu qu'il est pour nostre Eglise: ainsi que mesmes depuis sa predication en France auons iusques à present obseruée la sainte Messe, & reueré le iressainct sacrement du precieux corps & sang de Iesus Christ. Qu'ils alleguent depuis que la foy a esté receüe, qu'icelle n'ayt esté maintenue: & lors ils auront quelque raison de contredire, encor qu'elle soit legiere.

*Les Apostatz.*

Nous ne voulons taire le Concile de Nice le premier, lequel a decreté ce qui s'ensuyt. Ne soyés point arrestez cy bas au pain & au vin qui sont proposez en la table du Seigneur: Mais esleuons par foy noz espritz la hault. Considerons que l'agneau du monde ostant les pechez du monde est en ceste sainte table, lequel n'est point offert en sacrifice par les prestres en la façon des bestes. Et en prenât son precieux corps & son precieux sang, croyons que ce sont les signes de nostre resurrection. *L'auteur.*

*Le concile  
de Nice  
confond  
toute he-  
resie.*

**V**Rayement ainsi qu'auetz cotté à vostre marge, ceste sentence est diuinement bien dicté, & confond toute heresie qui se pourroit esleuer contre ce Sacrement. Car si



les Capharnaïtes pensent auoir le corps de Iesus Christ sous l'espece de corps humain: il dict que là est le pain & vin, à sçauoir en espece. Que si quelqu'un pense que la substance d'iceux soit celle de pain & vin: Il dict qu'il faut par foy esleuer noz espritz la hault, comprenans plus grans mysteres y estre cachez, A sçauoir que l'agneau du monde Iesus Christ est en ceste sainte table sous l'espece de pain & vin. Que si quelqu'un fait telle consequence, fil est vrayement offert par les prestres, il est donc crucifié de rechef: Il monstre que ce ne doit estre ainsi entendu, comme si c'estoit vn sacrifice sanglant: Car il n'est point offert en sacrifice par les prestres en la façon des bestes, à sçauoir qui anciennement estoient occies & immolées, leur sang respendu sur les autelz. Et si quelqu'un pense pour-ce que ce n'est sacrifice sanglant, qu'aussi ne soit donné le vray corps & sang de Iesus Christ: Il dict que nous prenons son precieux corps & son precieux sang, qui sont signes de nostre resurrection de mort à vie, de ruine à salut, de peché à sanctification par Iesus Christ. Ainsi il est manifeste que ce Concile sainctement defend nostre Eglise.

*Capharnaïtes.*

*Lutheriens.*

*Calu: p'se  
que de re-  
chef nous  
entendions  
faire en-  
durer Je-  
sus Christ.*

*Les Apostatz.*

Suyuant l'exemple de Iesus Christ, comme il nous a commadé, nous receuons & administrons ce saint sacrement de la Cene sous



tout ce chapitre pour vostre confusion & vergongne ; puis qu'auuez produict cest Auteur comme estant contre nous , qui toutesfois tant sainctement resiste à vostre impudence,

*Les Apostatz.*

Sainct Hierosme dict. Ainsi que Melchisedech sacrificateur du Dieu souuerain auoit fait en la figure de cecy, offrât des pains & du vin: ainsi Iesus Christ representa la verité de son corps & de son sang. Ce est escript sur le 26. chap. de saint Matthieu.

*L'aucteur.*

*Croire que  
realement  
le corps de  
Iesus soit  
sous l'espe  
ce de pain  
n'est nyer  
que ce sa-  
crement ne  
represente  
la verité  
d'iceluy.*  
*S. Hiero.  
sur la 2.  
epist. des  
Corinth.  
chap. 11.*

**N**ous ne nyons pas que ce sacrement, ne soit representatiō de la verité du corps de Iesus Christ: ainsi que nous confessons que c'est la memoire d'iceluy: neantmoins croyons que d'auantage ce soit le precieux corps de Iesus Christ vrayemēt: ainsi que le dict S. Hierosme I. Cor. II. *Cum hoc sacramentum accipimus, à sacerdotibus comunemur, quia corpus & sanguis est christi.* Quand nous receuons ce sacrement, des prestres nous sommes admonestez, que c'est le corps & le sang de Iesus Christ.

*Les Apostatz.*

Sainct Augustin a mieux appris en l'Eglise de Dieu disant ainsi : Iusques à ce que le siecle soit finy le seigneur Iesus est tousiours en hault: mais sa verité est tousiours avec nous. Car il faut que le corps auquel il est



resuscité soit en vn certain lieu, mais sa verité est espendue par tout. Et ne faut penser que Iesus Christ soit espendu par tout selon la forme & substance de son corps. Car il nous faut garder de tellemēt affirmer sa diuinité, que nous ne destruisions pas sa nature humaine. Partant il ne fensuit pas que tout ce qui est en Dieu soit Dieu. Ce est escrit sur le Psal. 54. Et ad Dardanum epistol. 67. *Les lieux* Et au 3. liure de la doctrine Chrestienne, & *dōt la sentēce susdite est prise* sur sainct Iean traict. 30. & sur le Psalme 96. Ce qu'est recité au canon *prima de consecrat. dist. 2.*

## L'aucteur.

**I**L nous faut examiner les lieux & liures, desquels dictes auoir extraictes ces sentē- *1. collatiō* ces. Premieremēt en tout le Psal. 54. Je n'ay leu à ce propos chose qui fust pertinente, si non ce que neantmoins ne nous offence, à sçauoir : *Corpus Christi & vnitas Christi in angore, & tadio, & molestia. Ille vnus homo in vno corpore posita vnitas, ipse vnus, sed vnitas vnus, non in vno loco vnus, sed à finibus terræ clamat vnus.* *S. Aug.* Le corps de Iesus Christ & l'vnité de Iesus Christ est en tristesse ennuy & moleste. Iceluy est vn homme, & est mise l'vnité en vn corps, iceluy est vn : mais l'vnité c'est vn : non vn en vn lieu, mais luy vn crye des fins de la terre. Vous voyez cōme cecy n'est guere à propos de ce sacrement, iacoit qu'il n'y ayt rien qui soit plus proche : & si ne ap-



proche pas, sinon contre la sentence proposée, si elle n'est distinguée, à sçauoir que Iesus Christ est avec nous par grace. Dõt simplement n'est inferée par le precedent: il est en hault, dõt il n'est pas avec nous. Et neãtmoins est bien dict. Iesus Christ est en hault en forme visible, & toutefois est avec nous, comme ceux qui sommes son corps duquel il est le chef, influant en ses mēbres. Quant à ce qui est extraict de l'epistre ad Dardanũ: Vous diētes que c'est la 67. vous estes en ce

S. Aug.  
epist. 67.  
& epist.  
57. ad  
Dardanũ.

fouruoyez, car celle la est enuoyé à vn vieillard nommé Alipius, mais la 57. est à Dardanus. En icelle il faiēt mention de ce qu'auēz premis, à sçauoir q̄ Iesus Christ est en hault, iusques à ce que le siecle soit finy. Ce qui doit estre entendu en forme visible, en laquelle n'apparoistra sinon à la fin du siecle: ainsi qu'il dict peu apres: *Et hic venturus est, illa angelica voce testante, quemadmodum visus est ascendere in cælum, id est eadem forma & substantia.* Et ainsi viendra selon le tesmoignage de ceste voix angelique, ainsi qu'il a esté veu monter au ciel, c'est a dire en mesme forme & substance. Voyez, sainēt Augustin donne la distinction: il ne dict point seulement en mesme substance: mais aussi en mesme forme. Biē est vray que le corps de Iesus Christ est donné soubz l'espece de vin, mais non en mesme forme, comme il est monté au ciel, & comme il viendra. Car de noz yeux nous ne

Il ne dist  
en substā-  
ce seule-  
mēt, mais  
en mesme  
forme.



le voyons point, mais spirituellement sous  
 l'espece, y estant toutefois realemēt. Et quād  
 à ce que saint Augustin en ce lieu dict: La  
 verité du corps de Iesus Christ estre espan-  
 due par tout, neantmoins qu'il ne soit par  
 tout, car il peult estre en vn lieu: Nous con-  
 fessons & croyons cela, ainsi que disons que  
 neantmoins qu'il soit sous l'Eucharistie, il  
 ne s'ensuit qu'il soit par tout: ainsi qu'estāt à  
 la dextre de Dieu le pere, n'est à inferer qu'il  
 soit par tout. Que s'il s'ensuyuoit par nostre  
 confession touchant le sacrement, qu'il fust  
 par tout: Ceste sentence de S. Augustin nous  
 pourroit greuer. Mais nous disons que rea-  
 lement il est en ce sacrement, & que reale-  
 mēt il n'est en tous lieux: mais seulemēt que  
 sa verité est espendue par tout. Et à ce qu'on  
 entende qu'en ceste epistre n'est rien inferé  
 contre nous, mais plustost pour nous: Lisez  
 plus auant ou il fait mention de ce saint sa-  
 crifice, lequel impugnez quand vous n'yez  
 qu'il soit sacrifice: il dict. *Nosti autem in quo sa-*  
*crificio dicatur Gratias agam⁹ domino deo nostro?*  
 Cognois tu en quel sacrifice est dict, rédons  
 graces au seigneur nostre Dieu? Vous voyez  
 mesmes qu'il determine quel est ce sacrifice  
 par le commencement de la pface vſitée  
 à la messe. Vous auez cotté vostre susdicte  
 sentence de S. Augustin 3. liure de la doctri-  
 ne chrestienne. Lequel i'ay leu, Mesmes au  
 chap. 9. entierement contre vous. Car en ce

*Nous ne  
 disons pas  
 q le corps  
 de Iesus  
 Christ soit  
 par tout.*

*S. Aug.  
 en ceste e-  
 pist. fait  
 mentiō du  
 sacrifice.*

*S. Aug.  
 3. li. de la  
 doctrine  
 chrestienne  
 chap. 9.*



lieu il dict, *Quedam pauca pro multis, eadēque factu facillima & intellectu augustissima, & obseruatione castissima*, ipse dominus & apostolica tradidit disciplina: sicuti est baptisimi sacramētum, & celebratio corporis & sanguinis domini. Ice-  
 luy nostre seigneur, & la discipline apostoli-  
 que, nous ont baillé d'aucunes choses peu  
 pour beaucoup, & icelles faciles à faire, &  
 tressainctes à entendre, & trespastes à ob-  
 seruer: ainsi qu'est le sacremēt de baptesme,  
 & la celebration du corps & sang du sei-  
 gneur. Y a il en ce qui soit difforme à nostre  
 Eglise? I'ay leu le lieu que cottez dudict au-  
 theur. tract. 30. in cap. Ioan. 7. ou bien est vray  
 qu'il dict, que le corps de Iesus Christ au-  
 quel il est resuscité, peult estre en vn lieu:  
 mais la verité d'iceluy est espādue par tout.  
 Ce que croyons cōme auons ia dict: sachant  
 que celuy qui dict q̄ le corps de Iesus Christ  
 est realemēt par tout, destruit la nature hu-  
 maine d'iceluy. Parquoy croyons & confes-  
 sons que le corps de Iesus Christ realement  
 peult estre en vn lieu: à sçauoir à la dextre  
 de Dieu son pere, & en l'Eucharistie. Vous  
 dictes aussi auoir extraict ceste vostre predi-  
 te sentence de l'exposition sur le psal. 96. Le-  
 quel ayant entieremēt leu n'ay rien trouué  
 au propos de ceste dispute, sinon ce. *Imperti-  
 tus est potus sanguinis Christi*, a esté donné le  
 breuuage du sang de Iesus Christ. Et d'autāt  
 que i'ay veu, que ce vous offensoit: i'ay esti-  
 mé que

S. Aug.  
 tract. 30  
 sur lech. 7  
 de S. Iean.

4. mal ob-  
 seruée.

S. Aug.  
 n'a riē es-  
 crit de ce  
 au psal.  
 96. con-  
 tre nous.



mé que vous estes deceuz à la cottation du  
 Psalme, en sorte que i'ay leu iusques au 69.  
 ou à la fin ay cecy trouué: *Noli putare quia non*  
*hic est veritas eius, si non esset hic veritas, non di-* *Mat. ult.*  
*ceret in alio Psalmo: Veritas de terra orta est: nec*  
*ipsa veritas diceret, ecce ego vobiscum sum vsque*  
*ad consummationem seculi.* Ne pense pas que  
 ne soit icy la verité d'iceluy (Iesus Christ): *S. Aug.*  
 car si la verité n'estoit icy, ne seroit dict en *au psalmé*  
 l'autre Psalme, La verité est sortie de la ter- *69.*  
 re: & ne diroit icelle mesme verité, voyla ie  
 suis avec vous iusques à la cōsommation du  
 siecle. Cela ne faict rien contre nous, mais  
 plustost pour nous. Car puis que la verité de  
 Iesus Christ est icy avec nous, & y sera ius-  
 ques à la fin du siecle, nous esperons que no-  
 stre Eglise sera munie de toute assurance, &  
 qu'ainsi que iusques à maintenant, il nous  
 maintiendra iusques à la fin du siecle.

I'ay recherché par apres les Canons De  
 Consecratione, specialement en la distinctiō 2.  
 Comme auez allegué. Et ay leu entieremēt  
 le chapitre commence *Prima*, extraict de S.  
 Augustin escriuant *ad Ireneum*, ou il dict le *S. Aug.*  
 semblable qu'en ce Psalme, & aux autori- *en l'epist.*  
 tez predictes: A sçauoir, que le corps de Iesus *ad Ireneū*  
 Christ peult estre en vn lieu: Qui est pour *refere de*  
 nous. Car estre au Sacrement de l'autel rea- *cōsec. dist.*  
 lement, & à la dextre de Dieu, C'est estre en *2. Cano-*  
 vn lieu, en ce qu'il ne sensuyt de ce qu'il *ne primā.*  
 soit par tout. Et à ce que nous entendions



commēt vous calomniez faulſement Sainct  
Augustin, inferer quelque chose contre ce  
sainct Sacrement: nous examinerons d'auan-  
tage ce Canon; veu meſmes que d'iceluy al-  
leguez cecy d'auantage, qui ſenſuit du lieu  
meſmes.

*Les Apostatz.*

Sainct Augustin dict. Les paroles de Ieſus  
Chriſt ſont eſprit & vie. Entendez ſpirituel-  
lement ce que ie vous ay dict. Vous ne man-  
gerez point ce corps que vous voyez, & ne  
burez point ce ſang qui ſera reſpandu par  
ceux qui me crucifieront. Ie vous ay recom-  
mandé vn Sacremēt ſpirituellement enten-  
du. Car c'eſt l'eſprit qui yuiſie, la chair ne  
proſite rien. Voyla ce que ce ſainct docteur a  
eſcrit en pluſieurs lieux bien amplement.

*L'Auteur.*

**V**rayement il a eſcrit aſſez amplement:  
Mais comme imitateurs du diable qui  
tentoit Ieſus Chriſt, vous corrompez les eſ-  
critures: par ce moyen ſeduiſant pauures gēs  
qui n'auront entendu toute la ſentence de  
l'Auteur. Eſtes vous pas bien impudēs d'a-  
uoir pris ce texte precedent qui eſt cru, ſans  
le ſubſequent, auquel eſt donnée pleine in-  
ſtruction & edification de ceſte douteuſe  
ſentence? Vous auez aſſez d'eſprit à prendre  
parmy les liures des Auteurs les ſentences  
crues, mais vous ne les voulez digerer. Ce-  
luy m'a eſté le plus grand argument de vo-

*S. Augu.  
au lieu  
que deſſus*



stre malice: En sorte que si i'eusse voulu e- La malice  
 stre de vostre secte, maintenant renoncerois: & faulsa  
 à ce vouloir. Car que dict immediatemēt a- productiō  
 pres ceste-dicte sentence S. Augustin? Faict des faulx  
 il la le poinct & conclusion? Nenny. Mais au docteurs  
 surplus il escrit ce que s'ensuit. *sed quomodo* faict de  
*illi (Capharnaïte) non intellexerūt carnem, (quippe* fourner  
*sic intellexerunt quomodo in cadauere venditur.* de la do-  
*aut in macello dilaniatur.)* Sciens autem Iesus, ait, ctrine des  
*hoc vos scandalizāt, quia dixi, do vobis carnem* Apostats  
*meam manducare & sanguinem meam bibere.* le surplus  
 Mais comment iceux (Capharnaïtes) n'ont du texte  
 entendu (car ils ont ainsi entendu la chair de S. Au-  
 (de Iesus Christ) cōme celle d'un corps mort gustin.  
 qui se vend & qu'on deschire au marché) à distin. i.  
 ceste intention disoit Iesus Christ, ce qu'en De conse-  
 ladicte epistre saint Augustin ad Ireneum est cratiōne  
 recité, *De cōsecrat. distin. i. can. nō hoc corpus.* Car distin. i.  
 la est dict en la personne de Iesus Christ. Can. non  
*Non hoc corpus quod videtis, manducaturi estis,* hoc corpus.  
*& bibituri illum sanguinem quem effusuri sunt,* Notez bie  
*illi qui me crucifigent. Ipsum quidem & non ip-* ces paroles  
*sum, ipsum inuisibiliter, & non ipsum visibiliter.*  
 Vous ne mangerez point ce corps que vous comment  
 voyez, & ne burez point ce sang que respā- nous ne  
 derōt ceux qui me crucifieront. Vous beurez mangeant  
 eceluy là, & non celuy là: celuy là inuisible- le corps de  
 ment, & non celuy là visiblement. Voyla la Iesus &  
 distinction de ces paroles, à scauoir que Ie- cōme il est  
 sus Christ n'a baillé son corps en telle espee- māge par  
 & forme visible, qu'il a esté crucifié, mais noies.



*August. in ioh. 6. cap. 53. ad Irenicum.* inuisiblement soubz l'espece de pain : dont conclud ledict Sainct Augustin. *si necesse est illud celebrari visibiliter: necesse est illud, inuisibiliter intelligi.* S'il est necessaire que visiblement ce soit celebré, il faut qu'il soit entendu inuisiblement: A sçauoir que visiblement soit celebré ce sacrifice, auquel neantmoins ne soit souz forme visible le precieux corps de nostre sauueur, mais soubz l'espece de pain, representant ce qui est inuisible. Voyla comme ce bon docteur vous resiste, & interprete ce que pour la dureté de vostre cœur tournez à calumnie. Ce que en plusieurs lieux beaucoup plus amplement il a traicté.

*Les Apostatz.*

*Impossu-  
re execra-  
ble. car S.  
Iean Chry-  
sost. n'a  
dict que  
la nature  
du pain  
demeure.* Sainct Iean Chrysostome dict ainsi. Christ a ordonné la table de sa sainte Cene, afin qu'en ce Sacrement, il nous monstast quotidianement le pain & le vin, pour la similitude de son corps, & de son sang. Car la nature du vin demeure tousiours. Ce est escrit sur le Psalme 21. Et sur saint Mattheu chap. 5. Homelie 8. & à Cæsar Moyne.

*L'auteur.*

*S. Iean  
Chrysost.  
n'a au 21.  
mais 22.  
psalme.* Sainct Iean Chrysostome, n'a ce dict au Chap. 21. mais au 22. hors mis ce qui est adiousté iniquement de vous, Car la nature de vin demeure tousiours. Car comme voulant entendre que soubz semblance & signe nous estoit exhibé le corps & sang de Iesus Christ, il n'a dict que la nature du vin de-



meure : mais a entendu que c'est realement *S. Iean*  
 le sang de Iesus Christ. Et qu'ainsi soit voyez *Chrysost.*  
 le subiequent au mesme lieu. *Accedens ad* n'a dict  
*mensam potentis, considera ea quæ apponuntur ti-* que la na-  
*bi: sciens quia talia te oportet præparare, quid est* ture du  
*talia te oportet præparare, nisi corpus & sangui-* vin de-  
*nem quod accipis?* Approchant de la table du meue,  
 puissant, considere ce qui t'est presenté: sa- mais an  
 chant qu'il te faut ce apprestier. Qu'est ce mesme li-  
 qu'il te faut apprestier, sinon pour le corps & eu a dict  
 le sang que tu reçois? Voyla la foy dudit que ce que  
 Autheur, conforme à la nostre. nous pre-  
 nous est le  
 corps &  
 sang de  
 Iesus.

Vous dictes aussi qu'il condescend à ce- *Ledit au*  
 ste vostre sentence sur saint Mattheu cha- theur n'a  
 pitre 5. Homelie 8. Ce lieu est faulsemét cot- fait le chr.  
 té: Car il commence à l'Homelie 15. interpre- 5. homel.  
 ter le chapitre 5. Et d'autant que pouuoit e- 8. mais sur  
 stre oublié vn poinct de huit, pour faire 18. le second,  
 I'ay leu le dixhuitiesme chapitre: ou n'est fai & cōmen-  
 cte mention de ce Sacrement ny mesmes en ce le huit à  
 l'Homelie sur le chapitre 2. la 15. ou

Vous avez aussi cotté quelque escrit du- *n'est rien*  
 dit Autheur à Casar Moyne: Je n'ay trouué de ce ny a  
 que saint Iean Chrysostome ayt escrit à vn l'home. 8.  
 Moyne ainsi nommé. Bien est vray qu'entre *S. Iean*  
 ses liures est inserée quelque epistre à Theo- *Chrysost.*  
 dore Moyne, en laquelle n'est faicte men- n'a escrit  
 tion de cela, mesmes le tiltre de ceste Epi- à Casar  
 stre est d'un incertain Autheur. Je vouldrois moyne.  
 bien qu'il vous eust pleu, si ainsi est, cotter  
 plus sagement voz lieux, pour ne deceuoir



les personnes.

Les Apostatz.

Sainct Denys, Irenée, Origene ont escrit d'un mesme consentemēt : comme on peult voir en la hierarchie ecclesiastique, & aux autres. Ce est escrit par Irenée li. cōtre Valé. chap. 34. Origene sur S. Matthieu chap. 26. homel. 83. & sur le Leuit. homel. 7.

L'auteur.

Irenée cō-  
tre les he-  
res. li. 4.  
chap. 24.

Nous auons cy dessus allegué sainct Irenée parlans de la transsubstantiation; selon ce mesme chapitre: neātmoins que n'ayez coté le liure, qui est quatriesme chap. 24. Et en ce vous entendez, que ne sommes rauau-  
deurs, n'ayans leu qu'en sommaire ces li-  
ures. Voyez qu'il dict d'auantage: *Quomodo autem rursus dicunt carnem in corruptionem de-  
uenire, & non percipere vitam, quæ à corpore do-  
mini & sanguine alitur?* Et comment d'auan-  
tage disent ils que la chair vienne en corru-  
ption, & ne perçoiue la vie eternelle, qui est  
nourrie du corps & du sang du seigneur?  
Voyez qu'il dict la chair estre nourrie du  
corps & sang de Iesus Christ. Et peu apres  
il dict. *Qui est à terra panis percipiēs vocationem  
Dei, iam non communis panis est: sed eucharistia ex  
duabus rebus constans, terrena & cælesti.* Le pain  
qui est de la terre ayāt receu la vocation de  
Dieu, n'est plus pain commun: mais l'eucha-  
ristie composée de deux choses, l'une ter-  
rienne, l'autre celeste. Ainsi nous croyōs que

Ledit au-  
dit lieu.



le pain apres la consecration, est discerné du pain commun: & que c'est l'Eucharistie, & le precieux corps de Iesus Christ. Voyla comme en ce mesme chapitre. saint Irenée vous condamnē.

*La chose terrienne en l'Eucharistie est l'humanité,*

Origene n'a pas composé d'homelie 83. sur le chapitre 26. de S. Matth. Mais l'homelie 35. en laquelle i'ay ce leu touchant ce sacrement:

*et la chose celeste est la diuinité de Iesus Christ.*

*Panis quem deus verbū, corpus suum esse fatetur, verbum est nutritorium animarū, verbum de deo verbo procedens, & panis de pane celesti. Et paulopost. Et potus iste quem deus verbum sanguinem suum esse fatetur, verbum est potans & inebrians*

*2. Origene. 83. homel. sur le 26. chap.*

*præclare corda bibentium.* Ce pain lequel Dieu le verbe confesse estre son corps, est le verbe

*S. Math. n'a composé mai la. 35*

nourrissant les ames: le verbe procedant de Dieu le verbe, & le pain du pain celeste. Et peu apres. Et ce boire que Dieu le verbe confesse estre son sang, est le verbe nourrissant & ennyurant abondamment les cœurs de ceux qui boient: A sçauoir ainsi que sous l'espece du vin est entierement Iesus Christ, qui nous rasasie. Ce est il pas cōforme à nostre Eglise?

Origene en l'homelie 7. sur le Leuitic, ainsi qu'auz cy dessus noté, ne pretend rien contre nostre Eglise, & ce saint sacrement: mais en tout ce chapitre veult esleuer les espritz, des signes aux significations plus grandes: pource que ces signes ne sont les choses signifiées, comme il prouue en la loy, dont il diēt: *si enim secundum litteram*

*3. Origene homel. 7. sur le Leuitic.*



*sequaris hoc ipsum quod dictum est: nisi manducaueritis carnem meam; & biberitis meum sanguinem, occidit hæc littera.* Que si tu suys selon la lettre ce qui est dict: Si vous ne mangez ma chair & beuvez mō sang, ceste lettre meurt. C'est à dire; si tu entends que selon la lettre Iesus Christ te baille sa chair coupée, ou sous espee de chair humaine, ainsi que les Capharnaïtes: ce perit. Car il ne faut penser que Iesus Christ nous exhibe sa chair sous l'espee de chair humaine visible, & contractible: & son sang sous figure de sang: mais l'un sous l'espee de pain, l'autre sous l'espee de vin, qui sont plus familiares à l'homme. Ainsi Origene ne faict rien contre nous veu que ne sommes de la secte & heresie des Capharnaïtes.

*S. Denis  
li. de la  
hierarch.  
ecclē. ch 3.*

Vous produisez aussi S. Denis Areopagite comme s'il fauorisoit à vostre Eglise contre nous. Specialement aux liures de la hierarchie ecclesiastique. O impudence! Que si voz effrôtez secretaïres & deprauâteurs des escritures suyuoient la doctrine de ce bon Martyr, disciple de S. Paul, qui premier a presché l'Euangile en la ville de Paris, si le pauvre peuple leduiet entendoit au sien docteur, plus sainctement ils receueroient la sacrée messe. Qu'on lise & relise les liures du dict autheur, cōme bien il instruit les Eueques à se disposer & maintenir à ce très venerable sacrement. Et à ce que ne vous sem-



ble que ie vous vueille induire à ce penser & croire sans probation & tesmoignage de luy mesmes, voicy entre beaucoup d'autres propos ce qu'il dict, au liure de la hierarchie ecclesiastique chap. 3. *At vero pontifex cum diuina munera laude profecutus fuerit, sacrosancta & augustissima mysteria conficit: & que ante laudauerat, venerandis operta atque abdita signis, in conspectum agit: diuinâque munera reuerenter ostendens, ad sacram illorum communionem & ipse conuertitur, & reliquos vt communicent hortatur.* Et l'Euesque alors qu'il aura louë les dons diuins, cōsacre ces saincts sacrez & augustissimes mysteres: & apres les auoir louez, il les monstre couuers & cachez de signes venerables: & faisant voir reueremment ces dōs diuins, il commence luy mesme à communier d'iceux & admonneste les autres de cōmunier. Et si vous voulez auoir tesmoignage de la verité de ce sacrement plus expres, sensuit peu apres en ce mesme chapitre. *Sed illud quoque sacratius intueri, quod impositis sancto altari venerabilibus signis, per quæ Christus ipse & signatur & sumitur, adest protinus atque incunctanter sanctorum descriptio.* Mais d'auantage sainctement consideré ce, qu'estant mis les venerables signes sur l'autel, par lesquels iceluy Iesus Christ est signifié & receu: incontinent & sans tarder est proposée la description des saincts. Voyez que saint Denys faict mention de l'autel, de l'Euesque,

*S. Denys  
au lieu  
preallegué  
dict que  
par les si-  
gnes vene-  
rables, mis  
sur l'autel,  
Iesus n'est  
seulement  
signifié  
mais re-  
ceue.  
Tesmoi-  
gnage de  
l'autel,*



des signes, à sçauoir des especes de pain & vin, par lesquels non seulement Iesus Christ est signifié, mesmes il est receu. En ce donques est facile à colliger l'impicté de noz aduersaires, s'aydans faulxement de sainct Denys, veu qu'il est pour nostre Eglise: ainsi que mesmes depuis sa predication en France auons iusques à present obseruée la sainte Messe, & reueré le iressainct sacrement du precieux corps & sang de Iesus Christ. Qu'ils alleguent depuis que la foy a esté receüe, qu'icelle n'ayt esté maintenue: & lors ils auront quelque raison de contredire, encor qu'elle soit legiere.

*Les Apostatz.*

Nous ne voulons taire le Concile de Nice le premier, lequel a decreté ce qui s'ensuyt. Ne soyés point arrestez cy bas au pain & au vin qui sont proposez en la table du Seigneur: Mais esleuons par foy noz espritz la hault. Considerons que l'agneau du monde ostant les pechez du monde est en ceste sainte table, lequel n'est point offert en sacrifice par les prestres en la façon des bestes. Et en prenât son precieux corps & son precieux sang, croyons que ce sont les signes de nostre resurrection. *L'auteur.*

*Le concile  
de Nice  
confond  
toute he-  
resie.*

**V** Rayment ainsi qu'auz cotté à vostre marge, ceste sentence est diuinement bien dicté, & confond toute heresie qui se pourroit esleuer contre ce Sacrement. Car si



les Capharnaïtes pensent auoir le corps de Iesus Christ sous l'espece de corps humain: il dict que là est le pain & vin, à sçauoir en espece. Que si quelqu'un pense que la substance d'iceux soit celle de pain & vin: Il dict qu'il faut par foy esleuer noz espritz la hault, comprenans plus grans mysteres y estre cachez, A sçauoir que l'agneau du monde Iesus Christ est en ceste sainte table sous l'espece de pain & vin. Que si quelqu'un fait telle consequence, il est vraiment offert par les prestres, il est donc crucifié de rechef: Il monstre que ce ne doit estre ainsi entendu, comme si c'estoit vn sacrifice sanglant: Car il n'est point offert en sacrifice par les prestres en la façon des bestes, à sçauoir qui anciennement estoient occies & immolées, leur sang respendu sur les autelz. Et si quelqu'un pense pour-ce que ce n'est sacrifice sanglant, qu'aussi ne soit donné le vray corps & sang de Iesus Christ: Il dict que nous prenons son precieux corps & son precieux sang, qui sont signes de nostre resurrection de mort à vie, de ruine à salut, de peché à sanctification par Iesus Christ. Ainsi il est manifeste que ce Concile sainctement defend nostre Eglise.

*Capharnaïtes.*

*Lutheriens.*

*Calu: prise  
que de re-  
chef nous  
entendions  
faire en-  
durer Je-  
sus Christ.*

*Les Apostatz.*

Suyuant l'exemple de Iesus Christ, comme il nous a commadé, nous receuons & administrons ce saint sacrement de la Cene sous



les deux especes de pain & de vin, & n'ose-  
rions faire autrement sans estre sacrileges.

L'aucteur.

Vyuant l'exéple de Iesus Christ les preb-  
stres consacrant le pain au corps, & le vin  
au sang d'iceluy, doiuent communier soubz  
les deux especes: car ainsi l'a commandé Ie-  
sus Christ à ses Apostres seulement, non aux  
laiz, car à sa Cene n'y auoit que les douze:  
mesmes la vierge Marie, ny quelque autre  
femme n'y estoit presente. Parquoy selon le  
commandement de Iesus Christ, nous fai-  
sons ainsi que de rechef a esté reformé par  
le Pape Gelasius: Côme est escrit au Canon.

*De conse.  
distin. 2.  
can. cōpe-  
rimus.*

*Comperimus de consecratione distin. 2.* A sçauoir  
que les prebstres *intra missarum solennia*, entre  
les solennitez de la Messe communiét soubz  
les deux especes. Mais quant aux laiz, com-  
me femmes & autres n'ayans office ecclesia-  
stique, on ny est obligé par ceste exemple de  
Iesus Christ: veu que nulle personne laicque  
n'estoit à sa Cene.

Les Apostarz.

Le Concile de Basle a mieux escouté no-  
stre Seigneur Iesus, quād il a ordōné que les  
gens laiz communiquassent aux deux especes.

L'aucteur.

*Le concile  
de Basle  
session 30.  
monstre  
apertemēt*

LE Concile de Basle autrement a ordon-  
né, ainsi que pouuez voir en la Sessio 30.  
ou il est dict. *Hæc sancta synodus decernit & de-  
clarat; quòd fideles laici siue clerici, cōmunicātes,*



*Et non conficientes, non adstringuntur ex præcepto domini, ad suscipiendū sub vtraque specie panis scilicet et vini sacrum Eucharistie sacramentum.* Ce sainct Concile discerne & declare que les laiz fideles ou clercs communiant & non consacrant, ne sont contraincts par precepte du seigneur, de recevoir le sacrement de l'Eucharistie sous les deux especes, à sçavoir de pain & vin. Voyla ce que ordonne le Concile de Basle, conforme à nostre sentence que voulez routesfois corrompre.

*Les Apostatz.*

Sainct Cyprian s'est directement opposé à telle contradiction, disant ainsi: Comment exhorterons nous le peuple d'espandre son sang pour la confession de Christ, si nous luy denions le sang d'iceluy, quand il doit combattre? ou comment le ferons nous capable à boire le calice de martyr, sinon que l'admettions premierement à boire le calice du Seigneur? Ce est escrit au sermon des pecheurs penitens.

*L'auteur.*

**V**ous voyez qu'il n'appelle point la figure du sang, mais le sang de Iesus Christ. Dont quand ne pouuez au principal, vous venez à ce qui est moindre: vous ne pouvez vous ayder de cest autheur pour infirmer ce que croyons de ce sacrement, lequel tant sainctement en beaucoup de lieux, mais specialement au sermon de *cena domini*, &

*Notez qu'il dit le sang de Iesus Christ nō la figure.*



S. Cypriā au sermon de lapsis en faict mention. Que si  
 au sermon i'en recite quelque point, il me semble qu'il  
 de lapsis. ne sera impertinēt à ce lieu, veu que cest au-  
 theur est par vous allegué. Car vous dictes  
 auoir extraict ceste susdictē sentence du ser-  
 mon S. Cyprian des pecheurs penitens, qui  
 m'a esté occasion d'annoncer le sermon des  
 pecheurs d'iceluy. Car ce sont epistres au-  
 tres, esquelles est faicte mention de receuoir  
 ceux qui reuiennēt en l'Eglise. Or en ce ser-  
 mon entre autres poinctz il dict, pour con-  
 fondre l'orgueil de ceux qui indignement  
 veulent receuoir ce sacrement: *Iacens stanti-*  
*bus, & integris minatur vulneratus, & quod non*  
*statim inquinatis manibus domini corpus accipiat,*  
*aut ore polluto domini sanguinem bibat, sacerdoti-*  
*bus sacrilegus irascitur.* Le pecheur abbatu me-  
 nasse ceux qui sont droicts, luy nauré se leue  
 contre ceux qui sont entiers, & le sacrilege  
 se courrouce aux prebstres, qu'incontinent  
 il ne prend de ses mains pollues le corps  
 du Seigneur, ou qu'il ne boit de sa bouche  
 pollue le sang du seigneur. Voyla qu'il ap-  
 pelle le corps & le sang du seigneur. Et en ce  
 lieu par apres recite des miracles faicts pour  
 certaine confirmation de ce saint sacremēt.

Miracle  
 recité par S. Cypriā. Dont l'un est. *Cum quedam (mulier) arcam*  
*suam in qua domini sanctum fuit, manibus indi-*  
*gnis tentasset aperire, igne inde surgente deterrita*  
*est, ne auderet aperire.* Quelque fois vne fem-  
 me s'efforçoit ouurir son coffre de ses mains



indignes, auquel auoit esté le Sainct(corps) du Seigneur, & de ce fut par crainte destournée, à ce qu'elle n'osast l'ouurir, le feu sortant de là.

Je laisseray autres sentences dignes de noter audict sermon des pecheurs. De ce vous contenterez pour tesmoignage que ie l'ay leu, pour-ce qu'auetz cotté vostre sentence dudit Sermon, Neantmoins qu'elle ne soit escrité en quelque Homel. mais en l'Epistre 2. du premier liure, escrit au Pape Cornel. *La sentē-  
ce susdicte  
est epist. 2.  
1. lib. ad  
Corneliū  
Papam.*  
en laquelle pour l'affinité qu'il y a de sang  
au sang, nomme le sang de Iesus Christ pour  
la communion. Car l'intétion de saint Cy-  
prian en ceste Epistre, est de persuader saint  
Cornelius à receuoir les pecheurs penitens  
à la communion, & non seulement au Cali-  
ce, comme si la dispute estoit, à sçauoir si ce  
Sacrement leur deuoit estre baillé sous les  
deux especes, dont il dit, que pour les rédre  
prests d'endurer martyre pour Iesus Christ,  
on les doit receuoir au sang, c'est à dire à la  
communion de Iesus Christ. *Le sang  
pour la co-  
mmunion.*  
Je sçay que par  
ce on pourroit prouuer que pour ce temps,  
la communion pouuoit estre exhibée soubz  
les deux especes. Mais non pas que ce fust  
d'obligation, & de l'institution speciale, &  
du commandement expres de Iesus Christ,  
comme auons ia dict. Car l'Eglise a peu de  
ce deliberer, veu que quand aux laiz il n'y a  
rien arresté. Parquoy neantmoins que quel-



*Inconueniens qui pourroient aduenir si les laïcz cōmunioient sous les deux especes.* que temps ce ayt esté loysible, toutesfois pour les inconueniens (comme de respan- dre quelque goutte du sang, ou qu'on ne le pourroit garder s'il en auoit du surplus de l'Eglise) qui pourroient en ce aduenir, elle plus sagement ordonne, n'estre donné que sous vne espece: en laquelle toutefois est exhibé le corps & le sang de Iesus Christ, car ils ne se peuuent diuiser.

*Les Apostatz.*

Le Seignent Iesus & ses Apostres ne nous ont point enseigné & cōmandé de garder le pain de sa sainte Cene, ou de la porter ça & là. Car iamais l'Eglise obeïssante à sa doctrine ne l'a faict.

*L'aucteur.*

*Heb. 9.* Si la mēne estoit gardée au tēple pour tes-  
*Ioan 6.* moignage de l'alliance, qu'auoit faict no-  
 stre Dieu, & des benefices prestéz à son peu-  
 ple, d'auantage ce pain celeste. Que s'il n'y a  
 expres commandement, aussi n'y a il pas ex-  
 presse defence, que ne soit gardé ce Sacre-  
 ment, ou porté non pour ceux qui sont en  
*Ioan 9.* santé, mais qui sont malades. Car la maladie  
 peult assaillir la personne à telle heure, qui  
 sera indeüe pour ceste consecration. Neant-  
 moins n'est pas expediēt, mais quelque fois  
 nuisible de differer, pour ce que la mort ha-  
 ste la personne: ioint que comme est dict par  
*Tertul. li. de la co- rone mili- taire. S. Cyprian epist. 2. li. 1.* sainct Cyprian epist. 2. lib. 1. ad Cornelium,  
 Ceste communion est armēre contre tous  
 ennemys.



ennemys. Parquoy *in Concilio Guarmaciensi*,  
 ce qui est recité *de consecrat. dist. 3. Canone pres-* *De conse.*  
*byter est dit Presbyter eucharistiā semper habeat* *dis. 3. cano*  
*paratam, vt quando quis infirmatus fuerit, statim* *ne presbi-*  
*ter.*  
*ter. Le prestre*  
*s'est adire,*  
*le Curé*  
*doibt auoir*  
*toujours*  
*le corps de*  
*Iesus prest*  
*pour les*  
*malades.*  
*Concile*  
*Turonique*  
*il y a mille*  
*ans.*  
 Que le prestre ayt tousiours l'Eucharistie  
 preste, à celle fin que s'il y a quelqu'un ma-  
 lade, qu'il soit incontinent cōmunié: & qu'il  
 ne meure sans communion. Aussi au Con-  
 cile Turonicque qui a esté faict il y a mille  
 ans, est dict, *vt corpus domini in altari, non in*  
*armario, sed crucis titulo componatur.* Que le  
 corps du Seigneur ne soit mis en l'armoire,  
 mais à l'autel, soubz le titre de la croix. Voy-  
 la comment il est mal dict de vous que l'E-  
 glise obeissante à Iesus Christ, n'ayt gardé, ou  
 porté ce sacrement. Ce que mesmes voulós  
 prouuer par ces Autheurs desquelz dictes a-  
 uoir extraict voz sentences. S. Cyprian, com-  
 me nous auós ia dit, faict il pas mention q le  
 corps de Iesus Christ auoit esté en vn coffre?  
 mesmes audit sermon que le sacrifice estant  
 célébré du prestre: occultement auec les au-  
 tres quelqu'un osa prendre la part d'iceluy,  
 & ne peut se sacremēt māger ne contrecter,  
 pour ce que celuy qui sy presentoit estoit  
 polu & maculé, en sorte qu'il porta ce S. Sa-  
 cremēt entre ses mains, iusques à ce qu'ayāt  
 ouuert les mains, veit qu'il ne portoit que  
 de la cendre. Dont conclud S. Cyprian. Do-  
 cumento vnius ostēsum est, dominum recedere cum

*S. Cyprian*  
*ser. de lap-*  
*sis Celuy*  
*qui estoit*  
*pollu na*  
*peu man-*  
*ger le sa-*  
*crements*  
*corps de*  
*Iesus.*



negatur. A l'exemple d'un a esté monstre, que le Seigneur se retire, quand il est nyé de quel qu'un. Comme disant qu'estoit disparu ce S. sacrement. Ainsi il fait mention qu'il auoit esté porté. Sainct Ambroise *lib. de excessu fratris sui satyri cap. 7.* dict que celui sien frere, dict, satyre, auant qu'il fust dedie à plus parfaitz mysteres, estant à un naufrage & peril de mer, à ce qu'il ne decedast vuyde de mystere (& sacrement) demanda à ceux qui estoient dediez (c'est à dire prestres) le diuin sacrement des fideles. non pour inserer curieusement les yeux à la veüe d'iceux secretz, mais pour receuoir ayde de la foy. Car il feyt lyer ce sacrement en vne estolle, & icelle estolle enuclopper à son col, & ainsi se lança en la mer, cherchant les armes de la seule foy. Dont l'esperance ne l'a laissé, & son opinion ne l'a deceu: Car le premier a esté saulué des eues, & porté en un port de terre ferme a recogneu celui auquel il s'estoit fié. En ceste histoire Sainct Ambroise fait mention que ce Sacrement auoit esté reserué par les prestres au nauire, & baillé à Satyre, & porté d'iceluy entre les ondes de la mer, iusques à terre ferme. Sainct Hierosme en l'Epistre *ad Rusticum Monachum*, escriuant de S. Exuperius Euesque de Tholose dit, *Nihil illo ditius qui corpus domini canistro vimineo, sanguinem portat in vitro.* Il n'y a rien plus riche que celui qui porte le corps du Seigneur en vne

S. Ambroi  
se li. de ex-  
cessu Saty-  
ri. cap. 7.

Le corps  
de Jesus  
porté deli-  
ure d'un nau-  
frage.

S. Hieros-  
me en l'epi-  
stre à Rus-  
stique  
Moine.



Corbeille d'ozier, & le sang d'iceluy en vn voirre. Eusebe liure 6. de l'Histoire Ecclesiastique chap. 33. Dit qu'en Alexandria estoit vn de ceux qui estoient decheuz de la foy, appelé Serapion. Lequel au lict de la mort demanda qu'on allast querir le prestre. Dóc incontinent est venu l'enfant d'iceluy de nuict au prestre, lequel d'autant qu'il estoit malade n'a peu venir: Mais a enuoyé par cest enfant vne particule de l'Eucharistie; laquelle ayant receu, le malade qui parauant estoit fort tormenté, quasi ioyeux en son esprit est decedé. Vous voyez qu'il dit qu'a esté porté ce tresdigne sacrement au malade. Comment doncques osez vous dire que l'Eglise n'ait ce obserué, & maintenu pour la necessité?

*Eusebe li-  
ure 6. de  
l'Histoire  
Ecclesi-  
astique  
cha. 33.*

*Vn enfā  
porte le  
corps de  
Iesus au  
malade  
qui l'ayāt  
prinś cōme  
ioyeux tref  
passa.*

#### *Les Apostatz.*

Sainct Clement Epist. 2. ad Iacobum dit. Autant d'hosties soyent offertes à l'autel qu'il suffira au peuple: Que s'il en demeure quelque reste, on ne les doit garder au lendemain: mais par la diligence des clercs avec crainte & treueur doiuent estre receuës & mangées.

#### *L'aucteur.*

SI vous auez entierement leu ceste Epistre vous auez veu que simplement S. Clemēt ne deffend point reseruer des hosties: car autrement il se cōtrediroit, veu qu'au precedēt il a dit. *Tribus gradibus commissā sunt sacramēta*

*S. Clemēt  
ad Iaco-  
bum epist.  
2.*



*diuinorum secretorum, id est presbytero, dyacono, & ministro, qui cum timore & tremore clericorum reliquias corporis dominici debent custodire fragmentorum: ne putredo in sacrario inueniatur, ne cū negligenter agitur, portioni corporis dominici grauis inferatur iniuria.*

*Les preb-  
stes, dy-  
a-  
cres & mi-  
nistres doi-  
uent gar-  
der avec  
crainte le  
demonstrat  
des hosties.*

A trois degrez sont commis les sacremens des se cretz diuins, à scauoir au prebste, dia-cre, & ministre: lesquels avec crainte & tre-meur des clerics, doiuent garder les reliques des fragmens du corps du Seigneur, que quelque putrefaction ne soit trouuée au sa-craire: à ce que si quelque negligēce s'y trou-ue, ne soit faicte iniure griefue à la portion du corps du Seigneur. Par ces paroles est il pas manifeste qu'estoient reseruiées des ho-sties, Et qu'à l'espece pouuoit estre faicte ini-ure? Cōment donc entenderons nous ceste sentence de vous extraicte sinon par quel-que interpretation pour conformer ces es-critures? A scauoir que le reste des hosties deuoit estre receu & le reste mangé par les clerics, c'est à dire des hosties qui estoient cōsacrées pour le peuple present: mais quāt à celles qui estoient consacrées pour les ma-lades, elles deuoient estre gardées avec la so-llicitude & diligence du clergé. Ainsi nous rendons à soy conforme Sainct Clement & monstons qu'en ce il fauorise à la coustu-me de nostre Eglise.

*Comment  
doit estre  
entendu ce  
qu'obscēt  
les apostats  
de S. cle-  
ment.*



*Les Apostatz.*

Origene s'est à ce opposé escriuant sur le Leuiti. chap. 7. disant ainsi. Le Seigneur n'a ordonné ou commandé que le pain fust gardé iusques au lendemain, lequel il donnoit à ses disciples; Ains leur disoit prenez & mangez.

*Origene  
sur le Le-  
uit. chapi-  
tre 7.*

*L'auteur.*

Cela est vray: Aussi ne disons nous pas qu'on garde ce Sacremēt pour ceux qui sont en santé, ainsi qu'estoient les Apostres pour lors: Mais pour ceux qui sont en nécessité de maladie.

*Les Apostatz.*

Puis que les vers, fouris, araignées, & autres animaux, māgent vostre pain transsubstantié, lequel lōguement gardé se corrompt, par cela on peult cognoistre que le pain ne peult estre conuertý ne transsubstantié au corps de Iesus Christ: lequel n'est subiect à corruption, pourriture, ou à la dent des bestes brutes.

*L'auteur.*

Nous ne disons, ne cōfessons, ne pensons en sorte quelcōque que le corps de Iesus Christ soit subiect à corruption, neantmoins sçauōs que l'espece de pain y est subiecte. Ce que par le faict de Iesus Christ est manifeste. Car en sa cene ayant consacré le pain, l'a rompu, le diuisant à ses Apostres. Diuisoit il pour lors son corps? Nenny. Mais

*Que le  
corps de  
Iesus n'est  
corrompu  
en sorte  
quelcōque.  
S. Math.  
26. chap.*



l'espece de pain seulement : en sorte que  
soubz chacune particule estoit entierement  
le corps d'iceluy . Car il n'a dict : Cecy est  
vne partie de mon corps, mais cecy est mon  
corps . Or ainsi que la diuision est faicte de  
l'espece , & non du corps de Iesus Christ :  
Ainsi la corruption est de l'espece, non du  
corps de Iesus Christ . Et de ce qu'auiez cot-  
té que l'arche du testament laquelle n'estoit  
que figure de Iesus Christ ne se laissoit pas

1. Reg. 5.

ainsi traicter, car elle faisoit mourir tous  
ceux qui approchoiét d'elle : ce ne faict rien  
contre la verité de ce Sacrement . Car les  
personnes qui indignement reçoient le  
corps & le sang de Iesus Christ , encourent

1. Cor. II.

*L'arche de  
l'alliance  
estoit figu-  
re du corps  
de Iesus  
qui n'est  
subiect à  
putrefac-  
tion.*

vne mort plus terrible, asçauoir leur iuge-  
ment & damnation, comme dit Sainct paul.

*L'arche de  
l'alliance  
estoit figu-  
re du corps  
de Iesus  
qui n'est  
subiect à  
putrefac-  
tion.*

Car comme dictes, l'Arche estoit figure de  
Iesus Christ. Aussi ne disons nous pas qu'on  
corrompe le corps d'iceluy ou qu'on le diui-  
se, car il ne peut estre diuisé ne corrompu.

*L'arche de  
l'alliance  
estoit figu-  
re du corps  
de Iesus  
qui n'est  
subiect à  
putrefac-  
tion.*

Et qu'ainsi soit que des anciens mesmes,  
nous donnent tesmoignage que quelque ef-  
fort puisse estre faict à ce Sacrement à rai-  
son de l'espece : Entendons Sainct Iehan

*S. Iehan  
Chrysost.  
à innocent  
Pape.*

Chrysostome, lequel vous auez produict  
cy deuant . Lisez l'Epistre qu'il a escrite au  
Pape Innocét . En laquelle apres auoir reci-  
té la persecutiō faicte cōtre l'Eglise, en sorte  
qu'il auoit esté iecté de l'Eglise, & cōtrainct  
monter en vn nauire & flotter à la fortune



de la mer, entre autres maux dir: que les gēs d'armes sont pour lors entrez aux Temples & sanctuaires: *Quin & sanctissimus Christi sanguis, sicut in tali tumultu contingit, in prædictorū militū vestes effusus est, siebántque quasi in barbarica captiuitate omnia.* Mesmes, ainsi qu'aduient en tel tumulte, le sanctissime sang de Iesus Christ a esté respendu aux vestemens des sūditz gens d'armes, Neantmoins n'a creu S. Iehan Chrysostome, que Iesus Christ endure corruption, ou son sang: Mais seulement l'espece, en sorte qu'ainsi que le corps de Iesus Christ n'est multiplié les especes estant multipliees, ou diuisé les especes estant diuisees: (Car ce n'est qu'un corps entier,) Ainsi les especes corrópues & brisées, n'est corrópu le corps de Iesus christ. Aussi icelles consommées par quelque animal, n'est cōsommé le corps de Iesus Christ: neantmoins que soubz toutes les particules de l'espece soit le corps de Iesus Christ. Car si la voix formée est receüe de mille personnes n'estāt toutefois qu'une: si l'ame est entiere en to<sup>9</sup> les mēbres, & mille particules d'iceux: à plus forte raison le filz de Dieu faict chair pourra estre en mille particules d'hosties diuisees, & neātmoins ne sera qu'un corps: & ainsi qu'il n'est multiplié à la multiplication des particules, ainsi n'est il corrópu à la corruptiō des particules. Parquoy ceste diligence de garder ce Sacrement est de toute antiquité, ainsi

*Similitu-  
de.*



S. Pie Pa  
pe il y a  
1412.

qu'auons monsté par Sainct Clement, cy dessus & ainsi qu'a ordonné Sainct Pie Pape & martyr, il y a plus de mille quatre cens ans, disant. *si per negligentiam aliquid de sanguine Christi stillauerit in terram, lingua lambetur, tabula radatur, si non fuerit tabula, vt non conculcetur, locus corrodat, & igne consumatur, & cinis intra altare recondatur, & sacerdos 40. diebus pœnitentiam agat.* Si par negligence quelque peu du sang de Iesus Christ soit distillé en terre, on le lechera de la langue, & la table sera rasée: Si ce n'est vne table, à ce qu'il ne soit conculqué, le lieu soit trenché & consumé par feu, & que la cendre soit gardée dedans l'autel, & que le prestre face penitence quarante iours.

## DE LA PRIERE DES saincts, & d'un seul mediateur.

1. *Timoth.* Il y a vn mediateur de Dieu & des hommes Ie-  
sus Christ homme. Nous auons vn aduocat enuers  
le pere Iesus Christ le iuste, & iceluy est l'apoincte-  
ment pour noz pechez.

2.

Les Apostatz.

Les Apostres & toute l'Eglise apres eux ont reiecté tous autres aduocatz & mediateurs, se contentans d'un seul Iesus Christ: lequel prie pour noz: Ainsi cōme claiement testifie l'escriure, & aussi cōme on peut voir ce que les docteurs de l'Eglise en ont escrit.



## L'aucteur.

**I**L faut sçauoir comme doit estre entendu  
 celuy vn mediateur, plus sçauoir s'il y en  
 a d'autres, & comment, & si les Apostres &  
 toute l'Eglise les ont retenus ou reiectez.  
 Mediateur se préd ou par nature ou par re-  
 demption, ou par intercession. Nostre sau-  
 ueur Iesus est mediateur proprement appel-  
 lé par nature, seul & vnique, en tant que nul  
 de tous les hommes est recognu auoir la na-  
 ture diuine & humaine, vnice en vne mesme  
 hypostase & personne, sinon Iesus Christ  
 nostre seigneur. Epiphanius donne ceste re-  
 solution in Ancorato, disant, *Mediator est, quo-  
 niam in medio vtrorumque est, Deus existens &  
 homo factus, non mutatus naturam, sed secun-  
 dum vtraque, ad ambo medius existens.* Il est me-  
 diateur, pour-ce qu'il est au milieu de l'vn  
 & l'autre, estant vray Dieu, & vray homme,  
 non que l'vne des deux natures soit changé,  
 mais qu'il est mediateur, & au milieu, selon  
 l'vne & l'autre. L'ancien docteur Theodo-  
 ret au second dialogue, *qui dicitur inconfusus,*  
 donne semblable resolution, *Ipsū, inquit, no-  
 men mediatoris hīc & diuinitatem, & humanita-  
 tem significat. Mediator enim dictus est vnione na-  
 turarū, ea que sunt disiuncta & distantia coniun-  
 gens.* Ce nom de mediateur, dit-il, signifie  
 icy la diuinité, & l'humanité de Iesus Christ.  
 Car il est appellé mediateur par l'vnion des  
 natures, par laquelle il conioint en soy ce

Comme il  
 faut en-  
 tendre ce  
 nom me-  
 diateur.

*Apo. 2.*  
*Iesus est*  
*seul me-*  
*diateur*  
*par redē-*  
*ption non*  
*par inter-*  
*cessiō. seul*  
*en souue-*  
*raineté nō*  
*seul en 10<sup>e</sup>*  
*degrez.*  
*Hebr. 9.*  
*& 10.*



qui estoit separé & distant de l'un à l'autre. Ceste est la mesme resolution de saint Iean Chrysostome sur l'Epistre de saint Paul à Timothée, & de saint Augustin en l'un de ses liures de la cité de Dieu.

Saint Paul escriuāt aux Hebreux l'appelle aussi mediateur & donne la distinction, disant au chapitre 9. *Et ideo noui testamenti mediator est, vt morte intercedente in redemptionem earum preuaricationum quæ erant sub priori testamēto, repromissionem accipiant qui vocati sunt, æternæ hereditatis.* Et pour-ce est il mediateur du nouueau testament, à ce que la mort interuenante pour le rachapt des preuarications & offenses qui estoient soubz l'alliance precedente, ceux qui sont appelez recoiuent la promesse de l'heritage eternal. Il est donc mediateur seul & vnique, mais par nature en ce qu'il est vray Dieu & vray homme, en vne seule personne diuine: il est aussi mediateur par redemption, en tant que luy seul en son sang nous a racheptez de la premiere obligation. Toutesfois cela n'importe rien contre l'intercession des saints, & les prieres que les heureux, & nous mesmes pouuons faire pour noz freres Chrestiens qui sont en necessité. Aussi l'ancien docteur saint Cyrille Alexandrin au liure 12. de son tresor chap. 10. respond à cecy: *Mediator, inquit, non solum reconciliatione, sed natura & substantia in vna hypostasi dicitur, Deus & homo.*



*existens. Nam aliter quomodo vnicum mediator-rem Christum Paulus dixisset? Multi enim sancto- rum mediationis officio vsi sunt, Paulus, Hieremias, Apostoli, & Prophetæ. Iesus Christ, dit-il, est appelé mediateur non seulement par recô- ciliation, mais par nature & substance, en ce qu'il est Dieu & homme en vne hypostase & personne. Car autrement commét saint Paul eust il appelé Iesus Christ vnique mediateur? Consideré que plusieurs saints ont fait office de mediation, à sçauoir saint Paul, Hieremie, les Apostres & les Prophe- tes. A sçauoir comme saint Paul disoit *pro Christo legatione fungimur*, Nous faisons de- uoir de legation pour Iesus Christ, preschant & annonçant la parole de Dieu, aussi pou- uoit-il dire qu'en ceste part il faisoit office de mediation. Et non seulement en ceste charge de prescher, entreuenant entre Dieu & le peuple pour le conduire à l'intelligen- ce de la verité, mais aussi quād il prioit pour ceux qu'il enseignoit. Ainsi donc que nous confessons que nostre sauueur & seigneur Iesus est seul vray Dieu & vray homme, seul le redempteur de nostre nature, & toutef- fois n'est seul qui puisse prier pour autrui: ainsi nous le confessons estre seul mediateur par nature, & par redemption, non seul & vnique par intercession: si nous ne disons seul en souueraineté, neantmoins que d'au- tres soient intercesseurs, mais par iceluy, &*



soubs iceluy: Comme nous disons les saincts estre intercesseurs & aduocatz par celuy, & soubs celuy qui est souuerain aduocat Iesus Christ. Ainli nous prions les vns pour les autres, par, & soubs iceluy. Car voyez les oraisons que faict l'Eglise priant par la memoire des saincts, vous verrez que toutes se finent ainli, *Per dominum nostrum Iesum*, &c. Par nostre seigneur Iesus Christ. Car les saincts ne sont les souuerains intercesseurs, neantmoins qu'ils intercedet & priet pour nous : mais le souuerain est le sauueur Iesus Christ. Car fil s'ensuyuoit par ce qu'il y a vn mediateur de Dieu & des hommes Iesus Christ, qu'il n'y eust autre qui peult prier pour autrui : il s'ensuyueroit donques que ne pouuons prier pour noz semblables, qui est contre l'expresse parolle de Iesus Christ, ou il nous admonnest prier pour noz ennemis. Et saint Iaques: Priez les vns pour les autres, à ce que soyez sauuez. Et que les Apostres, & toute l'Eglise ayt recognu apres nostre sauueur, encor d'autres aduocats, à sçauoir soubs & par iceluy, il est assez manifeste: veu que l'Eglise a prié pour saint Pierre detenu prisonnier, saint Paul pour ceux qui estoient en peril de mer en la nauire, lequel mesme prie les Colossiens, & Thessalonicieniens, les Hebreux, & Romains, ausquels il escrit de prier pour luy. Il a donc accepté d'autres aduocatz soubz Iesus Christ,

*Les saints  
priet soubs  
& par Ie-  
sus Christ.*

*Matt. 5.  
Iaco. 5.*

*Act. 12.*

*Colos. 4.  
1. Theff. 5  
Hebr. 13.  
Rom. 15.*



Ainsi l'Eglise a en tout temps recogneu que les saints peuent prier pour nous, Mais sous Iesus Christ. Ce que n'a esté ignoré des Iuifz, ainsi que dict nostre seigneur Iesus Christ en saint Iean 5. *Est qui vos accusat apud patrem Moyses in quo vos speratis*, Il y a Moysse qui vous accuse enuers le Pere, auquel vous esperez. En quoy signifie Iesus Christ que les Iuifz esperoient en Moysse, estant ia long temps decedé, & que le contraire est de leur esperance, en ce qu'il les accuse enuers le Pere (celeste) comme si d'iceluy ils esperoient intercession enuers le Pere, enuers lequel d'iceluy recoiuent accusation. En ce est il pas manifeste que les saints decedez, aussi bien que Moysse, peuent interceder veu qu'ils peuent condamner? Il est aussi escrit que les Iuifz improperoient à nostre sauueur alors qu'il estoit à la croix, qu'il appelloit Helye pour venir à son ayde. Qui leur auoit ce persuadé, sinon la coustume d'inuoquer les gens de bien decedez? Mais il faut monstrier que d'antiquité l'Eglise aye prié les saints exaltez en gloire. *S. Grego- re Nan- zanze en l'oraison sur la vie de saint Cyprian.* Saint Gregoire de Nanzanze en l'oraison sur la vie de saint Cyprian. Il y a maintenât mille quatre cens & deux ans. *160. ans.* Origene qui a esté deux cens & vingt ans



Origene  
liure 2. sur  
Iob.  
l<sup>a</sup>. 200.

apres la mort de Iesus Christ, dont il y a maintenant mille trois cens quarante deux ans, au liure 2. sur Iob faict ceste priere à S. Iob. *O beate Iob viuens in perpetuum apud Deū, & victor permanens in conspectu regis domini, ora pro nobis miseris.* O heureux Iob viuât tousiours enuers Dieu, & demourant vainqueur deuant la face du Seigneur Roy, prie pour nous miserables. Iceluy encores au liure dict les lamentations, escrit ainsi. *Incipiam me ge-*

Origene  
aux lamen-  
tations.

*nibus prosternere, & deprecari vniuersos sanctos, vt mihi non audenti petere Deum propter peccati nimietatem succurrant.* O sancti Dei vos lachrymis & fletu pleno dolore deprecor, vt procidatis misericordiis eius pro me misero. Je commenceray à me prosterner à genoux & prier tous les sainctz, qu'ils me secourent, d'autant que pour le trop grand excès de mes pechez ie n'ose demander mon Dieu. O saincts de Dieu, ie vous requiers en douleur remplie de larmes & pleurs, que vous suppliez aux misericordes d'iceluy pour moy miserable.

S. Cyprian  
au ser. de  
stella &  
magis.

Sainct Cyprian au sermon de stella & magis dit: *innocentes pueri ab Herode occisi in ordine sanctorum primum habent locum, & secretorum conscij diuinorum propinquitate familiarissima clementiam Dei pro nostris exorant laboribus.* Les enfans innocens tuez par Herode en l'ordre des saincts ont le premier lieu, & participans des secrets diuins par tresfamilier voisinage, prient la clemence de Dieu pour noz



labeurs. Lisez le concile general faict à Nice sept cens ostante & vn an apres la mort de Iesus Christ. En iceluy est recité que fut apporté & produit vn liure de saint Basile, & furent leuës les paroles d'iceluy, escriuant à Iulian l'Apostat : ce enuiron l'an 350. apres Iesus Christ, en telle forme & teneur. *Suscipio sanctos Apostolos, Prophetas, & Martyres qui pro me apud Deum supplicent: quo per illorum mediationem propicius sit mihi Deus noster benignissimus.* Je recois les saints Apostres, Prophetes, & Martyrs, pour supplier pour moy enuers Dieu : à ce que par la mediatio d'iceux nostre Dieu tresbenin me soit propice. Ce que receut le Concile & approuua. Ainsi il est assez manifeste, que l'Eglise de toute antiquité recognoissant vn souuerain mediateur par redemption Iesus Christ, a prié les saints estans en gloire, comme aduocats, mais soubz & par le merite de Iesus Christ. Donc puis que vous voulez produire les sentences des docteurs anciens, Regardons de les si bien entendre, qu'il n'y ayt difformité ou contradiction.

*Les Apostatz.*

Saint Ambroise porte la parole pour toute l'Eglise disant : on a de coustume d'vser d'une miserable excuse, disant que par iceux on peult aller à Dieu, ainsi que par les Comtes & Princes on paruiet aux Roys. Et au subsequnt, sur le premier chap. de l'epistre

*Le concile  
de Nice  
faict  
l'an. 781.  
S. Basile  
epist. ad  
Iulianū  
apost.  
l'an. 350.*



aux Romains. A quoy est conforme Sainct Augustin sur la 1. epistre saint Iean tract. 1. & 2. & contre Parmenie, liure 2. & 6. chap. 8. & sur le Psal. 94. & 108.

L'aucteur.

*S. Ambroise sur le premier chapitre de l'epist. aux Romains.*

*Nous ne prions pas les saints comme si Dieu ne cognoissoit nos necessitez & qu'il eust affaire de interpreter, mais comme amis de Dieu, ainsi que pour ceste raison nous prions le sus, comme celui qui est nostre accés enuers le Pere.*

Sainct Ambroise en ce lieu ne pretend rien contre la priere des Saints; mais contre l'erreur superstitieux des sages Gentilz, qui pensoient que Dieu eust affaire d'interpretes pour les pées des hommes. Dont pour ceste raison donnoient l'honneur à la creature, qui appartenoit à Dieu. Veu que neantmoins que les Saints intercedent, & que nous prions vocalement, nostre Dieu entend & liét ce qui est en noz cœurs. Or nous ne prions pas ainsi les Saints, comme si nous pensions que Dieu ne peust cognoistre noz prieres & pensées, & que par le moyen des Saints il en fust aduertty: Mais au contraire nous confessons que les Saints n'ont cognoissance de noz prieres, sinon ce que Dieu leur en donne par reuelatiō: dont ilz prient non pour instruire, mais pour patrociner enuers le Iuge, qui cognoist nostre cause, & neantmoins veult estre prié. Car si pour ce qu'il sçait tout, & qu'il n'a que faire qu'on luy reuele quelque chose, les Saints ne peuuent prier: il s'ensuyuroit qu'aussi ne deueroit estre faicte par nous oraison vocale, veu qu'il cognoit assez noz cœurs, comme est dit que toutes choses sont nues & descouuertes



descouuertes deuant ses yeux, il s'ensuyuroit aussi que ne deurions prier les vns pour les autres. Or puis qu'il accepte ceste voix exterieure, & priere mutuelle, & ce n'est desroger à sa Maiesté & cognoissance, (car ne pésons par ce moyen luy signifier comme à ce-luy qui ne cognoist les pées) ainsi de prier les Sainctz: Car nous ne pésons que par leur moyen Dieu entende noz souhaitz, comme si autrement il ne les entendoit, Mesmes plus que les Saincts, en ce qu'il cognoit tout. Qu'est donc la raison pour-quoy nous prions les Saincts? telle cômme de prier quelque homme de bonne vie qu'il supplie pour mon offence enuers Dieu. Car comme dict Sainct Iacques, Beaucoup vault enuers Dieu la priere continue du Iuste. Comment? non comme si Dieu auoit affaire de son moyen pour cognoistre nostre nécessité; mais pour ce qu'il reçoit la priere faicte de saine conscience. Or qui est plus Sainct & iuste quant aux hommes; que ceux qui sont en gloire? Car nul ne scait icy fil est digne d'amour ou de haine. Il s'ensuyt donc que les Saincts en gloire prians pour nous, & nous iceux demandans pour intercesseurs, n'encourerons l'erreur des Gentilz predict: & par ce moyen ne sera contre nostre Eglise Sainct Ambroise. Car à ce que plus expressement on cognoisse qu'il maintient les prieres des Saincts, lisez ce qu'il a escrit de viduir.

*Il ne s'en-  
suyt de ce  
que Dieu  
sait tout  
qu'il ne la  
faiile prier  
Dan. 14.  
Heb. 4.*

*Iac. 5.*

*Ecel. 10.*



S. Ambroise de  
vid.

S. Aug.  
sur la 1.  
epi. S. Ie.  
tract. 1.

S. Aug.  
sur ladicte  
epist. trai.  
2.

ou il dict que *Obsecrandi sunt Martyres*, &c. Il faut prier les Martyrs, &c. Sainct Augustin sur la 1. Epist. Sainct Iean Tract. 1. dict qu'il ne s'ensuyt de ce qu'est dict que nous auons vn aduocat Iesus Christ, que les Euesques & saincts ne prient pour nous, mais non pas en souueraineté, comme auons ia dict. Dont il inferre. *sed dicet aliquis: ergo Sancti non petunt pro nobis? Ergo Episcopi vel prepositi non petunt pro populo?* Mais dira quelqu'un: donc les Saincts ne demandent pour nous? Dont les Euesques & Prelatz ne demandét pour le peuple? Et par apres dit qu'il ne s'ensuyt pas en ce mesmes que le peuple ne prie pour les prelatz: ainsi que S. Paul dict aux Colossiens, Priez ensemble pour moy. Ainsi la regle n'est tant estroicte de dire que nostre aduocat soit Iesus Christ, qu'aussi les Euesques, & le peuple ne demandent à nostre Dieu: Aussi que les Saincts ne facent prieres pour nous. Sainct Augustin sur ladicte Epist. tract. 2. n'inferre rien contre la priere des Saincts, Mais seulement dit, qu'au nom d'iceux ne sont remis les pechez: ains au nom de Iesus Christ. Car telles sont ses paroles. *Sed per cuius nomen remittuntur peccata? nunquid Augustini? ergo nec per nomen donati. videtis quis Augustinus? aut quid donatus? nec per nomen Pauli, aut per nomen Petri.* Mais par le nom duquel sont remis les pechez? est-ce par celuy d'Augustin? aussi ne par le nom



de Donat. Voyez vous quel est Augustin? ou quel est Donat? Ne par le nom de saint Paul, ou par le nom de saint Pierre, à sçauoir ne sont remis les pechez: Dont il profere par après ces paroles de saint Paul. Est-ce que S. Paul ayt esté pour vous crucifié, ou que soyez baptisez au nom de S. Paul? Aussi ne disons nous qu'au nom de quelque saint on soit baptizé, & que le nom avant l'efficace de remission soit le nom des saints de foy, neantmoins ne s'ensuyt qu'ainsi que par la priere de son seruiteur Iob pour ses amis Dieu a esté appaisé, & par la priere de Moïse pour le peuple apres auoir Idololatré, nostre Dieu ne soit saint propice par les prieres de ses saints, le nom souverain de remission estant celuy de Iesus Christ: car iceluy est la propiciation pour noz pechez.

1. Cor. 1.

Iob vlt.

Exod. 32

1. Ier. 4.

Saint Augustin n'a escrit que trois liures contre Parmenian, pource i'ay pris le 6. cotté par vous non pour liure, mais pour chapitre du second liure: auquel bien est vray qu'est faicte mention que Iesus Christ est mediateur, mais de la il ne faict nulle consequence: car l'intention de ce petit chapitre est de prouuer que les sacrifices des meschans sont iniquité, pource qu'ils sont offerts iniquement. Ce qu'il prouue au sacrifice du corps de Iesus Christ, qu'iceluy neâtmoins qu'il soit vn sauueur, & luy mesme: est toutesfois pris au iugement, pource

S. Aug.  
cōtre par-  
menian li.  
2. cha. 6.  
8.



que, *Tale cuique fit, quo corde offertur* &c. Selon le cœur qu'il est offert, il est fait à vn chacun. Et au huitiesme chap. dudit second liure contre Parmenian, il dispute de ce que disoient les parens de l'aveugle né en saint Ican 9. chap. Nous sçauons que Dieu n'escoute point les pecheurs, mais s'il y a quelcun qui recognoisse Dieu, & face sa volôté, iceluy il escoute. Saint Augustin veult que ce soit entendu, non comme si les pecheurs faisans prieres pour autrui, ainsi que l'Euesque mauuais pour son peuple, ne puissent estre ouys, ou côme si ceux qui sont iustes se doiuent glorifier entre les mauuais, ainsi qu'ayans grand credit & faueur enuers Dieu, mespri-  
*Luc 18.* sans les autres comme se Pharisee vilipendoit ce Publicain : car pour ce saint Paul, *Noluit se dicere mediatorem, sed rogat vt pro se orent omnia membra corporis Christi*, Ne s'est voulu dire mediateur, mais il prie que tous les membres du corps de Iesus Christ prient pour soy. Ainsi S. Paul neantmoins qu'il peust beaucoup par ses prieres, ne fest voulu vsurper telle autorité comme arrogant : Ainsi les  
*Luc 22.* saints ne se glorifient de ce credit qu'ils ont enuers Dieu, neâtmoins qu'ils puissent beau-  
*Mat. 18.* coup d'autant qu'ils sont, & ont fait la volonte d'iceluy.  
*Luc 1.* lieu & chap. ne fait rien contre les prieres des saints, veu  
*Mat. 10* qu'ils ne sont arrogans.  
*S. Aug.* Ce mesme docteur sur le Psal. 94. parle nō  
*sur le psal.*  
 94.



des saincts, mais des dieux des gentils : allegant ce de S. Paul. Car s'il y en a qui soient appellez dieux au ciel ou en la terre, ainsi qu'il y a beaucoup de dieux & beaucoup de seigneurs: à nous toute fois n'est qu'un Dieu. Et interprete de quels dieux il entend par le Psal. 95. Les dieux des Gentils sont les diables. Or quand nous disons les saincts estre noz aduocatz, nous ne recognoissons les diables pour dieux comme les Gentils, mais un seul Dieu. Parquoy rien ne s'en suit contre nous dudit lieu & sentence.

S. Augustin sur le Psal. 108. ne faict rien contre cest article, si vous ne mettez force en ce qu'il diét: *Deus verax, omnis autē homo mendax, quia nō est homo verax, nisi in quo loquitur deus.* Dieu est veritable, & tout homme est mensonger, car l'homme n'est veritable, sinon auquel parle Dieu. Vous voyez que cela est peu à propos: veu mesmes qu'ainsi que ne disons les saincts estre veritables, sinon par nostre Dieu, ainsi ne confessons qu'ils soient sanctifiez sinon par nostre Dieu.

*Les Apostatz.*

Plusieurs docteurs de l'Eglise disent que c'est sacrilege d'auoir autre aduocat, mediateur, & intercesseur, que le seul Iesus Christ. D'iceux est S. Iean Chrysosto. Homel. 5. du premier chapitre S. Math. sur Gen. chap. 43. Sainct Ambroise li. d'Isaac & de la vie bienheureuse.



L'Aucteur.

S. Iean  
Chrysost.  
sur le cha.  
43. de  
Gene.

CE que S. Iean Chrysostome escrit sur le chap. 43. de Gen. & en l'homelie 5. sur le premier chapitre S. Math. est semblable. Sur Gene, il allegue ce de Ezech. 14. *Si steterint Noe, & Iob & Daniel, filios suos, & filias suas nō eripient.* Mesmes que se feussent presentez Noë, Iob, & Daniel, ils ne deliureroiēt leurs fils & filles. Ou il conclud que les saincts ne peuuent sauuer par leurs prieres, ceux qui ne se veullēt amēder. Dont il dict par apres. *Non in progenitorum virtutibus superbiendum, vel confidendum, si nos in peccatis esse non desinimus.* Il ne se faut orgueillir ou confier aux vertus de noz progeniteurs, si nous ne desistons d'estre en pechez. Ce que mesmes il

Ezech. 14.

S. Iean

Chrysost.

sur le 1. c.

S. Matth.

homel. 5.

conclud sur le premier chap. S. Matth. Homelie 5. prealleguée. Car apres auoir fait des obiections, & produit que si Samuel, ou Hieremie prioient pour ce peuple, ne seront exaucez, la conclusion de tout est. *Non igitur quasi oscitantes ex aliorum meritis pendeamus, habent enim vim pro nobis, & quidem maximam preces orationesque sanctorum, sed tunc profecto, cum nos quoque id ipsum per pœnitentiam postulamus, & ad studia meliora confugimus.*

Les prie-

res des

saincts ont

vne force

tresgrande.

Ne soyons arrestez comme oyisifz aux merites d'autrui : Car les prieres & oraisons des saincts ont vne force, & certes tresgrande pour nous, mais pour lors que nous aussi demandons ce par penitence, & nous retirons



à meilleures estudes. Est il pas manifeste par ces paroles que les prieres des saincts sont beaucoup vallables enuers Dieu? Comment donc entendoit il que Moyse, ou Noë, ne seroient exaucez? à sçauoir fils prioient pour les obstinez pecheurs: car à iceux ne vallent rien les prieres, mais seulement à ceux qui se veulent amender.

Sainct Ambroise liure d'Isaac dict sur ce lieu *Trahe me post te: Anima ergo bona contemnit visibilia & sensibilia, nec consistit in eis, sed ascendit ad illa æterna & inuisibilia.* Donc l'ame contemne les biens visibles & sensibles, & ne farreste point à iceux, mais elle monte à ceux qui sont eternalz & inuisibles. Ainsi nostre arrest n'est pas aux saincts, mais les ayans prié passons oultre par esperance vers nostre Dieu. Dont il dict: *Anima quæ Deum querit etiam custodes inuenit & transit, & cum transierit custodes, verbum inuenit.* L'ame qui cherche Dieu passe les gardes, & ayant passé les gardes trouue le verbe. Par les gardes il entend les saincts desquels passons à Iesus Christ, car il submeçt pour monstrier qu'il ne les faut mespriser, *Veniamus ad Mariam, Veniamus ad Magdalenam*, venons à Marie, venons à Magdeleine.

*Les Apostatz.*

Sainct Augustin & sainct Iean Chrysostome disent manifestement, que combien que nous soyons pleins d'erreurs, pauvres & mi-



serables pecheurs : Toutesfois nous n'auons  
 besoing d'aucuns patrons ny aduocatz, fors  
 que du Seigneur Iesus. Et saint Augustin  
 dit qu'il faut honorer les saints, comme  
 creatures & vaisseaux d'honneur, sans attri-  
 buer rien de ce qui appartient à vn seul Dieu.  
 Et que ne deuons nullement adresser noz  
 prieres aux saints qui sont au ciel, pour ce  
 qu'ils ne peuuent estre scrutateurs de noz  
 cœurs, & qu'ils n'ont cognoissance de noz  
 affaires, & qu'il est impossible qu'ils puissent  
 en rien ayder aux viuans: Car ils ne sçauent  
 rien de ce qu'il se fait en ceste vie. Dont cō-  
 sequemment dit qu'on ne doit edifier Tem-  
 ples, Autels, n'autres choses aux saints: Car  
 nous ne pouuons estre faicts biēheureux par  
 iceux. Ce est escrit par saint Augustin, liure  
 de la vraye Religion, chap. dernier. Et sur S.  
 Iean tract. 23. chap. 5. Et de la cure de morts  
 chap. 13. S. Epiphanius liure 3. comment. 2.  
 & cōtre les Collyridiens, & au liure 3. tom.  
 2. heres. 79. S. Chrysosto. sur saint Matth.  
 chap. 23. Homel. 2. Saint Hierosme, com-  
 ment. sur Ezech. chap. 16. Histoire Ecclesia-  
 stique liure 4. chap. 15.

*L'aucteur.*

**V**ous auez la cotté beaucoup de liures &  
 d'Auteurs soubs ceste sentence, que  
 dictes estre de saint Augustin. Or pour mō-  
 strer que non par affection, mais pour cher-  
 cher la verité, ie dispute contre vous, selon



l'ordre des Autheurs, & les liures, à conſcience, tant pour vne part que pour l'autre, ie les produiray ſelon leurs intentions, ſans corruption.

Sainct Auguſtin liure de la vrāye Religion chap. dernier, ne pretend ſinon monſtrer que la raiſon pour laquelle nous honorons les ſainctz, n'eſt pour les recognoiſtre cōme nous recognoiſſons noſtre Dieu, Car vn ſeul Dieu doit eſtre adoré: ne pour ceſte raiſon leurs conſtruifons nous des Temples, comme ſ'ils eſtoient creatures interpoſées.

*S. Aug. li.  
de la vrāye  
religion  
cha. der-  
nier.*

*Inter mentem noſtram qua illum intelligimus patrē  
& veritatem, id eſt lucem interiorem quā illum  
intelligimus:* entre noſtre eſprit par lequel nous entēdons le pere & la verité, c'eſt à dire la lumiere interieure, laquelle nous cognoiſſons eſtre luy-meſme, aſçauoir q̄ Dieu de ſa vertu nō par ayde d'autrui nous peult reueler ſa cognoiſſance, & par ce eſt recogneu, & adoré le ſouuerain Auteur de tout. En ce lieu il ne nye point q̄ les ſainctz ne prient pour nous. En ce qu'il parle des Temples, entendons en vn autre lieu aſçauoir ſi ſimplement il pretend les aneantir.

Car qui ſera de ce plus fidele interprete de S. Auguſtin que luy meſmes? Lequel Tom. 3. lib. de Eccleſiaſti. dogmatibus cap. 73. dit. *Sanctorum corpora & precipuē martyrum reliquias, velut Chriſti membra ſynceriſimē honoranda, & basilicas eorum nominibus appellatas velut loca*

*S. Aug.  
tom. 3. lib.  
de eccle-  
ſiaſti. dog-  
matibus  
cha. 73.*



*sancta diuino cultui m̃cipata, affectu piissimo & deuotione fidelissima adeundas credimus. Si quis contra hanc sententiam venerit, non Christianus, sed Eunomianus & Vigilantianus creditur.* Nous croyons que les corps des saincts & principalement les reliques des Martyrs, doiuent estre honorez abondammēt, comme membres de Iesus Christ: & que les chapelles appellées de leurs noms doiuent estre visitées d'affection trespitoyable, & de deuotiō trefidele, comme lieux saincts dediez au seruice de Dieu. Que si quelqu'vn vient contre ceste sentence il n'est estimé chrestien, mais Eunomian & Vigilantian ( à sçauoir de la secte de tels heretiques ) Ainsi messieurs les Apostatz regardez de n'encourir ceste appellation, quand faulsemēt interpretez l'intention de cest Autheur: Car si pensez que nullement ne doiuent estre bastis des temples au nom des saincts, vous estes par luy condamnez. Ainsi ne faut tant crument prendre ce texte, mais regarder la fin, & l'intention de l'Autheur, Comme escriuant au lieu par vous allegué. *Tract. 23. in cap. Ioan. 5. ou il dit. Hæc est religio Christiana vt colatur vnus deus non multi dij, quia non facit animam beatam nisi vnus Deus.* Celle est la religion Chrestienne, que soit adoré vn Dieu non beaucoup de Dieux, car il n'y a qu'vn Dieu qui face l'ame heureuse. Or de ce que nous honorons les saincts ce n'est que nous les

S. Aug.  
tract. 23.  
in cap.  
Ioan. 5.



reconoiffions collateurs de beatitude : car les anges meſmes ne nous font pas heureux, mais vn ſeul Dieu. Ainſi nous ne reconoiffons pas beaucoup de Dieux, mais vn ſeul Dieu. Neantmoins honoros les ſaincts comme vaiſſeaux ſanctifiez de Dieu, & les priors comme ceux qui pour leur ſaincteté ſeront exaucez deuant Dieu. Parquoy au precedét pour la louange d'iceux a dict. *ſi non eſſent lucernæ, non diceret illis dominus, vos eſtis lux mūdi.* S'ils n'eſtoiet les lumieres, le Seigneur ne leur diroit, vous eſtes la lumiere du monde. Parquoy meſmes ſainct Ambroiſe, liure de la vie bien heureuſe ne faiét rien contre la veneration des ſaincts, car icelle n'empêche reconoistre noſtre Dieu, comme ſeul collateur de la vie bien heureuſe.

Sainct Auguſtin liu. 10. de la cité de Dieu. 27. chap. Ne fait mention des ſaincts, mais diſpute ſeulement contre Porphyrius, de ce qu'il diſoit que le Soleil, la Lune, & autres corps conſpicues au Ciel & toutes lumieres eſtoient dieux ſuperieurs. Et au chapitre 28. Dict que les anges theurgiques ne doiuent eſtre honorez, non qu'il entende par iceux les anges heureux, mais les eſprits malings, ainſi qu'il en faiét deciſion au chapitre 26. du meſme liure diſant. *Iam dixiſti angelos qui patris annuntians volūtatē aliis eſſe diuerſos angelis, qui ad theurgicos homines nescio qua arte deſcendunt.* Tu as ia dict que les anges qui

*S. Aug.  
li. 10. de  
la Cité de  
Dieu. ch.  
26. 27.  
& 28.*



annoncent la volonté du pere, sont differens des autres anges qui descendent ie ne sçay par quel art aux hōmes Theurgiques : Cest à dire ou speculateurs, à *Theoria*, ou qui travaillent aux sacrifices ainsi que *Theurgi*, à sçauoir sacrificateurs des Idoles. Par ce donc ne s'ensuit rien contre cest article des saincts qui sont en gloire.

S. Aug.  
liure de la  
cure pour  
les morts  
ch. 13 14.  
et 15.

Sainct Augustin lib. *De cura pro mortuis agenda cap. 13*. Faict seulement ceste question: A sçauoir si les mortz sçauent ce qui se faict icy. Ce qu'il n'entend de ceux qui sont en gloire, comme sera manifeste par apres au chapitre 14. subsequent : ou il propose vne partie de la question disant. *Dixerit aliquis, si nulla est mortuis cura de viuis, quomodo ille diues apud inferos rogabat Abraham: Dira quelqu'un, si nul soucy n'est aux morts des viuās, comment ce riche aux enfers prioit il le Pere Abraham? Parquoy au chapitre 15. subsequēt il determine ceste question, disant. Proinde fatendum est nescire quidem mortuos quæ hic aguntur, nisi audiant ab eis qui hinc pergunt ad eos moriendo. Possunt et ab angelis qui rebus quæ hic aguntur præsto sunt audire aliquid mortui, quod vnumquemque illorum audire aliquid debere indicat cui cuncta subiecta sunt.* Par ainsi il faut confesser que les mortz ne sçauent les choses qui sont icy faictes, s'ils ne les sçauent de ceux qui d'icy mourans partent vers eux. Ils peuuent aussi des anges lesquels sont pre-

Les morts  
peuuent  
sçauoir de  
ce qui se  
faict icy.



sens aux choses qui se font icy, ouyr quelque chose, selo que celuy auquel toutes choses sont subiectes, iuge vn chacun deuoir estre aduerty. Or que ce soit entendu des mortz qui ne sont en gloire, il est assez manifeste par la probation subsequente. Car pour monstrier que les anges peuuent à ceux qui sont decedez reueler quelque chose, de la il prend argument qu'ils peuuent venir en ces lieux, ainsi que nous lisons qu'a esté porté le pauvre Lazare par les Anges au sein d'Abraham, lequel estoit aux lieux inferieurs. Que si les decedez qui ne sont encore en gloire, par ceste sentence de saint Augustin peuuent auoir quelque reuelatiõ des choses qui se font icy, les saincts qui sont en gloire ne seront ils faicts d'auantage participans de reuelation? Ainsi s'ensuit que tant s'en faut que ce lieu face quelque chose contre les saincts, qu'il prouue qu'ils peuuent auoir reuelation des choses qui se font icy: comme des prieres & oraisons par lesquelles les demandons leur intercession. En quoy nous ne disons qu'ils soient scrutateurs des cœurs, ainsi que vous nous imposez: mais que Dieu leur reuele ainsi qu'il veut. Pourquoy ce priuilege ne leur sera il faict, qui a esté faict aux viuans Prophètes, iusques à cognoistre par l'esprit les choses absentes, & pensées des hommes? Pourquoi n'auront ils ceste puissance que Dieu n'a retiré des dia-

Luc 16.

1. Pet. 1.

Argu-  
ment in-  
dissoluble.

1. R. 3.



*Du Phi-  
son excité  
par la fem-  
me en la  
forme de  
Samuel.*

*S. Epipha-  
nius li. 3.  
tom. 2. Je-  
ref. 79.  
contre les  
Collyri-  
diens.*

*S. Epiph.  
li. 3. ch. 2.  
contre les  
Photiniās*

bles, lesquels estant inuocuez par noms ou caracteres incontinent viennent ? Ce n'est pas pourtant à dire qu'ils soient scrutateurs des cœurs, mais seulement par reuelation ils cognoissent les choses d'eux absentes.

Quant à ce qu'auiez cotté S. Epiphanius liure 3. comment. 2. Je ne sçay qui est ce commentaire, que le diuisez du tome 2. adioustât & contre les Collyridiens. Et liure 3. tome 2. heres. 79. Je croy que ce n'est que pour augmenter l'autorité, & barbouiller le papier, car tout ce n'est qu'un lieu, à sçauoir liure 3. tome 2. heres. 79. contre les Collyridiēs. Parquoy il ne failloit ce distinguer, comme si c'estoient trois passages: car si dictes que par le commentaire 2. du liure 3. entendez le second chapitre. Je l'ay leu lequel est cōtre les Photinians, faisant seulement mention du verbe diuin fils de Dieu non des saincts.

Venons donc non à trois sentences, mais à vne escrete au li. 3. tome 2. cōtre l'heresie des Collyridiens, qui est la 79. Or en ce lieu seulement pour ce propos, Il dict qu'il ne faut adorer les creatures. *Quis (inquit) Prophetarum præcepit hominē adorari nedum mulierem ?* Quel (dict il) des Prophètes a commandé d'adorer un homme, ne mesme vne femme ? Dont il rend la raison, *Non enim dominabitur nobis antiquus error, vt relinquamus viuētē, & adoremus ea quæ ab ipso facta sunt.* Car l'erreur anciē ne nous maistrisera, à ce que nous laissons le



viuant, & adorions les choses qui sont par  
 luy faiçtes. Or nous n'adorôs les sainçts, ains  
 les honorons & reuerons: & pource ne laif-  
 sons nostre Dieu, mais par ce moyen hono-  
 rons nostre Dieu, comme le createur & di-  
 stributeur de toutes perfeçtions. *Sit in honore*  
*Maria (inquit Epiphanius ibidem) pater & filius*  
*& spiritus sanctus adoretur.* Que Marie soit en  
 hôneur, & que le Pere, & le Filz, & le sainçt  
 Esprit soit adoré. Par ce donc Epiphanius ne  
 diçt que les sainçts ne doiuent estre en hon-  
 neur & reuerence, mais defend de ne leur  
 exhiber l'adoration deüe à vn seul Dieu. Or  
 ceux sont bien hebetez & de peu d'entende-  
 ment, qui pensent que nous adorions les  
 sainçts, & que pour iceux nous laissions no-  
 stre Dieu. Telz sont semblables à ces Iuifz,  
 lesquels persuadoient à Dalce de supplier au  
 Iuge qu'il ne cōcedast le corps de sainçt Po-  
 lycarpe le Martyr aux Chrestiens, alors que  
 lediçt Martyr fut mis au feu, & d'autât que  
 le feu ne l'offençoit fut transpercé d'vn glai-  
 ue. Car les Iuifz disoient. *Ne fortè relinquētes*  
*illum qui crucifixus est, christiani hunc colere in-*  
*cipiant.* A ce que les Chrestiens laissans celuy  
 qui a esté crucifié, ne commencent à adorer  
 (S. Policarpe). Mais qu'est il diçt à ceste ob-  
 iection? *Ignorantes miserrimi quia neque christum*  
*aliquando possumus derelinquere, neque alium*  
*quēque colere quam verum deum, & qui solus*  
*colendus sit nouerimus.* Misérables, ignoroient

Eusebe en  
 l'histoire  
 eccle. li. 4.  
 chap. 15.



que nous ne pouuons iamais delaisser Iesus Christ, ou adorer quelque autre que celuy qui est vray Dieu, & que nous recognoissons que c'est luy seul qui doit estre adoré. Voyla nostre foy qu'honorans les saincts nous adorons vn seul Dieu : comme celuy auquel appartient tout honneur & louange de ses creatures. Par ce ne s'ensuit rien cōtre nous de ce qu'avez cotté le 4. liure de l'histoire Ecclesiastique chapitre 5. Duquel est la difficulté susdicte qui ne nous offense, ains explique nostre foy & intention.

*S. Iean  
Chrysost.  
sur saint  
Matt. ch.  
23. ho. 2.*

Quant à ce qu'avez cotté sur S. Iean Chrysostome, le n'ay trouué rien à propos. Je voudrois qu'il vous eust pleu d'auantage specifier le lieu.

*S. Hiero.  
sur Ezech.  
chap. 16.*

Sainct Hierosme Comment. sur Ezech. chap. seiziesme, ne faict mention des saincts ne de mediateur. Je ne sçay si voulez faire venir à propos cecy qu'il dit du Psalm. 113.

*Psalm. 113.*

Les morts ne te louèront point Seigneur, mais les viuans. Ce que ne se peult entendre des saincts, Comme est manifeste par le

*Psalm. 83.  
Apoc. 5.*

Psalm. 83. Bien heureux sont ceux qui demeurent en ta maison, O Seigneur, ils te louèrōt aux siecles des siecles. Mais par les viuans doiuent estre entédus ceux qui sont en grace, lesquels louent Dieu: Par les mortz ceux qui sont en pechez, Comme il dit peu apres: *Quando mortui sumus versamur in cæno atque in sordibus turpitudinum.* Quand nous sommes

morts,



morts, nous sommes enuelopez en fange & ordure d'infectiōs. Ainsi n'est riē colligé cōtre ou touchāt les saīcts, veu qu'ils ne sont en ces ordures de peché: car rien inquiné n'entre au Royaume du ciel. S. Iean Chrysostome. *Homel. De profectu Euangelij* ( Car il n'en a fait qu'une, ) ne pretend rien cōtre les prieres des saincts, mais il loüe specialement la priere qui est faicte par soy-mesme. *Licet solus sis patronoque careas, & per teipsum Deum depreceris, omnino tamen voti compos eris.* Neātmoins que tu sois seul, & que tu n'ayez de aduocat, & que tu pries Dieu par toy-mesme, entierement tu auras ton souhait. Ce qu'il prouue par la perseuerance de la Chananeē priant pour sa fille. En quoy il ne conclud que prier pour autruy ne soit chose bōne, & ne veult icelle priere euertir, veu que ce seroit contreuenir à l'escriture, comme auons monstré cy dessus: Mais veult dire que l'oraison est bonne faicte par soy-mesme, A sçauoir conforme à celle qui se fait par autruy. Car la priere est peu vallable pour autruy, à laquelle celuy pour qui on prie n'est cōforme. Or ainsi que en ce lieu saint Iean Chrysostome, ne tollit les prieres qui sont faictes pour autruy entre les viuans, Aussi ne pretend rien contre les prieres des saincts: mais en ce nous admoneste de ne nous tant fier aux prieres faictes pour nous, que ne prions aussi, & soyons cōformes aux suppli-

S. Iean  
Chrys. st.  
homel. de  
profectu  
euangelij.

Matt. 15.

2



cations qui sont faictes pour nous.

Parquoy de tous ces lieux prealleguez rien ne fensuit cōtre nostre Eglise, mais plustost est interpretatiō de nostre foy: à ce que nous croyons vn souuerain mediateur & aduocat Iesus Christ, seul par nature & par redēption, souuerain par intercession: & qu'ainsi que prions Dieu les vns pour les autres, ainsi les saincts prient pour nous: & qu'ils peuuent sçauoir noz prieres par reuelation, veu que les morts qui ne sont en gloire peuuent ouir en quelque sorte ce qui se fait icy: & que cela ne deroge, mais plustost est moyen d'adorer & recognoistre d'auantage nostre Dieu, en ce que nous honorons & reuerons ses saincts: & qu'en ce nous n'adorons qu'un Dieu seul collateur de la vie bien heureuse. Qui est l'intention pour laquelle nous batissons des Tēples au nom des saincts, pour en iceux louer nostre Dieu, & contempler les benefices qu'il fait à ses creatures.

## DV PURGATOIRE.

*En verité en verité ie vous dy, que celuy qui oyt ma parole, & croit en celuy qui m'a enuoyé, il a la vie eternelle, & ne vient point en condemnatiō,*  
*S. Ieā 5. mais il passe de la mort à la vie. Nous auons deliurance par son sang & remission des pechez, ayant reconcilié à soy toutes choses, appaisant par le sang de la croix d'iceluy par iceluy-mesmes les choses*



qui sont tant en terre qu'aux cieux. Dieu a enuoyé *Coloss. I.*  
 son filz pour estre satisfaction pour noz pechez. *I. Ieã. 4.*  
 Qui nous a aymez & nous a lauez de noz pechez *Apoc. 1.*  
 par son sang.

Les Apostatz.

La vraye & fidele Eglise de Iesus Christ, cognoit & entend sa parole, laquelle ne red telmoignage que de deux voyes, A sçauoir Paradis & Enfer : & quiconque en controuue d'auantage, il n'entrera point en la bonté d'icelle.

L'aucteur.

**N**ous confessons qu'il n'y a que deux voyes finales, proposées sur toute autre: Mais *non pugnat quod sobordinatur*: Ce qui est substitué ne contredit point ce a quoy il est substitué: Ainsi que tenons le Purgatoire estre substitué à Paradis, l'ame estât du tout nettoyée, & purifiée: veu q̄ rié inquiné n'entre au Royaume des cieux. Que si vous mesprisez ce qui est substitué à ces deux voyes ou à l'vne d'icelles, & ne le receuez: Il faudra donc nyer le lymbe des Peres dit en l'escriture le sein d'Abrahā, veu que ce n'estoit Enfer ne Paradis: ou bien vous prédrez Enfer non pour vne voye, ou Paradis aussi pour ce qui y est substitué. Car le lymbe des peres estoit en esperance de ceste gloire, n'estant toutesfois la gloire, mais hors de la ruine & confusion d'Enfer. Or veu que le lymbe des peres est tant confirmé par les escritures, il

*Ce qui est substitué n'est contraire a ce a quoy il est substitué.*

*Ainsi que le Limbe estoit substitué à la gloire, ainsi le Purgatoire: & qui nie les lieux substituez il nie les Limbes.*

H.ij.



Zach. 9.

Mat. 4.

fenfuit qu'icelles nous donnant tesmoigna-  
ge des deux voyes, n'ont tolli ce qui estoit  
substituë à l'esperance de l'une d'icelles. Il ne  
fenfuit donc, par ce que les escritures font  
mention de deux voyes: qu'il n'y a vn pur-  
gatoire? car le purgatoire est substituë à la  
vie eternelle, pour l'esperance d'y paruenir.  
C'est donc mal colligé de vous: Quicôques  
en controuue d'auantage, il n'entrera point  
en la bonté d'icelle, si mesme y comprenez  
ce qui est substituë, veu que celuy qui croit  
les lymbes des Peres, qui ne sont ne Enfer  
des damnez, ne Paradis, ne sont repoulsez  
de la bonté de la gloire celeste: & au sem-  
blable qui croit le purgatoire, car l'un &  
l'autre est subordonné.

*Les Apostatz.*

Autre Purgatoire nous ne croyons & con-  
fessons, que le seul sang precieux de nostre  
Seigneur & Sauueur Iesus Christ. Lequel a  
fait par soy mesme la purgation de noz pe-  
chez, & par son sang nous auons deliuran-  
ce & pleniere remission d'iceux. Car ce-  
luy qui nous a ayez nous en a lauez &  
nettoyez de tout, Estant enuoyé de Dieu  
son pere pour estre satisfaction pour tous  
noz pechez.

*L'aucteur.*

Mar. vii.

1. Cor. 15.

**C**E n'est estaindre ce purgatoire qui est  
Iesus Christ, que recognoistre vn lieu  
auquel ceste purgation soit conferée. Autre-



ment il s'ensuyueroit que dire qu'en ce mō-  
 de soit lieu au viuant d'estre baptizé, nō au-  
 tre part luy estant decedé en l'autre siecle,  
 ce seroit errer en ceste purgation, faicte par  
 Iesus Christ: Veu qu'en ce recognoissons un  
 lieu special auquel est accōmodée ceste pur-  
 gation à sçauoir au baptême. Or ainsi qu'en  
 ceste part croire qu'il y ait quelque lieu au-  
 quel nous soyons purgez est chose salutaire,  
 interpretant ceste purgation, & les moyens  
 par lesquelz elle nous est faicte: ainsi en ce  
 que nous disons estre lieu apres ceste vie au-  
 quel elle soit conferée, ce n'est errer touchāt  
 icelle purgation, mais l'augmēter, en ce que  
 croyons que non seulemēt aux viuans, mais  
 aux morts elle profite, veu mesmes que Ie-  
 sus Christ a profité à ceux qui estoient aux  
 Limbes ia long temps decedez. Que sil vous  
 semble estre contre la purgation & la remis-  
 sion faicte par Iesus Christ, croire qu'en ce  
 lieu les trespassez endurent: Le vous deman-  
 de est-ce pour ce que vo<sup>r</sup> dictes Iesus Christ  
 estre nostre satisfaction? Et comment est il  
 nostre satisfaction? Est-ce que n'auions que  
 faire d'endurer pour nōz pechez? Ou sera  
 donc la vertu de penitence? ou la croix la-  
 quelle Iesus Christ admonnest de porter  
 apres luy? Ou seront les ieunes, desquels Ie-  
 sus Christ, & ses Apostres nous ont monstre  
 l'exemple? S'il est vtile & profitable aux iu-  
 stes mesmes que par afflictions & tribula-

*Ce n'est  
estlindre  
le merite  
de Iesus  
Christ que  
de dire  
qu'il y a  
un lieu spe-  
cial pour  
le receuoir*

*1. Iean 4.  
Croire le  
purgatoi-  
re est aug-  
menter le  
merite de  
Iesus Christ.*

*Iean 17.  
1. Tim. 2  
Zacha. 9.*

*Marc 1.  
Act. 17.  
Luc. 9.  
Matt. 6.*

*Act. 1. 6.*



tions il paruiennent en la gloire:combié d'au-  
 uantage sera il necessaire aux pecheurs:il est  
 escrit de l'Eglise paillarde: d'autant qu'elle  
 s'est glorifiée en ses richesses,autant donnez  
 luy de tourments & pleurs. Il est donc ma-  
 nifeste que neantmoins que Iesus Christ ait  
 enduré pour nous, il ne s'ensuit pas q nous  
 ne deuions endurer,ainsi qu'abondamment  
 est monstré en l'escriture. Puis donc que les  
 iustes endurent persecution & tribulation,  
 & que telle est la voye pour regner avec Ie-  
 sus Christ, à plus forte raison les pecheurs  
 pour leurs demerites, à ce qu'ils ayent ver-  
 goigne & erubescence. Ainsi fut dict à Moy-  
 se de sa sœur, laquelle sept iours par l'expres  
 commandement de Dieu pour ceste raison  
 fut separée, à ce qu'elle esprouuast par ceste  
 peine la grandeur de son peché. Car selon la  
 quantité de l'offence sera le moyé des playes.  
 Il ne s'ensuyt donc pour-ce que nostre sau-  
 ueur Iesus Christ est nostre satisfaction,qu'il  
 ne faille que le pecheur endure pour son pe-  
 ché: veu mesme que le iuste n'est exempt  
 d'endurer. Cela donc ne tollit la vertu de  
 ceste purgation & satisfaction, qui est Iesus  
 Christ: de dire que les pecheurs endurent  
 en quelque lieu:mais plustost ainsi que l'ex-  
 presse parolle nous monstre que le merite  
 de la passio de Iesus Christ à sçauoir la gloi-  
 re nous est conferée aux tribulations, & par  
 ce moyen qu'il faut endurer pour auoir l'es-

*Matt. 5.**Iaco. 1.**2. Pet. 2.**Num. 12**Luc 24.**Matt. 10*



ficace de ce merite & le moyen precedent qui est la remission des pechez, quand on dit aussi qu'au lieu duquel on viét en ceste gloire, qui est comme repos apres le labeur, la clarté succedant aux tenebres, soient tormés & tribulations, ce ne contreuiet à Iesus Christ. Or nous croyons ce Purgatoire n'estre la gloire, mais qu'apres iceluy est conferée la gloire. Donc de ce que disons en ce lieu estre tourmens & afflictions, ce n'est disforme au sauueur Iesus qui est nostre purgation & satisfaction. Comment donc est il nostre purgation & satisfaction? A sçauoir en ce qu'il est le moyen certain de nostre salut, Par lequel noz œuures, penitences, & afflictions sont acceptables deuant Dieu, lesquelles sans iceluy qui est nostre acces enuers Dieu, ne seroient rendues plaisantes pour nostre salut. Parquoy hardiment deuons ieusner, endurer, faire penitence, & accomplir autres moyens par lesquels comme sacrifices, mettions la contrition de nostre cœur au merite de ce seul souuerain & odorant sacrifice, faiét par le filz de Dieu pour nostre redemption: resentans avec luy que c'est que peines, & nous iugeans aux supplices que meritons, à ce que nous n'encourrions l'ire de Dieu, entre les mains duquel est chose horrible de tomber. Ainsi n'abuserons de sa grace, mais nous submettant à sa misericorde, reclaimerons ce merite de Iesus Christ,

Luc 19.

Iob. 1.

Luc. 19.



Tit. 3.  
Eph. 2.

ayant faict de nostre endroit selõ nostre fragilité, confessans que sommes seruiteurs inutiles. Aussi ne nous glorifierons, comme si la remission de noz pechez & purgation estoit pour noz œuvres seulement: Et n'abuserons de l'acces proposé par Iesus Christ, comme si nostre oysieté & delicate cōuersation luy estoit plaisante: aussi nous ne tollirons le merite de Iesus Christ, ou les œuvres & tribulations, certains moyens de nostre salut. Voyla comme entendons endurer, & que ceux qui sont en ce lieu endurēt, en ce q̃ leur peine est agreable deuant Dieu pour effacer leurs pechez, ce par la seule purgation qui est le sang de Iesus Christ. Donc f'ensuit que par ce que croyons que les decedez, & non encore paruenuz en gloire, mais pour y paruenir endurent pour leurs demerites, n'est contraire ou difforme à Iesus Christ.

Rom. 7.

*Les Apostatz.*

1. Cor. 3.

Touchant ce que dict S. Paul que la Foy esprouuerā l'œuvre d'un chacun, ce feu est fausement entēdu du Purgatoire: car l'Apostre parle en ce lieu la du feu de tribulation, des croix & persecutions de ce monde, par lesquelles le Seigneur examine les siens. Sainct Augustin en son Enchiridion à Laurens chap. 28. & liure 21. de la cité de Dieu chap. 26. & au traicté de la Foy & des œuvres chap. 16.



L'autheur.

**V**ous auez proferé que S. Augustin dict  
 que ce feu doit estre entendu des perfe-  
 cutions de ce monde. Lisez ces lieux pre-  
 alleguez, & vous entenderez qu'aussi il l'in-  
 terprete pour le Purgatoire : Mais l'un pour  
 les pechez mortelz, à sçauoir celuy des per-  
 secutions en ce monde: l'autre des venielz à  
 sçauoir celuy de purgation, nous estans de-  
 cedez. Parquoy lib. 21. de Ciuitate Dei cap. 26.  
 il dict. *Post ipsius sane corporis mortē donec ad illū  
 veniatur qui post resurrectionem corporum futu-  
 rus est dānationis & remunerationis vltimus dies,*  
*si hoc temporis interuallo spiritus defunctorum*  
*huiusmodi ignem dicuntur perpeti, quem non sen-  
 tiant illi qui non habuerunt tales mores & amo-  
 res in huius corporis vita, vt eorum ligna & fœnū  
 & stipula consumantur, alij vtro sentiant qui hu-  
 iusmodi ædificia portauerunt, siue ibi tantum, si-  
 ue hic, & ibi, siue ideo hic, vt non ibi, secularia  
 quauis à damnatione venialia concremantem ignē  
 transitorie damnationis inueniant, non redarguo.*  
 Si apres la mort de ce corps, iusques à ce  
 qu'on paruienne à ce iour dernier, qui apres  
 la resurrection des corps fera de damnation  
 & remuneration, Si durāt ce tēps les esprits  
 des deffunctz sont dictz endurer tel feu, que  
 ne sentent ceux qui n'ont eu tels meurs & a-  
 mours en ceste vie corporelle, q̄ leurs bois,  
 foin, & paille soient consommez : & que les  
 autres sentent qui ont porté tel edifice, ou la

*Le feu  
 pour les pe-  
 chez mor-  
 telz en ce-  
 ste vie est  
 la tribula-  
 tion ou a-  
 missio des  
 biens tem-  
 porelz.*

*S. Aug.  
 li. 21. de  
 la Cité de  
 Dieu ch.  
 26.*



seulement, ou icy, & là, ou pour cela, que nō icy : qu'ils trouuent vn feu de damnation transitoire brullāt toutes secularitez venielles, ie ne le veux reprendre. Entendez vous cōme apertement il interprete & approuue ce feu pour la peine transitoire brullant noz pechez venielz apres le deccs de ceste vie?

Luy mesme *ad Laurent. tom. 3. cap. 48.* non

*S. Aug. pas au chapitre 28. comme auez cotté, dict à Laurent (ainsi qu'auez pris & expliqué pour vostre tom 3. ch. part.)* Aucuns croyent que ceux qui n'ont 48. pas abandonné le nom de Christ, & qui ont esté baptisez en son Eglise, & n'ont esté re-

*Quel sera ce pour qui le feu de Purgatoire.* tranchez d'icelle par aucun schisme ny heresie, qu'en quelques pechez qu'ils ayent vescu, lesquels ils n'auront effacé par penitence ny rachapté par aumosnes, ains aurōt perseueré en iceux continuellement iusques au dernier iour de ceste vie, seront sauuez par le feu: combien que selon la grandeur

*Cōme nous sommes deceuz de penser que au purgatoire sont purgez les griefs pechez.* de leurs pechez ce feu sera diuternel, mais non pas eternal. Mais il me semble que ceux qui croyent cecy (& toutesfois sont catholiques) sont deceuz par vne beneuolēce humaine, non que ne soit vn feu par lequel soiēt purgez les pechez apres ceste vie, mais non pas les pechez mortelz & qui meritent peine eternelle, comme de ceux qui ont perseueré tout le temps de leur vie en iniquité, ne rachetans leurs mesfaitz par aumosnes. Ainsi S. Augustin ne dict que soyōs deceuz



par beneuolence humaine de croire vn purgatoire : mais de croire qu'en ce feu soyent expurgez ceux qui n'ouront aucunement bien fait durant leur vie : à sçauoir qui pour leur impieté meritent non vn feu temporel, mais eternal. Ce n'est pas pourtant à dire qu'il n'y ait vn feu temporel, auquel ne faut estre par trop grande beneuolence deceuz, comme si faisans tous noz plaisirs en ce monde, moyennant que ne soyons retranchez de l'Eglise par heresie ou schisme, pouuions estre sauuez, aduenant ceste peine temporelle.

Ceste intétion est de saint Augustin, que le Purgatoire n'est le lieu auquel soient recueuz ceux qui durant leur vie n'auront aucunement bien fait. Ce par la seule foy ne pouuons estre sauuez : parquoy il est necessaire s'employer à toutes bonnes œuures, & se reculer de tout peché : autrement il faut que nostre purgatoire soit icy, ou ailleurs apres la mort, aduenant que n'entrons au iugement de condemnation. Or saint Augustin enseigne que le feu de la purgation en la vie presente est la priuation de ce qui est charnellement aymé, & la douleur de l'amission de ce en quoy se plaisoit le pecheur en son peché. Et que telle soit l'intention de saint Augustin non de nyer le Purgatoire, mais seulement monstrier q les pechez mortelz n'y soient purgez, ainsi que beaucoup par la beneuolence humaine vouloient per-

*S. Aug.  
li. de la foy  
& des œu  
ures ch. 15  
& 16.*



*S. Aug. serm. 4. de la commemoration des morts.* suader: Il dict au sermon 4. de la commemoration des morts. Il y en a beaucoup qui entendāt mal ceste leçon, sont deceuz par faul-  
*1. Cor. 3.* se assurance quand ils croient que si sur le fondement de Iesus Christ ils edifient des crimes capitaux, qu'iceux pechez puissent estre purgez par le feu transitoire, & ceux qui les ont commis par apres paruenir à la vie  
 eternelle. Et dict par apres, *Intellectus iste fratres charissimi corrigendus est, quia ipsi se seducunt qui taliter sibi blandiuntur. Illo enim transitorio igne de quo dixit apostolus, ipse enim saluus erit sic tamen quasi per ignem: non capitalia, sed minuta peccata purgantur.* Ceste intelligence tres-  
 chers freres, doit estre corrigée: car telz se seduissent qui se blandissent en ceste sorte. Car par ce feu trāsitoire duquel a dict l'Apostre, il fera sauué ainsi toutesfois cōme par le feu: non les pechez capitaux, mais les menuz sont purgez. Ainsi saint Augustin nous enseigne comme deuons entendre ces passages par vous alleguez, & que la beneuolence humaine seduit non à la persuasion du Purgatoire, mais assurant qu'en iceluy les pechez mortelz soient effacez: veu que seulement la sont purgez les venielz. Ainsi mesmes il mōstre que ce feu, duquel parle saint  
*Origene homel. 6. sur Exod. Eckbertus sermon. 9. in catha.* Paul quāt aux pechez venielz, est le feu trāsitoire apres ceste vie presente. Ainsi Origene l'a interpreté Homel. 6. sur Exod. Eckbertus Presbyter sermon. 9. aduersus Catharos, disant,



*Omnis ista obscuritas & prauitas in purgatorio igne exurenda est, ita vt ipsum fundamentum nihil destructionis patiatur.* Toute ceste obscurité & grauité doit estre brulée au feu de purgatoire, en sorte que ce fondemēt n'endure point de destruction.

*Les Apostatz.*

Nous disons que ce passage du prisonnier ne se voulant accorder avec son aduersaire s'entend de la reconciliation & accord, qui doit estre entre ceux qui sont en proces.

Ainsi l'ont iterpreté les saincts docteurs, sans faire aucune mention du Purgatoire, à sçauoir Ambroise, Chrysostome, Hilaire, & Theophilacte. *Luc 12.*

*L'auteur.*

**L'**Escriture est tant fertile, que d'un article on trouue beaucoup d'instruction. Ainsi neantmoins que ce passage puisse estre entendu de bienfaire durant la vie, à ce que ne soyons liurez aux peines: Les docteurs toutesfois ont pris encores autre instruction, à sçauoir de se reconcilier avec ses ennemis: en sorte qu'ils interpretent ce, ou pour la vie presente seulement, ou pour le temps d'après nostre decès. Sainct Ambroise sur ce lieu *S. Ambroise sur saint Luc chap. 12.*  
*Luc 12.* dict que les exacteurs sont les Anges, comme dict Iesus Christ qu'à la cōsommation du siecle sortiront les Anges, & separeront les mauuais du meillieu des iustes. *Matt. 13.*  
 Par le quadrant il entend le peché disant



Nous auons souuenance qu'on a de coustume de donner aux baings vn quadrāt, pour le payement duquel ainsi que aux baings chacun reçoit puissance de se lauer, ainsi là de se nettoier. *Quia vnusquisque peccatum superscriptæ genere conditionis eluitur: Cùm tandiu exercetur noxius pœnis, vt commissi supplicia erroris expendat.* Car le peché d'un chacun est nettoyé, de sorte de la condition suscripte: Alors que tant est exercé le coupable par peines, qu'il ayt esprouué les supplices de son erreur commis. Voyla l'interpretatiō de S. Ambroise, par laquelle le Purgatoire est manifestement mōstré. Car qui est le lieu ou on soit baillé apres la voye de ceste vie aux Anges pour estre tourmēté & estre nettoyé des iniquitez, sinon ce Purgatoire, ou tant est exercé par peines & supplices le pecheur, qu'il ayt satisfait pour ses offenses?

*Theophi.  
sur S. Luc  
chap. 12.  
S. Jean  
Chrysost.  
sur saint  
Matth.  
homel. 11.  
chap. 5.*

Theophilacte aussi non seulement comme vous dictes ce interprete de la reconciliatiō, mais aussi des peines qui seront apres la vie presente. Ainsi saint Iean Chrysost. en son œuvre imparfait sur saint Matth. chap. 5. Homel. 11. Ainsi mesmes saint Hierosme, & saint Augustin ont ce interpreté de la peine future apres ceste vie.

*Les Apostatz.*

Touchant au texte qui parle du peché cōtre le saint Esprit, saint Chrysostome l'a ainsi exposé disant: Puis que ce peché ne



vous est pas veniel, vous en ferez punis grièvement en ceste vie & en l'autre.

*L'aucteur.*

**P**Ar ceste interpretatiō n'est à inferer que quelque peché ne soit remis au siecle futur. Car n'estre pardonné en lieu quelconque, & estre adiugé à perpetuelz tormens, dit donc qu'en d'aucuns lieux le pardon est faict à ceux à sçauoir qui sont aux tourmens, tant en ce monde qu'apres ceste vie mortelle. Car nous croyons que ceux qui plaine-ment n'ont satisfait selon leur possibilité à leurs pechez, neantmoins qu'ils reçoient auant que de mourir l'assurance de remission: le peché toutesfois ne laisse d'estre par apres imputé, à la raison de la peine, en sorte qu'alors il est dit parfaictement remis, quand il n'y a aucunes reliques de peines. Car il est certain que non toutes & quantes fois que Dieu donne assurance de remission pour l'egard de la coulpe, qu'il remette la peine: Mais l'assurance estant donnée, par apres il impute encore le peché à la raison de la peine, & le remet parfaictement quand il remet la peine. Ainsi le peché de noz premiers parens leur est pardonné, & nous est neātmoins imputé à la peine: Ainsi l'assurance de remission a esté baillée à Dauid de l'effort fait à Bersabée, & la peine a esté transférée. Ainsi l'offence de Salomon a esté imputée pour le supplice à ses succes-

*Rom 6.*

*Col. 1.*

*Rom 5.*

*Eph. 2.*

*1. Re 2. 12*



seurs. Car c'est le Dieu jaloux, qui punit  
*Exod. 2.* l'iniquité des peres, iusques à la troisieme &  
 quatrieme generation. Punir & infliger la  
 peine deüie au peché, encor qu'il soit remis  
 quant à la coulpe. Dont il s'en suit que l'as-  
 seurance de remission estant faicte pour l'e-  
 gard de la coulpe, ne laisse quelque fois d'e-  
 stre imputé le peché par apres à la peine.

Ainsi disons nous que quelque peché est re-  
 mis au siecle futur, pour la raison de la pei-  
 ne, en ce qu'il n'est imputé: & tel n'est le pe-  
 ché contre le saint Esprit. Car il n'est remis  
 n'en ce siecle n'en l'autre. Sur quoy S. Au-  
 gustin liure 21. de la Cité de Dieu, chap. 24.  
*S. Aug. liu. 21. de la Cité de Dieu cha. 24.* dit. *Facta resurrectione mortuorum non deerunt quibus post pœnas quas patiuntur spiritus mortuorum, impertiatur misericordia, ut in ignem nō mittantur eternum. Neque enim de quibusdam veraciter diceretur, quod non eis remittatur, neque in hoc seculo neque in futuro, nisi essent quibus etsi non in isto tamen remitteretur in futuro.* La resur-  
 rection des morts estant faicte, ne defau-  
 dront ceux ausquels apres les peines qu'en-  
 durent les ames des trespassez, soit faicte mi-  
 sericorde, à ce qu'ils ne soyent enuoyez au  
 feu eternal. Car ne seroit vrayement dit  
 d'aucuns, que ny leur soit remis n'en ce sie-  
 cle ny au futur. Voyla comme par ceste sen-  
 tence saint Augustin collige que quelques  
 ames des trespassez endurent; ausquels pour  
 le regard de la peine est faicte remission au  
 siecle



siecle futur. Ainsi nous tenons & croyons. Faulsement donc vous deprauez l'intelligence & foy ancienne de l'Eglise. Neantmoins pour plus de probation auez cotté saint Gregoire sur Iob, chap. 29. & en ses morales, chap. 17. liure 28. ou nullement de ce n'est faicte mention ny du liure des Machabées, duquel disputez par apres, ne aux Decretales dist. 15. Canone Canones, Mais seulement des Conciles generaux, non de quelque liure de la Bible. Car vous dictes par apres.

*S. Gregoire sur Iob c. 29 & en ses moral. liu. 28. chap. 17. & aux decretalles dist. 15. can. canones, n'est rē escrit & ce propos.*

#### *Les Apostatz.*

Le liure des Machabées n'est pas authentique ny receu au Canon des Hebreux, car il est du nombre des apocriphes, comme les saints docteurs Augustin, Hierosme, Gregoire, avec le Cōcile de Laodicée, ne les confessent point estre liures authentiques, ny ayans aucune autorité pour prouuer quelque chose qui est en cōtrouersie, saint Hierosme à l'epist. *ad Chromac.* preface des Prouerbes, & au prologue *Galeatus*, Saint Augustin liure 18. de la Cité de Dieu chap. 36. & au liure 2. de la doctrine Chrestienne, & le Concile de Laodicée, chap. 59.

#### *L'auteur.*

**L**E liure des Machabées est authentique, neantmoins qu'il ne soit receu au Canon des Hebreux. Car saint Hierosme Tom. 3. *ad Chromac.* preface sur les Prouerbes dit.

*S. Hieros. 10. 3. en la preface sur les prouerbes ad chromacium.*



*S. Hieros.* *Machabæorum libros legit Ecclesia.* L'Eglise lit  
 au prolo- les liures des Machabées, car il est de toute  
 gue sur le antiquité. Dont il dit au prologue appellé  
 liure des *Galeatus. Machabæorum primum librū Hebrai-*  
*biæ dict* *cum reperi: secūdus Græcus est, quod ex ipsa phra-*  
 que les li. *si comprobari potest.* I'ay trouué le premier li-  
 des Ma- ure des Machabées en Hebrieu: le secōd est  
 chabées Grec, ce qui est facile à prouuer de la mesme  
 sont anno- phrase. Et de ce que le Concile de Laodicée  
 tez entre n'en fait mention, puis que vous en rapor-  
 les histori- tez au tesmoignage de saint Augustin 18.  
 ves des li- De Ciuita. Dei, ca. 36. Entendons ce qu'il dit,  
 ures diuīs. *S. Hieros.* *In his sunt Machabæorum libri, quos non Iudæi,*  
 au prologue *Galeat.* *sed Ecclesia pro Canonicis habet.* Entre iceux  
*S. Aug.* sont les liures des Machab. lesquels neant-  
 li. 18. de la moins que non pas les Iuifz; l'Eglise reçoit  
 Cité de pour canoniques. Iceuluy mesmes au liure 2.  
 Dieu de la doctrine chrestienne par vous allegué,  
 ch. 36. chap. 8. Nombre lesdicts liures entre tous les  
*S. Aug.* canoniques. Ainsi qu'aux canons des Apo-  
 li. 2. de la stres, ils sont receuz, comme est facile à veoir  
 doctrine au canon 84. Par ce donc ne deuez mespri-  
 chrestienne cha. 8. & ser ces liures, Ains puis qu'ils font mention  
 au canon que c'est vne chose valable que prier pour  
 des Apo les defunctz qu'ils soient absoulz de leurs  
 stres. 84. pechez: ainsi le deuez tenir & croire.  
 2 Mach. 9.

*Les Apostatz.*

Saint Augustin escriuant à Macedonius  
 epistre 54. dict ainsi. Il n'y a point d'autre  
 lieu pour corriger les meurs, qu'en ceste vie:  
 Car apres icelle vn chacun receuera ce qu'il



aura ia acquis en ce siecle, & aux siecles à aduenir penitēce ne profite S. Cyprian serm. de la mort.

L'aucteur.

Nous ne disons pas autrement, à sçauoir que l'amendement des meurs soit valable aux defunctz qui n'auront tenu compte d'icy se chastier, car vn chacun receuera pour lors selon ses œuures. Et qu'est ce que receuoir selō ses œuures? A sçauoir que ceux qui entierement auront bien vescu reçoieūt la vie eternelle : Ceux qui entierement auront mal faict, & ne se seront repentiz tombent en la gehēne d'enfer: Et ceux qui n'auront pas tant entierement bien ne entierement mal vescu, ne soient ou sauuez comme les autres, ou damnez, car ce ne seroit rēdre selon les œuures: mais que pour quelque temps ils endurent, pour, estant expurgez de leurs pechez par peines, auoir esperāce de paruenir à ceste gloire. Par ce donc on infere facilement le feu purgeant transitoire, ce que pretend sainct Cyprian disant au sermon de la mort : *Qualem te inuenit deus cum vocat, talem pariter & indicat.* Tel que te trouue Dieu quand il t'appelle, tel pareillement il te iuge. Car la fin de noz œuures est venue, non pas toutesfois la fin de la peine. Dont cela ne contreuient au purgatoire, car il n'est le lieu des œuures, mais des peines & tourmens.

1. Cor. 3.

Recevoir  
selon ses  
œuures a-  
pres la  
mort prou-  
ue le pur-  
gatoire.

S. Cyprian  
sermon de  
la mort.



## Les Apostatz.

Sainct Augustin au 13. liure de la Cité de Dieu chapitre 9. Dict ainsi: les ames des bós separées des corps sont en repos, & n'en faut nullement douter: mais celles des meschans sont punies, iusques à ce que les corps de celles la resusciteront à la vie eternelle, & de celles cy à la mort eternelle. S. Cyprian aussi dict que les bons sont appelez à repos & soulas, les iniustes aux peines & tourmens.

## L'Aucteur.

*S. Aug.  
li. 13. de la  
Cité de  
Dieu. c. 9* Sainct Augustin au 13. liure de la Cité de Dieu chapitre 9. Ne fait mention de cela: mais dispute seulement à sçauoir si le tēps auquel est osté le sens de vie doit estre dict aux mourans, ou aux mortz: auquel temps les ames separées sont aux biens ou aux maux. Or quand nous disons qu'elles sont en Purgatoire, c'est à dire qu'elles sont ou aux biens ou aux maux: car elles sont en tourmens pour quelque temps, & par apres paruiennent à la souueraineté des biens. Et de ce que les bós sont appelez à repos, nous le croyons: & ensemble que les iniustes sont appelez aux tourmens. Et ainsi que des iniustes les vns n'ont esté tels en tout temps, mais par fragilité en quelque temps, dont ils ont eu repentance: Les autres ont esté iniustes toute leur vie, & n'ont eu de leurs iniquitez aucune repentāce: Ainsi nous croyōs que les vns sont pour quelque temps seule-

*d'aucuns  
n'ont esté  
en tout  
tēps in-  
iustes, pour  
ce ne serōt  
toujours  
tourmens-  
de 7.*



ment tourmentez, au lieu dict le Purgatoire : les autres eternellement en Enfer. Ainsi incontinent apres la mort est ordonné le iugement. Quant à ce qu'auiez cotté, S. Ambroise Tom. 2. liure du bien de la mort chapitre 2. ce est conforme à ce qu'auos ia dict, que l'asseurance de remission est necessaire en ceste vie presente : neantmoins ne s'enfuit que l'asseurance donnée quant à la coulpe : ne soit le peché imputé à raison de la peine, laquelle estant portée, rend la personne exempte de tout mal-talent, heureux à ceste vie eternelle.

S. Ambroise 10.  
2. liu. du  
bien de la  
mort ch. 2

*Les Apostatz.*

A ce ne contredisent ces saincts docteurs, Ambroise Hierosme & Chrysostome, saint Hiero. Gal. chap. 6. & sur Esay. chap. 65. & 7. Tom. sur l'Ecclesiast. chap. 9.

*L'aucteur.*

**S**Ainct Ambroise ne contreuient à nostre Foy comme auons ia monstre, aussi ne fait S. Hierosme disant sur l'epist. des Gal. chap. 6. *Indeficientem iustitiam indeficiens sequetur premium*: La recompense non deffaillate suyue-  
ra la Iustice indeficiente. Ny sur Esaye chap. 65. Disant. *In illo tempore quando ætas fuerit vna omnium, & sanctus & peccator erunt simili resurrectione perfecti, nec inter se variabunt tempore, sed alius ad premia alius ad supplicia pertrahatur*. En ce temps quand l'aage sera vn de tous, le saint & le pecheur seront parfaicts

S. Ambroise au  
lieu preal-  
legué.  
S. Hieros-  
me sur les  
Gal. cha.  
6. & sur  
Esai. c. 65  
& au 7.  
tom. sur  
l'Ecclesia.  
chap. 9.



de semblable resurrection & ne seront en temps differens: mais l'un à recompense, l'autre sera appellé au supplice. Ce nous croyös: ensemble qu'à ce iour du iugement vniuersel seront ces deux voyes recogneües finales & dernieres. Aussi ne se peult rien contre nous colliger de ce qu'escriit ledict S. Hierosme sur l'ecclesiastic. chap. 9. que nous scaurons estäs decedez de ceste vie ceux qui auront enduré, & pourquoy ils auront enduré, ou pour l'amour de Dieu, comme Iob: ou pour leurs pechez. Ce qui est maintenāt incertain, *quia tunc est iudicium nunc certamē*, Car pour lors sera le iugement, maintenant est la bataille.

S. Hieros.  
sur l'Eccl.  
chap. 9.

*Les Apostatz.*

Sainct Epiphanius liure 2. Tom. 1. heresie 59. sur les Cantiques dict. Il n'y a Ieusne ne aumosne ne Penitence, ne Iustice ne bien ne mal qui proufite ou nuyse apres la mort. Car lors il n'y aura plus d'effect de penitence ou de satisfaction.

*L'aucteur.*

S. Epiph.  
li. 2. tom.  
1 heresie 59  
contre les  
Cathares.

**C**E ne dict sainct Epiphanius sur les Cantiques, car il n'en a rien composé: mais bien contre les Cathares, & celle est l'heresie 65. ou il ne dict qu'apres la mort il n'y ayt satisfaction, mais bien qu'il n'y a vocation à penitence. Et qu'est ce que d'appeller à penitence? Est ce pas appeller les pecheurs à recognoissance de soy, en ce qu'ils estoient



mescognoissans? Or ceux qui decederont en mescognoissance d'eux mesmes & de Dieu n'auront plus lieu d'estre appelez, comme si leur recognoissance leur estoit prouffitabile. Car pour lors ils ne peuent faire aulmosnes ny prieres d'eux mesmes pour leurs demerites, pour lesquels, d'autant qu'ils sont decedez en mescognoissance, Dieu mescognoist toutes œuures, prieres, aulmosnes faictes pour eux par les viuans. Il ne s'ensuit pas toutesfois que tous ceux qui sont decedez à la cognoissance de Dieu & d'eux-mesmes, auant que de mourir appelez à penitence, ne puissent auoir l'effect de satisfaction, ou par les aulmosnes des viuans, ou par les tourmens qu'ils endurēt en ce feu de purgatoire. Bien est vray que le bien ny le mal ne profite ou nuyt apres la mort, c'est à dire s'il est faict apres la mort par celuy qui est decedé: Car il n'est plus au lieu de meriter ou demeriter: mais toutesfois il peult estre releué par le suffrage & bones œuures des viuans. A quoy nous produirōs tesmoignage suffisant. Il est fait mention aux Actes des Apostres que S. Pierre resuscita par les prieres vne femme en Ioppe nommée Tabitha. La priere de S. Pierre a-elle pas profité à ceste defuncte? Car si elle ne luy eust profité elle n'eust pas esté resuscitée. La priere donc d'un viuant à valu au trespaslé. Et ou estoit ce trespaslé? estoit il en gloire? Or de la on ne reuient

*Ceux qui sont decedez sans se recognoistre & sans contrition de leurs pechez ne peuent estre aydez par les viuans veu qu'ils sont en peril de leur ames.*

*Act. 9.  
S. Pierre  
viuant pria  
pour vne  
defuncte.*



point endurer mal. Estoit il en enfer? mais de là il n'y a redéption. Estoit-il aux lymbes? Mais Iesus Christ estoit resuscité ayant deliuré les prisonniers, les Prophetes, & Patriarches des Lymbes. Ou estoit il donc, sinon en vn lieu auquel luy a esté subuenue par la priere de celuy qui viuoit? Ce lieu est le Purgatoire: appelez le côme vous voudrez, Tant y a que ce n'est Paradis, ny l'Enfer des damnez: mais vn lieu pour l'expiation des offenses passées, auquel on peult estre subuenue par l'ayde des viuans. Tel enseignemēt nous donne saint Augustin *in Enchiridio cap. 110.* *Neque negandum est (inquit) defunctorum animas pietate suorum uiuentium releuari, cum pro illis sacrificium mediatoris vel eleemosynæ in ecclesia fiunt.* Et il ne fault nyer (dict il) que les ames des defunctz sont releuées par la pieté des siens amis viuans, quād pour iceux ou le sacrifice du mediateur ou des aulmosnes sont faictes en l'Eglise. Donc de ce que saint Cyprian au lieu par vous cotté à sçauoir au traicté contre Demetriā dict, que lors il n'y aura plus de lieu de penitence & d'effect de satisfaction; Cela est mesine aux parolles de saint Iean Chrysost. Homel. 2. De Lazaro disant. Ce pendant dit-il que nous serons icy nous auons belles esperances, mais incōtinent que nous serons partis d'icy, il ne nous est plus apres commis de faire penitence, ne d'effacer noz pechez. Tous ces deux

Zach. 9.

S. Aug.  
in Enchi.  
cap. 110.

S. Cypriā  
traict. in  
demetria-  
num.

S. Iean  
Chrysost.  
hom. 2. du  
Lazare.



anciens docteurs parlent de ceux qui durât leur vie n'auront eu contrition ou penitence, qu'ils ne peuuent plus se repentir ou satisfaire estant decedez, & ce par soy, ny par autrui: car ils sont pour leur obstination deiectez de salut. Dont ils disent que durant qu'auons le temps, facions penitence. Car la penitence n'est fructueuse par apres à ceux qui ne se seront recogneuz durant leur vie.

*Il n'y a point de lieu de penitence apres la mort à ce-  
luy qui ne se sera re-  
penty du-  
rât sa vie.*

Ce n'est pas pourtant à conclurre que ceux qui se sont recogneuz, & ont eu assurance de misericorde de Dieu, ne puissent estre aydez par les viuans, pour estre releuez des peines temporelles qu'ils endurent: Car ils ne sont repoulsez comme obstinez, mais retenuz comme penitens, en ce qu'ils sont decedez en penitence. Desquels ny sainct Cyprian ny S. Iean Chrysostome ne faiët aux lieux susdicts mention: dont rien ne peult estre contre l'esperance d'ayde, que croyons, pour les trespassez en grace, qui encores n'ôt plainement satisfaiët à leurs offences. Mais entendons dequoy vous vous aydez à propos des decedez en la foy, dont on est certain du soudain gage de salut.

*Les Apostatz.*

Pour conclurre le Cōcile de Tolette, peult testifier si nous faisons mal de reiecter les prieres pour les trespassez: Car il les defend comme inutiles, & sans fruiët inuentées.

*L'aucteur.*



*Le Cōcile  
de Tolette  
ch. 21.*

*Cic. lib. 2  
de legibus.*

*1. Thef. 4  
1. Cor. 15.*

*Tesmoi-  
gnage par  
ce concile  
qu'on doit  
cōuoyer les  
corps des  
chrestiens  
auec Can-  
tiques &  
prieres.*

Pour conclure, le Cōcile de Tolette vous ferme la bouche. Car iceluy ca. 21. Car neantmoins qu'il defende les chants funebres, non pas toutesfois ceux de l'Eglise: Car ces chantz funebres estoient comme lamétations de femmes, criantes & excitantes vn chacun à plorer, ou exclamatiōs & chansons lugubres de parens, ou mesmes de menestriers ioians piteusemēt d'Instrumēts musicaux, pour induire vn chacun à laméter le defunct: ainsi qu'est faict mention en l'Euangile. Ce que Solon, & les Romains par les douze tables ont defendu, ainsi que chose trop desbordée & desesperée. Cela par les saincts Conciles a esté prohibé: à ce qu'il ne semble qu'ainsi que d'aucuns Gentils, nous n'ayons quelque esperance de ceux qui sont morts en nostre foy. Parquoy pour la future resurrection qui nous console est dit en ce Concile. *sufficiat quod in spe resurrectionis Christianorum corporibus, famulatus diuinorum impenditur Canticorum.* Qu'il suffise qu'en l'esperance de la resurrection, on face obseques aux corps des Chrestiens par Cantiques diuins. Et au dessus a dict. Ceux qui sont sortis par diuine vocation de ceste vie, qu'ils soient portez au sepulchre auec Psalmes & voix des chantres. Est-ce pas ce apertement prouuer les prieres & oraisons pour les trespassez? Est-ce les destruire que de defendre qu'on ne chante ces lamétations muliebres,



qui ont eu origine des Gentils, & ne iouë on  
 d'instrumens musicaux : pour monstrier que  
 ne sommes desbordez en pleurs, mais qu'a-  
 uons quelque esperāce d'iceluy? Et qui nous  
 faict prier pour luy sinon l'esperance que  
 nous auons? Or à ceste coustume qui estoit  
 comme indice de desespoir, ont succedé les  
 Psalmes & prieres de l'Eglise, à sçauoir l'es-  
 perance au desespoir. Car les prieres ne se  
 font qu'en esperāce. Et de tollir le desespoir,  
 est-ce pas donner lieu à l'esperance? Dont ce  
 qu'a defendu ce Concile, veu qu'il apparte-  
 noit au desespoir, donnoit lieu à esperāce. Or  
 est-ce diminuer ceste esperance, que croire  
 que par quelques bonnes œuures des viuāz  
 soyēt aydez ceux qui ne sont encores dignes  
 de gloire? Est-ce pas plus fauoriser le des-  
 espoir que oser dire au cōtraire? que ne mettre  
 de purgatoire? Car que pourront esperer les  
 pauures pecheurs à la mort, lesquels ont lu-  
 briqueusement vescu durant leur vie? Pourrōt  
 ils pas considerer ce que dit S. Pierre, à pei-  
 ne le iuste sera sauué, & comment donc ad-  
 uiendra il du pecheur? est-il iuste pour lors  
 qu'il a contrition à l'article de la mort? Ouy:  
 Mais ses œuures le suyueront. S'ils le suyuent  
 ce sera donc à imputatiō de peines puis que  
 vous dictes que la remission est faicte des  
 pechez. comment? la peine ou gloire suyt le  
 pecheur selon ses œuures. Mettons donc à  
 part les pechez, & cōsiderons que la recom-

*L'esper  
 succede au  
 desespoir*

*des gētils,  
 lors que  
 par ce cō-  
 cile les  
 pleurs su-  
 perflues &  
 exorbitan-  
 tes sont  
 defendues*

*L'raison  
 faicte pour  
 les mortz  
 est en es-  
 poir, & ce-  
 luy qui les  
 tollist sem-  
 ble dimi-  
 nuer cest  
 espoir.*

2. Pet. 3.

Act. 14.



*Que fait  
la remissi-  
on à l'arti-  
cle de la  
mort.*

*Toutes les  
œuvres  
suyueront  
vn chacun  
apres la  
mort ou à  
la peine ou  
à la gloire.*

*Apoca. 14*

*Nyer le  
purgatoire  
cest indui-  
re le pe-  
cheur à de-  
sespoir.*

pése de peché demeure apres le peché, ausi bien que la recompence de bien faire. Mais que fera direz vous ceste remission à l'article de la mort faicte pour la cōtrition? qu'elle fera? Elle transmue le desespoir en espoir. La peine eternelle en tēporelle. Car si sans cōtrition & penitence quelqu'un decede apres auoir beaucoup offensé, il tōbe en ruine & perdition. Or posé que les œuvres mauuaises soyent esgales à celui qui est decédé en penitence & contrition, si la peine & la coulpe luy estoyēt remises à la mort, il seroit donc faulsemēt dit, que ses œuvres le suyue-royent apres la mort. Or donc si ses œuvres le suyuent, veu qu'elles sont mauuaises, & que la remissiō est faicte du peché, restera la peine, laquelle pour la remissiō de l'offense faicte, sera en esperance, qui sans remission eust esté infligée au desespoir. Ainsi facilement il s'ésuyt que ceux qui tollissent ces peines tēporelles apres la mort, induisent à desespoir les pecheurs. Car iceux estans certains que leurs œuvres les suyueroyēt ou à la peine ou à la gloire, veu qu'ilz n'aurōt esperāce que la peine eternelle soit commuée à la tēporelle, que pourront ilz sinon attēdre la damnatiō eternelle? sera ce pas les auoir iduitz à desespoir? Tāt s'en fault dōc que par ceste nostre foy du purgatoire ou prieres pour les trespassez soyons cōdamnez par le Concile de Tollette: Que ceux qui au contraire ne reçoüēt



pour eux les aydes des viuans, se rendent par ce moyé iugez, en ce qu'ilz ne reçoüent remede, & par consequent reiectent tout espoir pour les ames de ceux qui sont sortis de ce monde, n'estans pleinement exercez en tribulation pour leurs demerites. Qui est resen tir de l'infidelité des Gentilz, qui pour ce qu'ilz n'auoyent esperance ploroyent excessi uement les morts ausquelz ils estoÿent affe ctez. Lequel excès (pour la raison que deuôs esperer des trespassez) est prohibé par ce Cõ cile comme est dit cy dessus.

## DE LA CONFESSIO AVRICULAIRE.

*Je t'ay notifié mon peché & n'ay point celé mō delict. Je cōfesseray cõtre moy mon forfait au Sei Psal .31.  
gneur, & tu as osté la coulpe de mō peché Psal .31.  
I'ay peché cõtre toy seul: & ay faict mal deuãt toy Psal .51.  
Psal .51. O Dieu soys propice à moy pecheur. Lequel Luc .18.  
descendit iustificié en sa maison.*

*Les Apostatz.*

L'escriture sainte nous enseigne assez clai rement que de confesser à l'homme n'est au cunement necessaire, & cõsequemmēt que telle confelsion est inuentee oultre le com mandement de Dieu: auquel seul fault con fesser son peché, puis que contre luy seul on offence.



L'aucteur.

*Nous con  
fessons à  
nostre pro  
chain ce en  
quoy l'auiôs  
offencé.  
Matth. 5.*

**N**Eantmoins qu'offensions quelque fois contre noz prochains, ou par scandale & mauuais exemple, ou par detractiō & enuie, vous dictes toutesfois qu'on offence contre vn seul Dieu: pource qu'il est le createur & souuerain sur tout, en sorte q̄ mesmes cōsiderant auoir offensé vostre semblable, pensez aussi en ce auoir offensé Dieu: Et vous reconciliez à vostre prochain, estimez vous reconcilier à Dieu. Or à ce faire vous ne repoussez vostre prochain, mais plustost venez vers luy: par ce croyāt que Dieu vous sera pitoyable. Ainsi neantmoins que confessions noz pechez à vn seul Dieu, ce n'est à dire q̄ ne soit pource ordonné le ministere des hōmes, & qu'il faille reprouuer les hōmes. Car

*Les Iuis  
venoient à  
S. Jean  
Baptiste  
confessans  
leurs pe-  
chez.  
Matth. 3.  
Luc. 3.*

à iceux nous ne cōfessons souuerainement, mais croyōs que Dieu recoiue ceste cōfessiō q̄ est faicte à l'hōme: car elle tend vers Dieu, ainsi que toute offence faicte contre le prochain est faicte cōtre Dieu. Que si voulez entendre par les criture ceste cōfession faicte aux hōmes cōme ministres & à Dieu cōme souuerain: S. Jean Baptiste estoit il pas hōme? Est il pas toutesfois escript q̄ plusieurs venoient vers luy au desert pour estre baptizez au fleue de Iordain cōfessans leurs pechez? Cela est escript au texte de l'Euangile. Cōment donc entendez vo<sup>r</sup> ce qu'est escript, que Iesus Christ a dict à ses Apostres: Tout ce que vo<sup>r</sup> lyerez

*Matth. 18  
Iean. 20*



sur la terre sera lié au Ciel: & ce que vous  
 deslierez sur la terre sera deslié au Ciel? Ce-  
 la est il pas entendu de lier ou deslier les a-  
 mes de peché? Et comment pourront elles  
 estre desliees de peché si on ne sçait qu'elles  
 ayēt peché & en quel peché? En celà discre-  
 tion est elle pas necessaire de discerner être  
 la lepre & la lepre, le peché, & le peché? Cō-  
 ment aura-on discretion du peché s'il n'est  
 congneu? Comment sera il congneu à l'hom-  
 me veu qu'il est caché en l'ame s'il n'est reue-  
 lé? Et ceste reuelatiō sera elle pas au danger  
 de la renommée, si elle est faicte publique-  
 ment? Comment donc sera elle faicte, puis-  
 qu'elle est necessaire pour en auoir absolu-  
 tion? Il fault donc que ceste reuelation ou cō-  
 fession soit auriculaire à l'homme, celui qui  
 a ceste puïssance de Dieu de lyer ou deslyer.  
 Vous voyez apertement que veu que Iesus  
 Christ a dōné ceste puïssance de lyer ou des-  
 lyer les ames de peché, veu qu'en ce discre-  
 tion, & à discretion cōgnoissance, & à con-  
 gnoissance confession est necessaire, par mes-  
 me texte est inferé, que Iesus Christ a ordon-  
 né la confession auriculaire à l'homme. Cō-  
 ment dōc osez vous dire qu'elle n'est pas ne-  
 cessaire, veu qu'il est besoing du ministere,  
 par lequel les dōs de Dieu sont dispensez: &  
 q pour auoir ceste absolution il fault reueler  
 son peché, à celui q a la puïssāce cōmise par  
 la bōté diuine pour le remettre & pardonner.

*Argument  
 prouuant  
 apertement  
 la cōfessō  
 auriculai-  
 re.*



## Les Apostatz.

On n'ignore point que la confession auriculaire a esté en vſage en cōſtantinople, iuſques à ce qu'ayant donné occaſion de pail-lardiſe, fut abolie & reiectee par Nectarius Eueſque dudiſt lieu. Ce eſt eſcrit hiſtoire Tripartite li.9. chap.25. Et meſmes comme les hiſtoires recitent, deuāt le Pape Innocēt troiſieſme on n'eſtoit point obligé de ſe cōfeſſer à l'aureille d'vn prebſtre.

L'aucteur.

**I**E m'eſbahis de ce que pour eſtre entétifz à calomnier, vous vo<sup>9</sup> eſtes oubliez en voz parolles, en ſorte que trop apertemēt on cōgnoit vōſtre menſonge & impieté. Car vo<sup>9</sup> dictes qu'il n'y a qu'environ trois cens ans qu'on ſe confeſſe aux prebſtres, à ſçauoir du temps du Pape Innocēt troiſieſme. Et neātmoins dictes que la confession auriculaire a eſté en vſage à Conſtantinople, eſtant de la Eueſque Nectarius: qui a eſté durāt l'Empe-reur Theodoſe, & Gratian, & Damasc Pape, & S. Cyrille Patriarche de Hieruſalē, l'ā. 380 apres le Cōcile general faiſt en Cōſtātino-ple. Dont il s'eſuyt de vōſtre meſme teſmoi-gnage que la cōfeſſion auriculaire eſtoit en vſage il y a près de mille & deux cens ans. Voyez vōſtre cōtradictiō ſuffiſante pour mōſtrer vōſtre malicieuſe impieté. Car eſt dict au lieu par vous allegué de l'hiſtoire triparti-te. 9. li. 36. non 25. chap. que ceſte couſtume de con-

*Cōtra di-  
ctiōn aper-  
te aux pa-  
rolles des  
Apoſtatz.*

*Il y a mil-  
le .200.  
ans qu'on  
ſe confeſ-  
ſoit à Con-  
ſtātinople.*



de confesser les pechez auoit esté approuuée des anciens Euesques, & obseruée en toutes les Eglises orientales: & d'auantage à Rome ou estoit pour lors le lieu certai des penitēs.

Quant à ce que vous obiicez que l'Eues- *La cōfession public- que a esté abolie, & ya succedé la priuée & auriculaire.*  
que Nectarius a aboly ceste confession à rai-  
son du scandale, le respond que ce n'estoit  
simplement la confession, mais la publique.  
Car au chap. susdict est premis. *Propterea vi-*  
*sum est antiquis pontificibus vt veluti in theatro*  
*sub testimonio ecclesiastici populi delicta pādātur.*

Pour ce a esté aduisé par les anciens Eues-  
ques, que les pechez fussent manifestez cō-  
me en theatre sous le tesmoignage du peu-  
ple ecclesiastique, en sorte q̄ tout le peuple  
oyoit les pechez. Ce qu'a esté reformé pour *La cōfession public- que reformée pour deux rai-*  
deux causes là déclarées. La premiere est que  
par ce beaucoup estoiet diffamez, tant ceux  
qui confessoient leurs pechez, que ceux avec  
lesquels ils auoient offensé, dont l'estat &  
condition estoit nommée. La secōde est que  
craignans ce deshonneur, beaucoup ne ré-  
ueloient que les menuz pechez, & estoient  
plus libres aux grands, lesquels ils celoient.

Pour donc obuier à telz inconueniens, la cō-  
fessio publique a esté muée en priuée & au-  
riculaire faicte au prebtre: veu qu'est dict  
en ce mesme chap. que *Ad hanc causam pres-*  
*byterum bonæ cōuersationis seruantēque secretū,* *La cōfession priuée & auriculaire.*  
*ac sapiētem virum statuerunt, ad quē accedentes ij*  
*qui delinquebant, delicta propria fatebātur: at ille*



*secundum vniuscuiusque culpam indicabat & mulctam.* Pour ceste cause ils ont estably vn prebstre de bonne conuersation, hōme gardant le secret & sage, auquel venāt ceux qui offēçoïēt, cōfessoient leurs propres pechez: & iceluy selon la coulpe d'vn chacun ordōnoit la peine. Voyla pas ce qui est obseruē pour ce iourd'huy en nostre Eglise? Et pourquoy donc, veu que ce vous auez peu lire au chapitre susdict, dictes vo<sup>9</sup> qu'il n'y a qu'environ deux cens ans qu'on confesse les pechez aux prebstres, considerē que de ce faict il y a mille & deux cens ans? Estes vous pas impudens en ces paroles?

*Les Apostatz.*

Les Apostres & toute l'Eglise apres eux n'ont iamais fait autrement, comme plusieurs docteurs en rendēt tesmoignage, singulièrement, S. Augustin li. 10. des confess. chap. 3. Disant ainsi, Qu'ay ie donc affaire des hommes qu'ils oyent mes cōfessions comme fīls deuoient guerir mes lāgueurs? Pourquoi me demandent ils d'ouyr quel ie suis, puis qu'ils ne veullent pas de toy ouyr quelz ils sont?

*L'aucteur.*

**P**Our monstres vostre impudēce nous ne voulons respondre, mais qu'escoutez ce que vous satisfait S. Basile, lequel a escrit il y a mille & deux cens ans & d'auātage. Iceluy au liure de l'institution des Moynes respond à celuy qui demande s'il doit à tous



confesser les pechez ou aux prebstres seule-  
 ment: que la confession est à ce ordonnée, que  
 celuy qui se conuertit de son peché monstre  
 les faicts dignes de la penitence: & apres.  
*Necessariū videtur iis quibus dispensatio mysterio-  
 rum dei cōmittitur, confitēda esse peccata: sic enim  
 & ij qui antiquitus pænitebant inueniuntur apud  
 sanctos cōfessi fuisse peccata sua. Scriptum est enim  
 in euangelio, quia Ioanni Baptiste confitebātur po-  
 puli peccata sua. Et in actis apostolorum apostolis ij  
 qui baptizabātur. Il semble estre necessaire de  
 cōfesser les pechez, à ceux auxquels est com-  
 mise la dispensation des mysteres de Dieu.  
 Car ainsi ceux qui d'ancienneté faisoient pe-  
 nitēce sont trouuez auoir confessé leurs pro-  
 pres pechez aux saicts: veu qu'il est escrit en  
 l'euangile que les peuples confessoient leurs  
 pechez à S. Iean Baptiste, & aux actes des A-  
 postres que ceux qui estoient baptizez con-  
 fessoient aux Apostres leurs pechez. Qui doit  
 estre creu de vous Messieurs les Apostats, ou  
 de S. Basile, ou mesme de l'Euangile, & des  
 Actes des Apostres, pour la probatiō de ceste  
 confession? Que faut il d'auātage pour vous  
 confondre? Mais S. Augustin semble y con-  
 treuenir au lieu par vous cy dessus allegué.  
 Non faict: car seulemēt il repoulse la curio-  
 sité des hommes, qui s'informent assez d'au-  
 truy, mais nō pas d'eux mesmes. Or nous ne  
 disons pas qu'indifferemment à tous hom-  
 mes doiue estre faicte confession: mais aux  
 K.ij.*

*S. Basile  
 li de l'in-  
 stitution  
 des moy-  
 nes dict il  
 y a mille  
 & deux  
 cens ans  
 Qu'il se  
 faut con-  
 fesser aux  
 prebstres.  
 Iac. 3.*

*Ceux qui  
 estoient ba-  
 ptizez con-  
 fessoient  
 leurs pe-  
 chez aux  
 Apostres  
 Luc 3.*

*Act. 19.*

*S. Aug.  
 li. 10. des  
 cōfessions  
 chap. 3.*



prebſtres comme aux miniſtres de Dieu, deſ-  
 quels S. Auguſtín ne parle en ce lieu. Meſmes  
 ſi par ce voulez inferer qu'à vn ſeul Dieu il  
 ſe faut cōfeſſer, cōme celuy qui peult guerir  
 noz lāguez, auſſi recognoiſſons que cōfeſ-  
 ſans au preſtre, ſouuerainemēt & finalement  
 nous cōfeſſons à Dieu moyennāt le miniſtre  
 d'iceluy, ainſi qu'eſperons que moyennant  
 iceluy miniſtre receuiōs la remiſſion de no-  
 ſtre offence, comme auōns prouué cy deſſus,  
 que la puiſſance de deſſyer les pechez a eſté  
 commiſe de noſtre Dieu aux Apoſtres. Auſſi  
 c'eſt Autheur par vous allegué Tome 10. au  
 li. des 50. liure des cinquante homeliēs au dernier ſer-  
 mon abondāment declare que la confeſſion  
 des pechez doit eſtre faiĉte aux Eueſques &  
 prebſtres, non ſeulement qui ſoient bōs, mais  
 auſſi aux mauuais. A' quoy ſe faut arreſter &  
 apprendre l'intention de ce bon ancien do-  
 ĉteur non diſforme à noſtre Eglife.

S. Aug.  
 tom. 10.  
 li. des 50.  
 homel. ſer-  
 mo. 50.

Mat. 23.

#### Les Apoſtat̃z.

Sainĉ Chryſoſtome diĉt ainſi. Cōfeſſe tes  
 pechez afin que tu les efface, ſi tū és confus  
 ou hōteux de dire à autrui que tu as peché,  
 dy le tousiours en ton ame. Je ne dy point q̃  
 tu les confeſſe au ſeruiteur pareil à toy pour  
 les te reprocher : dy les à Dieu ſeul qui les  
 guerit. Il ſuffit que Dieu ſeul te voye & eſ-  
 coute. Je ne veulx point que tu te confeſſe à  
 vn homme, lequel apres te puiſſe reprocher  
 ou diffamer en publiāt tes fautes, mais mō-



stre tes playes à Dieu qui en est le medecin.  
Ce est escrit par ledit Autheur Hebr. chap.  
12. Homel. 3. & au Tom. 4. Homel. 41. Sur le  
Psalm. 51. Homel. de penitence, & de l'incō-  
prehensible naturel de Dieu Tom. 6. Homel.  
5. Et au sermon du Lazare, & en l'Homel. de  
la Chananée 12.

*L'auteur.*

**I**'Ay recherché ces lieux desquels aucuns  
sont mal cotez. l'ay leu l'ho. 31. sur le cha-  
pi. 12. des Hebreux: & la 41. Homelie, qui est  
Tom. 4. sur la 1. Cor. Epist. ou n'ay ce trou-  
ué, mais Homel. 44. Et au sermō du Lazare,  
& à l'Homelie non 12. mais 16. de la Chana-  
née. Et sur le Psal. non 51. mais 50. & l'Home-  
lie 5. de l'incomprehensible naturel de Dieu  
Tom. non 6. mais 5. Et en l'Homelie de la pe-  
nitence & confession audit Tom. 5. Ou bien  
est vray que cōme S. Augustin au lieu preal-  
legué, il n'approuue se confesser à tous indif-  
ferémēt. Parquoy il dit: à celuy qui te pour-  
roit reprocher ton mesfait: mais il n'est à in-  
ferer qu'il ne faille confesser aux prebstres.  
Car en ce qu'à iceux nostre confession est  
faicte, nous les recognoissons cōme ayans de  
nostre Dieu puissance de remettre les pe-  
chez. Car telle est l'intentiō de S. Iean Chry-  
sostome, comme s'il disoit. Tu n'as que faire  
de cōfesser tes pechez à l'homme, ainsi com-  
me à l'homme, comme si iceluy de soy-mes-  
mes te pouuoit guerir: Tant en faut que de

*On se con-  
fesse à l'ho-  
me sans  
considerer  
sa fragili-  
té, mais  
cōme mi-  
nistre de  
Dieu.*



soymesme il te guerisse, q̄ plustost il te pourra reprocher & diffamer en descouurant tes faultes. Mais il faut que tu te confesse à l'homme ne p̄sant à sa fragilité, car il est ministre de Dieu, & pource ne manifestera ton offence, & pourra medicamenter tes playes & te remettre tes pechez, car Dieu luy en a baillé puissance. Et la confession que tu luy feras, sera faicte non pour la crainte de l'homme, mais de Dieu: ne pource que l'homme cognoist, mais que Dieu entend, à sçauoir que tu luy reueleras toute ta conscience, car tu ne te confesse point à l'homme simplement, mais à luy comme ministre de Dieu, & à Dieu. En sorte que tu ne dois craindre l'homme comme s'il te pouuoit diffamer: mais seulement te proposer Dieu deuant tes yeux: duquel celuy à qui tu confesse tes pechez est dispensateur fidele, considerant sa mesme fragilité, & qu'il est obligé de receler tes mesfaits à luy reuelez, autant comme, si à nul homme, mais au seul Dieu tu t'estois confessé. Telle est l'intelligence des paroles de saint Iean Chrysostome. Parquoy il ne mesprise la confession en laquelle est la honte plus grande, ainsi qu'il escrit sur saint Matthieu Homelie troisieme, parlant de ceux qui estoient baptizez de S. Iean, confessans leurs pechez. Ne sçauons nous pas, dict il, que la confession des pechez a honte, & que d'iceux auoir vergongne est vne

*S. Iean  
Chrysost.  
sur saint  
Matth.  
homel. 3.*



peine griefue? Mais d'auantage commande Dieu de confesser noz pechez, à ce que nous ayons la honte pour peine: Car ce est la partie du iugement. Voyla ce que dict ce saint Docteur. Dont il ne pretend pour la honte tollir la confession faicte à l'homme ministre de Dieu.

Lisez Origene ancien Docteur, sur le Psalme trenteseptiesme. Voyez dict il que nous enseigne l'escriture diuine qu'il ne faut celer son peché. Parauanture ainsi que ceux qui ont en leur estomach, quelque viãde indigeste, ou humeur ou phlegme pesant, & moleste, quand ils vomissent sont releuez. Ainsi ceux qui ont peché: Car ils occultent dedans soy leur peché, & dedans sont tourmentez & sont comme suffoquez du phlegme & humeur de peché. Que si le pecheur est faict de soy accusateur: lors qu'il s'accuse & confesse ensemble il vomit le peché, & digere toute la cause de maladie. Seulement regarde diligemment à qui tu doibs confesser ton peché. Esprouue premieremēt le medecin auquel tu doibs declairer la cause de ta maladie: qui sache estre malade avec le malade, plourer avec celuy qui ploure, qui sache condoloir & compatir: à ce que par apres tu face & suyue fil te dict quelque chose, & fil te donne quelque conseil. Telles sont les paroles d'Origene par lesquelles familièrement il declaire la confession fai-

*Origene  
sur le  
Psal. 37.*

*Le peché  
en la con-  
science est  
ainsi qu'il  
phlegme  
& hu-  
meur in-  
digeste sur  
l'estomac.*

*Il faut  
esprouuer  
ceux aus-  
quels on se  
doit con-  
fesser dont  
il s'ensuyt  
qu'à l'ho-  
me qui  
peult seul  
estre es-  
prouuē on  
se peult  
confesser.*



de à l'homme estre necessaire, veu qu'il dit qu'il faut esprouuer le medecin, qui est l'homme, car non Dieu, mais l'homme est esprouué: & veu qu'il parle du conseil. Mesmes apres il dit que selo que ce medecin aura cogneu la langueur, & voit estre bon & expedient pour estre declairé en public, ainsi selon son meur conseil & deliberatiō se pourra faire. En ce il est manifeste que non seulement il parle de la cōfession faicte à l'homme, mais de celle qui est priuée: apres laquelle selon qu'il est expediēt on peult faire la publique. Voyez mesme de ceste confession

*S. Denys*

*epistre ad*

*Demophilu*

*lum. Et*

*S. Cyrille*

*li. 3 sur le*

*Leuitiq.*

*S. Cyprian*

*Serm. de*

*lapsis. S.*

*Hierosme*

*sur l'Ec-*

*clesiastiq.*

*chap. 10.*

*S. Leon*

*Epist. 90*

*2. tab.*

*num. 22.*

*S. Aug.*

*Hom. 50*

*de peni-*

*tence.*

faicte au prestre priuément saint Denys, Epistre ad Demophilu, saint Cyrille liure 3. sur le Leuitique disant, qui monstre que la remission des pechez peult estre obtenue par penitence, à sçauoir quand le pecheur laue son liēt de ses larmes, & qu'il n'a honte de declairer son peché au prestre. Et saint Cyprian Sermon 5. *De lapsis*. Saint Hierosme sur l'Eccles. chap. 10. Leon epist. 90. Tab. 2. Numero. 22. saint Augustin Homelie 50. De penitence. Ainsi ces bons docteurs nous ont enseigné, se rendans conformes à la doctrine des Apostres: Lesquels touchant ceste confession qui se fait aux prestres, ayans de Dieu puissance de lyer ou deslier les pechez, croyons, & non d'autres, mesmes ny les anges du ciel, s'ils nous annonçoiet autre chose: veu que ce est diuinement escrit.



DE L'EGLISE ET PRI-  
mat de saint Pierre, qui est le  
siege apostolique de  
Romme.

*La maison du Dieu viuant, c'est l'Eglise, colonne, 1. Timoth. 3.  
& fermeté de verité.*

*Les Apostatz.*

Nous croyons vne sainte Eglise catholi *Ephes. 5.*  
que & vniuerselle, maison de Dieu viuant,  
lauée & nettoyée du precieux sang de son  
chef vnique & seul espoux Iesus Christ: &  
ne croyôs point autre chef que luy: car tous  
les autres qui sont fondez en luy sont ses  
membres incorporez en son Eglise.

*L'auteur.*

**T**ELLE est nostre foy quant à ce que *Ephes. 5.*  
l'Eglise est rachaptee du sang de Iesus  
Christ, & qu'il est le chef souuerain, ainsi  
qu'il est le principal fondemêt, & seul souue *2. Cor. 3.*  
rain: oultre lequel on ne peult mettre d'au-  
tres. En sorte qu'au regard de luy, tout au-  
tre est en luy fondé, & est membre d'iceluy, *Ephes. 2.*  
neantmoins au regard non de la souuerai- *Ainsi qu'il*  
neté, mais d'autres moindres, ne s'ensuyt *ya des fon*  
qu'il n'y ayt d'autres fondemens & d'autres *demēs sus*  
chefz. Car les Apostres & Prophetes sont *Iesus ain-*  
ilz pas dictz fondemēs? Et l'hōme est il pas *si il y a des*  
chef de la femme? Il ne fault donc conclure *chefz sous*  
qu'ē ceste sorte soit dict Iesus Christ chef, cō *luy, ainsi*  
me si en degré inferieur n'estoit quelq̃ chef *l'hōme est*  
*chef de la*  
*femme.*



*Cōment le  
Pape est  
mēbre &  
chef.*

*2. Thes-  
sa. 2.*

*Cōtre l'e-  
uecrable  
contumelie  
de ceux qui  
disent le  
Pape estre  
antechrist*

*Caluin  
est cōdāné  
antechrist  
par la sen-  
tence des  
iens biē in-  
terpretée.*

subalterne, qui soit dict membre de Iesus Christ & chef de ses inferieurs. Car l'hōme au regard de Iesus Cstrist seulemēt est il dict chef: non, mais mēbre d'iceluy, s'il est fidele. Et neantmoins est chef au regard de la femme: car Iesus Christ est sur toute puissance cree, & nulle puissāce cree est sur Iesuschrist. Ainsi le Pape simplemēt cōsideré au regard de Iesus Christ est seulement membre d'iceluy. Mais au regard qu'il est non seulement soubz Iesus Christ, mais cōstitué au gouuernement & prelature spirituelle du peuple: il est appellé chef subalterne de Iesus Christ: Car Iesus Christ est chef d'iceluy, nō iceluy de Iesus Christ. Et quant à ce que vous dites que celuy qui est assis au tēple de Dieu se monstrant soy mesmes qu'il est Dieu, destruisant les cōmandemens & sa parole, est l'Antechrist: nous le croyons ainsi. Mais à qui voulez vous cela attribuer? au Pape? Celuy qui ne se prefere à la glorieuse vierge Marie, aux sainctz de paradis, comment se voudra il egaler à Dieu? Le Pape commāde il pas que les sainctz soient reuerrez & inuoquez? Et luy mesmes les inuoque il pas & reuerre? C'est dōc biē loin de ce dire estre Dieu, & de s'egaler à luy, qu'il se submeēt aux sainctz de Paradis. Mais plustost se deueroit estre conclu, ou pourroit estre interpreté de voz ministres, lesquels sont assis aux temples iadis dediez à Dieu, ne recognoissans au-



cuns superieurs ny saincts, destruisans le sanctuaire, & le saint sacrifice, comme de l'Antechrist a esté predit en Daniel, induits par hardiesse de Satan à ainsi s'esleuer, veu *Daniel. 9. 10. & 12.* qu'il ne peuuent dire desquelz, comme legitimes, il y ayent receu l'imposition des *Act. 6.* mains. Et mesprisent toute antiquité Con- *Heb. 5.* ciles, & saintes obseruations,

*Les Apostatz.*

Mais celuy qui bataille contre icelle, se faisant chef vniuersel de l'Eglise, se declare soy mesmes estre son aduersaire & antechrist manifeste: Comme saint Gregoire en a donné aduertissement, disant, que c'est vn sacrilege & preābule de la venue de l'Antechrist que se constituer Euesque vniuersel de toute l'Eglise. Car cōme il dict, que si celuy qui est appellé vniuersel tombe toute l'Eglise trebuche, & poursuyuant ce mesme propos conclud, disant ainsi. Je dy hardiment que quiconque s'appelle Euesque vniuersel, ou appetite d'estre ainsi nommé, est precursor de l'Antechrist, d'autant qu'il se prefere par orgueil à tous. Ce est escrit par saint Gregoire lib. 4. epistolarū epist. 76. *ad Mauriciū,* & liure 7. Epistre 194. & liure 6. Epistre 188. saint Bernard sur les Cantiques Sermon 33. Et au Sermon de la conuersion saint Paul. Origene sur saint Matthieu Homel. 2. *Cano. pudenda. 24. q. I. Cano. Si Papa 40. distin.* saint Augustin liure 3. du baptesme cap. 3.



L'auteur.

*S. Gregoi  
re liure 4.  
des epist.  
32. epist.  
ad mauri-  
cium.*

*S. Luc.  
22.  
Eph. 5.  
1. Pet.*

*S. Gregoi  
re liu. 6.  
epist. 188*

*L'euesque  
commun  
ne se doit  
arroger til  
tre d'eues.  
que vniuer  
sel, ce n'est  
pas pour-  
tant à di-  
que le Pa  
pe qui en  
ce est esleu*

**I**E vous respondray selon l'intention des  
Autheurs & leurs paroles, sans rien ob-  
mettre : neantmoins que de tous n'ayes ex-  
primé les sentences. Sainct Gregoire n'a es-  
crit l'Epist. 76. du liure 4. de ces Epistres *ad*  
*Mauriciu*, Mais la 32. Ou il reprend l'arro-  
gance de Iean Euesque de Constantinople,  
qui se vouloit dire Euesque vniuersel, mes-  
prisant l'Eglise & les Conciles : enseignant  
que nul, ne doit estre tant ambicieux, qu'il  
se nomme Euesque vniuersel, neantmoins  
qu'il le soit. Ainsi que Iesus Christ ne s'est  
voulu nommer chef de l'Eglise, mais seule-  
ment a dict qu'il estoit venu pour ministrer.  
Ce n'est pas à dire toutesfois qu'il ne soit  
chef de l'Eglise, & Euesque vniuersel de  
noz ames. Ledit sainct Gregoire liure 6.  
Epist. 188. escrit à Anastase Euesque d'Antio-  
che, & reprend vn autre Euesque dit Ciria-  
que, s'vsurpant par arrogance le nom d'Eues-  
que vniuersel. Disant que ce nom est du pre-  
mier Apostat le diable, à scauoir de s'vsurper  
& nommer vniuersel, en sorte qu'il mesprise  
l'Eglise, & s'oublie soy mesmes. Or il dict  
qu'en ce personnage ne peult estre l'asseurā  
ce entiere de l'Eglise, veu qu'il peult chop-  
per : mesmes en ce lieu il ne parle contre le  
Pape, mais contre les Euesques inferieurs:  
desquels si quelqu'un se veult dire estre vni-  
uersel, & ainsi est appellé, toute l'Eglise est



en trouble, veu qu'il est tresbuché par son arrogance: en ce qu'il n'y a qu'un Euesque vniuersel ministre de Dieu. Ce n'est à dire q le Pape ne soit Euesque vniuersel, comme si on disoit: Si l'un des princes se veult nōmer Roy, & ainsi est appelé, le Royaume tombe. Pourquoi? Est-ce à dire que le chef du Royaume ne doie auoir ce nom de Roy? Nēny. Mais plustost d'autant que seul en son Royaume il doit estre ainsi appelé, le trouble prouient à ce qu'à luy vn autre se veult egaler. Car on ne doit auoir qu'un Dieu, vne foy, vne loy, vn Roy. Ainsi dit S. Gregoire q si Ciriaque ou autre des cōmuns Euesques se veult nommer Euesque vniuersel, ce sera pour mettre en trouble l'Eglise. Pourquoi? Pour ce que non Ciriaque, ou autre des cōmuns est vniuersel, Mais vn à ce esleu seul: nō d'autres. Ou si vousez qu'on vous interprete ce: Si l'Euesque vniuersel choppe, toute l'Eglise tresbuche: on le doit entendre en ceste sorte, que l'Eglise choppe, lors que le prelat d'icelle trebusche, A scauoir si on a esgard à la personne seulement, non à la dignité. Car la personne peult offenser, non pas dignité: veu qu'elle est bōne, saine & entiere. Or si l'Euesque pour l'égard de sa fragilité & personne pecheresse est appelé vniuersel, ce sera dōc submettre l'Eglise en ruine luy trebuchant, car il est fragile. Or nous ne considerons ce nom d'Euesque, ou vni-

*ne doibue  
ainsi estre  
appellé,  
ainsi q ce  
n'est pas à  
conclure si  
vn Prince  
ne se doibt  
appeller  
Roy que la  
vray heriti  
er de la cou  
ronne ne  
soit ainsi  
appellé.*

*La persō  
ne n'esta-  
blit pas le  
siege: mais  
est establie  
par le sie-  
ge.*



- Rom. 13.* uersel, seulement à l'égard de l'homme: Mais  
*2. Cor. 4.* principalement, comme don & puissance  
 de Dieu, saine, entiere, non pechante: qui est  
 gratuitement commise à l'homme personne  
*S. Matth. 23.* fragile, n'estant toutesfois inquinée de sa  
 fragilité. Voyla cōme saint Gregoire veut  
 que nous entendions les dignitez, & le nom  
 d'vniuersel, non pas nom d'arrogance, ou de  
 la personne simplement en soy considerée:  
 mais de Dieu. Or puis que ceste puissance est  
 de Dieu, non pas de l'homme: Il ne s'ensuy-  
 uera, si l'hōme ou le Pape en ce qu'il est hō-  
 me offense, que toute l'Eglise offense. Car la  
 dignité n'offence, & par ainsi l'Eglise ne tō-  
 be en ruine, en laquelle tomberoit si la digni-  
 té estoit de l'homme fragile, non du don gra-  
 tuit de Dieu. Et à ce que vous entendiez que  
 ledict saint Gregoire par ces lettres ne pre-  
 tend nyer le primat & chaire de saint Pier-  
 re, comme ayant la principauté de l'Eglise:  
*L. 4. epist 32. ad mauriciū.* Il dict escriuant *ad Mauriciū. Ecce Petrus cla-*  
*S. Gregoi re en cest epist. dict que la pri-* *ues ligandi atque soluendi accepit, potestas ei li-*  
*gandi atque soluendi tribuitur, cura ei totius Eccle-*  
*re en cest epist. dict que la pri-* *sie & principatus committitur: & tamen vniuer-*  
*gandi atque soluendi tribuitur, cura ei totius Eccle-* *salis Apostolus non vocatur.* Voyla saint Pierre,  
 a eu les clefz de lyer & absoudre, La puis-  
 sance de lyer & deslyer luy a esté baillée,  
 Tout le soucy de l'Eglise & la principauté  
 luy est commise: & neantmoins n'est appel-  
 lé Euesque vniuersel. Voyez qu'il dict que  
 la principauté de l'Eglise a esté baillée à



sainct Pierre, neantmoins qu'il ne se soit voulu nommer vniuersel, Aſcauoir pour eui ter ſuſpicion d'orgueil & ambition.

Sainct Gregoire n'a eſcrit cent nonante-quatre Epiſtres, au liure ſeptieſme, mais ſeulement trente.

Sainct Bernard ſur les Cantiques, Sermō trente troiſieſme, crye contre les heretiques, leſquelz neantmoins qu'ilz ſoyent de l'Egliſe, affligent & guerroyent contre l'Egliſe, & la meſpriſent: Dont n'eſt rien inferé pour le propos ſuſdit.

Sainct Bernard ſermon premier, de la conuerſion ſainct Paul, ſe complainct que l'ini- quité eſt ſortie des anciens vicaires de Dieu, & des preſtres, qui les premiers perſecutent l'Egliſe, & cherchent le primat & principauté d'icelle. Ainſi il ne fait cōtre noſtre Egliſe, Mais contre l'ambition des gens Eccleſiaſtiques, leſquelz il a appelez vicaires de Dieu, ce que nyez en voz institutions.

Origene ſur Sainct Matthieu, Homelie deuxieſme, ne faiet mention de ce, ſi ne prenez ce qu'il dit au commencement: Nous cognoiſſons manifeſtement que ce n'eſt à toutes perſonnes d'aller apres Ieſus Chriſt, ou de le ſuyre, mais ſeulement à ceux qui renonceront à leur mauuaiſe conuerſation. Ce que vous voyez n'eſtre que bien eſtrange à ce propos.

*s. Bernard  
ſermon 33.  
ſur les can-  
tic.*

*s. Bernard  
ſermon 1. de  
la cōuerſiō  
de s. Paul*

*Origene  
ſur S. Mat.  
ho. 2.*



Sainct Augustin liure 3. du baptesme cha.

*S. Aug. 3. parle des parolles de S. Cyprian au Con-  
cile 3. du ba-  
tesme cha.  
3.*

*S. Cypria  
pour mon-  
strer au co-  
cile qu'il  
n'auoit pro-  
duct sa re-  
tence pour  
y vouloir  
contraire  
les autres a-  
dict que  
nul des E-  
uesques  
moindres  
comme il  
estoit ne  
se doit no-  
mer Eues-  
que des E-  
uesques.  
Causa  
24. quest.  
2. can. pu-  
denda.*

ceux qui auoient esté baptisez des hereti-  
ques. Et à ce qu'il ne semblast qu'il dist cela  
par arrogance, cōme se voulant preferer au  
Concile, il n'y a (dit il) personne de nous qui  
se constitue Euesque des Euesques, ou qui  
cōtraigne ses collegues par terreur Tyrāni-  
que à la necessité d'obeir. Par ces paroles S.  
Cyprian monstra son humilité. Comment?  
Ascauoir qu'il entēdoit que nul de ceux qui  
estoiēt avec luy au Cōcile ne se disoit Eues-  
que des Euesques. Qui estoiēt avec luy? nō  
le Pape. Mais ceux qu'il appelle Collegues.  
Or les collegues des Euesques ne se disent  
estre Euesque des Euesques, mais le Pape q  
est superieur des Euesques. Par ce dōc il est  
à inferer que ce n'offence le primat de S. Pi-  
erre, veu que ce n'est dict du Pape. Aux De-  
cretales *Causa. 24. quest. 1. can. pudenda.* N'est  
rien inferé, sinon cōtre celuy qui est cōstitué  
Euesque par schisme. Or il fauldroit mon-  
strer à ce, que le Pape fut cōstitué par schis-  
me. Ce qui sera impossible, veu qu'à ce est  
requis le consentement des Cardinaux.

*Dist. 41.  
cā. si Pa-  
pa.*

En la dist. 41. can. si Papa. Tant s'en fault  
que soit faiēt quelque chose pour vostre pro-  
pos, que pour nous est monsté que d'autāt  
instāment l'vniuersité des fideles doit prier  
pour le Pape, comme elle congnoist que de  
son



son incolumité apres Dieu depend d'auantage son salut. Parquoy il est manifeste que par ce n'est à inferer que le Pape ne soit dict auoir la principauté de l'Eglise, & chef d'icelle, & vniuersel: non par arrogance, ny par sa personne fragile, mais du don de Dieu: Ce sous le souuerain chef de toute l'Eglise Iesus Christ. De ce voyez & lisez le Concile de Calcedoine, ou le nom d'Euesque vniuersel fut baillé à saint Gregoire estant Euesque, lequel pour humilité il refusa. Le dict mesme saint Gregoire tant en l'Epistre *ad Mauricium Imperatorem*, qu'à Anastase Euesque d'Antioche, dict que saint Leon Pape a esté appellé Patriarche œcumenique & vniuersel. Il y a mille quatre cens ans & d'auantage que les Euesques de Rome ont esté appelez Euesques vniuersels. Lisez l'Epistre de Sixte premier aux Euesques de toute la terre. L'epistre de victor *ad Alexandrinum Theophylum*. De saint Pontian à tous chrestiens. De saint Estienne aux Euesques espars en diuerses prouinces. Et au Concile de Nice, auquel le Pape saint Syluestre tantost a esté appellé souuerain, tantost Euesque vniuersel. Ainsi d'antiquité ce nom est demouré, non que ne soit recogneu Iesus Christ souuerain & vniuersel, mais en degré supreme: le Pape comme ministre receuant ceste dignité de Dieu.

Les Apostatz.

L

*S. Iac. 1.*

*Le concile de Calce. a baillé nō d'Euesque vniuersel au dict saint Gregoire. Voyez S. Greg. aux epistres susdictes.*

*Il y a mille 400. ans que Leon Pape a esté appellé vniuersel. l'epist. de S. Sixte premier ad toti<sup>9</sup> orbis episco. de S. Victor ad Theophilum de S. Pontian à tous fideles de S. Estien. epist. per diuersas prouincias.*



S. Augustin dict que si Iesus Christ a donné les clefz à Pierre seul, q̄ l'Eglise n'a point les clefz apres luy : mais comme il auoit respōdu pour tous il reçoit les clefz avec tous.  
homel.ii.& 24.& sur S.Iean.50.

L'aucteur.

*S. Aug.*  
*hom. 50.*  
*sur saint*  
*Iean.*  
**S**Ainct Augustin ne faict de ce mention Homel.ii. de tēpore ne 10.ou 12.& en l'homel.50.sur S.Iean dit:*Quid est quod pastoribus bonis commendas vnum pastorem, nisi quia in vno pastore doces vnitatem?* Pourquoi est-ce que aux bons pasteurs vous recommandez vn pasteur, sinon qu'en celuy vn pasteur est recommandée l'vnité? Par ce il mōstre que neantmoins qu'il y ayt beaucoup de pasteurs en l'Eglise, qu'il y en doit toutesfois auoir vn pour représenter l'vnité de l'Eglise, qui doit estre à tous recommandée. Ce n'est-il pas fauorissant à nostre Eglise en laquelle est sur les autres le Pape comme vn berger? Et au tract.50.sur S.Iean dit, qu'en S. Pierre estoit le Sacrement de l'Eglise, car autrement Iesus Christ ne luy eust dit, *Je te donneray les clefz du Royaume du ciel, & tout ce que tu lieras sur la terre, sera lyé au ciel : & tout ce que tu deslieras sur la terre, sera deslyé au ciel, si ce (dit il) seulement est baillé à Pierre, dont l'Eglise ne faict ce. Que si ce est faict en l'Eglise, c'est donc à ce que ce qui est lyé en la terre, soit lyé au ciel : & ce qui est deslyé en la terre, soit deslyé au ciel. Car*

*S. Pierre*  
*ayant la*  
*puissance*  
*de lyer &*  
*deslier re-*  
*presentoit*  
*toute l'E-*  
*glise.*



quand l'Eglise excommunie, l'excommunié est lyé au ciel: & quand l'excommunié est reconcilié à l'Eglise, il est deslyé au ciel. Si donc c'est en l'Eglise, *Petrus quando clauces accepit Ecclesiam sanctam significauit.* Quand S. Pierre a receu les clefz, il a signifié la sainte Eglise. Voyla les pures paroles de saint Augustin, Par lesquelles ainsi qu'il conclud que saint Pierre estoit personne vniuersel de l'Eglise, veu qu'il le dict signifier toute la sainte Eglise, Est-ce pas pour prouuer ce siege estre vniuersel? Ce nous pourrions mōstrer plus amplement tant par le tesmoignage de la parole de Dieu, que par l'exposition des saints docteurs de l'Eglise: Mais le fidele lecteur reputant pour agreable nostre petit trauail, pourra auoir recours ausditz docteurs, lesquels auons timbrez expressement en la marge.

## DV FRANC ARBITRE.

*En verité en verité ie vous dy, que quiconques faict le peché, il est faict serf de peché. C'est Dieu qui faict en vous & le vouloir & le parfaire. Non point que soyons suffisans de penser quelque chose de nous, comme de nous mesmes, Mais nostre suffisance est de Dieu.*

*Les Apostatz.*

A cause de nostre briefueté, il nous suffira d'alleguer S. Augustin, avec lequel s'accor-

L.ij.



dent plusieurs docteurs qui ont detesté l'erreur Pelagiène: laquelle noz aduersaires defendent si temerairement. Or il dit ainsi: ne cōsentōs poit à ceux qui par orgueil tachēt à esleuer & mettre au dessus vn liberal arbitre, lesquels ainsi faizants apportent plus de mal que de biē, & ne tachēt qu'à ruiner l'hōme. Mais considerōs ce que l'Apostre dict. Dieu est celuy qui faiēt en nous le vouloir & le parfaire selon sa bonne volunté. S. Augustin 30. liure de ses homel. 41. homel. Et des paroles de l'Apostre 13. sermon. Et en son Enchiridion à Laurēt chap. 29. S. Hierosme au comment. sur Hieremie chap. 23. S. Gregoire sur le Psal. 7. Et S. Bernard au liure du franc arbitre. Et en l'homelie de l'annonciation de la vierge Marie.

*L'aucteur.*

*S. Hieros.  
sur Hierem.  
chap. 23.*

**C**Es paroles ne sont de S. Augustin aux lieux prealleguez, mais de S. Hierosme sur Hierem. chap. 23. Lequel, ensemble S. Augustin ont pource mesprisē & poursuyui les Pelagiens, qu'ils disoient que le seul liberal arbitre estoit suffisant pour le salut: non pas que ces bons docteurs n'ayēt receu comme nous le liberal arbitre, mais ils ont enseignē cōtre les Pelagiēs qu'il nous est besoin avec iceluy de la grace de Dieu pour bien faire, veu qu'il faiēt le vouloir & le parfaire. Ce que nous cōfessons, croyās que par le liberal arbitre pouuons pecher: mais que par iceluy



sans la grace de Dieu ne pouuos faire bien. Donc ne sommes Pelagiens, mais à iceux entierement contraires. Ainsi est entendu ce passage de saint Hierosme sur Hieremie.

Je n'ay trouué de liure 30. de S. Augustin d'homel. l'ay bien leu l'homelie 41. du liure des 50. homel. En laquelle ay ce trouué: *Egisti*

*penitentiā eo tempore quo peccare potuisti.* Tu as fait penitence alors que tu pouuois pecher.

Faire penitence est ce pas bonne œuvre? Or celui qui peult pecher faict il autremēt penitēce, que selon son vouloir & election: car pouuant pecher il faict penitence, dont par ce lieu est mōstré que le liberal arbitre n'est seulemēt pour mal, mais aussi pour biē faire.

Saint Augustin en son Enchiridion à Laurent chapitre 29. & 30. Dict: l'homme mal v-sant du liberal arbitre s'est perdu. Et peu apres, *Vnde ad iustē faciendum liber non erit: nisi à peccato liberatus, esse iustitiæ caperit seruus.* Par-

quoy pour faire iustement il ne sera libre: si n'estant deliuré du peché, il ne commence d'estre seruiteur de Iustice. Il s'ensuit donc que commençant estre seruiteur de Iustice, il sera libre: ainsi que dict Iesus Christ en S. Iean chapitre 8. Qu'est-ce que d'auoir le liberal arbitre seruant à Iustice: Est-ce pas que par le liberal arbitre avec la grace de Dieu on puisse faire bien?

Saint Augustin traictant des paroles de l'Apostre ser. 13. dict. Nature humaine a esté

*S. Aug.  
homel. 50  
de penitē-  
ce.*

*S. Aug.  
en son  
Enchi à  
Laurent,  
ch. 29. &  
30.*

*I. Iean 8.*

*S. Aug.  
des paroles  
de l'apo-  
stre ser. 13*



suffisante par le liberal arbitre de se blesser, mais estant pour lors blessée, elle n'est suffisante de se guerir. Car si tu veulx viure intemperément pour estre malade à ce tu ne demande le medecin : car tu es suffisant par toy. Par ces paroles il monstre euidentement le liberal arbitre, qui est de soy suffisant de nous perdre: non de soy suffisant pour nous sauuer : veu qu'à ce est requise la grace de Dieu, comme le medecin, auquel ainsi que le malade nous consentons & conformons par le liberal arbitre.

S. Gre.  
goire sur le  
Psalm. 7.

S. Ber-  
nard au  
liure de la  
grace &  
du liberal  
arbitre.

Sainct Gregoire n'a rien composé sur le Psalme 7. Sainct Bernard liure de la grace & du liberal arbitre dict. *Quid igitur agit ait aliquis liberum arbitrium? Breui respondeo saluatur. Tolle liberum arbitrium, non erit quod saluetur: Tolle gratiam, non erit ynde saluetur. Opus hoc sine duobus fieri non potest: vno à quo fit, altero cui, vel in quo fit. Deus author est salutis, liberum arbitrium tantum capax: nec dare illum nisi Deus, nec capere valet nisi liberum arbitrium. Que faict donc (dict quelqu'un) le liberal arbitre? Le respondz briefuement. Il est saulé. oste le liberal arbitre: il n'y aura rien qui soit saulé. Oste la grace: il n'y aura dont il soit saulé. Cest œuvre (de salut) ne se peult accomplir sans deux: l'un duquel il est faict, l'autre auquel il est faict. Dieu est autheur du salut, le liberal arbitre en est seulement capable, & nul ne peult donner ce salut sinon*



Dieu : ne receuoir sinon le liberal arbitre. Voulez vous plus apert tesmoingnage de vostre tesmoing, au lieu mesme allegué par vous, pour monstrier qu'auons liberal arbitre de bien faire avec la grace de Dieu : veu qu'il considere ces deux necessaires pour nostre salut ? Iceluy mesmes au lieu preallegué sermon 4. de l'annonciation monstre ce mesme article pour nous, disant. *Responde virgo verbum, & suscipe verbum : profer tuum, & suscipe diuinum.* Respondz (ô vierge) la parole, & reçois la parole : profere la tienne, & reçois la diuine. En ce il demande le consentement de la vierge Marie, aux paroles de l'Ange, qui estoit pour consentir au bien. Or donc nostre consentement peult estre à bien, moyennant la grace. Par ces vostres tesmoings vous estes assez conuaincuz. Il ne faut pas aussi que nous vouliez taxer en ce que les Philosophes, ensemble Aristote n'a nyé ce franc arbitre. Car ce vous en est vne plus grande honte, veu que ne croyez aux sainctes escriptures, ny aux prophanes, ny mesmes à voz tesmoings.

Il faut donc conclurre qu'auons vn franc arbitre pour bien, ou mal faire. Pour bien faire non sans la grace de Dieu, mais avec icelle : Pour mal faire de nous mesmes, estans soubstraietz par noz propres concupiscences.

*S. Bernar  
d ser.  
4. de l'an  
nôciation.*

*Nous ne  
prenons la  
doctrine  
du liberal  
arbitre des  
Philoso  
phes neât  
moins qu'il  
ayent ice  
luy tenu.*

*Iac. 1.  
Rom. 7.*



ENQUESTE ET GRIEFZ  
DV MARIAGE ET  
DES VOEVZ.

Il est bon à l'homme de ne toucher femme: toutefois  
I. Cor. 7. pour euitier paillardise, chacun ait sa femme, & cha-  
Hebr. 13. cune ait son mary. Mariage est entre tous honnora-  
Psal. 22. ble, & la couche sans macule, mais Dieu iugera les  
paillardz & les adulteres. Ma louange sera de toy  
en grande assemblée, ie rendray mes vœus en la  
presence de ceux qui le craignent.

Les Apostatz.

Hebr. 13. Sainct Paul nous assure que le mariage  
est entre tous honorable, & la couche sans  
macule. Et vostre sainct pere dict tout le cō-  
traire, à sçauoir que le mariage ne peut estre  
sans immundicité & souillure charnelle.

L'aucteur.

I. Cor. 7.

Ephes. 5.

Deux cho

ses au ma-

riage: le sa-

cremēt &

la couche.

Ephes. 5.

La couche

peut estre

avec ma-

culē & nō

le sacre-

ment de

mariage.

Ephes. 2.

Ioan. 2.

& 3.

L faut regarder de pres les paroles de S,  
Paul, que non seulement le mariage qui  
est le Sacrement est honorable: Mais la cou-  
che sans macule. Car au mariage on consi-  
dere le Sacrement, qui est en Iesus Christ  
& l'Eglise: Lequel ne peut qu'il ne soit ho-  
norable, & la couche laquelle d'autant que  
toufiours elle n'est honorable, il adioustē,  
sans macule. Comme fil vouloit distinguer  
la couche, du mariage: dont l'vn est sans ma-  
cule, qui est honorable. Parquoy peut estre  
inferé que la couche de mariage peut estre  
avec macule, à l'exces de la concupiscence  
titillant les personnes. Ce que ne peut estre



sans macule : ainsi que veu que la concupiscence ne peult qu'elle ne soit immonde, les enfans neantmoins qu'ilz soient naiz du Mariage, ne laissent estre trauallez du peché originel & traduitz de la souillure charnelle: à laquelle tât bon moyen n'est mis aux mariez, veu qu'ilz sont fragiles. Ainsi le Pape ne veult dire que le Sacrement de Mariage ne soit sans immondicité, car ce seroit blasphemer contre Iesus Christ, & l'Eglise si on n'a égard qu'à la signification: mais si le mariage est considéré à raison de la copule charnelle seulement, il entend luy & toute l'Eglise qu'il y peut auoir immôdicité & souilleure charnelle: Veu que cela procede de cōcupiscence qui est souilleure, pour laquelle medicamenter est ordonné le mariage, moyennant qu'il n'y ait excès. A quoy admonnestes saint Paul que pour rēdre ce mariage plus honorable, & le liēt: qu'il soit sans macule, comme inferant que nō toute couche de mariage, puisse estre sans macule. Dont le Pape n'inferes ceste souillure en mariage de necessité, mais à l'égard de la concupiscence. En quoy neantmoins vostre maître Luther ne conuient avec vous, disant que tout deuoir d'usage coniugal est annexé à peché, qui est faux: Neantmoins qu'ainsi qu'auons dict pour la fragilité des mariez, puisse estre avec immôdicité. Donc ie m'embahiz d'auoir osé ce impropérer à nostre

*Ainsi qu'  
l'enfant  
de maria-  
ge ne laisse  
d'estre in-  
quiné de  
peché origi-  
nel. Ainsi  
à la copule  
du maria-  
ge il y peut  
auoir im-  
mondicité.*

*1. Cor. 7.*

*Hebr. 13.*

*Luther dit  
quel' usage  
coniugal  
est annexé  
à peché  
duquel ces  
heretiques  
sont pl<sup>is</sup> di-  
uisés que  
du Pape.*



Eglise, veu que le pouuiez d'auantage reprocher à Luther.

*Les Apostatz.*

1. *Timoth.*

4.

Sainct Paul nous a pieça aduertis de nous dōner garde, predisât par le S. Esprit qu'aux derniers temps aucuns defaudrōt de la foy, s'amusans aux esprits abuseurs, & aux doctrines des dyables, enseignās mēsonges en hypocrisie, ayans leurs consciences cauterizée, defendās loy marier. Or l'Eglise de Dieu n'a point aprins de Iesus Christ ny de ses Apostres de defendre le mariage à persōne quel cōque, fors à celles qui sont nōmées & exprimées du 18. cha. du Leuit. Parquoy nous ne receuons vne telle doctrine des diables.

2. *Corin.*

4.

*L'auteur.*

*Eusebe en*

*l'histoire*

*ecclesiastic*

*que, li 3.*

*cha. 22.*

1. *Timoth.*

4.

*Deux he-*

*resies des*

*Nicolaïtes*

*touchant*

*le mariage*

Sainct Paul prediēt ce de l'heresie semblable à celle des Nicolaïtes, lesquels erroiēt en deux sortes touchāt le mariage. Premiere mēt qu'ilz laissoient leurs femmes par diuorce. Secōdement qu'ils les faisoient cōmunes & prostituoient, qui est ancantir le mariage, veu qu'il n'est loysible à l'hōme de laisser sa femme, pour en prédre vne autre, ne la constituer ou faire commune : car ils ne seront que deux en vne mesme chair. Or messieurs les Apostatz, monstrez que ceux qui sont de nostre Eglise ayent permissiō de laisser leurs femmes pour en prendre d'autres, ou les facent cōmunes. Aussi ne mesprisons nous le mariage comme illicite, neantmoins que di-

5. *Marc.*

10.

*Genes. 2.*

*Ephes 5.*

1. *Corin. 7*



fiôs la virginité & chasteté estre honorable. Estce pas le conseil de S. Paul qu'il est bon à l'hôme de ne toucher la femme, & que celles qui ne sont mariées, ou qui sont veufues demourent comme luy? Estce pourtât à dire que preferât la virginité au mariage, il mesprise ce sacremēt & defende de se marier?

1. Corin. 7

Ainsi nous disons que le mariage est bon, & qu'à ceux qui ne sont estreinctz d'autres vœux ou promesses il est loysible de se marier. Toutesfois nous preferons avec l'Apostre la continence au mariage.

A qui donc sera propre ceste predi-  
 tion des seducteurs? Il semble euidemment que ce soit à vostre Eglise, laquelle embrasse en grand partie l'erreur des Nicolaïtes, pour aneâtir le mariage. Car vous ne voulez ice-  
 luy estre sacrement, lequel par ce dauantage nous honorons que vous; disants que c'est vn sacrement grand en Iesus Christ & l'E-  
 glise, ainsi que S. Paul escrit.

La predi-  
 tion de S.  
 Paul pro-  
 duite par  
 les hereti-  
 ques cōtre  
 nous est en  
 eux tan-  
 tost accom-  
 plie.

Vous permettez que l'homme ayant repu dié sa femme en prenne vne autre, ainsi que de la Riuiere vostre predicât a osé impudē-  
 ment prescher: Et ce que beaucoup des vos-  
 tres ont fait, mesmes de voz ministres. Cela  
 est il pas difforme à l'expresse parole de Ie-  
 sus Christ, disant: que si l'homme ayant lais-  
 sé sa femme en prend vne autre il est adul-  
 tere? Estce pas aneantir ce sacremēt: lequel  
 toutesfois maintenôs en ceste integrité, que

Ephes. 5.  
 Impieté  
 des hereti-  
 ques cōtre  
 l'expresse  
 parole que  
 l'homme  
 ayant repu-  
 dié sa fem-  
 me en pre-  
 ne vne au-  
 tre.



*S. Marc.* nous declare l'escriture? Estce pas vouloir e-  
*10.* uertir le mariage, à ce qu'il soit loysible à to<sup>s</sup>  
*S. Matt.* d'auoir des cōcubines & paillardes? Car par  
*19.* la parole de Iesus Christ celle est paillarde  
 & adultere, qui est prise apres la repudiatiō  
*Ibidem.* de la premiere femme icelle viuante. Que  
 restera il par apres sinō dire que toutes fem-  
 mes sont cōmunes, veu que rompez le lyen  
 de mariage? Que s'ensuyuera il sinon defen-  
 dre de se marier, comme estant chose de peu  
 de compte, mesmes par vous mesprisée: &  
 dire qu'il faut renouueler l'impudence des  
*O impudē* Nicolaites? O que ie crains que les commē-  
*ce des here* cemēs de voz doctrines sathaniques ne pro-  
*tiques de* cedent par leurs arrogances en ces erreurs,  
*vouloir rē* considéré la liberté que proposez aux vo-  
*dre les fem* stres, & qu'ainsi qu'auiez fait aux autres sa-  
*mes cōmu-* cremens, & acheuē de demolir en vostre en-  
*nes, sera ce* droit, ce qui est plâté & obseruē par le tes-  
*pas casser* moignage des escritures en nostre Eglise:  
*le maria-* Ainsi vous n'acheuiez d'euertir le mariage,  
*ge.* auquel auiez fait grande entreprise de demo-  
 lition.

#### Les Apostatz.

Les saincts Apostres ont esté mariez, &  
 ceux qui leur ont legitiment succédé:  
 Comme dit S. Clement escriuant contre  
*S. clemēt* ceux qui desprisoient le mariage: Veulent  
*li. 7. de son* ilz aussi reprouuer les Apostres, S. Pierre &  
*œuvre.* S. Philippe eurent femmes & marierent  
 leurs filles,



L'Aucteur.

**I**L est vray que S. Clement en ce lieu mon-  
stre aux Nicolaïtes que le mariage est ho-  
norable, veu que non seulement S. Pierre &  
sainct Philippe ont esté mariez : mais ilz ont  
marié leurs filles. Mais quād ont ils esté ma-  
riez? nō apres qu'ils ont esté appelez par Ie-  
sus Christ, mais deuāt. Donc pour la saincte-  
té de mariage n'ont repudié leurs femmes,  
mais se sont cōtenuz par apres: en sorte que  
nul d'iceux depuis l'apostolat n'a eu d'en-  
fans. Or ceux qui n'estoiēt mariez à la voca-  
tion d'apostolat, ne se sont lyez par apres par  
mariage: Ainsi que nous est mōstré par Cō-  
ciles mesmes des Apostres qu'il n'est loysi-  
ble à quelque Euesque, prebstre, ou Diacre,  
ou soubz diacre d'auoir femmes apres le de-  
gré. Dont ne peult on de ce inferer ce que  
i'estime que pretédez, que les prebstres doi-  
uent estre mariez. Car cela est contre toute  
ordonnance. Mais qui a il de merueille si  
vous alleguez icy l'exemple des Apostres?  
C'est pource que vous en estes grands imi-  
tateurs? Ceux d'entre eux ceux qui estoient  
mariez deuant l'apostolat pour la reuerence  
du mariage n'ont repudié leurs femmes, &  
vous permettez à celuy qui sera appelé à  
vostre secte non seulement de repudier sa  
femme, mais d'en prédre vne autre. Nul des  
Apostres apres l'apostolat n'a esté marié : Et  
messieurs voz predicās noz moynes defroc-

*Nul des  
Apostres,  
apres estre  
apellé à  
l'apostolat  
n'a esté  
marié.*

*Les hereti-  
ques sont  
biē differēs  
des Apo-  
stres, neāt  
moīs qu'ilz  
se conuertē  
d'iceux per  
suadant  
aux pre-  
stres de se  
marier.*



quez incontinent qu'ils ont assurance vers vous, neantmoins leur degré, prennent telle femme qu'ilz veullent en mariage. Les Apostres apres l'apostolat ont esté cōtinens, vous &c. Qu'ay-ie que faire de poursuyure d'auantage? Or ne proposez dōc point ces Apostres pour inferer la necessité de se marier, veu q tous n'ont esté mariez, ou s'ils l'ont esté, ce n'est adueni apres l'Apostolat.

*Les Apostatz.*

Plusieurs Cōciles n'ont iamais defendu le mariage aux prestres & ministres de l'Eglise, ains ils ont excommunié ceux qui vouloient mettre sus telles inuentions, comme les Cōciles de Nice, de Gangres, de Cōstantinople Dantycire & le Canō des Apostres. Ce est escrit Euseb. li. 3. chap. 27. histoire tripar. li. 2. chap. 14. *Canon. Nicena 31. distin. Canon. Si quis virorum distin. 30. Canon. quoniam: distin. 31. Canon. quidam 27. distinct. Canon des Apostres. 6.*

*L'autheur.*

*Il n'a iamais esté licite aux prestres apres le degré se marier.*

**S**I ie vous aufois appeller tresimpudés ie le ferois. Car qui pourra suporter tel impere que vous faictes aux Conciles disans qu'ils ont permis le mariage aux prestres & ministres de l'Eglise? Il faut dōc que vous interpretez ces paroles: car nul Concile, ou escriture, ou Canō mis tous en general & tous argumēs que vous voudrez, moyēnāt qu'ilz soient en l'Eglise probables, ne dit qu'il soit permis à ceux qui sont prestres ou en quel-



que ordre sacré se marier apres auoir receu iceluy ordre: neantmoins qu'ait esté loysible à celuy qui estoit ordonné prestre ou diacre apres le mariage, de retenir sa femme en toute honnesteté en sa maison: Dont icelle defuncte il n'en pouuoit prendre d'autre, Comme aux Conciles & escritures est môstré. Et à ce qu'on entéde que mesmes les lieux par vous cotez ne prouuent que les prestres ou ministres de l'Eglise apres ce degré pris doiuent estre mariez: il faut iceux rechercher l'un apres l'autre.

Premierement en l'histoire Ecclesiast. liu. 3. chapitre 27. n'est fait rien de ce que dessus mention. *Hist. Eccl. liu. 3. ch. 27.*

En l'histoire tripartite liu. 2. chap. 14. Ce qu'est recité *Cano. Nicena. 31. distin.* par vous allegué, est dict: que le Concile de Nice voulant corriger la vie des personnes ecclesiastiques sembloit defendre aux Euesques, prestres, diacres & soubz diacres de dormir avec leurs femmes, qu'ilz auoiét espousées auant que d'estre consacrez. A quoy resista Pasnutius, disant que ceste loy estoit trop griefue, laquelle pourroit estre occasion aux femmes espousées de fornication. Ce que disoit Pasnutius confesseur: non qu'il estimast estre nécessaire que les prestres fussent mariez, car luy mesmes *Erat nuptiarum inexpertus*, n'auoit esprouué les nopces: mais regardant à l'inconuenient qui pouuoit aduenir de la *Hist. tripartite liu. 2. chap. 14. Cano. Nicena distin. 31 est donc ne conseil aux prestres mariés de ne coucher avec leurs femmes.*



part des femmes. Parquoy le Concile remit ce non à la necessité, mais à la volonté.

Par ce Concile donc vous entendez que ne fussent les inconueniens de la part des femmes, on eust defendu aux Euesques, prestres, diacres & soubz diacres de coucher avec leurs femmes.

Et que ilz auoient espousé ces femmes nō apres, mais deuant qu'ils fussent consacrez.

Et que neātmoins ne fut empesché qu'on ne dōnast cōseil aux prestres de ne coucher avec elles. Au canō. *Si quis dist.* 28. est dit que soubz peine d'excōmunication nul ne doit dire que le prestre doieue mespriser sa femme, soubz le pretexte de religion. Asçauoir q̄ s'il se veult abstenir ce se doit faire d'un cōmun consentement, veu qu'il est à elle obligé & elle à luy reciproquement par le mariage fait entre eux, deuant la consecration. Dont il ne cōclud que les prestres se doiuent marier apres la consecration, mais qu'estans mariez, & puis apres ordonnez prestres, ilz ne doiuent mespriser les femmes qu'ilz ont pris en mariage.

*Canō. Si  
quis dist.  
18.*

*1. Cor. 7.*

*De Con-  
cile de gan-  
gres &  
dist. 30.  
canon. Si  
quis viro-  
rum.*

Au Canon *Si quis virorum distin.* 30. qui est du Cōcile de Gāgres par vous allegué, sont louez ceux qui selon les escritures eslisent le sainct propos de continēce, & renoncēt aux secularitez pour religion, & dit qu'ilz honorent aussi les nopces. En ce ne faisant mention des prestres ou gens Ecclesiastiques en special,



ſpecial, mais pour ce propos il loue grandement la virginité, continēce & chaſteté, qui eſt euidentement contre vous.

Au Canon *Quoniam. diſtin. 31.* eſt dit que les preſtres ou diacres, mariez auant leur conſecration, neantmoins qu'en quelque temps ils ſe doiuent contenir, ils ne ſont priuez de la familiarité de leurs femmes. Et que ſi quelqu'un eſt trouué ſuffiſant aux ordres ſacrez, quil y peult eſtre librement ordonné encores qu'il fuſt marié. Mais il ne permet que les preſtres puiſſent eſtre mariez apres la dignité ſacerdotale.

Le canon *Quidam. diſtinct. 27.* ne parle des preſtres ne gens Eccleſiaſtiques, mais de ceux qui ſe marient apres quelque vœu priué du futur: qu'ils ne peuuent eſtre appelez adulteres. Ce que ne ſ'entend meſmes de ceux qui ont voué chaſteté, car c'eſt du preſent: parquoy eſt dit en la meſme diſtinct. *Can. Vouentibus* qui eſt le texte de ſainct Hieroſme. *Vouentibus virginitatem non ſolum nubere, ſed etiam velle, damnabile eſt.* Il eſt damnable à ceux qui voient virginité non ſeulement ſe marier, mais le vouloir. Et au can. *Diaconus* de ceſte diſtin. 27. eſt dit qu'il faut que les Diacres auant que d'eſtre ordonnez facent profeſſion de chaſteté. Et au canon, *Presbyteris*, Eſt defendu aux preſtres, diacres, ſoubz-diacres, & moynes, d'auoir concubines; ou contracter mariage.

*Canon.  
Quoniam  
diſtin. 31.*

*Can. quidam. diſt.  
27.*

*Can. vouentibus  
diſt. 27.  
& ſont les  
paroles de  
S. Hieroſ.  
Can. diaconus  
diſt. 27. &  
Canone  
presbyteris*



*Le Conci-  
le d'antici-  
re & dist.  
28.can.  
diaconi.*

Au concile D'antycire comme est recité *distin.28.Can. Diaconi.* Est dit que si quelque vn est ordonné Diacre ayant pris auant sa consecration licence de l'Euesque de se marier, s'il se marie par apres, il ne sera repoulsé du ministere. Que s'il n'a eu licence auant la consecration, il ne se pourra par apres marier.

*Le Cöcile  
de Con-  
stantino-  
ple. 6.cha.  
6 & dist.  
32. Can.  
si quis eo-  
rum.*

Au concile de Constantinople 6. general chap.6.& comme est recité *dist.32.Can. si quis eorum.* Est dit qu'il est loysible aux prestres Diacres, ou soubdiacres se marier, mais deuant que d'estre à tel degré. Que s'ils n'ont contracté auant ce degré, ce Concile defend qu'ils soient par apres mariez. Dont il n'est loysible aux gens Ecclesiastiques estre mariez.

*Le can. 6  
des apost.*

Au canon 6. des Apostres, qui se comméce *Episcopus, &c.* Est dit que l'Euesque ou le prebstre ne doiuent reiecter leurs femmes,

*Le Can.  
27. des a-  
postres.*

A sçauoir qu'ils ont espousées deuant leur consecration: Car est dit au canon des Apostres ensuyuant 27. que seulemēt les lecteurs

*Le Cöcile  
Neoces-  
ariense &  
dist. 28.  
can. pres-  
byteri. &  
can. decer-  
nimus &  
can. Nul-  
lum.*

& chantres, non d'autres pourront estre mariez. Dont est dit au Concile Neocesariense, & à la *distin.28.can. Presbyteri,* que si les prestres depuis leur ordination prennent femme en mariage, ils soient deposez. Mesmes *distinct.28.can. Decernimus,* Est ordonné que ceux qui en l'ordre de soubzdiacre auront pris femme ou des concubines, qu'ils soient



priuez de l'office Ecclesiastic. Donc au can. *Nullum*, de ceste distinction est defendu aux Euesques, de ne presumer faire vn soubzdiacre, qu'il ne promette de viure chasteiment. Si ce est commandé du soubzdiacre, combié plus du prestre: parquoy pour conclusion S. *Exupere* Euesque de Tholose dit, ce qu'est recité distin. 31. can. *Eos ad sacrificia admitti fas sit, sed qui vel cum uxore non exercent opus carnale*, qu'il soit loysible de receuoir aux sacrifices, mais ceux seulement qui n'exercent avec leur femme œuvre charnel. Car ils doiuent de ce desister comme est escrit en ceste distinctiō can. *Tenere*, & au can. *Presbyter* dont au can. *Omnino confitemur*, Est donnée solutiō de tout ce que dessus, à sçauoir qu'il n'est loysible à l'Euesque, Prebstre, ou Diacre, de reiecter sa femme soubz le pretexte de religion. *Nec tamen deinceps sit inter eos carnale coniugium*, Neantmoins par apres entre iceux ne sera conionction charnelle. De quoy (qui est plus fort) distin. 32. can. *Nullus missam audiat presbyteri, quem scit concubinam indubitanter habere, aut sub introductam mulierem*. Que nul (est dit) n'oye la messe du prestre, qu'il sçaura sans doubte auoir vne concubine, ou vne introduicte: & ce mesmes can. *Præter hoc*. Mais voyez tout ce plus abondammēt au Decret can. *Erubescant*. can. *Nemo placuit, seriatim*. distin. 32. & distin. 28. can. *Virgines que post consecrationem* distin. 32. can. *sacerdotibus*. Est comman-

S. Exupere &amp; dist.

31. can. eos  
can. tenere.  
can. presbyter.  
can. omnino.

1. Cor. 7.

Dist. 32.  
can. Nullus.  
can. præter hoc.  
can. erubescant.  
Ne-  
mo placuit.  
seriatim.Dist. 28.  
can. virgi.  
dist. 32.  
can. sacerdotibus.



Bede sur  
S. Luc.

S. Léon Pa  
pe. & dist.  
32. can.  
omnium.

1. Cor. 7.

Hebr. 5.

Act. 6.

dé aux prebstres de tousiours s'abstenir de leurs femmes, & obseruer chasteté: pour assister tousiours à l'autel: & celles sont les paroles de Beda, sur saint Luc. Que faut il donc de ce conclurre, sinon qu'il n'est aux prestres loysible de se marier, n'a quelqu'un des ordres Ecclesiastiques, ny mesmes aux soubzdiacres? Comme a escrit le Pape Leon. Distinction 32. can. *Omnium sacerdotum*. Car si mesmes a esté commandé à ceux qui estoient mariez auant la consecration, de ne conuenir par apres en copule charnelle avec leurs femmes, à plus forte raison ne se pourront marier pour la reuerence de cest estat: car ainsi S. Paul pour l'oraison dict que l'homme & la femme mariez se doiuent contenir. Combien d'auantage le prestre, lequel d'autant que tous les iours il prie, & faict ce sacrifice: il se doit tous les iours contenir, mesmes qu'il fust marié: dont il n'a besoing apres la consecration de se marier.

Les Apostatz.

S. Ambroise liu.  
1. des vier  
ges.

Nous concluons avec S. Ambroise liure 1. des Vierges que la virginité peult bien estre desirée, mais non pas cōmandée: car les choses qui ne sont pas en nostre puissance, elles sont à plus desirer qu'à commander.

L'auteur.

Il est vray que les hommes ne sont maistres des affections d'autrui, parquoy il ne peuuent contraindre personne à se marier,



ne à estre vierge : mais chacun selon qu'il verra le besoing, se doit cōtenir hors de mariage, ou se mettre en mariage. Dont ne s'enfuit de ce: la virginité n'est commādée, dont la virginité n'est louable, & ne doit estre maintenue par celuy, qui en a le don de Dieu? La consequence sera aussi sorte que celle cy: le mariage n'est commādé de Dieu, car nous pouuons n'estre point mariez, aussi bien que saint Paul: Est-ce à dire toutesfois que celuy qui pour la fornication en a besoing ne puisse estre marié? Nenny. Par ce donc saint Ambroise ne veult inferer que ceux qui se peuuent contenir ne choisissent virginité, Consideré qu'au mesme liure par

*S. Ambroise li. 1  
des vierges.*

apres, il loüe vne fille de riche maison, qui estant contrainte par ces parens aux nopces & mariage, ne voulut acquiescer : mais s'enfuyt en l'Eglise vers l'autel, choisissant pour son espoux Iesus Christ.

*Les Apostatz.*

Touchant les vœuz ayans quelque conformité avec les vœuz cerimonialx de la loy ancienne, Il est certain que Iesus Christ estant la fin de la loy, il nous en deliure comme des autres sacrifices.

*Rom. 10.*

*L'auteur.*

**I**E ne doute point que les vœuz qui nous obligent encores à ceste loy, n'ayent eu fin avec les sacrifices. Ainsi que de vouer à Dieu des holocaustes de bœufz, ou d'aigneaux:

*Rom. 10.  
Hebr. 10  
Psal. 39.  
1. Cor. 7.  
Galit. 5.*

M.iiij.



*La chasteté obeissance & pauvreté n'ont pris fin en Iesus Christ ainsi que les ceremonies legales.*  
*Act. 5.*  
*Hebr. 13.*  
*Philip. 2.*  
*1. Pet. 1.*  
*2. Cor. 9.*  
*Matt. 19*  
*Marc. 10*  
*Matth. 5.*  
*Iaco. 2.*  
*Mal. 3.*  
*Luc 1.*

d'estre circoncis : ou autres semblables qui n'ont plus de lieu apres la mort de Iesus Christ. Car l'essence de ce qui estoit vouë à fin. Mais de quels vœuz parlez vo<sup>9</sup>? De ceux de Chasteté, obeissance, & pauvreté. Je vous prie diâtes moy la Chasteté, ou quelque vn des autres desiste il par Iesus Christ, ainsi que les sacrifices anciëns? N'y reste il plus d'obeissance tant à Dieu qu'aux prelatz? Qui ne voit que Iesus Christ en ce qu'il a esté fait obeissant à Dieu son pere, iusques à la mort, nous a monstré que deuons estre d'auantage obeissantz? Enquestez vous aussi des escriptures, & de l'expresse parole de Iesus Christ, cōbien elle nous recommande la pauvreté, mesprisant les richesses. La virginité est elle pas recōmādée en S. Ieā Baptiste & euāgeliste, en S. Paul, en Iesus Christ, en la vierge Marie? puis dōc q̄ ce n'est esteinct, Mais plus tost augmenté par la Loy euangelique: pour quoy diâtes vous que ce desiste cōme les anciëns sacrifices, veu mesmes qu'entieremēt ne repudiez les vœuz? Car vo<sup>9</sup> diâtes par apres.

*Les Apostatz.*

Que si nous faisons quelques vœuz ou promesses à Dieu, il faut qu'elles soient fondées en sa parole, à fin qu'elles soiēt approuuées de luy.

*L'aucteur.*

**O**R puis q̄ la virginité, obeissance & pauvreté est fondée à sa parole, & receuez



les vœux des choses qui y sont appuées,  
faudra il pas que par voz concessions soient  
approuuez les trois vœux? car qui nuira ce  
que dictes apres?

*Les Apostatz.*

Nous nous reposons en la liberté en la-  
quelle Iesus Christ nous a mis, sans nous lyer  
plus aux seruitudes des hommes. *Rom. 14.*

*L'aucteur.*

**E**st-ce lyer aux seruitudes des hommes se  
lyer au seruice de Dieu, renonçant aux  
affections humaines? Or celuy qui se lye à la  
virginité, se lye il pas au seruice de Dieu, veu  
que la vierge considere seulement, comme  
elle plaira à Dieu? Et celuy qui se lye à pau-  
ureté pour Iesus Christ, est il pas imitateur  
des apostres : lesquels pour suyure Iesus  
Christ ont tout abandonné? Et celuy qui se  
lye à obeissance, se lye il pas au seruice de  
Dieu : qui ne peut estre accomply par les  
rebelles? Ouy, Mais nous sommes libres,  
pourquoy serons nous lyez? Il faut sçauoir  
cōme nous sommes libres, & sommes lyez,  
car pour l'ignorance de ce, beaucoup se sont  
seduitz. Il y a liberté charnelle, & liberté  
d'esprit: En sorte que celuy qui est libre de  
la chair, rend son esprit serf & captif: & ce-  
luy qui est libre d'esprit rend sa chair serue  
& captiue. Quelle des deux libertez nous  
est proposée en Iesus Christ? Ce n'est pas la  
charnelle, car par icelle nous accomplissons

*Ample  
discour de  
la liberté  
& serui-  
tude.*

*1. Cor. 7.*

*Iob 31.*

*Sap. 4.*

*Eccl. 3.*

*Galat. 5.*

*1. Tim. 5.*

*S. Mat. 19*

*S. Mar. 10*

*S. Luc 16*

*S. Iac. 2*

*1. Reg. 15*

*S. Luc 6*

*Rom 13.*

*Rom 6.*

*S. Iean 8*

*2. cor. 3.*

*1 Cor. 9*

*2. Pet. 2.*

*2. Cor. 10*

*Galat. 4*

M.iiiij.



1. Cor. 7 toutes les œuvres, desquelles parle saint  
 Galat. 5 Paul: que quiconques les fera, il n'entre-  
 Gene 8 ra iamais au Royaume du ciel. Dont il ad-  
 Rom. 8 moneste marcher en esprit, pour n'accom-  
 Galat. 6 plir les desirs de la chair. Car Dieu, dit il, ne  
 2. Thes. 4 nous a point appelez en immundicité, mais  
 Rom. 12 en sanctification. Et que le peché ne regne  
 Rom 6 en vostre corps mortel pour obeir aux con-  
 Coloss. 3. cupiscences d'iceluy: & ne baillez voz mem-  
 La vraye bres armes d'iniquité à peché, soyez comme  
 liberté du de morts viuants, & offrez voz membres ar-  
 chrestien mes de iustice à Dieu, Car le peché ne vous  
 s'islo la do- maistrisera point. Et monstre par apres que  
 ctrine de la vraye liberté en laquelle nous sommes  
 S. Paul. appelez par Iesus Christ, est de seruir à  
 Ibidem. Dieu, Captiuant les affections de la chair à  
 l'obeissance de l'esprit: car il dit. Vous estés  
 serfs de peché, auez esté libres de iustice.  
 Quel fruit donc auez vous euz pour lors  
 en iceux, desquelz maintenant vous auez  
 honte? Car la fin d'iceux (pechez) est la mort.  
 Rom. 8 Or maintenant estans deliurez de peché, &  
 Sap. 6 faicts seruiteurs de Dieu, Auez vostre fruit  
 S. Iac. 1 en sanctification: & la fin d'icelle la vie eter-  
 1. Jean 1. nelle. Car le gage de peché est la mort, &  
 Galat. 5 la grace de Dieu, la vie eternelle en Iesus  
 Iac. 2. Christ nostre Seigneur. Et en vn autre lieu,  
 Apoc. 18 il cōclud ces deux libertez l'une de sanctifi-  
 1. Pet. 3. catiō & de l'esprit, l'autre aux voluptez de la  
 Galat. 1. chair, disant estre necessaire que celuy qui  
 2. Cor. 5. veult demourer en telle liberté qu'il a esté



appellé, qu'il ne suyue la liberté de la chair, adioustant, *nō in occasiōē carnis*, vous estes appellez à liberté, non à l'occasion de la chair. Et saint Pierre: comme libres, & non cōme ayās la liberté couuerture de malice. Or regardons donc, que ne nous abusions à ceste liberté, qui est en Iesus Christ. Car elle n'est couuerture de malice, mais celle qui contrainct les mēmbres seruir à l'esprit, comme de soy dit saint Paul, le chastie mon corps, & le renge en seruitude.

1. Pet. 2  
s. Jean. 8  
2 Corin. 6  
Roma. 7  
1. Corin. 9  
Roma. 6  
Colo. 2

Considerons maintenant si voïer à Dieu chasteté, est de la liberté de la chair, ou de l'esprit. Premièrement elle n'est de la chair, veu que tāt s'en fault qu'elle obeisse aux concupiscences, qu'elle bataille contre les concupiscences, luxure & paillardise qui sont les contraires. Ainsi pauureté volōtaire contre auarice & ambition. Obeissance contre orgueil & temerité. Qui ne verra tant soit il aueugle, que ces trois ont vne guerre mortelle contre les desirs de la chair? Parquoy ce n'est dōc pas liberté charnelle. Que s'ensuyt il donc que ce ne soit liberté d'esprit & de Iustice? Veü que par ce moyen on est à Dieu autant agreable, qu'on seroit desplaisant si on acquiesçoit aux desirs de la chair contraires? Est-ce pas chastier sa chair & la reduire en seruitude, que restraindre la bride de luxure par chasteté: d'orgueil, par humilité: de temerité, par obeissance: d'ambition ou aua-

*Si vouer  
la chasteté  
est de la li  
berté de la  
chair.*

Gala. 5  
1 Timot. 6  
Act. 20  
Exod. 24

Rom. 6.  
*Il ne faut  
plus iapper  
que les  
trois vœux  
de religion  
soient con  
traires à  
la liberté  
chrestienne.*



*Apoc.* 14. rice, par volontaire pauureté? Or ne criez  
*Math.* 19. donc plus cōtre nous, disans. Nous sommes  
*Iud.* 15. appelez en liberté, il ne se faut donc pas lier  
*Heb.* 13. à chasteté, obeissance, & pauureté. Car à  
*Galat.* 5. iceux se lier c'est lier sa chair à l'esprit, qui est  
*Math.* 5. le precepte de l'Apostre & le tout lier à dieu,  
*Luc* 18. en sorte que la fin de tout ce soit la vie eter-  
*1. Pet.* 2. nelle. Car nous sommes libres d'esprit en Je-  
*2. Cor.* 7. sus Christ, liez & captifz à l'esgard de nostre  
 chair. Mais entendons de quelz tesmoings  
 vous aydez vostre presente dispute.

*Les Apostatz.*

Tout bien consideré nous maintenons a-  
 uec S. Ambroise disant ainsi: que personne  
 ne doit estre contraint, à fin que luy ayant  
 defendu la chose licite, il ne tombe aux illi-  
 cites. sur la premiere Corinth. chap. 7.

S. Augustin li. 6. des confessions chap. 2.  
 Et au li. de la virginité chap. 40, & 41. S. Cy-  
 prian li. 1. epist. 11. Les Conciles de Tolette &  
 de Gangres & le Concile Arausique.

*L'auteur.*

**I**L est vray qu'il ne faut cōtraindre la per-  
 sōne à faire ces vœuz, & n'approuue ceux  
 qui sont faictz par contrainte: car c'est don-  
 ner occasion de tōber aux illicites, veu que  
 ce n'est venu de libre vouloir de celuy qui a  
 voüé. Car tous vœuz doiuent estre faictz  
 en propre, pure, saine, deliberée & discrete  
 volonté, ces trois specialement que nous a-  
 uons dict. Dont ilz ne peuuent estre faictz



par la volonté d'autrui, ne par contrainte: *1. Cor. 7.*  
 car chacun peult entédre mieux qu'autrui,  
 s'il a neccessité ou non, cōme dit S. Paul: Et  
 s'il luy sera expediēt de se marier, ou s'il pour  
 ra cōtinuer en chasteté. Puis donc que ce est  
 du cœur, & iugement interieur: nous confes-  
 sons avec S. Ambroise q̄ personne ny peut *S. Ambro.*  
 estre cōtrainct, mais qu'il faut que s'il faict *sur la 1.*  
 vœu, qu'il soit de sa propre & libre volon- *des Cor.*  
 té comme auons dict. Parquoy S. Ambroi- *ch. 7.*  
 se ne fait rien contre ces vœuz: mais il in-  
 terprete le moyen de les faire.

Quāt aux autheurs cottez en la marge de  
 vostre liure. Premieremēt S. Augustin liure *S. August.*  
 6. des confessions chap. 2. ne parle des vœuz *li. 6. des cō*  
 ny de virginité, mais de la pieté de sa mere, *fes. chap. 2*  
 qui portoit aux sepulchres des martyrs des *et au liu.*  
 viandes. Dequoy elle fut destournée par S. *de la virgi.*  
 Ambroise, à cause q̄ ce n'estoit la coustume *ch. 40. &*  
 du pays. Et au liure de la virginité chapitre *41.*  
 40. & 41. dict que la continence est vn don  
 de Dieu, ven que tout bien est de luy, rem- *Iaco. 1.*  
 barrant l'orgueil de Symon le Pharisien. Ce *Luc. 7.*  
 propos n'est contre les vœuz, ausquels on  
 recongnoist la continence don de Dieu, &  
 que nous luy rendons nostre volonté, estās  
 certains qu'au vœu qu'elle est bonne, il  
 ne defaudra *exéc.* *S. Cyprian*  
 ment *li. 1. epist.*  
 S. Cyprian liure. 1. Epist. 11. *11. à Pō-*  
 escrit à Pōponius touchāt ce qu'il luy auoit *ponius.*  
 demandé conseil, que debuoit estre faict des  
 vierges, lesquelles apres auoir promis virgi-



nité, auoient esté corrompues : il luy mande sur ce ayant pris deliberation, qu'il faut visiter icelles par sages femmes : & que celles qui seront trouuées vierges, qu'elles soient admises à l'Eglise : Celles qui auront esté corrompues, facent penitence: Et par apres, que ne soit permis que quelque hōme aye entrée vers elles. Ainsi saint Cyprian ne donne conseil qu'on ne face plus de vœuz, mais que celles qui estoient voillées à virginité, soient reformées pour le danger.

*Le Concile  
de aīgres  
& dist. 30  
can. si quis  
propter  
deū, & cā.  
si quis vir  
ginitatē,  
& can. Si  
quis nup-  
tias.*

Le Concile de gāgres a esté assemblé principalement contre les Manichées, qui detestoient le mariage: & auoient pour abhominables ceux qui estoient mariez. Parquoy neantmoins qu'il loue la continence, & virginité, & profession d'icelle; admoneste qu'il ne faut mespriser ceux qui sont mariez. Comme est veu *distinctio. 30. Canone. Si quis propter Deum, & Si quis virginitatem, & Si quis nuptias.* Parquoy ce n'est pour inferer, que la profession de chasteté ne soit loysible: mais non pas le mespris de mariage, comme s'il estoit abominable.

*Le Concile  
de Tollette  
& canon 6  
& canō. 7*

Au Concile de Tolette huitiesme can. 6. est commandé que les Euesques soient chastes. Et au can. 7. que les prestres qui auront osé se marier, soient priuez de tout degré ecclesiastique: qui est euidément contre vous, fauorisant à nostre Eglise.

*Le Concile  
Arausiāc-  
q can. 11.*

Au Concile Arausiāque canon ynziesme,



est dict que nul ne peult biē voüer sinō par l'inspiration de Dieu, à ce qu'il puisse dire, *Que de manu tua accepimus dedimus tibi*: Ce que nous auōs receu de ta main, nous te l'auons donné. Ainsi il permet les vœuz, qui sont de l'inspiratiō de Dieu. Que faut il dōc conclure sinon que c'est chose bonne que garder chasteté, obeissance & volontaire pauvreté, & que ce voüer: car si ce n'estoit bon S. Mathieu estāt en Æthiopie n'eust pas voilé & sacré Iphigenie fille du Roy à virginité. Ce qu'il a fait comme tesmoigne Abdias

*Abdias  
li. 7 de l'hī  
stoire apo-  
stolique.*

autheur ancien, qui de ses yeux a veu Iesus Christ. C'est donc chose bonne que mariage: mais est meilleure continence, & plus plaisante à Dieu. Dōt de toute antiquité, les prestres n'ont eu permission se marier apres ce degré: Neantmoins qu'en cōtinence, s'ilz estoient mariez auant leur consecration à l'estat ecclesiastique, leur estoit loysible retenir leurs femmes. Dont ne s'ensuyt que les prestres ia instituez ou à instituer, doiuent estre mariez.

## DES IEVSNES ET DES VIANDES.

Conuertissez vous à moy: de tout vostre cœnr, en ieusne, en pleurs & regretz. La viande certes ne nous fait pas plus agreables à Dieu. Car si nous mangeons nous n'en auons rien dauantage, & si

*Isa. 58.*



*I. Cor. 8* nous n'en mangeons n'en aurons pas moins, mais voyez que ceste puissance que vous auez ne soit aucunement en scandale aux infirmes.

*Les Apostatz.*

*Luc. 21.* Nous ne receuons les ieusnes superstitieux & fantastiques, qui nous veulent priuer de la liberté, que nous auons en Iesus Christ.

*Rom. 14.* Nous confessons certainement que Iesus  
*Galat. 5.* Christ, les Apostres & toute l'Eglise ont ieufné : mais nous ne trouuons point vn temps limité & deffini, ne aucune interdiction des viandes: lesquelles defendre est doctrine des diables comme dit S. Paul.

*I. Timo. 4.*

*L'autheur.*

*Math. 4.* **P** Vis que vous confessez que Iesus Christ, les Apostres & toute l'Eglise ont ieufné,  
*Act. 1.* il ne faut la dresser nostre dispute : mais à ce que dictes que nous ne trouuons point vn temps limité & deffini, & difference de viā-

*Math. 4.* des. Quant au temps, nous entendons que Iesus Christ a ieufné la quarantaine, & que les Apostres l'ont commandée non seulement, mais aussi la quarte Ferie, ou Parasceue, soubz peine taxée: comme est escript Ca-

*Can. des Apost. 68* none 68. *Si quis Episcopus.* Voyez saint Chry-

*S. Iean chrysost. serm. de ieiunio.* S. Hierosme li. 9. in *Ezech. Cassian. collatione 21, cap. 25.* Et saint Basile sermon dernier de *ieiunio*, disant qu'il n'y a Isle, Terre, Cité, peuple ny lieu quelconque tant soit il desert ou la predication de la quadragesime n'ait esté ouye. Bien est

*iu. S. Hierosme li. 9. in Ezech. Cassian collatio. 21. cap. 25.*



vray qu'on n'observe plus les temps & festes des Iuifz, à l'ancien testament renommées, mais tout ce que de nous est célébré: a force de Iesus Christ & des Apostres, ainsi que la quarantaine.

Voyez saint Leon sermon trois & quatre de ieiunio septimi mensis. Dauantage le ieusne public est meilleur que le priué, comme il dit en ce mesme lieu.

Et la preuarication d'iceluy est pire que du priué: ainsi que ce fust esté plus grande offense alors que le ieusne estoit presché à Ninie, de ne ieusner point, que s'il n'eust esté commandé. Mais telle est la finesse & impiété du diable de suggerer aux siens n'estre aucunement obeissantz aux commandementz, soubz pretexte de quelque bien priué: quasi disant, O fol. que veulx tu faire? veulx tu estre contrainct à ieusner la quarantaine? n'obeis point. Tu as liberté de ieusner quand tu voudras. l'Eglise presche de faire penitence, & macerer ton corps par abstinence, & l'exemple d'un chacun te y induict: il faut attendre: tu ieusneras apres. Tu as ton Vouloir: regarde bien que tu ne sois veu humble, obeissant, mais reffute ce que toute l'Eglise aura pitoyablement ordonné, comme s'il estoit illicite. Tu es plus sage que l'Eglise, & que les Apostres, & saintz Conciles: quand ils te diroient qu'il faut ieusner la quarantaine, tu respōdras que ce sont fa-

*Regle  
ser. dernier  
du ieusne.  
Esa. 1.*

*S. Leō ser-  
mon. 3. &  
4. du ieus-  
ne.*

*Quelle est  
la suggestion  
du dia-  
ble.*



bles, & que tu n'y obeiras. Est ce pas la le conseil de Sathan, être rebelle à tout commandement de l'Eglise, & tout mespriser, s'estimant par dessus tous autres? Il faudroit donc dire qu'il ne faut obeyr à l'Eglise.

*Esay. 14.*

Alors que saint Pierre estoit captif, l'oraison estoit elle pas faicte par l'Eglise pour luy?

*Act. 12.*

*Act. 11.*

Et quand on a procedé à l'election du substitue de Iudas, les Apostres ont ils pas ieusné? neantmoins qu'ilz eussent esté aussi libres que vous. (O Apostatz,) & danantage, ont ilz contreuent à ce consentement de l'Eglise? Que si quelqu'un n'eust voulu ieusner, se fust il pas fait partie contre le saint esprit? Et laissoient ilz pourtant estre en la

*2. Cor. 3.*

*Act. 13.*

liberté de Iesus Christ? Nenny. Car ou est l'esprit de Dieu la est la liberré. Les ieusnes & ordonnances de recognoissance de Dieu, & maceration de la chair, sont elles pas selon l'esprit de Dieu? Car autrement il faudroit condamner les Apostres, & Conciles, ausquelz ont esté preschez ieusnes en temps determinez, comme ceux lesquels n'estoient conduictz de l'esprit de Dieu. Quelle impudence? Nous disons donc que ne fuyuons la differéce des iours seló les ceremonies Iudaiques: mais pitoyables, pour meilleure recognoissance de Dieu, seló qu'auons exemple, ou en Iesus Christ, ou aux Apostres: & que l'Eglise par succes de téps a longuemét continué non diffotmémét à la parole expresse.

Quant



Quant à ce que ne trouuez l'interdiction de viandes, il est vray que non à raison de soy, mais du commandement elles sont interdites: dont bien alleguez par apres.

*Les Apostatz.*

Mangez de toutes viandes qui se vendent, sans rien enquerir pour la conscience. *1. Cor. 10*

*L'auteur.*

**F**ort bien parle en ce lieu saint Paul. Car que veult il dire par ce: sans rien enquerir pour la conscience, sinon que si on s'enquestoit, & sçauoit par l'enqueste les viandes estre defendues, la conscience ne fust blessée pour la rebellion; qu'on entenderoit faire au precepte, par laquelle on scandalizeroit autrui? Pour ce saint Paul, considérant combien grief est ce scandale, dit. Si ie sçauois que mon frere deuit estre de moy scandalizé, ie ne mangerois iamais chair. Et dont procede le scādale? du precepte. Il faut donc colliger que s'il y a precepte ou commandement de ne manger chair, qu'il faudroit mieux ne manger iamais de chair, que de contreuenir à ce precepte: veu que ce seroit occasion de scandale. Voyez aussi que *S. Paul* par ce que *S. Paul* suppose qu'on pourroit estre scandalizé de manger chair, aussi comprend qu'on peult auoir commandemēt de s'en abstenir, auquel ne faut estre rebelle, ou que la conscience, pour la cognoissance du commandemēt fait, seroit blessée. Et quant

*30. dist.*

*can. Si*

*quis carnē*

*1. Cor. 8.*

*S. Paul*

*suppose*

*qu'o peult*

*estre scā-*

*dalizé de*

*manger*

*chair.*



à ce que dictes saint Paul auoir appellé la doctrine d'abstinence de viandes, doctrine des diables: si vous voulez regarder de près, *1. Tim. 4* il parle tout à l'opposite. Car il dit: d'aucuns sortiront de la foy, attentifz aux esprits d'erreur, & aux doctrines des diables, defendàs se marier, & abstenir des viandes, que le Seigneur (Dieu) a créés, pour perceuoir avec action de grace. Il ne dit pas defendans de ne se marier & de ne s'abstenir, mais de se marier & abstenir. Qu'est-ce que defendre de s'abstenir de viandes, est-ce pas tollir l'abstinence des viandes? La doctrine donc des diables, c'est defendre qu'il n'y ait abstinence de viâdes. Ce que vous defendez, disans, qu'il ne doit auoir interdiction d'icelles. Il s'ensuit donc selon ceste autorité qu'ensuuez la doctrine des diables. Que reste il plus à vous conuaincre?

*La predi-  
ction de S.  
Paul ac-  
complye à  
nos ad-  
uersaires.*

Et quand ainsi seroit que saint Paul reiectast ceux qui s'abstenoient, il donne bien à entēdre que ceste abstinence estoit comme si les viandes estoient immondes, & procedoient d'un createur mauuais. Ce qu'aussi est declaré par saint Augustin au liure contre Adimantus heretique Maniché, chapitre 14. ou interpretant ceste sentence de S. Paul, *1. Timoth. 4. De his, inquit, intelligitur, qui non vt concupiscentiam suam refrænent, aut infirmioribus parcant, sed quod ipsas carnes immundas putant, & earum creatorem.* Cela, dit-il, est



entendu de ceux qui s'abstiennēt, non pour refraindre leur concupiscence, ou supporter les infirmes: mais pour-ce qu'ils pensent que toutes chairs, & leur createur soit immondes. Aussi ne les mesprisons nous comme abhominables: car c'est offenser Dieu: comme vous dictes apres, que saint Athanase a dit, que ceux qui s'abstiennent des viandes ont autant profité, que ceux qui se separent de la vraye foy: car ils mesprisent le createur d'icelles. Que ou il n'y auroit mespris ny des creatures, ny du createur, on s'en peult abstenir. Car il ne s'ensuyt que tousiours quand on s'abstient des viades qui sont creatures de Dieu, on mesprise Dieu. Ou il faudroit dire que tousiours nous le mesprisons, & selon ces paroles, que nous profitons autant que ceux qui se separent de la vraye foy: Ou il seroit expedient & nécessaire, que pour n'encourir ce danger, à toutes heures nous mangissions de toutes viandes. O quelle folie? Car ie diray à celuy qui sera saoul de chappôs & allouettes, que veu qu'il n'a mangé des perdrix & beccasses, il a autant profité comme s'il festoit séparé de la vraye foy: & qu'il a mesprisé Dieu, qui est de ces viandes le createur. Ainsi il faudroit auoir estomach plus que d'Austruche, ou Harpye, Mâger chair & poisson, & de toutes sortes pour n'estre dit auoir mesprisé Dieu. Et qui est l'homme tant insensé, qui ne voye

*cōme doi-  
uent estre  
entendues  
les paroles  
de S. A-  
thanasie.*

*Il ne s'en-  
suyt quād  
on s'abstieēt  
des viades  
que tousi-  
ours on  
mesprise le  
createur:  
ou il fau-  
droit à  
toutes heu-  
res mâger  
de toutes  
viandes.*



qui cela dire sera raddoter? Et neantmoins celuy qui aura mangé son saoul aura fait abstinence des viandes, & ne s'ensuyura qu'il soit séparé de la foy. Il ne faut donc dire simplement, que ceux qui s'abstiennent des viandes mesprisent Dieu, ou qu'ils se separent de la foy: Mais ceux qui estiment les viandes estre immondes ayans horreur de leur createur. Or nous nous abstenons des viâdes, non que les estimions immondes & pollues, Comme dit Leon Pape sermon 4. *De ieiunio*: Mais pour l'égard de no<sup>r</sup>, à ce que nostre chair soit macérée. Iesus Christ mesmes a fait ceste abstinence: A il pourtât estimé les viandes pollues? Les prophetes ont fait abstinence estant sustentez seulement de pain & d'eau, Ont ils pourtant estimé les viandes pollues? Pensez le semblable des Apostres qui ont ieusné en abstinence de viandes, & ne s'ensuit pourtant qu'ils ayent estimé ces viandes immondes, desquelles ils ont v<sup>sé</sup>. Mais escoutons vostre tesmoignage.

*Le Pape  
au serm.  
du ieusne.  
Matt. 4.  
Iesus s'est  
abstenu de  
viandes.  
Io. 6.  
Matt. 5.  
Ioel. 2.*

*Les Apostatz.*

Sainct Spiridon Euesque de Cypre, disoit que librement il osoit manger chair en Karesme, quand les autres s'en abstenoyent, pour ce qu'il estoit Chrestien.

*L'aucteur.*

**E**N voz paroles, neantmoins qu'elles soiēt mal cottées, il y a contradictiō. Car pour



prouuer que ne doit estre abstinence de viandes, dictes que saint Spiridon asseuroit que librement il mangeoit chair : & que les autres s'en abstenoient. Si les autres Chrestiens en ce temps de Karesme sabstenoient de chair, est-ce pas probation de ceste abstinence? Mais saint Spiridon a dict qu'il en osoit manger. Ouy, en necessité qui n'a point de loy. Car au premier liure de l'histoire Tripartite, chapitre 10. vers la fin est dit, qu'estant ia le temps de Karesme, quelque pelerin lassé du chemin est venu vers luy, aux iours auxquels avec les siens il auoit accoustumé de continuer les ieusnes, & en quelque certain iour manger, persistant d'autres iours sans aucune viande. Et voyant le pelerin fort deffait ( voy la necessité ) il a dit à sa fille, haste toy laue les pieds de ce pelerin, & luy baille à manger. Et quand la vierge luy eust dit qu'il n'y auoit pain ne farine, (dequoy il n'auoit coustume faire alors provision, qu'il ieusnoit) Premièrement priant Dieu, & luy demandant pardon, a commandé à sa fille qu'elle feist cuire de la chair de porc, qu'il auoit salée à sa maison: de laquelle estant cuiète, ayant fait seoir le pelerin, a mangé, l'admonestant d'en vser: lequel dit, qu'il estoit Chrestien, & qu'il ne luy estoit loysible. Par ce vous auez ouy qu'en ce que saint Spiridon a proposé de la chair à ce pelerin, estoit pour la necessité, pour ce qu'il

9. liu de  
l'histoire  
triparti.  
chap. 10

*En necessité S. Spiridon presente a un pelerin tout deffait de la chair n'ayant autre chose, ne pain ne farine, & deuât que d'en vser demande pardon à Dieu.*



*Il n'estoit  
loisible  
aux chre-  
stiens mäs-  
ger chair  
en Kares-  
me.*

n'auoit autre chose à sa maison, & que le pe-  
lerin estoit lassé. Mesmes qu'au parauant il  
a demandé pardon, recognoissant que c'e-  
stoit mal fait, n'eust esté la necessité: & que  
le Chrestien a dit que ce luy estoit prohibé.  
Qui ne verra par ceste histoire combien est  
manifeste le tesmoignage d'abstinence de  
chair durant le Karesme sinon en necessité,  
laquelle ne peult endurer loy?

*Les Apostatz.*

*Regarde  
l'argumēt  
cornu des  
heretiques  
cōtre eux.*

Sainct Hierosme, en son Comment. sur  
Malach. i. chapitre eserit, Qu'il ne faut point  
decliner à dextre ne à senestre.

*L'aucteur.*

*La ma-  
ieur.  
Matth. 15  
S. Hieros.  
sur Mal.  
chap. 1.*

Sainct Hierosme au lieu preallegué dit  
que les vices & vertus procedent d'une  
source du cœur, quand de la liberté de  
nostre arbitre, nous declinons à l'une des  
pars, comme nous voulons. Par ce donc il  
ne dit, qu'il ne faut decliner ne à l'une, ne à  
l'autre partie: veu que l'une des deux sont  
les vertus, lesquelles il faut suyure. Et quant  
ces deux pars seront nommées, l'une dex-  
tre, & l'autre senestre, la dextre sera ce pas  
pour signifier les vertus. Or pour inferer de  
ceste autorité quelque chose contre nous,  
vous auez adiousté.

*La part  
dextre est  
des vertus*

*La mi-  
neur.  
ibidem.*

*Par les  
premises  
propositiōs  
des hereti-  
ques par  
lesquelles  
ils veulent*

*Les Apostatz.*

Mais decliner à dextre, est s'abstenir des  
viandes que Dieu a créées.

*L'aucteur.*



**Q**Ve soit ainsi:veu que par la dextre saict Hierosime signifie les vertus, s'abstenir des viandes sera vertu. Or il est enioinct de suyure vertu: il s'ensuyuera donc qu'il sera enioinct de s'abstenir des viandes, qui sera opposite à vostre intétion. Car cest autheur vous condamnera & vostre mesme ratiocination.

*prouuer  
qu'il ne se  
faut ab-  
stenir: de  
la sentēce  
S. Hieros.  
est mōstré  
tout le cō-  
traire.*

### *Les Apostatz.*

Les Conciles de Bracarense, 2. & de Tolette, 13. & des Papes Martin, & Eleutherius, excommunient tous ceux qui s'abstiennent de mager des viandes quelconques, qui sont conuenables à la nature humaine.

### *L'aucteur.*

**I**E n'ay ce trouué selon que l'auiez allegue.

Car au concile 2. de Bracarēse, Touchant l'abstinence est seulement enioinct can. 9. ce qu'est recité *De consecrat. dist. 3. Placuit vt postquam*, Qu'estant prochain le iour de la Natiuité de Iesus Christ, les prebstres annoncent au peuple apres la leçon Euangelique, en quel iour doit escheoir Pasques de ceste année: Et qu'ils commandent au peuple d'observer le Ieufne de Karesme. Et au concile Bracarense premier, can. 32. est dit que pour tollir la superstition de Priscillian heretique, Les clerics goustent de la chair. Car l'erreur de Priscillia estoit, d'estimer les viandes pollues & immondes. Or ie dy que de deux offences l'vne est plus legiere, &

*Concile. 2.  
de Braca.  
can. 9. de  
consecrat.  
distin. 3.  
can. pla-  
cuit.  
Cōcile pre-  
mier de  
braca.  
can. 32.*



qu'il vault mieux gouster de la chair, que les estimer immondes, comme les Manicheâs, & Priscillians. Lequel erreur puis qu'il ne regne en nous, quel besoing est il de tollir ceste abstinence?

*Le Cécile  
de Tolet-  
te. 13.*

*Le Pape  
Eleuthe-  
rius.*

Le concile de Tolette 13. ne fait de ce mention. Quant au Pape Eleutherius il a voulu tollir l'heresie premise, de ceux qui estimoient les viandes immondes. Et veu que tant d'heresies se sont esleuées quāt aux viandes: Il s'ensuyt que de toute antiquité on en a fait abstinēce. Quāt au Pape Martin, ie ne sçay lequel. Mais quāt à celuy qui a esté durant deux conciles de Tolette 8. & 9. Il est

*Le Pape  
Martin  
au Conci-  
le de To-  
lette 8.*

*can. quis-  
quis.*

escrit au concile 8. fait soubz luy, can. 9. *Quis-quis sine inenitabili necessitate, &c.* Que nul sans inenitable necessité, ou maladie, & de ce mesmes ayant parauant demandé permission au prebstre, n'ose entreprendre māger chair en Karesine, Ou qu'il sera coupable de la resurrection de Iesus Christ: & ce mesme iour aliené de la communiō: & pour plus grāde peine, tout le temps de ceste année il s'abstienne de manger chair. Voyla pas tesmoignage confirmatif de nostre Eglise rembarrant vostre impudence?

*Les Apostatz.*

La loy & obligation de ieusner a esté premierement imposée par Montan heretique. Comme fut reproché par saint Apollonius martyr de Iesus Christ.



L'aucteur.

**L**A loy que Montan a ordonnée aux ieus-  
 nes, estoit difforme à la coustume de l'E-  
 glise: Car autrement Apollonius ne luy eust  
 ce imputé. Consideré qu'auât Montanus &  
 sainct Apollonius, le ieusne de Karesme, &  
 de la quatriesme & sixiesme ferie estoit cō-  
 mandé: ainsi que par l'vn des canons des A-  
 postres auons mōstré cy dessus. Et que The-  
 lesphore Pape a escrit: lequel a precedé Mō-  
 ran heretique. Car ce Montan a esté enuiron  
 le temps d'Eleuthere Pape, & de Commo-  
 de & Valétin Empereurs: & Thelesphore a  
 precedé ledict Eleuthere de trente huit ans:  
 Entre lesquels ont esté quatre Papes, A sça-  
 uoir Higinius, Pius, Anicetus, Soter, lequel  
 preceda immédiatement Eleutherius. Ce  
 que pouuez facilement supputer en l'histoi-  
 re Ecclesiastique. Or ayant mōstré que The-  
 lesphore a precedé Montan heretique, il re-  
 ste à produire ce qu'il a escrit des loix des  
 ieusnes, à ce qu'il soit manifeste que Mon-  
 tan n'a esté le premier aūteur d'iceux, mais  
 de quelques ieusnes fantastiques, & contre  
 l'obseruation de l'Eglise. Thelesphore en son  
 Epistre Decretale a ordonné que les Clercs  
 ieusnassent sept sepmaines pleines & entie-  
 res, deuant le sainct iour de Pasques: & s'ab-  
 stinssent de chair, comme est recité *dist. 4. can.*  
*statuimus*. Il ne faut donc dire que Montan  
 le premier ayt ordonné les ieusnes de l'Eglise

*Can. des  
Apostres  
63.*

*Montan  
a esté du  
tēps d'E-  
leuthere.*

*Thelespho-  
re en son  
Epist. De-  
cret. Or  
dist. 4.  
can. Sta-  
tuimus.*



& loix d'iceux, Mesmes les Apostres apres Iesus Christ en ont esté obseruateurs : & en ont ordonné: Et d'autres qui ont precedé cest heretique Montan. Nous dirons donc que le Pape n'est successeur de Montan, mais des Apostres & de Thelesphore, & de tant de saincts Euesques qui tous ont recommandé, & recommandent le ieusne. Ainsi que Tertullian ancien autheur tesmoigne au liure *contra psychicos*, disant : *Episcopi vniuersæ plebi mandare ieiunia adsolent*. Les Euesques ont coustume de commander les ieusnes à tout le peuple.

*Tertullian  
cont. Psychicos.*

#### *Les Apostatz.*

Nous ne pouuons faillir de conclure avec S. Augustin, Epistre 86. à Insulanus : & au liure des mœurs ecclesiastiques, disant ainsi. Contemplant en ferueur de courage les lettres diuines & apostoliques, & aussi tout le nouueau testament, ie voy le ieusne estre recommandé, mais ie ne trouue estre defini par le commandement du Seigneur & des Apostres, en quel temps ou iour on doit ieusner ou non ieusner. Et Origene sur le Leuit. chap. 6. Homel. 10.

#### *L'autheur.*

Vrayement nous ne pouuons faillir de conclure avec ces deux bons autheurs

*S. August. epist. 86. à Insulanus.* S. Augustin & Origene, aux lieux par vous alleguez. Car S. Augustin à l'Epistre dediee à Insulanus, resout la question à luy propo-



fée, à sçauoir si on doit ieusner le samedi di-  
 sant, qu'il n'y a iour expres par le comman-  
 dement de Dieu : mais que ce a esté remis à  
 la discretion de l'Eglise. Car il dit immédia-  
 tement apres ces paroles par vous produi-  
 ctes, que malicieusement semblez auoir re-  
 celées : *Ideo res quoque ista, sicut alie plurimæ,*  
*quas enumerare difficile est, inuenit in veste filia*  
*regis, hoc est ecclesie varietatis locum.* Pource (dit  
 il) ceste chose, ainsi que plusieurs autres, les-  
 quelles est difficile de nōbrer, a trouué lieu  
 en la robe de la fille du Roy, c'est à dire de  
 la varieté de l'Eglise. Ainsi il remet les tēps  
 & saisons & definitions d'iceux à l'Eglise. A  
 laquelle puis qu'il veut obeyr, voudriez  
 vous estre rebelles? Lisez ce qu'il a escrit au  
 liure des mœurs ecclesiastiques: Car en ice-  
 luy il est nostre tesmoing. Qu'escriit il de l'au-  
 sterité des moynes? De l'abstinence qu'ilz  
 faisoient? qu'ilz persistoient trois iours en  
 trois iours, n'estans qu'une fois sustentez de  
 viandes, s'abstenans mesmes de manger  
 chair? Lisez plus amplemēt la resolution  
 qu'il donne à vostre question. Touchant l'ab-  
 stinence de chair, à sçauoir que ce n'est com-  
 me mesprisant les viandes, mais pour dom-

Concluons dōc avec cestuy vostre tesmoing  
 pour nostre faueur ce qu'il escript au li. 30.  
 contre Fauste Manichée chap. 5. disant. *Chri-*  
*stiani, non heretici sed catholici, domandi corporis*

*S. August.*  
*liure des mœurs Ec-*  
*clesiast.*

*S. August.*  
*li. 30. con-*  
*tre fausse*  
*cha. 5.*



*causa. &c.* Les Chrestiens, non heretiques, mais catholiques, pour dompter leurs corps & pour dauantage humilier leur ame cōtre les mouuemens desraisonnables, s'abstiēēt nō seulemēt de chair, mais aussi de quelques fruietz de la terre: ou tousiours, ainsi q̄ peu: ou en certains iours, ainsi que quasi tous, durant la Karesme: selō qu'vn chacun, ou plus, ou dauantage, vouldra, ou pourra, non pas qu'il estime ces choses estre immondes, ainsi que vous (ô Manichees heretiques) disans que la creature est immonde, & que le diable fait & compose les chairs d'vne matiere de mal, trespuante & infecte. Voyla les parolles de S. Augustin donnant suffisante resolution à voz obiections. Et puis qu'auetz cōté Origene comme tesmoing vostre sur le Leuitic. Homel. 10. qui n'est sur le chap. 10. comme vous dictes. Bien est vray qu'il prohibe les ieusnes legaux: lesquels aussi nous n'observōs, ainsi que diffusément il dispute en ceste Homelie. Neantmoins il nous admonneste observer les ieusnes de l'Euangile, & ceux qui à l'imitation de Iesus Christ sont instituez. Dont en ceste mesme Homel.

*L'heresie  
des mani-  
chees quāt  
à la chair.*

*Origene  
sur le leuit.  
homel. 10.  
Distinction  
entre les  
ieusnes des  
Chrestiens  
& ceux de  
la loy.*

*Aperte pro-  
bation de  
la cāresme  
par Origene  
au lieu  
susdict.*

il dit, *Habemus quadragesimæ dies ieiuniis con-  
secratos, habemus quartam & sextam septimanæ  
dies, quibus solenniter ieiunamus.* Nous auons  
les iours de Karesme consacrez aux ieusnes.  
Nous auons le quatriesme & sixiesme iour  
de la sepmaine, ausquelz solennellement



nous ieusnons.

Lisez diffusément Tertullian liure *contra pſy* *Tertull.*  
*chicos*, auquel il refute toutes voz obiections, *liu. contra*  
 quant aux ieusnes & abstinence des viâdes: *pſchicos*.  
 monſtrant la raiſon pourquoy on ſe contiét  
 de mâger chair, interpretât auſſi pourquoy  
 le ieusne fut reproché aux Iuiſz, par le Pro-  
 phete Eſaye: Diſant que, par ce *Eſayas nō ne-*  
*gavit deum elegiſſe ieiunium, ſed quale non elegerit*  
*numeravit*. Eſaye n'a pas nyé que Dieu aye  
 eſleu le ieusne, mais il a nommé celuy qu'il  
 n'a eſleu : à ſcauoir auquel on eſt procliſ à  
 mal-faire.

Eſt il pas donc manifeſte que ne preten-  
 dez autre choſe que ſeduction ; que ne vous  
 ſuffit voſtre malice, mais encores de ceſte  
 pieté voulez deſtourner noſtre ſimplicité? Le  
 vous prie puis que vous nous meſpriſez, ne  
 meſpriſez voz propres teſmoings. Voyez  
 qu'iceux cōdamnent voſtre malice, par leſ-  
 quelz les ieusnes ſont louables & l'abſtiné-  
 ce des viandes, la Kareſme & feriez mainte-  
 nues de toute antiquité. Il faut donc par la  
 depoſition de voz teſmoings dire qu'il eſt  
 bon ieusner ſolennellement avec l'Egliſe, &  
 ſ'abſtenir de chair ſinō en neceſſité, & qu'é  
 l'abſtinence il ne faut meſpriſer les creatu-  
 res de Dieu, mais domter noſtre chair & af-  
 fections d'icelle.



ENQUESTE ET GRIEFZ  
DES IMAGES ET DIF-  
ference d'icelles entre les Idoles.

Donnez vous garde que n'oubliez l'alliance du Seigneur vostre Dieu : laquelle il a traicté avec vous, & que ne faciez idoles taillées, ne semblance de tout ce que le Seigneur vostre Dieu vous a de fendu. Car le Seigneur ton Dieu est vn feu consom- mant, & vn Dieu ialoux. Mauldict soit l'homme qui fera Idole de taille, ou de fonte : Car c'est abo- mination au Seigneur.

Les Apostatz.

*Act. 4.*  
*Deut. 4.*  
*Exod. 20*  
*Psf. 52.* Le Seigneur qui tout hault se declare estre le Dieu ialoux nous defend de faire aucune image, semblance, ne similitude, pour le re- spect de son seruice.

L'Auteur.

*Esay. 42.*  
*Psf. 52.* Vous dictes bien, pour le respect de son seruice : car à ce respect on n'esleue les images pour leur exhiber le seruice deu à Dieu. Car il est ialoux & ne donnera sa lou- ange aux choses taillées. Pource vostre Ma- rot n'a point seulement dit, tailler ne te fe- ras image, mais a adioinct, pour luy faire hó neur & hommage. Car ne sont & ne doi- uent estre leuees les images pour leur faire hommage souuerain, mais seulemēt à Dieu, lequel elles nous reduisent en memoire. Par quoy en ce que desirez avec le Psalmiste à ceux qui seruent aux images & qui se con- fient aux idoles qu'ilz soient confuz. Ce ne



fait contre nous, car nous ne seruons aux images, mais à ceux qu'elles representent: & ne nous glorifions aux idoles: car nous ne receuons les idoles: & neantmoins receuons les images, pour nous induire souuenāce des aydes celestes. Pourquoi? les images sont elles pas idoles? Nenny, autrement s'ensuyuroyent de grands blasphemés, cōme prouue fort amplement S. Iean Damascene au liure premier *de imaginibus* contre les heretiques brise-images.

*Differēce  
briefue en  
tre l'Ima  
ge & l'I-  
dele.*

1 Car en premier lieu, le fils de Dieu est apelé l'image du Pere, ainsi que S. Paul escriuant aux Philipenses dit qu'il est en la forme de Dieu, & aux Hebreux qu'il est le caractère & figure de sa subsistēce. Quelle impieté seroit-ce de penser que le fils fut l'idole de Dieu son pere, à cause qu'il est apelé l'image, la figure, la forme, & le caractère d'iceluy?

2 Aussi nostre Dieu creant l'homme, a dit, *Faciāmus hominem ad imaginē & similitudinē nostrā*, Faisons l'homme à nostre image & semblance: vouloit il entēdre à nostre idole? y a-il quelque idole en Dieu? N'entend on pas aussi que quiconque veut renuerser toutes les images, celuy la aussi se declare du tout ennemy de Dieu, veu qu'il veut dissiper son filz vnique, sō image & sa semblāce?

3 Dāuantage quand le sauueur dit *ostendite mihi numisma census*, & qu'il voulut voir vne



piece de monnoye, en laquelle la figure de  
 Cæsar y estoit, pour respondre aux Hero-  
 dians:demanda-il pas de qui estoit cest ima-  
 ge? lors on luy respondit, Elle est de Cæsar.  
 Commanda-il pour lors qu'on la rompist,  
 qu'õ la foulast aux pieds, ou qu'on en ostast  
 la memoire? Tant s'en faut, qu'il diti rendez  
 à Cæsar, ce qui est à Cæsar, & à Dieu ce qui  
 est à Dieu. Donc l'image de Cæsar, monstre  
 l'hommage & le tribut qu'on doit à Cæsar:  
 & l'image de Dieu monstre le tribut & re-  
 cognoissance que nous deuõs à Dieu. Saint  
 Paul donne ceste definition de l'idole, que  
*idolum nihil est in mundo*, l'idole n'est rien en  
 ce monde, ce qu'il escrit aux Corinthiens. A  
 celle fin que (comme dit Tertullian au liure  
 Apologetique, auquel il defend le signe de  
 la croix contre les Gentils) *discreuerit materia  
 formam, & habitus materiam*: à sçauoir que  
 quãd il est question des images, il ne se faut  
 arrester à la matiere, à la pierre, bois, ou au-  
 tre dequoy elle sera faicte: mais faut esleuer  
 noz yeux à ce qu'elles nous representēt. Or  
 les idoles des Gentils ne representoient rien  
 qui fut vray, & pourtant S. Paul dit que l'i-  
 dole n'estoit rien, nõ qu'il eut egard à la ma-  
 tiere, qui estoit quelque chose, mais à la re-  
 presentation. Consideré que Neptune, Mer-  
 cure, Apollo, & autres dieux representez par  
 les idoles n'estoient rien, mais toute mente-  
 rie, & inuention des Poëtes. Mais la repre-  
 sentation



sentation de noz images est elle pas garnie de bonne signification, A sçauoir de nostre seigneur Iesus Christ, des Prophetes des Apostres, & Martyrs? Cela est au monde, par consequent *imago aliquid est in mundo*, & entend on assez manifestement non seulement combien elles sont differentes des idoles, mais qu'elles doiuent estre receuës des chrétiens.

*Les Apostatz.*

Abacuc dit, Que profite l'image taillée? Car son facteur l'a taillée. C'est vne fonte & chose enseignant mensonge, Toutesfois il se fie en elle, le facteur en son œuvre, pour faire des images muettes. Malediction sur celui qui dit au Bois, Esueille toy, & à la Pierre muette resueille toy: Enseignera elle?

*L'auteur.*

**Q**uel est d'entre nous tant hebeté qui se fie à vne Image, qu'il luy die qu'elle se resueille, qu'il ne sache qu'elle est muette? Estantz prosternerz deuant l'image nous ne nous proposons l'image, Mais celui qu'elle represente: Comme priâs non l'image, mais celui qu'elle signifie. Ainsi que de la partie d'Orient ont esté anciennemēt faictes prieres & cōtre le temple, non qu'ils adorassent le temple ou la partie d'Orient: Mais celui qu'elles signifioient, la Maieité duquel est respandue par tout.

*C'est autre chose  
prier le  
bois fer ar  
gent, &c.  
Et prierce  
qu'est re-  
présenté  
par l'I-  
mage.*

*Dan. 14.  
3. Reg. 8.  
10. 5.*

*Les Apostatz.*



*Hier. 10.* Hieremie dit: en ce seul poinct, ils se sont  
abrutis & font follement, & que le bois est  
instruction de vanité.

*L'aucteur.*

*L'instruction de vanité est ce en quoy on ne peut auoir este râce comme le bois fer &c.*  
*Non les saints.*  
*Rom. 1.* Il est vray que le bois a esté l'instruction  
de la vanité des Idolatres: Car il ne leur  
signifioit autre chose de venerable: & iceluy  
quelquefois ils adoroient. Mais Dieu & les  
saincts ne sont pas instruction de vanité, les-  
quels sont representez par noz images.

*Les Apostatz.*

Touchant le second Cōcile de Nice, nous  
confessons que Sathan a presidé à iceluy,  
faict soubz Charlemaigne. Car cuydans es-  
tre sages, sont deuenus folz: & ont mué la  
gloire de Dieu incorruptible en la similitu-  
de de l'homme corruptible.

*L'aucteur.*

*Selon les heretiques quant on ne trouue de raison il faut reuenir à iniures.*  
*Sap. 2.* I E serois esbahy si quand ne pouuez par-  
uenir à vostre but, vous ne vous conuer-  
tissez à iniures, suyuant la coustume de ceux  
qui ne cherchent la verité. Car pourquoy  
dictes vous que Sathan a presidé à ce Con-  
cile? Est-ce pource que les heretiques voz  
peres disputans des images ont esté bien ré-  
barrez par Epiphanius, en sorte qu'ils n'ont  
peu satisfaire à la resolution par luy baillée,  
sur les sentences par eux alleguées? Vous ré-  
dez raison, pource qu'ils ont mué la gloire  
de Dieu incorruptible, en la similitude de  
l'homme corruptible. Ou est vostre sens? Pen-



sons nous que la similitude soit la chose re-  
 présentée? Que l'image soit ce qu'elle signi-  
 fie? Que la gloire soit en l'image, & non pas  
 en Dieu? Sommes nous Gentilz en cest en-  
 droit? Estans interrogez, disons nous que  
 c'est l'image qui exaulce noz prieres? Nen-  
 ny. Mais que c'est Dieu. Ou sont donc voz  
 impudentes calomnies, de causer aux Eues-  
 ques, qui ont esté en ce Concile: qu'on ado-  
 rast les images comme Dieu? Est il pas dict  
 en iceluy. *Non idem deum & imaginem dici-  
 mus: sed deum cognoscentes, similitudinem in ima-  
 gine dispensationis illius humanæ figuramus: Gen-  
 tiles autem errantes similitudines deos esse arbi-  
 trantur.* Nous ne disons pas que l'image &  
 Dieu soit tout vn, mais cognoissans Dieu,  
 nous figurons la semblance en l'image de la  
 dispensation humaine d'iceluy: mais les Gé-  
 tilz errans pensent que les semblances soiét  
 dieux. Voyla la difference donnée en ce Con-  
 cile d'entre nous & les Gentilz: dont trop  
 impudemment vous calomniez ces Euesques  
 qui y ont assisté. Et puis que vous vous estes  
 trop amusez à debaccher contre ce Conci-  
 le, nous proposerons en brief les autheurs  
 desquels ils ont vsé, pour receuoir les ima-  
 ges: à ce que le lecteur qui non par iniure,  
 mais de zele pitoyable veult cognoistre la  
 verité, iuge de vostre impudence.

*Les here-  
 tiques a-  
 posés  
 hors du  
 sens.*

*O impu-  
 dence ma-  
 nifeste.*

*Concile  
 nicene.*

*Ce n'est  
 tout vn  
 des dieux  
 des gentils  
 & des ima-  
 ges des  
 Chrestiens.*

*A ny  
 Chrestien ie  
 te prie par  
 le merite  
 de Iesus  
 de consi-  
 derer icy  
 la meschâ-  
 te cauilla-  
 tion des  
 heretiques*

S'ensuyt ce que a esté proposé à l'action  
 seconde de ce Concile touchant les ima-



1. *Dumiracle à la guerison de la lepre de Cōstan-  
tin. anno. 317.* ges, contenu en l'Epistre du Pape Adrian, adressée à Constantin Empereur & Irenée sa mere.

1. L'histoire de Siluestre & de Constantin de la lepre d'iceluy, & de l'exil à la mōtagne Soracte: de la vision des Apostres saint Pierre & saint Paul au sommaire du baptesme de Constantin.

2. *Greg. de Nice.* 2. Vn lieu & sentence de saint Gregoire de Nice pour la veneration des images.

3. *An. 359.* 3. Le tesmoignage de S. Basile le grand au liure contre Iullian, prouuant l'inuocation des saints, & la veneration des images.

*An. 350. An. 348.* 4. La sentence de saint Iean Chrysostome de ce mesmes.

*An. 425.* 5. Vn lieu de saint Cyrille de la veneration des images.

*An. 330. An. 360. An. 388.* 6. Les sentences de saint Athanase & saint Ambroise à l'Empereur Gratian sur ceste veneration.

7. Vn lieu special de saint Hierosme pour auoir des images.

*Sommaire des disputes & propos tenus au concile general de Nice touchant les images* 8. A esté leu l'Epistre Synodique du Pape Adrian à Tarase patriarche, en laquelle a esté dit que ceste venerable peinture, en laquelle l'agneau de Dieu est mōstré du doigt du precurseur a esté approuuée du sixiesme Cōcile, parquoy les peintures ont esté plus frequentes.

A l'action 4. dudit Concile touchant les images ce qui sensuit encore a esté proposé.



- 1 Des sacrées escriptures quelles sont admises. Premieremēt en ce que Dieu dit à Moïse, Tu me feras vn propiciatoire. *Exod. 25. Des nombres ch. 5.*
- 2 Des Nombres. Ou est escript la dedicace de l'Autel. *& Ezechiel 10.*
- 3 d'Ezechiel ou est le Prophete introduict en vn temple.
- 4 De l'epist. sainct Paul aux Hebricux, qu'il y auoit vn tabernacle.
- 5 Que du temps de sainct Iean Chrysostome estoient depeinctes les images des sainctz, & mesme Chrysostome a eu quel- que tableau.
- 6 L'oraison a esté recitée Pathethicque de Gregoire Nissen, d'une peincture, en laquelle Isaac estoit immolé de son pere : laquelle voyant, disoit qu'il ne se pouuoit cōtenir de plorer. Dont les Euesques ont conclud, que si à vn grand Docteur, la peincture a porté vtilité, & luy a produict des larmes, combien donc d'auantage nous admonestera elle de plorer?
- 7 Que sainct Cyrille tesmoigne en son epistre *ad Acacium Episcopum*, que ceste peincture estoit de son temps. *An. 423. Les heretiques ne demētirōt ils pointes saints docteurs?*
- 8 Vn sermō a esté produict de sainct Athanasē, de l'image de nostre Seigneur Iesus Christ, & du miracle faict en vne cité appellée Berytum : Ou les Iuifz ayant rompu ceste image, & frappé le costé d'icelle, incontinent le sang & eau escoulla.



9 A esté proposé vn dialogue, & d'autre<sup>s</sup> liures contre les Iuifz, de Leontius Euesque de Naples, pour la probation des images.

10 Ont esté racomptez trois miracles de l'histoire des martyrs sainct Cosme & sainct Damian, pour l'approbation des images.

11 Par le tesmoignage de Anathanasius au 4. liure contre les Arriens, est prouué que l'honneur qu'on faict à l'image doit estre rapporté à la signification d'icelle.

12 Plus a esté ce mesmes confirmé ex codice. 30. *Capitum ad Amphiloichium de spiritu sancto*, de sainct Basile cap. 7.

13 Puis ont esté leües les epistres l'une de Gregoire Pape à Germain patriarche de Conitantinople, & à diuers Euesques pour la veneration des images.

*Can. 82. du 6. Concile.* 14 Puis a esté produict pour la confirmation de ce le can. 82. du sixiesme Cōcile, Par lequel est prouué que les images sont des le temps des Apostres, & plusieurs autres passages par lesquels le pitoyable lecteur pourra entendre si sans cause ce sainct Concile a confirmé les images: & pourra cognoistre l'impudence de ces Apostats d'ainsi iniurier de plus anciēs, meilleurs & plus sçauans que toute leur synagogue, comme si seulemēt ce Concile auoit fait mētion de la veneration des images. Voyez le Concile huictiesme general can. 3. auquel est commandé à reuerer l'image de Iesus Christ, & can. 7. est de-

*Le Cōcile  
8. can. 3.  
& 7.*



fendu d'admettre les ennemys des images.

Dont à ce que dictes que l'espace de six cens ans l'Eglise n'a enduré d'image: A quoy vous apportez le faict de saint Epiphanius qui a rompu vne image, A ce ie respon: que bien est vray que pour ne sembler induire le peuple aux erreurs des Gentilz, & renouveler ce qu'estoit de leur idololatrie, Epiphanius a rompu vn voile peint, au mont de Bethel: regardant à sçauoir d'une part à retrancher la superstition des Samaritains qui se renouveloit en ce lieu, d'autre part donnant à entendre le temps auquel il estoit, auquel à sçauoir il estoit question retirer les personnes de la vaine persuasion des idoles, iusques à ce qu'ils fussent enseignez que signifioient les images. Toutefois ceste proposition est mensongere, à sçauoir que l'Eglise n'ayt vsé d'images par l'espace de six cens ans ainsi qui dirôs cy apres. Ce qu'amplement a declairé nostre bon Roy Charle-

*S. Char-*  
*lemagne*  
*a fait 4.*  
*liures de*  
*la veneration des*  
*images.*

*Les Apostatz.*

Qu'on lise le concile de Tolette 2. le concile de Constantinople celebré par Constantin cinquiesme, Et aussi le concile Elibertin au 36. Decret: on trouuera que tous les trois

O.iiij.



ont decreté ainsi que s'ensuyt. Il a esté conclud qu'il n'y eust point de peintures aux tēples, à fin que ce qu'on doit adorer & servir ne soit point aux parois. Il s'ensuyt puis apres : Nous auons bien voulu admonester les fideles, que tant qu'ils pourront ils empeschent qu'il n'y aye des images en leurs maisons: Que s'ils craignent la force de leurs seruiteurs, pour le moins qu'ils se gardent eux mesmes : Et s'ils ne le font qu'ils soient reputez estrangers de l'Eglise.

L'auteur.

*Le Concile  
Elibertin.  
chap. 36.*

Tous ces trois conciles n'ont decreté ce que vous dictes, Mais l'avez mal colligé, seulement du concile Elibertin: ou il est dit chap. 36. *Placuit picturas*. Il a pleu au concile que ne fussent faictes peintures, nō qu'elles ne soient bonnes : Mais à ce que le peuple qui n'est encores entier à la cognoissance de Dieu n'adore ces peintures. Ce que comme il pretend est monstre par ce qu'il dit : à fin que ce qu'on doit adorer & servir ne soit point aux parois. Et qu'est-ce que ce qu'on adore soit aux parois, sinon estimer ces peintures estre Dieu ? Or nous n'estimons que quelque peinture soit Dieu ; Dont rien de ce ne s'ensuit contre nous.

Quant à ce que dictes par apres estre. Nous auons bien voulu admonester les fideles, que tant qu'ils pourrōt ils empeschent qu'il n'y ait des images en leurs maisons:



Ne vous desplaife (messieurs) il n'est pas dit qu'il n'y aye d'images, mais qu'il n'y aye d'idole. Or c'est autre chose que l'idole & l'image. Nous receuons les images, & condānons les idoles: car ce n'est tout vn l'image, & l'idole. Ainsi l'homme est dict fait à l'image de Dieu, nō au simulachre, ne à l'idole de Dieu. En sorte que l'idole est tousiours pris en abomination, mais l'image est pris pour le fils de Dieu tantost pour l'enfant semblable au pere. Dōt les idoles & simulachres ne signifient autre chose que ce qu'elles sont boys, ou or &c. De ce qu'elles sont composees, mais les images nous representēt autre chose que ce qu'elles sont: à sçauoir que non elles signifient le boys, mais dauantage ou Iesus Christ, ou quelque de ses sainctz. Dōt ne s'ensuyt, si les idoles ont esté prohibez, qu'ēsemble soient defendues les images. Et nostre Eglise ne permet qu'en quelque lieu il y aye idole, mais bien des images & figures de Iesus Christ & des sainctz. Quant au second Concile de Tolette ie n'ay rien trouué à ce propos, & au Concile de Constantino-  
ple faict soubz Constantin enuiron six cens septante six ans apres la mort de Iesuschrist, Bien est vray que au can. 100. Est prohibé que ne soient depeinctes tables vilaines & voluptueuses: neātmoins il ne defend, mais recōmande les images deuotes grandemēt: Comme il est escrit au can, 73. qu'on ait re-

*Au cōcile  
2. de To-  
lette rien.*

*Concile de  
Constan.  
faict l'an  
676.*

*Can 100  
et 73. et  
82.*



uerence à la figure de la croix:& est enioinct au can.82. que Iesus Christ soit depeinct en figure humaine. Dôt par vostre tesmoing est manifeste la reception des images, lesquelles il appelle venerables. Dôt est facile à cognoître vostre malice.

*Les Apostatz.*

Sainct Augustin n'est pas honteux de soutenir totalement que c'est vne heresie execrable de faire honneur aux images de Iesus Christ ou des saincts, car comme luy mesme dit. Nul ne peult prier ou adorer regardant ainsi les images, qu'il ne soit touché comme s'il estoit exaulcé de la ou il espere ce qu'il demāde. S. Augustin en son cathalogue des heretiques. Et au quatriesme liure de la Cité de Dieu chap.9.& 31. Et sur le Psalme 112.

*L'aucteur.*

**V**Ous auez ramassé ces paroles, dont les vnes sont d'autre intention qu'elles ne sont conioinctes par vous. Car ce que dit S. Augustin que nul ne peult prier ou adorer &c. est touchant les Gentilz sur le Psal. 113. qui adoroient leurs images. Or nous ne les adorons & n'esperons que nostre exauditiō procede de l'image. Dôt il ne parle des images de Iesus Christ & des saincts en ce Psalme, & ne tollit les choses sensibles des temples: moyennāt qu'on y mette point la foy. Dont il dit en ce mesme Psal. par apres. *sed & nos plerāque instrumenta & vasa. &c.* Mes-

*S. Augusi.  
sur le Psal.  
113.*



mes nous auôs plusieurs instrumēt & vaisseaux de mesme matiere (à scauoir que celle dont estoiet les idoles des Gentilz) d'or, d'argēt, ou de metal pour l'vsage des sacremēs. *Nunquid eis supplicamus quia per ea supplicamus deo?* Les supplions nous neantmoins que par iceux nous suppliôs à Dieu? Ainsi ayans des images nous ne sommes idolatres: Car nous ne les supplions, mais par icelles nous supplions à Dieu, ainsi que par les vaisseaux du temple. Parquoy voyez comme euidemmēt S. Augustin ne ruine, mais establit les images des Chrestiens: rédant raison pourquoy elles sont faictes.

Le commencement & precedant de ce, à scauoir que c'est heresie de faire hōneur aux images de Iesuschrist & de ses saincts, n'auiez vous eu de hōte de l'imputer à S. Augustin? Le me rapporte à vostre conscience si ainsi cruemēt il a parlé. Bien estvray qu'au catalogue des heretiques, il fait mention d'une femme appelée Marcelline de la secte de Capocrates heretique, qui adoroit les images de Iesuschrist, S. Paul, Homere & Pythagoras, ou premieremēt elle failloit d'adorer les images, car neātmoins qu'elles soient venerables il n'y faut mettre nostre esperance, cōme faisoit ceste femme. Secondement nō seulement elle adoroit les images de Iesus Christ, & de S. Paul, ains aussi d'Homere & Pythagoras, qui n'auoiēt esté fideles, mais

*Fausse  
uillatiō cō  
tre S. Au-  
gustin.*

*s. August.  
ad quod  
vult deū.  
cap. 1.*



*S. August.*  
*li. 4. de la*  
*cit  de*  
*Dieu chap.*  
*31. & .9.*  
*La distin*  
*ct on de li*  
*mage &*  
*de l'idole*  
*g st en la*  
*representa*  
*tion.*

Payens : qui estoit grandement idololatre.  
 Par ainsi S. Augustin liure quatri sme de la  
 Cit  de Dieu chappi. 31. & 9. Lo ie Varron  
 Rommain, de ce qu'il mesprisoit les simula  
 chres & idoles, sans lesquels il disoit qu'on  
 deuoit seruir Dieu. Par ce ne sont q  destour  
 nez & exterminiez les idoles des infideles,  
 veu qu'elles ne representent chose qui soit  
 b ne: mais les images de Iesus Christ & des  
 saincts ne representent elles pas choses bon  
 nes & licites,   s auoir Iesus Christ & les  
 saincts? Car sont ils pas licites de penser au  
 chrestien? mais il nous faut prouuer que peu  
 apres les Apostres ou mesmes du temps des  
 Apostres il y ait eu des images. Car vous di  
 ctes que l'Eglise n'en a vs , six cens ans apres  
 la mort de Iesus Christ. A quoy seroient suf  
 fisans les articles produictz des anci s cy des  
 sus au C cile de Nice. Mais nous voul s ce  
 monstre encores de plus pres. Ce que com  
 ment plus apertement se pourra il faire, que  
 de vous m  trer que l'un des euangelistes S.  
 S. Iean. 3.  
*Damasce*  
*ne libr. 4.*  
*de fide or*  
*thodoxa.*  
*Eusebe en*  
*l'hist. eccle*  
*si. li. 7. cha.*  
*14.*  
 Luc a depeinct l'effigie de la vierge Marie?  
 Et S. Athanase recite ceste image, de laquel  
 le fait mention le C cile de Nice, cy dessus,  
 auoir est  faicte par Nichodeme, qui estoit  
 du t ps de Iesus Christ. Damascene, liure 4.  
 De fide orthodoxa. Dit que Iesus Christ a en  
 uoy  sa figure imprim e au Roy Agbarus.  
 Lisez Eusebe en l'histoire Ecclesiasti. 7.  
 chap. 14. Ou il dit auoir veu en Cefaree,   la



maison de ceste femme Hemorroïse, qui auoit esté guarie de Iesuschrist, deux images: l'une à l'étrée de la maison, ou estoit depeincte vne femme à genoux suppliāt à ioinctes mains: & l'autre ou estoit exprimé vn hōme habillé à la Iudaïque, baillant la main à ceste femme: & qu'aupres de ceste statue naissoit vne herbe de nouuelle espece, laquelle estāt crue iusques aux frāges des vestemēs de cest homme, seulement incontinent qu'elle l'auoit touchée, elle auoit force guérir de toutes maladies, Et les habitans dudit lieu disoient que ceste statue estoit faicte à la semblance de Iesus Christ. Ainsi Dieu a illustré & approuué par miracles ceste image des le temps des Apostres, Mesmes en ce chap. Eusebe dit. *Videmus etiam nunc & Apostolorum Petri & Pauli, & ipsius saluatoris imagines designari tabulisque depingi.* Nous voyōs encores de present les images des Apostres S. Pierre & sainct Paul, & du Sauueur (Iesus Christ) estre faictes & depeinctes en tables. Que reste il donc sinon contre vostre impudence par voz mesmes tesmoings conclure avec S. Gregoire epist. ad seruiū episc. Massil. Ce qu'est recité De cōsecratione distn. 3. can. perlatū: *Aliud est picturā adorare, aliud per picturā historiā quid sit adorandum addiscere: Nam quod legētib; scriptura hoc & idiotis prestat pictura cernentibus, quia in ipsa ignorantes vidēt quid sequi debeāt, in ipsa legunt qui literas nesciunt.* C'est autre chose

S. Gregoi  
re epist. ad  
seruiū &  
de consecr.  
dist. 3. per  
latwīn.



Le sixies-  
me concile  
general, et  
de cōsecr.  
dist. 3. can.  
venerabi-  
les.

d'adorer la peincture, & autre apprédre par  
l'histoire de la peincture que c'est qu'il fault  
adorer: Car ce qu'est à ceux qui lisent l'escrit-  
ture, ce la peincture preste aux idiotz quand  
ilz regardét icelles. Car en icelle les ignorās  
voyent que c'est qu'ilz doiuent suyure, & en  
icelle lisent ceux qui ne sçauent les lettres.  
Lisez aussi pour conclusion ce qui est pris du  
sixiesme concile general recité De consecrat.  
dist. 3. can. Venerabiles imagines Christiani non  
deos appellāt, neque seruiunt eis vt diis, neque spē  
salutis ponunt in eis: neque ab eis expectāt futurū  
iudiciū: sed ad memoriam & venerationē primi-  
tiuorum venerātur eas, & adorāt: sed non seruiūt  
eis cultu diuino, nec alicui creaturæ. Les Chre-  
stiens appellēt les images venerables, nō pas  
dieux: & ne leurs seruent ainsi cōme si elles  
estoiēnt dieux, & ne mettēt point esperance  
en icelles: & n'attendent d'icelles le iugemēt  
futur. Ilz les venerēt & adorent à la memo-  
ire & recordation des primitifz: Mais ilz ne  
les seruent de religion diuine, ne mesmes  
quelque autre creature. Ceste conclusion ne  
fera de nous ne de nostre iugement, Mais de  
toute l'antiquité, & de la vraye & ancienne  
Eglise, à laquelle il faut obeir, nō à celle qui  
n'a nul fondement.

Les Apostatz.

Conclusiō  
de la dispu-  
te. S. Iean  
14. & 16.

Il est vray que Iesus Christ n'a point tout  
reuelé à ses Apostres deuāt qu'ils eussent re-  
ceū le sainct esprit au iour de la Pētecouste.



Mais depuis qu'ilz furēt réplis & enseignez  
 d'iceluy, la promesse de Iesus Christ fut ac-  
 cōplie: ayant promis que le sainct esprit leur  
 suggereroit tout ce qu'il n'auoit dit, & qu'il  
 leur enseigneroit toute verité. Cela ainsi fait  
 & accompli, ilz escriuirēt la parole de Dieu,  
 laquelle nous est laissée nette, saine & pure,  
 pour nous garder, & conduire suffisamment  
 à la vie eternelle. Nous ne sommes dōc obli-  
 gez escouter d'autres que les Apostres.

*L'auteur.*

**Q**ui sont ces autres, que les Apostres ou  
 doctrine d'iceux que ne debuiez escou-  
 ter? sont ce les traditions lesquelles les Apo-  
 stres n'ont escriptes cōme si elles ne venoiēt  
 des Apostres? Ou si les Apostres nous ont  
 tout escript ce que l'esprit de Dieu leur a  
 reuelé? S'ils ont tout escript, Pourquoi dōc S.  
 Jean fait il conclusion à son Euangile disant  
 que beaucoup d'autres choses a faict Iesus  
 Christ, lesquelles ne sont escriptes en ce  
 liure, que si elles estoient escriptes, le monde  
 en pourroit contenir les liures? Mais vous  
 parlez par aduenture non des faictz de Iesus  
 Christ: Mais des traditiōs lesquelles ne sont  
 escriptes par les Apostres, & par ainsi ne les  
 faut recevoir. La consequence n'est pas bō-  
 ne: Les Apostres n'ont escript de ceste tradi-  
 tion, Il ne la faut donc point obseruer. Car  
 par la bouche ilz ont commandé beaucoup de  
 choses qu'ilz n'ont escriptes. Quel des Apo-

*S. Jean  
 dern.*

*S. Paul.  
 2.  
 Thes. 2.*



stres à plus escript que sainct Paul? Et neantmoins il recommande non seulement les traditions qu'il a escriptes, mais aussi celles qu'il a enseignées de bouche disant demeurez & tenez les traditions, lesquelles vous avez apprises, ou par ma parole ou par epistre.

*Origene,  
homel. 5.  
sur les nom-  
bres.*

*Ceremoni-  
es au bap-  
tesme & à  
la messe.  
De bastir  
les temples  
du cosse  
d'Orient.*

Il s'ensuyt donc qu'il n'a escrit toutes les traditions, lesquelles il nous a commandées observer. Or de ce qui nous enseignera mieulx que les anciens docteurs? Lisez Origene Homel. 5. sur les nombres disant, *Sed in ecclesiasticis observationibus &c.* Mais aux observations ecclesiastiques, d'aucunes sont, lesquelles est nécessaire qu'un chacun face, dont la raison à un chacun n'est cogneüe. Ainsi comme de ce q nous flechissons les genoux faisant prières: Et ce pourquoy de toutes les parts du Ciel seulement renez vers Oriēt nous priōs, ie pense que par raison n'est facilement cogneu à d'aucuns: mais aussi de l'Eucharistie ou comme elle doit estre receüe, ou de quelle religion elle est faite, ou de ces choses qui sont faites au baptesme, comme paroles, gestes, des ordres, interrogations, & responces qui sera ce qui en expliquera facilement la raison? Et toutefois toutes ces choses couuertes & voilées nous portons sur noz espaules: quand icelles ainsi nous accomplissons comme les auons receües du grand Euesque Iesus Christ, & de ses enfans, à sçauoir des Apostres, comme traditions. Et Damascene li.



4. chap. 13. De fide orthodoxa. Multa sine scripto nobis tradita sunt. Beaucoup de choses nous ont laissées sans escritures. Et Tertullian presancien docteur au liure De corona militis. Auquel fait mention des traditions qui ne sont escrites receües toutesfois de main en main des Apostres dict. Vt à baptisrate ingre-  
 liar aquam adituri aliquanto prius in ecclesia sub-  
 antistitis manu contestamur nos renunciare diabo-  
 & pompæ & angelis eius, dehinc ter mergita-  
 aur amplius aliquid respondentes quàm dominus  
 n euangelio determinauit. Inde suscepit lactis &  
 mellis concordiam prægustamus, eucharistiæ sacra-  
 mentum & in tempore victus, & omnibus man-  
 atum à domino etiam antelucanis cætibus, nec de  
 liorum manu quàm præsidetium sumimus. Obla-  
 ones pro defunctis, pro nataliciis annua die fa-  
 mus. Ad omnem progressum, atque promotum:  
 d omnem aditum & exitum: ad vestitum, &  
 alceatum: ad lauachra, ad mensas, ad lumina, ad  
 bilia, ad sedilia, quæcunque nos conuersatio exer-  
 t, frontem crucis signaculo terimus. Harum & a-  
 arum eiusmodi disciplinarum si legem expostu-  
 s, scripturarum nullam inuenies: traditio tibi  
 etendetur auctrix: Consuetudo confirmatrix: &  
 les obseruatrice. A celle fin que ie commen-  
 e au baptesme, alors que deuous entrer en  
 au, quelque temps deuant, nous protestõs  
 ubz la main de l'Euesque, que nous renõ-  
 ns au diable, à la pompe & à ses anges, de  
 nous sommes trois fois plongez, respon-

Dama-  
scene li. 4.

De fide  
orthodo-  
xa, ch. 13.  
Tertullia  
liure De  
corona mi-  
litis.

lan 110.

Abiura-  
tions fai-  
tes au  
baptesme



*Oblations  
pour les  
trespassez.*

*Signe de  
la croix en  
usage.*

*Custom  
de loy.*

dans quelque chose d'auantage que le Seigneur n'a determiné en l'Euangile. De la nous goustons la concorde du laiët & miel qu'auons receu. Nous receuons le sacremēt de l'Eucharistie commandé du Seigneur, Et au temps du viure & à tous, mesmes aux assemblées faictes deuant ce iour, non d'autres mains que de ceux qui president (des preb-  
stres): Nous faisons tous les ans d'an en autre Oblations pour les trespassez, & pour les natiuitez. A tout progrès & mouuement, à toute entrée & sortye, à se vestir & chauffer, aux baings, tables, lumieres, aux liëts & sieges, en quelque lieu que nostre conuersation nous exerce, nous merquons nostre front du signacle de la croix. D'iceles & autres disciplines si tu demandes la Loy, des escriptures tu n'en trouueras quelconque.

La tradition de ce te sera pretendue autrice, la coustume confirmatrice & la foy obseruatrice. Voyla les propres paroles de cest ancien docteur qu'il a escriptes il y a mille quatre cens cinquante deux ans, cent & dix ans apres la mort de Iesus Christ. En quoy monstre il pas de point en point que beaucoup de traditions nous ont esté laissées des Apostres, qui ne sont escriptes d'iceux? Pourquoy donc dictes vous qu'il ne faut receuoir que ce qu'ils ont escrit, veu que de leurs paroles ils ont laissé des traditions, lesquelles il nous faut obseruer ainsi qu'auons monstre



en sainct Paul? Lisez sainct Denys Arcopagite disciple d'iceluy ce qu'il escrit au chap. 1. de Hierarchie ecclesiastique des Ducs precepteurs de la foy chrestienne: à sçauoir qu'ils nous ont laissé des institutions dont les vnes sont escrites, les autres non.

*S. Denys  
ch. 1. de la  
hierarchie  
ecclesiastique.*

Croyray-ie d'auantage à vostre nouuelle Eglise & à voz predicâts qu'à ces saincts docteurs qui ont esté ou du temps, ou bien peu apres le temps des Apostres? Pourrôt ils pas mieux parler des obseruations des Apostres que vous? l'Eglise qui est colombe de verité est elle pas plus seure pour nous enseigner puis qu'elle est continuée depuis les Apostres, que vostre congregation ie ne sçay de quelles gens ramassée? Que voulez vous plus pour môstrer qu'à vostre doctrine n'auiez fondement de verité, que d'ouyr voz mesmes tesmoings aux mesmes liures & chapitres par vous alleguez? Me suis ie pas en ce monsté faire enqueste raisonnable, & sans suspicion de faueur faire sinon à la verité, quand ay pris ceste peine de rechercher voz tesmoings aux mesmes lieux & les paroles propres selon voz propos, neantmoins que de beaucoup ne les eussiez exprimées? Vous rengerez vous maintenant pour me calomnier, quand verrez que voz propres tesmoings vous condamnet, & en ces lieux par vous alleguez recommandent nostre in-



*l'auteur  
desire a-  
voir respo-  
se du li-  
ure qu'il a  
recherché  
& condā-  
né par les  
mesmes  
tesmoings.*

nocence, & establisent nostre Eglise? Serez vous aueuglez à vostre entendement, de ne receuoir enseignement de ceux que vous auez approuuez? Quel loyer me rendrez vous de ceste enqueste pour vostre honneur? Sera ce vn paquet d'iniures, ainsi qu'ont accoustumé ceux qui ne peuent estre defenduz par raison? Faictes ce que bon vous semblera, ie me tiendray heureux quand pour mon labeur auray telle recompense enuers vous. Car Dieu sera mon souuerain loyer.

Ie voudrois que de telle affection vous receussiez ceste recherche de voz tesmoings comme ie l'ay peu faire en zele de vostre salut, & recognoissance, ou ie n'ay auancé beaucoup d'autres probations pour nostre part (Ce qu'esperons faire moyennant la grace de Dieu quād vous nous aurez rescrit quelque chose) considéré que d'estre conuaincu par ses propres tesmoings, vault d'auantage que par autres.



## RESPONSE SVR VN

*certain mandement faulſement intitulé  
du nom de noſtre ſauueur Ieſus Chriſt,  
produict par les Apoſtatx.*



Quant à ce que vous auez  
produict entrevoz pieces  
vn mandement, duquel  
le tiltre eſt tel. *Ieſus Chriſt  
filz de Dieu viuant, procé-  
dé, deſcendu, & nay de la lignée Royale  
de Dauid, à tous mes freres fideles, &  
biē aymez ma grace inestimable, ma paix  
eternelle, & ma gloire ineffable. Et la ſi-  
gnature & dacte en ces paroles: Don-  
né à la Dextre de Dieu mon pere l'an de  
mon incarnation mil cinq cens ſoixan-  
te & vn: Ainſi ſigné Ieſus Chriſt filz de  
Dieu viuant & Sauueur du monde.*

Je dy que quand à ce mandement,  
que nous n'auons cognoiſſance ny du  
greſſe, ny des notaires, ou appelez  
qui eſtoient pour lors que vous dictes  
qu'il fut ſigné: ny de ceux qui vous en  
ont baillé copie. Et pource ie maintiēs  
que c'eſt vne choſe ſuppoſée, & faul-



sement inuétée: si vous n'en apportez certaine verification: autrement ie demande que vous soyez condamnez cōme faulxaires du seau & signature de Iesus Christ. Car qui est descendu du ciel pour vous apporter ce mandement, signé à la dextre de Dieu le pere, l'an mil cinq cens soixante & vn? Qui vous a donné ce credit de l'impetrer? quel aduocat auez vous eu enuers Iesus Christ quād vous repudiez & reiectez les intercessions de la tres-glorieuse vierge Marie, & de tous les sainctz & saintes de paradis? Est-ce que vous ayez plustost esté ouys & exaulceez qu'eux: ou bien que plus qu'iceux vous ayez de credit au ciel? commēt se peult il faire que sans mes-sagers vous ayez octroyé vostre demande enuers Iesus Christ: quand vous l'auiez ainsi lié en hault, que par sa pourueance & puissance il ne puisse estre cy bas? s'il ne vous a ouys en bas, il faut donc que vous soyez plus puissans que luy: en ce que voz oraisons sont montées en hault. Qui ne



verra en ce vostre temerité ? Plaidez vous sans aduocat? que si vous estes aduocat, ou sont voz procureurs, Greffiers, Notaires, Presidens, Iuges. Car si vous estes tous ceulx la : qui a il de merueille si vous nous cōdamnez? ou est vostre sens, q̄ par iceluy n'ayez refrené ceste manifeste impudence. Calvin vous approuuera il en ce mandement, que supposez vous estre enuoyé de Iesus Christ : veu qu'il se rit, & moque des choses saintes: lesquelles n'ont tant expres tesmoignage de la Bible, neantmoins que soit proposée suffisante probatiō des saīcts & anciens docteurs? Verra-il pas que ce vous est impudent, de vous vanter ne receuoir que ce qui est de l'expresse parole: veu que sans aucune probatiō, aduocat, procureur, notaire, greffier, messager, huissier, saint, ny ange de paradis, n'estant descendu Iesus Christ, ne sans prouuer que des vostres quelqu'un soit monté la hault: dictes auoir receu mandement signé & scélé de la main de Iesus Christ assis



à la dextre de Dieu le pere? Or sur ce  
ie suis content que vous donnez, vo-  
stre sentēce: ou les plus braues de vo-  
stre secte,

## RESPONSE SVR VNE

*Sentence interlocutoire faulse-  
ment produicte.*

Le requier aussi que la sentence in-  
terlocutoire, que dictes auoir extraict  
des registres de la court de paradis,  
soit prouuée estre dōnée entre vostre  
Eglise, & la nostre; autrement ie de-  
mande que si de vous on ne veult fai-  
re iustice comme d'heretiques, qu'on  
en prenne punition comme de faul-  
saires, faulx tesmoins, rebelles à la  
maiesté diuine & humaine, ennemys  
du repos public, ce que Dieu ne per-  
met, ou le moindre d'iceux qu'il ne  
soit puny par les magistrats, ou bien  
que toute cité, royaume, & couron-  
ne tombé en ruine,



RESPONCE QUAND A V  
*baptisme & generation de l'Ante-*  
*christ inferées avec les pieces*  
*des Apostatz.*

Quant à deux autres pieces, du baptisme, & generation de l'antechrist: nous disons que ce n'est digne de response: quand il est manifeste que vostre poursuite n'est que par iniures, non par raison: & que ce n'est requerr le droit, & agir par equité, que proposer telz escrits & pieces. Parquoy ie desire qu'on aduise de vous faire tel droit que meritent ceux qui de l'Eglise de Dieu, font vn bordeau: & du lieu ou les paroles doiuent estre chastes, auez faict vn plaidoyer de pail- lardes, & gens sans honte: ausquels c'est assez de dire des iniures.

Au surplus. ie remectz toutes conclusions à la iustice de Dieu, & des hommes: qui ont puissance de faire de vous, ainsi que le iuste iugement decerné: & y demande sur ce arrest definitif, & sentence de condénation;



pour estre deliuréz de voz ástuces , & impudentes calomniations : mesmes de voz coniurations , lesquelles est manifeste qu'auetz entreprise contre Dieu,& l'Eglise.

Toutesfois s'il plaist à Messire Iean Caluin;ou quelqu'un de ses ministres; respondre à cest enqueste raisonnement nous serons prestz de luy satisfaire.

A sçauoir s'il se condamnent ainsi qu'il est de raison , veu qu'ils sont reprouuez par leurs tesmoings : nous solliciterons que pour la peine capitale qu'il meriteroient s'ils estoient obstinez ; on leur face quelque misericorde : ou bien s'il se veulent deffendre par autres piéces : nous verrons à mieux y respondre avec la grace de Dieu. Auquel soit honneur & gloire par tous les siecles des siecles.

**Amen.**



TABLE FACILE POVR CO-  
GNOISTRE LE SOMMAIRE DV  
liure, ou il faut noter que la lettre b,  
signifie la seconde page  
du fueillet.



A maniere de proceder d'here-  
tiques est par iniures. fol. 2  
Comparaison de Denakol a-  
uec les Egyptiens ennemis de  
Moyse.

On ne scauroit mieux conuaincre son enne-  
my que par ses propres tesmoings.

L'occasion de composer ce liure.

Premiere dispute de sentences extraictes de  
la Bible.

Premiere sentence, en laquelle fait scauoir  
que c'est que despriser Iesus Christ, & ne  
receuoir sa parole.

Le sommaire de la parole de Iesus, & qui est  
l'Eglise, qui le reçoit, ou qui la mesprise.  
5. a & b

2 Sentence ou il faut scauoir quelle est l'E-  
glise qui ne reçoit la parole de S. Paul. 6. b

3 Sentence que la parole de Iesus, & de S.  
Paul est la parole de Dieu. 6. b

4 Sentence ou il faut scauoir quelle est l'E-  
glise qui estriue par paroles. 7. a & b

Les heretiques pensans faire la generation  
de leur verité au vitupere du Pape, la con-  
dānent apertemēt n'estre que mesonge. 7



- L'Eglise nouuelle permet à toutes gens indiscretement d'estriuer par paroles & disputer de la foy 7.b
- 5 Sentence ou il faut scauoir que c'est que adiouster ou diminuer à la parole de Dieu & l'Eglise qui adiouste ou diminue. ibid.b
- Il faut croire d'auantage que ce qui est escript. 8
- 6 Sentence, par laquelle les lieux dediez aux prieres sont confirmez, lesquelz les heretiques veulent euertir. 8.b
- 7 Sentence ou il faut noter quelle Eglise est assemblée des Prophetes arrogans. 9.a
- 8 Sentence en laquelle faut entédre quels sont les cōmandemens des Peres, ausquels il ne faut cheminer, & quelle Eglise les suit ou reiecte. 9.b
- 9 Sentence ou est noté quelle Eglise suit la voyé de mort. 10.a
- 10 Sentence par laquelle la nouuelle Eglise est condamnée estre folle. ibidem

*Seconde dispute des sentences des anciens*

*docteurs pour discerner la meil-*

*leure Eglise.*

- 1 Sentence de S. Hierosme sur Michee, ou est predict des mauuais Prelatz de l'Eglise, qui ne partans d'icelle selon le corps, sont en leur foy ennemis d'icelle, ainsi qu'il est accompli en beaucoup. 11.a



- 2 Sentence de Sainct Cyprian predifant la licence desbordée des heretiques à ptefcher & baptizer, & faire leur Cene publiquement ainfi qu'est accompli en ce tēps  
11.b
- 3 Sentence de sainct Iean Chryfoftome ou est predict que l'armee de l'Antechrift: desmolira les tēples, & chassera les Chrestiens d'iceux, Ensemble osterà la sainte messe, comme s'accomplit à la nouuelle Eglise.  
12.a
4. Sentence de S.Hierosme, ou est monstré que les Philosophes ne sont le fondement de nostre Eglise.  
12.b.13.a
- 5 Sentence de sainct Iean Chrysoftome ou il faut noter comme doit estre permis de chercher la pure verité.  
13.a
- Les heretiques se ioignent souuent avec les ieunes veufues.  
13.b
- 6 Sentence de sainct Hierosme sur Naum, predifant qu'apres que d'aucuns prelatz de l'Eglise auront apostatizé de la verité, Dieu r'amenera son peuple à son Eglise ayant confus l'Eglise paillarde & libertine, ainfi que celle des nouueaulx predicantz.  
14. & 15
- 7 Sentence en laquelle faut noter quelle authorité reste apres les Apostres, & qu'elle ne peult demourer.  
15.a & b
- Deux sortes d'authorité, l'vne de presider, l'autre d'escrire.  
15.b



8 Sentence de S. Hierosme, ou il faut noter  
quelle Eglise suit l'erreur des peres. 16.a

Que par la susdicte sentence, la nouuelle E-  
glise est condamnée, veu qu'elle veult tol-  
ler les gens Ecclesiastiques. 17.a

9 Sentence de S. Hierosme par laquelle est  
monstré apertement que les Apostatz sor-  
tis des ordres mendiantz, predicants de la  
nouuelle Eglise sont mensongers. 17.a

Conclusion de toutes les sentēces susdictes  
& auant-propos aux autres disputes. 17

Ceux qui disputent au fac & pieces contre  
l'Eglise Romaine ne doiuent estre appel-  
lez Apostres, mais Apostatz. 18.a

Les heretiques entreprenent sur tout, Dieu,  
le dyable, & les hommes viuans & trespas-  
sez. 18.b

Execrable fiction d'heretiques pour dece-  
voir le simple peuple. 19.a

*Premier article de la sainte Messe.*

Que la messe n'est incogneue selon l'institu-  
tion de Iesus & reduction des principales  
cerimonies d'icelle au fait de Iesus à sa  
Cene. 19.b

Le nom de Messe receu en la sainte escri-  
ture. 20.a

Deux sacrifices de Iesus, & quel se peult rei-  
terer, & qu'il ne peult estre fait de rechef.  
20.a

Probation q la Messe est sacrifice nō sanglāt  
selō le faict de Iesus en sa Cene. 20.b



Que la Messe est instituee par nostre Seigneur. 22.a

Que nostre seigneur offre encor son corps en la Messe. 22

Comme il faut entendre ce qu'est dict en S. Mathieu chap.24. Si quelqu'un vous dict voyla le Christ,ou icy &c. 22.b

Impudence de dire que la transubstantiation soit nouuellemēt inuentée & probation d'icelle par S.Cyprian,S.Irenee, Gregoire Nicene, S.Ieā Chrysostome, Augustin, Cyrille,Enthymius,Eusebius Emiffenus, Beda & Theophilacte, tous anciens docteurs. 23.a

La transubstantiation prouuée par l'autorité des Rabbins, des Iuifs, auant l'incarnation de Iesus Christ. 24.b.25.a

Ceux qui nyent que substantiellement soit le corps de Iesus en l'Eucharistie sont Manicheans. 25.b

Responce à ce qu'est dict en S. Iean, l'esprit viuifie & la chair ne profite:& cōme l'esprit & la chair sont entendus 26.a

La chair de Iesus profite beaucoup,mais nō pas l'intelligence charnelle. 26.a.b

Responce à ce que dit S. Augustin que Iesus a donné le signe de son corps. 27.b

Manifeste tesmoignage de S. Ambroise de l'existence reale du corps de Iesus en l'Eucharistie 28.b

Pourquoy S. Ambroise a dit que nous rece-



- uons le sacrement en similitude & respon  
ce par luy mesmes. 29.a
- S. Ambroise dit que nous receuons le corps  
de Iesus, & beuons le sang d'iceluy. 29.b
- Probation par S. Ambroise de l'existéce real  
le du corps de Iesus en l'Eucharistie au li  
ure allegué par les Apostatz. 30.a
- S. Hierosime entend que l'Eucharistie soit  
representation & la verité du corps de Je  
sus Christ. 30.b
- Comme S. Augustin entend que le corps de  
Iesus soit en hault. 31. & 32
- S. Augustin aux lieux susdicts, fait mention  
du sacrifice & de la celebration du corps  
& sang de Iesus. 29.a.b
- Resolution donnée par S. Augustin suyuant  
ce qu'on allegue de luy, que ne soit mangé  
le corps de Iesus. 32.b. 33.a
- Imposture que S. Iean Chrysostome ait dit  
que la nature de vin demeure. 34.b
- Faulsement les heretiques ont cotté S. Chry  
sostome. 35.a
- S. Irenee considere la nature diuine & hu  
maine en l'Eucharistie. 35.b
- Origene dit que la viande est le verbe asca  
uoir le filz de Dieu. 36.a
- S. Denis prouue que le corps de Iesus est re  
ceu. 36.b
- Le concile de Nice rembarre toute heresie.  
37. & 38.a
- A la Cene de Iesus n'estoiét q les Apostr. 38.  
Le con-



Le concile de Basle defend de contraindre  
les prestres non consacrans, ou les laiz de  
communier sous les deux especes. 38.39.2

S. Cyprian declare la verité du corps de Ie-  
sus, & en recite des miracles. 39.b

Inconueniens qui pourroient aduenir si les  
laiz communioient soubz les deux espe-  
ces. 40.b.

Probation qu'on doit garder & pour qui le  
corps de Iesus. ibidem.

Le corps de Iesus porté. 41.a.b

Les curez & ministres de l'Eglise doiuent a-  
uoir le Sacrement du corps de Iesus prest  
pour les malades. 41.b.42.a.b

Responce par sainct Clement de ce que les  
heretiques obiient de luy, qu'il ait dit  
que le corps de Iesus ne doie estre gar-  
dé. 42.a

Que le corps de Iesus n'est subiect à corru-  
ption, similitude d'iceluy à l'arche d'al-  
liance. 43.a

Similitude que le corps de Iesus n'est cor-  
rompu ou multiplié, neantmoins que l'es-  
pece soit corrompue ou multipliée. 44.a

*De la Priere des saints.*

Comme il faut entendre ce nom de media-  
teur, & comme Iesus ou les saintz sont  
mediateurs. 44.a.

En combié de sortes nostre seigneur est me-  
diateur. 45.a

Probation des prieres des saints par raison



- & autorité de l'escripture sainte. 44.b
- Probation de ce mesme par saint Gregoire,  
Nanzianzene, Origene, Cyprian, Basile, &  
le concile de Nice. 47.a.
- Responce à ce qu'alleguent les heretiques  
S. Ambroise, pour prouuer qu'il ne faut  
aller à Dieu par le moyé des saints. 48.b
- Qu'il ne s'ensuyt de ce que Dieu sçait tout  
que les saints ne prient pour nous. 49.a
- Probation de saint Ambroise, qu'il faut  
prier les Martyrs. 49.a
- S. Augustin au lieu cotté par les heretiques,  
dict que ne s'ensuyt de ce qu'on ne bapti-  
ze au nom des Euesques, ou des saints  
qu'iceux ne prient pour nous. 49.b
- Du mesme autheur qu'il ne s'ensuyt de ce  
que saint Paul ne s'est appellé mediateur,  
qu'il ne l'ait esté & par Iesus Christ. 51.a
- Que les saints sont differés des diables. 51.a
- Resolution donnée par saint Iean Chryso-  
stome, au lieu que les heretiques disent  
qu'il ne reçoit les prieres des saints, &  
probation par luy-mesme que les prieres  
des saints ont vne force tresgrande. 51.b
- Que S. Ambroise au liure d'Isaac ne dit pas  
qu'il ne faut venir aux saints. 52.a.
- Que saint Augustin defend de n'adorer les  
saints ainsi que Dieu, & ne defend pas  
routesfois de les honorer ou de leur ba-  
ptiser des temples, au contraire dit que ceux  
qui mettent sus telles sentences sont he-



retiques.

53.a.b

Que S. Augustin, n'entend parler des anges de gloire quād il dit que les anges theurgiques ne doiuent estre honorez.

53.54.a

Que S. Augustin au lieu qu'il est allegué, dice q̄ les saincts ne sache noz prieres, prouue que les trespassez mesmes qui ne sont encores en gloire, peuuent sçauoir ce qui se fait icy.

54.b

Que les saincts qui sont en gloire peuuent ouir noz prieres.

54.55.a

Que S. Epiphanius, au lieu mesme qu'il est allegué par les heretiques, dit qu'on doit honorer la vierge Marie.

55.b

Que nous n'adorons les saincts ainsi que Dieu.

56.a

Responce à deux faulses cauillations, & enquestes aux liures, & chapitres de S. Hierosme, & S. Jean Chrysostome.

56.57.a

*Du purgatoire & prieres pour les trespassez.*

Resolution à ce qu'obiient les heretiques qu'il n'y a que deux voyes, & comme ce doit estre entendu.

58.a

Que ce n'est estaïdre, mais augmēter le merite de Iesus, que croire le Purgatoire.

58.b

Qu'il ne s'ensuit pour ce que Iesus a enduré, que nous ne deuions patir pour noz pechez.

59.a.b

Responce par saint Augustin, & aux mesmes liures & chapitres, ausquels les heretiques luy imputent faullement, qu'il ayt

Q.ij.



- nyé que ce qu'est escrit. 1. Cor. 3. ne puisse  
estre entendn du Purgatoire. 61.2.b
- Que saint Augustin n'a dit, qu'on soit se-  
duit, par beneuolence humaine, de croiro  
le Purgatoire & resolutiō de luy-mesmes  
au mesmes lieu. 61.a.b
- Comme il faut entendre ce que dit saint  
Paul que le feu esprouuera l'œuvre d'un  
chacun. 62.b
- Que les Apostatz ont menty, de dire que  
S. Ambroise n'ait interpreté ce passage du  
prisonnier S. Luc 12. du purgatoire. 63.a
- Le mesme est prouué par S. Iean Chrysosto-  
me, Hilaire. 63.a
- Que par ce qu'il est dit du peché contre le  
saint esprit, S. Augustin & autres preu-  
uent le Purgatoire. 63.a.b
- Que la peine n'est tousiours remise avec le  
peché. 64.b
- Que faulxement les heretiques ont produict  
des tesmoins, pour reprouuer le liure des  
Machabées. 65.a
- Qu'il ne s'ensuit de ce que le lieu d'amen-  
der sa vie est ce monde, qu'après iceluy il  
ne reste peine pour les offenses. 65.66.67
- Receuoir selon ses œuvres prouue le Purga-  
toire. 66.2
- Que neantmoins qu'après la mort, le pe-  
cheur ne puisse plus faire de bonnes œu-  
res, ne s'ensuit qu'il ne puisse estre aydé  
par les viuans. 68.69.a.



Que S. Pierre a prié pour vne defuncte. 68.2

Que les heretiques alleguent faulſement le  
Concile de Nice, pour reiecter les prieres  
des trespassez. 69.b

Que nyer le Purgatoire, cest induire le pe-  
cheur à deſeſpoir. 69.70.a

*De la confession auriculaire.*

Qu'il ne ſenſuit de ce qu'on offence vn ſeul  
Dieu qu'on ne ſe doie confesser aux hom-  
mes. 71.a

Confession faiçte au prochain, à S. Iean Ba-  
ptiſte & apoſtres. 71.b

La confession auriculaire extraicte des pa-  
roles de Ieſus. 72.a

Contradictiō manifeſte aux paroles des A-  
poſtatz, en laquelle lors qu'ils veulent  
reiecter la confession par teſmoignage de  
l'hiſtoire tripartite, au meſme lieu confes-  
ſent qu'il y a 1200. qu'elle eſtoit en vſage  
en Conſtantinople. 72.b

Pourquoy la confession publique fut muée  
en priuée. 73.a

S. Baſile prouue qu'il ſe faut confesser aux  
prebſtres. 73.74.a

La cōfeſſion eſt faiçte à l'homme, non com-  
me curieux, ou comme à celuy qui eſt fra-  
gile, mais comme à Dieu. 75.a

Conſeil d'eſprouuer ceux auſquels on ſe  
veult confesser. 76.a

Prōbation de la confession par Origene,  
S. Denys, S. Cyrille, Cyprian, Hieroſme

Q. iij.



&amp; Leon.

76.b

*De l'Eglise, & du saint siege apostolique de Rome.*

Qu'il ne s'ensuit de ce que Iesus est chef de l'Eglise qu'il n'y ait d'autre chefz vicegerantz & inferieurs. 77.a.b

Que par ce passage, par lequel les apostatz pretendent prouuer que le Pape soit Antechrist: est condanné Calvin comme le mesme Antechrist par la deposition des siens. 77.b

Respõce aux paroles obiicées de saint Gregoire, que celuy qui s'appelle vniuersel est precurseur de l'Antechrist. 78.a.b

La dignité n'est d'arrogance, ou de la personne, mais de Dieu. 79.b

Que saint Gregoire dit, que saint Pierre a eu la principauté de l'Eglise. 79.b

Il ne s'ensuit si l'Euesque commun ne doit vsurper nom d'vniuersel que celuy qui y est deüement esleu ne soit ainsi appelé. 78.79.a

Qu'il y a mille & 400.ans que S. Leõ Pape & Martyr a esté appelé vniuersel. 80.a

Que saint Augustin est mal produit quand il enseigne qu'il doit auoir vn berger en l'Eglise. 80.b

Que saint Pierre representoit toute l'Eglise  
ibidem,



Que nous ne sommes Pelagiens , à la raison  
du franc arbitre. 82.a.b

Que tous les docteurs produitz en tesmoi-  
gnage par les Apostatz pour diuertir le li-  
beral arbitre prouuēt expressement qu'il  
est à bien & non seulemēt à mal. 83.84.a

*Du mariage & des vœux.*

Que de deux choses qui sont au mariage la  
copule peult estre avec macule , contre  
quoy les Caluiniens sont pires que Lu-  
ther. 84.85

Que ce que sainct Paul dit, qu'aux derniers  
iours d'aucuns defendront soy marier, est  
accomply en l'Eglise nouuelle , non à la  
Romaine. 85.86

Que l'Eglise nouuelle renouuelle l'impudē-  
ce des Nicolaïtes , & destruit le mariage.  
85.86.

Que les Apostres n'ont esté mariez apres a-  
uoir esté appelez à l'Apostolat. 87.a

Difference grande de la nouuelle Eglise à  
sainct Paul, & aux Apostres. 87

Que faulsement les Apostatz alleguent les  
Cóciles ou Canós, pour prouuer q̄ les pre-  
stres doiuent estre mariez apres l'ordre &  
probation du tout contraire. 87.88.89.

Dispute des vœux qu'il ne sont prohibez  
par sainct Ambroise, ainsi que l'alleguent  
les heretiques. 90.b



Que la chasteté obeissance & pauureté ne prennent fin en Iesus Christ, ainsi que les ceremonies legales. 91.92.

Que la chasteté obeissance & pauureté sont fondez à la parole de Dieu. 92.a

Quelle est la liberté en laquelle Iesus Christ nous a appelez, & comme par icelle les vœux sont confirmez. 91.92

Que tout vœu doit estre fait de propre & libre volonté. 93.a

Conseil de saint Cyprian quand les vierges voilées sont corrompues. 94.a

Que neantmoins que la virginité soit loüable on ne deteste le mariage comme faisoient les Manichéés l'estimant immonde. 94.95.

Saint Mathieu en Æthyopie a voilé vne vierge. 95.a

*Des ieusnes & des viandes.*

Probation de la quarantaine, & qu'il y a eu temps desfiny pour ieusner. 95.a.b

Que c'est le diable qui destourne de recevoir les ieusnes. 95.b

Probation des ieusnes commandées. 96.a

Que par ce passage de saint Paul : mangez de toutes viandes sans rien enquerir pour la conscience, est prouuée l'abstinence de viandes. 96.b

Que les paroles de S. Paul 2. Timothée. 4. môstrent apertemēt que c'est vne doctrine des diables, que prohiber l'abstinence



des viandes.

125

97.a

La sottie interpretatiō faite par les Apostatz  
sur vne sentēce de S. Athanase, disant que  
celuy qui s'abstient de viandes profite au-  
tant comme s'il se separoit de la vraye foy.

98.a

S. Iean Baptiste, Iesus & les Apostres se sont  
abstenus de viandes.

98.b

Responce à l'exemple de S. Spiridon, & pro-  
bation par icelle de l'abstinence de chair  
en Kareisme.

99.a

Argument cornu des heretiques pris de S.  
Hierosme, par lequel les heretiques mal-  
gré eux prouuet l'abstinence de viandes.

99.b

Que neantmoins qu'il ne faille estimer les  
viandes pollues, il ne s'ensuyt qu'on ne  
s'en puisse abstenir.

100.a

Defence faite au Cōcile de Tolette allegué  
par les Apostats, de ne māger chair en Ka-  
resme sans ineuitable necessité.

100.b

Que Montan a institué le premier deux Ka-  
resmes cōtre l'ordonance de l'Eglise Chre-  
stienne qui n'en auoit receu qu'un.

101.a

Ieusner aux sabmedis, ou autres iours de la  
semaine est remis à la coustume du pays  
& de l'Eglise.

101.b

Probation par S. Augustin au lieu mesme  
qu'il est allegué par les heretiques de la  
grāde abstinēce des peres d'Egypte.

102.a

La grande abstinence de tous en Kareisme,



# T A B L E.

& de l'heresie des Manichees touchant la chair, laquelle ne s'ensuyt qu'encourent les Chrestiens lors qu'ils s'abstiennēt pour dompter leur chair.	102.b
Distinction par Origene des Ieufnes legaux, & des Chrestiens	102.b
Responce par Tertulian sur ce que les heretiques obiient de ce que dict nostre Dieu par Esaie des Ieufnes.	103.a

## *Des Images & difference d'icelles entre les Idoles.*

On ne doit exhiber seruice diuin aux images.	103.b
Difference entre l'image & l'idole.	104.a
Que ceux qui condamnent toutes images, blasphemēt contre Dieu, & contre le fils du pere celeste.	104.a
Comment s'entend ce que dit S. Paul, que l'idole n'est rien en ce monde.	104.b
Responce à ce qu'on allegue d'Abacuc, disant que profite l'idole taillé.	105.a
Responce à ce de Hieremie il se sont abrutis que le bois est instruction de vante.	105.b
Contre l'impudente Calumnie des heretiques faite au Concile de Nice general, & les meschātes & faulses suppositiōs qu'ils ont faites d'iceluy en leur sac & pieces, disants que les Euesques qui y ont assisté au nombre de trois cens cinquante, auoient	



arresté qu'il falloit adorer les images ainsi que la Trinité, & pour rembarrer ceste malheureuse & mensongere cauillation, nous auons inseré & mis en brief 21. articles d'iceluy Concile pour la probation des images, & la distinction donnée d'iceluy entre les images des Chrestiens & les idoles des Gentilz. 106.107.2

S. Charlemagne Roy de France a faict quatre liures pour confirmer la veneration des images. 102.b.

Les tables & peintures vilaines sont defendues, & est commandé d'auoir la figure de la croix de Iesus 108.109.2

Nous n'esperons aux images, comme si elles oyoient noz prieres. 109.b

Faulse cauillation, de dire que S. Augustin ayt estimé estre heresie, que de faire honneur aux images de Iesus Christ. 110.2

La distinction de l'image & de l'idole gist en la representation. 110.b

Que du temps & peu apres les Apostres y auoit des images. 110.b

Resolution comment & pourquoy nous auons des images. 111.2.b

Les images de sainct Pierre, & sainct Paul, & de Iesus Christ du temps des Apostres. ibidem.

Des traditions non escriptes, toutefois approuuees, veu que tout n'a esté escript.



# TABLE.

Ceremonies au baptesme, à l'oraison, à l'Eucharistie, & à toutes affaires laissees par traditions. 112.b

Respóce sur vn mandement faullement intitulé de Iesus Christ. 115.a

Responce sur la sentence interlocutoire, & le baptesme, & generatió de l'Antechrist: mis avec les pieces des Apostatz. 116.b.  
& 117.a

## FIN DE LA TABLE.



## SOMMAIRE DES ARTICLES

*principaulx, desquelz l'inquisition  
est faicte en ce liure.*

Deux disputes sur certaines sentēces & lieux  
communs: l'une de la Bible, l'autre des S.  
Peres & anciēns docteurs de l'Eglise: pour  
discerner & recognoistre quelle des deux  
parts est meilleure & plus saine.

De la sainte Cene, & de la Messe, & verité  
du saint corps & sang de Iesus Christ,  
soubz les deux especes.

Des prieres des saintz, & d'un seul media-  
teur.

Du Purgatoire, & des prieres pour les tref-  
passez.

De la confession auriculaire.

Du Primat de S. Pierre, & siege Apostolic-  
que de Rome.

Du franc arbitre.

Du mariage, & des vœux,

Du Ieufne, & des viandes.

Des images.

Puis vne briefue conclusion des traditions.

Trois responces briefues sur les autres pie-  
ces du sac de la nouvelle Eglise.



T E S M O I N G S D E S Q V E L Z  
*principalement les depositions sont  
 en ce liure ouyes.*

S. Ambroise	Eusebe Cefariense
Abdias	Eusebius Emissene
S. Augustin	S. Exupere Euesque
Adrian Pape	S. Eleuthere Pape
S. Athanase.	Ekbertus prestre
S. Basile.	S. Gregoire Nissene
S. Bernard.	S. Gregoire naziāzene
Beda	Gelasius Pape
Cahana rabbi	Gratian
Cassiodore senateur	S. Hierosme
S. Clement	S. Ignace
S. Cyprian	S. Iean Chrysostome
S. Cyrille	S. Iean Damascene
Cassian	S. Irenee martyr.
S. Charlemaigne.	Iudas rabbi
Canon des Apostres	Iean Cassian
Concile arelatense.	Leon Pape
Concile Arausiackue	S. Marcial
Concile d'Anticire	Martin Pape
Concile Basiliense	Opinion des Rabbins.
Concile Bracarense.	S. Opratus
Cōcile Cōstantinopolitain.	S. Pius Pape
Concile Calcedonicque	Origene
Concile Elibertin	S. Pontianus
Concile de Gangres.	S. Pius Pape
Concile de Nice	S. Sixtus
Concile Neocesariense.	S. Stephanus
Concile de Tours	S. Spiridon
Concile de Tolette.	Tertullian
S. Denis Arcopagite	Theodoret
S. Effrem.	Theophilaſte
S. Epiphane	Teleſphore
S. Enthymus hermite.	S. Victor.